




13845

TUFTS COLLEGE LIBRARY.

*Gift of
John Langdon Sibley,
Librarian of Harvard
College.
13826, Jan. 1873.*



325

E. L. Cushing 1828-95
C. C. Felton - 1828-30
H. S. McKean - 1830-

~~Adrian Baker~~

1811

Staph. aureus

100

100







Digitized by the Internet Archive
in 2015

Latin Department.

March, 1815.

IMM. IO. GERH. SCHELLERI

Scheller, Immanuel Johann Gerhard

COMPENDIUM

PRAECEPTORVM

STYLI BENE LATINI

IN PRIMIS CICERONIANI

SEV.

ELOQVENTIAE LATINE DECLARANDAE

IN VSVM PRAELECTIONVM

EDITIO TERTIA EMENDATIOR ET AVCTIOR.

LIPSIAE

SVMTIBVS CASPARI FRITSCH

CLCCLXXXV.

1775*

Sept 1894 11.5.

PA
2311
53
1795

PRAEFATIO

EDITIONIS PRIMAE

Cum *Praeceptis Styli bene latini* a me nuper in lucem emissis eruditus *) non displicuisse vidissem, et esse animadvertissem, qui istum librum, ut in praelectionibus usurpari posset, breviorē magisque adolescentibus parabilem esse optarent, meum esse duxi, illum, quantum fieri posset, in Compendium redigere. Quam in rem exempla e priscis congesta vel plane omisi, vel, ubi necessaria videbantur, pauciora esse curavi: itemque alia multa, v. c. admonitiones et quaestiones hic illic intextas plerumque exclusi; quia tales res magister peritus facile supplere atque me melius et uberius tradere poterit. Eundem tamen ordinem, quem in ipsis *Praeceptis styli* secutus eram, hoc in compendio servavi, ut, qui illum maiorem librum

*) In quibus praecipue nominandus est Cel. *David Ruhnkenius*, Leidenfis Academiae decus, Vir ad literas adiuvandas natus, qui in literis ad me datis praeter alia benevolentiae signa suis animadversionibus in mea *Praecepta styli* me donandum putavit, quibus ad expolienda haec non sine grato animo usus sum.

P R A E F A T I O


brum consulere vel exempla inde petere cu-
ret, facilius, quae vellet, inveniret. Vitia in
ipsis *Praeceptis styli*, vel mea vel typothetae
manu commissa, quae plurima esse doleo, se-
dulo hic correxi; multa magis definite tradidi,
paucula etiam, siquidem paucula nominari me-
rentur, addidi. Sicubi vel in hoc libello vel
in illo maiori libro peccavi, cogites, Lector
erudite et humane, humanum esse errare;
humanius, errantem in rectam viam amice du-
cere. Adcipias igitur hunc libellum placida
fronte, omnique genere felicitatis, qua homi-
nem frui fas est, perpetuo fruaris! Brigae,
a. d. III Febr. a. Chr. cIōIōccLxx.

IMM. IO. GERH. SCHELLERVS,
Rect. reg. Gymn. illustr.

PRAE.

PRÆFATIO

SECUNDÆ EDITIONIS

uemadmodum anno elapso maius Præceptorum
styli Qpus correctius et simul auctius edidi, sic,
cum Compendium illius libri, divenditis exemplis, de-
nuo recudendum esset, sedulo curavi, ut hoc quoque cor-
rectius auctiusque in lucem prodiret. Perlegi diligenter
singulas paginas, et nonnulla, ubi opus videbatur, mu-
tavi, resecui addidi. Quod quin gratum sit futurum
lectoribus, nullus dubito. Cognitio nostra crescit in-
dies; hinc saepe fit, ut, quae olim nobis placuissent ac
recta visa fuissent, ea nobis post aliquod tempus displic-
ceant ac mutanda videantur. In addendo tamen mo-
dum servandum censeui, ne pretium libelli augeatur.
Spero, in posterum nihil amplius in eo mutatum iri.
Ceterum opto vehementer et ex animo, ut tibi, Lector
benevole, summa felicitas, quam homini contingere
fas est, per omnem vitam contingat. Vale mihi que
tuum favorem; si eo tibi dignus visus fuero, perpetuo
conserva. Brigae, mense Ianuario MDCCCCLXXXV.

IMM. IO. GERH. SCHELLERVS.

PRAEFATIO

AD TERTIAM EDITIONEM

Cum hunc libellum, divenditis iterum exemplis, tertium prodire redemptor vellet, illum sine nova cura mea in lucem emittere nefas duxi. Denuo eum totum, quantum quidem per temporis spatium et laborum flatorum rationem mihi licuit, adcurate atque ita perlegi, ut non vitia tantum typographica, si quae irrepsissent, tollerem, verum etiam in singulis et versibus et verbis adtente considerarem, si quid restaret, quod non satis perspicue satisve definite a me dictum atque ita mutatione aliqua indigere videretur. Omnem enim scriptorem, si quidem religiosus esse ac lectorum gratia, qua fruatur, conservare sibi cupiat, certum est id praecipue agere debere, ut, si quae vitia, quantumvis levia, in ipso libro quendam irrepsissent, ea tum, cum illum denuo exscribi iubeat, diligentia quam possit maxima tollere studeat. Feci igitur hoc, ut primum, quaecunque vitia typothetarum negligentia com-
missa

P R A E F A T I O

missa esse vidissem, sedulo ea corrigerem; deinde nonnulla quoque parum adcurate a me olim posita adcuratius magisque perspicue ac definite traderem. Neque hoc cuiquam mirum videri potest. Quis enim experientia vel paulum edoctus nescit, hominem saepissime sententiam, quam olim fuisset cupide amplexus, ac vel acerrime defendisset, post plures annos, aucta praesertim ipsius cognitione, improbare et spernere? Monere nos hoc debet, ut semper modeste de nobis sentiamus, nec unquam eo delabamur, ut, quae aliquando dixerimus, pro oraculis habenda esse censeamus. Ceterum libellum hunc ipsum augere non magnopere studui. Si quae nunc forsitan adcessere, paucula esse puto, quae vix, ut memorentur, mereri videantur. Vale, lector benevole. Scr. Brigae, mense Septembri 1795.

CONSPECTVS

T O T I V S L I B E L L I.

Prooemium	pag. 1
<i>Par: I. de vocabb. scriptura, usu, ordine, variatione, copia, breuitate</i>	19
Cap. I. De orthographia	ib.
Sect. I. quid ea sit?	ib.
Sect. II. commendanda est	20
Sect. III. eius regula	ib.
Cap. II. De recto vocabulorum usu	35
Sect. I. Vocabula debent esse <i>bona</i>	ib.
Sect. II. Vocabula debent esse <i>apta</i>	36
Sect. III. Vocabula per se non sunt <i>pulchra</i>	ib.
Sect. IV. Cavendae sunt fictae elegantiae	37
Sect. V. Eleganter scripturus, debes habere verborum delectum	45
Sect. VI. Delectum habiturus debes magna copia instructus esse	ib.
Sect. VII. In primis debes vocabula recte intelligere	46
Sect. VIII. Vnde discenda est vera vocabulorum notio?	51
Sect. IX. In primis discenda est prima vocabulorum notio.	53
Sect. X. De fontibus primae et propriae notionis	57
Sect. XI. De tropis universis	64
Sect. XII. De metaphora	69
Sect. XIII. De metonymia	74
Sect. XIV. De synecdoche	79
Sect. XV. De ironia	87
Sect. XVI. Additamenta de vocabulis singulis	89
Sect. XVII. De compositione vocabulorum grammatica	91.
1) an <i>unius</i> , <i>solius</i> cer. frustra interferantur inter Subst. et Adj.? 92. II) de <i>opus est</i> ib. III) duo substantiva postulant verbum plurale ib. IV) epitheta adcommodant se	

CONSPECTVS TOTIVS LIBELLI

ad subiectum propius ib. V) de genitivis pro praepositionibus *erga* cet. 93. VI) de verbo *esse*, serviente descriptioni rerum ib. VII) de *neutris* adiect. et pronom. cum genitivo 94. VIII) de *interest* et *refert* ib. IX) de adverbis *eo*, *pridie* cet. 95. X) de genitivis, quae adverbis loci et temporis frustra adiaci dicuntur ib. XI) de verbis activis s. transitivis ib. XII) de *oportet* cum accus. et inf. 96. XIII) de interrogationibus *womit*, *wodurch* cet. ib. XIV) de ablat. post comparativum ib. XV) de accus. cum infin. ib. XVI) de infinit. sine accusat. subiecti 99. XVII) de usu indicat. et coniunctivi 100. XVIII) de gerundiis 104. XIX) de ceteris participiis 105. XX) Aditamenta de *Verborum* personis et temporibus

Señt. XVIII. De Germanismis A) veris B) fictis 109

Señt. XVIII. De Germanismis A) veris B) fictis 118

Cap. III. De ordine vocabulorum 122

Señt. I. Ordo nonnullorum vocabulorum est fixus: v. c. I) *nam*, at cet. praeponuntur, *vero*, *enim* cet. postponuntur 122. II) duo substantiva, quorum posterius pro *alter* ponitur, v. c. *cuneus cuneum tradit*, hoc ordine servanda 123. III) *Quisque* τὸ *suus*, *sibi*, *se* postponitur 124. at etiam praeponitur ib. IV) *quisque* superlativo postpon. ib. V) *quisque* numeralibus ordin. postpon. ib. VI) Praepositiones suis casibus praeponendae, except. *cum* cet. ib. VII) In proverbiiis, sollemnibus formulis et appellacionibus ordo receptus non mutandus 125. VIII) *ecce*, *o* vae suis casibus praepon. ib. IX) *non* verbo, ad quod proprie pertinet, praepon.

ib.

Señt. II. Ordo verborum pendet ab ordine idearum 125. I) subiectum subiecto praeponitur, si prius cogitatur ib. II) subiectum praedicato praeponitur 126. III) Persona, ad quam praedicatum pertinet, huic praepon. ib. IV) Persona, cui rem tribuimus cet. huic praepon. ib. V) Causa, ob quam res fit, huic praepon. ib. VI) Res, e quibus una excipitur, huic praepon. ib. VII) Tempus, quo res fit, huic praepon. 127. VIII) Locus, in quo res fit, praepon. huic ib. IX) modus, quo subiectum praedicato convenit, praepon. praedicato ib. X) res, quacum res comparatur, praepon. huic ib. XI) Nomen proprium praepon. appellativo ib. XII) *qui* praepon. ceteris vocabulis in eadem enuntiatione 128. XIII) *quis*, pro *is* positum, initio sententiae ponitur ib. XIV) Vocativus vocabulo, ad quod refertur, additur ib. XV) Ordo verborum alienis immiscendis ne turbetur ib. XVI) Inter Adiect. et Subst. interponitur *genitivus*, it. *erga* cet. 129. XVII) *qui* verbo, ad quod pertinet, statim subiici debet ib. XVIII) Vocabula sibi opposita arctius iungenda ib. XIX) e duobus vocabulis connexis monosyllabum polysyllabo praeponendum

ib.

Cap. IV. De recto enuntiationum ordine 130

Señt. I. De praeponendis singulis enuntiationibus. Praeponuntur I) *Causales*, incipientes per *quia* cet. 131. II)

CONSPECTVS

conditionales incip. per *si*, *nisi* cet. ib. III) *locum* indicantes per *ubi*, *quo* cet. ib. IV) *tempus* indicantes per *quando*, *dum* cet. ib. V) *Concessivae*, incip. per *etsi* cet. ib. VI) *interrogativae* per *quis*, *utrum* cet. 132. VII) *Similitudinem* indicantes, per *ut* cet. ib. VIII) *relativae*, incip. per *qui*, *qualis* cet.

130

Sect. II. Quando plures enuntiationes praeponendae occurrunt, quatenam praeponenda? Hic exempla e priscis adferuntur: I) causalem sequitur temporalis 133. II) causalem concessiva ib. III) temporalem concessiva, et hanc causalis ib. IV) conditionalem temporalis 134. V) duae temporales iunguntur ib. VI) duae temporales praecedunt, quas causalis et concessiva, et iterum causalis sequitur ib. VII) tres temporales praecedunt, sequente concessiva

ib.

Sect. III. Exceptiones: I) si praeponenda enuntiatio nimis longa est 134. II) vel longiori explicatione eget 135. III) vel non cohaeret cum seqq. ib. IV) si ambiguitas oriri possit ib. V) ob gravitatem 136. VI) ob negligentiam interdum, in re parva ib. Hic sequuntur exempla e priscis, ubi postponuntur I) enuntiationes causales ib. II) conditionales 137. III) locum indicantes ib. IV) tempus indicantes ib. V) concessivae ib. VI) interrogativae ib. VII) similitudinem indicantes ib. VIII) relativae per *qui* cet.

138

Cap. V. De periodo

139

Sect. I. Quid sit periodus?

ib.

Sect. II. Quomodo dissecanda enuntiatio primaria?

140

Sect. III. Quatenam enuntiationes inferendae?

ib.

Sect. IV. Quotuplex sit periodus?

141

Sect. V. Quid profit periodus?

ib.

Sect. VI. Exempla periodorum e priscis; ubi insertae sunt I) enuntiationes causales 142. II) conditionales ib. III) locum indicantes ib. IV) tempus indicantes ib. V) concessivae ib. VI) interrogativae ib. VII) similitudinem complectentes 143. VIII) relativae ib. IX) explicativae 144. X) aliae quoque ib. XI) *ut*, *daß*, verbo, a quo regitur, adeo praepositur

ib.

Sect. VII. De enuntiationibus, quas habemus, apte inferendis: 1) causali 144. 2) conditionali ib. 3) locum indicante ib. 4) tempus indicante ib. 5) concessiva ib. 6) similitudinem continente ib. 7) interrogativa 145. 8) relativa

ib.

Sect. VIII. De inveniendis enuntiationibus ad inferendum aptis: I) metitendo, an desit idea causae, conditionis cet. 145. II) enuntiatione per accus. cum infinit. vel per *ut* cum coniunct. efferenda 146. III) commutandis inter se vocabulis

ib.

Sect. IX. Cautiones de usu periodi: 1) interiecta enuntiatio debet habere aptam sententiam 148. 2) periodo non ubique utendum ib. 3) periodi non debent nimis longae fieri 149. 4) enuntiatio inferenda debet esse non nimis longa ib. 5) in compositis periodis consequens ab antecedente

te

T O T I V S L I B E L L I

te non nimis differre debet longitudine ib. 6) periodo
ubique uti licet ib. 7) divisio in bimbres cet. est par-
vae utilitatis

- 141

Cap. VI. De *numeris oratoriis* (numero oratorio) 150

Seçt. I. Quid sit *numerus*? (numeri) ib.

Seçt. II. De utilitate numeri 151

Seçt. III. Quotuplex sit *numerus*? 152

Cap. VII. De modis connectendi vocabula, enuntiationes cet. 158

Seçt. I. De connexionione vocabulorum: I) duo vocabula iun-
guntur per duplex *et*, per repetitionem vocabuli, per *ut*
seq. *ita* cet. 158. II) duo vocabula sibi opposita iunguntur
per duplex *aut*, vel 159. III) duo vocabula negantia iun-
guntur per duplex *nec* f. *neque*, per repetitionem vocabuli
negativi, per *ne quidem* seq. *nedum*, per *non modo*, *sed ne*
quidem ib. IV) de aliis connectendi modis, v. c. per *utrum*,
an cet.

160

Seçt. II. De connexionione enuntiationum I) per duplex *et*
160. II) per duplex *aut*, vel 161. III) per duplex *nec* f.
neque ib. IV) per *ut* pro *quare* ib. V) per *ita* seq. *ut* pro
et 162. VI) per *ita* seq. *ut* pro *quidem*, *sed* ib. VII) per *is*
seq. *qui* cet. ib. VIII) per *utrum* seq. *an* ib. IX) per *nec*
f. *neque* pro *et non* 163. X) per *quia*, *cum* pro *hinc* ib.
XI) per *tantum abest*, *ut* ib. XII) per *ut* seq. *ita* ib. XIII)
per *etsi* pro *quidem*, per *quia* pro *nam*

ib.

Seçt. III. De connexionione sententiarum absolutarum I) per
qui 164. II) per *neque* f. *nec* a) pro *et non* b) pro *non*
ib. III) per alia, v. c. *nam cum*, per *At* cet.

165

Seçt. IV. De connexionione argumentorum 166

Seçt. V. De connexionione sectionum f. maiorum partium libri
cet. 166

Cap. VIII. De variatione vocabulorum univcrsa 167

Seçt. I. De commutatione substantivorum: I) Substant. pro
substantivo 168. II) pro Adiectivo 169. III) pro Prono-
mine ib. IV) Nom. Proprium pro Substantivo et Pronomi-
ne ib. V) duo substantiva pro uno ib. VI) substant. pro
adverbio

170

Seçt. II. De commutatione adiectivorum: I) Adiectivum pro
adiectivo 171. II) pro substant. 172. III) pro adverb. 173

Seçt. III. De permutatione numeralium I) inter se 173. II)
cum adiectivis

ib.

Seçt. IV. De permutatione pronominum I) inter se 174. II)
pronom. pro adiect. ib. III) pro adverbio 175. IV) pro
praepositione ib. V) pro coniunctione

ib.

Seçt. V. De variatione Verborum I) inter se 176. II) par-
tium verbi A) modus pro modo 182. B) numerus pro nu-
mero 183. C) tempus pro tempore ib. D) persona pro
persona 184. E) genus pro genere ib. III) Verbum pro
substantivo ib. IV) pro adiectivo 185. V) pro adverbio
ib. VI) pro praepositione ib. VII) pro coniunctione

186

Seçt.

C O N S P E C T V S

- Seçt. VI.** De commutatione adverbiorum I) inter se 186. II) adverb. pro substant. 187. III) pro adiectivo ib. IV) pro pronomine ib. V) pro Verbo 188. VI) pro coniunctione 186
- Seçt. VII.** De permutatione praepositionum I) inter se 188. II) praepositio pro substant. 190. III) pro Verbo ib. IV) pro coniunctione ib.
- Seçt. VIII.** De permutatione coniunctionum I) inter se 191. II) coniunctio pro Verbo 192. III) pro adverbio ib.
- Seçt. IX.** De commutatione interiectionum 192
- Seçt. X.** De fontibus permutationis vocabulorum: I) duplex negatio pro vocabulo adfirmante 193. II) Antecedens pro conseq. 194. III) Conseq. pro antec. ib. IV) causa pro effectu ib. V) Effectus pro Causa 195. VI) aliae metonymicae locutiones ib. VII) Synecdochicae ib. VIII) metaphoricae ib. IX) genus pro specie ib. X) conversio relationis 196. XI) quando modus, forma simul indicatur ib. XII) per deminutiva ib. XIII) per proverbia ib. XIV) per pleonasinum vel ellipsin ib. XV) per circumscriptionem ib.
- Seçt. XI.** De variatione constructionis grammaticae 197
- Cap. IX.** De copia dicendi s. verborum 198
- Seçt. I.** Quid sit copia dicendi? ib.
- Seçt. II.** De copia dicendi in verbis singulis. Hic I) additur uni vocabulo aliud: iunguntur ergo A) Causa et effectus 199. B) Anteced. et conseq. 200. C) Totum et partes, Genus et Species ib. D) additur fortius ib. E) iunguntur e diversis tropis ducta 201. F) adfirmans et negans ib. G) et alia ib. II) Ex uno substantivo fiunt duo: additur pars, attributum, causa 202. III) substantivo adduntur adiectiva 203. IV) additur participium ib. V) Verbo mutato in participium additur aliud Verbum 204. VI) Verbo finito mutato in infinitivum additur aliud Verbum ib. VII) Verbo mutato in Gerundium aliud Verbum additur 205. VIII) Additur notio causae, modi, temporis, loci ib. IX) Reperitur idem vocabulum ob gravitatem 206. X) Vocabulum circumscribitur per definitionem, partitionem vel comparisonem ib.
- Seçt. III.** De copia dicendi in enuntiationibus: I) Vocabulum circumscribitur per partitionem aliquot enuntiationibus constantem 211. II) enuntiatio circumscribitur per *ita*, *ut* 1), praeponenda causa ib. 2) postponendo effectu 212. III) enuntiatio circumscribitur per comparisonem ib. IV) singulis vocabulis additur *Verbum* proprie dictum ib. V) Coniungitur enuntiatio negativa et adfirmativa 213. VI) coniunguntur duae enuntiationes idem notantes, sed posterior est fortior ib. VII) Additur enuntiatio *modum* indicans ib. VIII) vel explicationem prioris continens 214. IX) vel comparisonem ib. X) adduntur exempla et testimonia 215. XI) additur enuntiatio *causam* continens ib. XII) vel *effectum* 216. XIII) vel *contrarium* ib. XIV) vel *conditionem* ib. XV) vel *tempus ac locum* 217. XVI) additur

T O T I V S L I B E L L I

tur enuntiatio concessiva ib. XVII) vel continens id, per quod res sit	198
Sect. IV. De pleonasmo I) vero 218. II) ficto	219
Cap. X. De brevitate dicendi	221
Sect. I. De brevitate in vocabulis singulis, I) unum ponitur pro pluribus 221. II) unum omittitur	225
Sect. II. De brevitate in enuntiationibus, I) uno vocabulo exprimitur enuntiatio 229. II) una enuntiatio omittitur	232
Pars II. De virtutibus eloquentiae primariis, perspicuitate, gravitate ac suavitate	235
Cap. I. De perspicuitate dicendi	ib.
Sect. I. Perspicuitas est summe necessaria	ib.
Sect. II. Quid sit perspicuitas dicendi?	236
Sect. III. De fontibus perspicuitatis remotioribus; I) Ingenium bonum 237. II) doctrina solida et lata 238. III) modestia 239. IV) cognitio hominum ib. V) linguae adcurata cognitio ib. VI) prudentia ib. VII) hilare ingenium cer.	240
Sect. IV. De fontibus perspicuitatis propioribus in universum	240
Sect. V. A) de fontibus propioribus in explicandis ideis	ib.
Sect. VI. 1) de adiectione causarum: I) Thesi generali adduntur causae 1) satis firmae 241. 2) satis multae ib. 3) causae debent recte tractari ib. 4) debent repeti 242. II) adduntur causae aliis enuntiationibus A) diserte 243. B) recte 1) omissione particulae causalis ib. 2) per <i>qui</i> 244. 3) per <i>si</i> ib. 4) per adpositionem ib. 5) per participia ib. 6) per periphrasin ib. 7) causa praeponenda	ib.
Sect. VII. 2) De adiectione exemplorum: ea debent 1) rei convenire 245. 2) esse vera ib. 3) recte tractari	ib.
Sect. II. 3) De adiectione testimoniorum	245
Sect. IX. 4) De adiectione conditionis	246
Sect. X. 5) De adiectione modi	ib.
Sect. XI. 6) De adiectione instrumenti	247
Sect. XII. 7) De adiicienda idea temporis	248
Sect. XIII. 8) De addenda idea loci	ib.
Sect. XIV. 9) De adiectione effectus	249
Sect. XV. 10) De periphrasi	ib.
Sect. XVI. 11) De dissolutione Totius in partes, Generis in species	250
Sect. XVII. 12) De similitudine addenda	251
Sect. XVIII. 13) De repetitione idearum	253
Sect. XIX. 14) De pictura rei addenda	255
Sect. XX. 15) Additamenta ad fontes perspicuitatis rerum	ib.
Sect. XXI. B. De fontibus propioribus in usu verborum	256
Sect. XXII. 1) De delectu vocabulorum singulorum. Debent eligi I) vera ib. II) nota ib. III) sumi significatione nota 260. IV) esse apta 261. V) ambiguitate carere.	262

Sect.

C O N S P E C T V S

Sect. XXIII. 2) De perspicuitate in coniungendis vocabulis
 262. I) substantivis debent *Verba* addi convenientia ib. II) *Verbis* adduntur adverbia convenientia ib. III) substantivis adduntur adiectiva convenientia et sufficientia 263. IV) Adiectiva mutantur in substantiva ib. V) substantivo substantivum additur 264. VI) Non peccari debet in casu, numero, genere, tempore cet. 265. VII) nec in usu participiorum 266. VIII) subiectum a praedicato facile debet discerni posse ib. IX) Nominativus princeps non facile omittendus ib. X) praepositio *a* notans initium temporis libenter ante se habet *inde* 267. XI) Parentheses longae vitandae ib. XII) Post parenthesin additur *inquam*, *ergo*, *sed* cet. ib. XIII) Vocabulum obscurius explicatur ib. XIV) repetitur eadem idea vel per idem vocabulum vel per aliud 268. XV) rae constructiones vitandae ib. XVI) In usu particularum conjunctivarum inesse debet perspicuitas 269. XVII) Vocabula similia cum cautione adhibenda ib. XVIII) Periodis longioribus et crebrioribus abstinendum 271. XIX) ellipsis durioribus abstinendum ib. XX) Vocabulis relativis *hic*, *ille*; *alter*, *alter* recte utendum ib. XXI) duo pluresve genitivi non facile iungendi 272. XXII) Vitandus est concursus plurium infinitivorum 273. XXIII) superlativus vernaculus exprimitur per comparativum ib. XXIV) brevis dicendi saepe commendanda est 262

Sect. XXIV. 3) De ordine vocabulorum, ut fonte perspicuitatis 274

Sect. XXV. 4) De connexion vocabulorum 277

Cap. II. De gravitate dicendi 278

Sect. I. Quid sit gravitas? ib.

Sect. II. De fontibus gravitatis remotioribus: I) animus generosus 279. II) ingenium praeclarum ib. III) doctrina lata et solida 280. IV) Cognitio animorum humanorum ib. V) Cognitio opinionum humanarum ib. VI) Linguae adcurata cognitio ib. VII) auctoritas hominis ib.

Sect. III. De fontibus gravitatis propioribus. I) debet doceri rei magnitudo 1) e fontibus s. causis magnis 281. 2) ex effectis ib. 3) ex modo ib. 4) e consilio ib. 5) ex instrumentis ib. 6) e temporis celeritate et opportunitate ib. 7) e loci ratione 282. 8) e personarum conditione et ratione ib. 9) e comparatione cum aliis ib. II) Circumscriptio 284. III) Partitio ib. IV) Pictura rei s. descriptio vivida 285. V) testimonium grave 286. VI) sententia acuta et gravis ib. VII) loqui adseveranter et cum animi persuasione 287. VIII) dilemma 289. IX) interrogatio ib. X) exclamatio ib. XI) Sermocinatio, Prosopopoeia, Apostrophe ib. XII) Repetitio idearum per eadem vel diversa vocabula 290. XIII) correctio 291. XIV) Confirmatio, adversarium rem concedere ib. XV) retorsio argumenti ab adversario prolata ib. XVI) Concessio 292. XVII) Praeteritio ib. XVIII) dubitatio 293. XIX) occupatio ib. XX) Praeparatio lectoris vel auditoris ad rem

magnam

T O T I V S L I B E L L I

magnam ib. XXI) Communicatio 294. XXII) Oxymora
 ib. XXIII) ironia ib. XXIV) adiectio causae 295. XXV)
 brevis dicendi in omittendis ideis ib. XXVI) brevis
 in arctius contrahendis ideis 296. XXVII) abruptum di-
 cendi genus ib. XXVIII) oppositio idearum contrariarum
 298. XXIX) honestatis studium ubique adparens 299.
 XXX) repetitio eorundem vocabulorum ib. XXXI) muta-
 tio languidioris vocabuli in fortius 300. XXXII) adiectio
 vocabuli ad vocabulum 303. XXXIII) mutatio unius
 enuntiationis in plures 305. XXXIV) crebra repetitio co-
 pulae s. polysyndera ib. XXXV) collocatio verborum gra-
 vis 306. XXXVI) periodi clausula gravis ib. XXXVII)
 concinnitas membrorum 307. XXXVIII) delectus litera-
 rum et syllabarum ib. XXXIX) vocis gravitas 308

Cap. III. De suavitate dicendi

Sect. I. Quid sit suavitas dicendi? ib.
 Sect. II. De eius necessitate ib.
 Sect. III. De fontibus suavitatis remotioribus 310
 Sect. IV. De fontibus suavitatis propioribus I) perspicuita-
 te dicendi 310. II) gravitate dicendi ib. III) iusta brevi-
 tate et copia dicendi ib. IV) modeste de nobis dicendo
 311. V) humanitate erga alios declaranda ib. VI) obser-
 venter loquendo de magnis viris 312. VII) leniter loquen-
 do de inimicis ib. VIII) recte vituperandis hominibus 313.
 IX) significando, nos esse virtutum amantissimos ib. X)
 vitandis plebeiis vocabulis 314. XI) et obscenis ib. XII)
 vitandis vocabulis rem ingratam proprie indicantibus ib.
 XIII) novitate elocutionis 315. XIV) variatione sententia-
 rum et vocabulorum ib. XV) genere scribendi non adfe-
 ctato 316. XVI) aequali scribendi genere 317. XVII)
 vegeto scribendi genere ib. XVIII) descriptionibus rerum
 suavis 318. XIX) iocis apte adhibitis ib. XX) acute
 dictis ib. XXI) repetitione vocabuli eodem sensu 322.
 XXII) repetitione eiusdem vocabuli diverso sensu ib.
 XXIII) repetitione eiusdem fere vocabuli sed una vel pau-
 cis literis mutati cum contrario sensu 323. XXIV) repe-
 titione eorundem vocabulorum, sed inverso ordine ib.
 XXV) Coniunctione contrariorum s. antithetorum 324.
 XXVI) Periodo ib. XXVII) numeris oratoriis 325.
 XXVIII) vitanda inani vocabulorum repetitione 326.
 XXIX) vitanda repetitione eiusdem syllabae 329. XXX)
 vitanda eadem terminatione plurium vocabulorum ib.
 XXXI) vitando nimio concursu eiusdem literae 330.
 XXXII) vitando aspero concursu vocabulorum ib. XXXIII)
 Ca endo, ne sententia prosaica clausula poetica termine-
 tur, vel ne nobis versus poeticus excidat 332. XXXIV)
 Vitando concursu syllabarum vel literarum habente ali-
 quid similitudinis cum vocabulo obsceno 333

Appendix I. De subsidiis styli latini

Sect. I. De lectione praeceptorum. Haec debet esse I) assidua 334
 334.

CONSPECTVS TOTIVS LIBELLI

334. II) adcurata 335. A) in lectionibus publicis ib. B) domi	340
Seçt. II. De exercitatione in latine scribendo, dicendo, cogitando, I) in scribendo 1) scholastica 343. 2) domestica 344. II) in dicendo ib. III) in cogitando	345
Seçt. III. Additamenta de imitatione priscorum I) qualis debeat esse? 346. II) quis priscorum praecipue imitandus?	347
Appendix II. De elaborationibus	351
Seçt. I. De elaborationibus f. scriptionibus in genere	ib.
Seçt. II. De elaborationibus in specie	352
Seçt. III. De orationibus	ib.
Seçt. IV. De narrationibus	356
Seçt. V. De conscribendis epistolis	358
Seçt. VI. De libellis ad doctrinam pertinentibus	363
Appendix III. De variis divisionibus generum dicendi	365
Seçt. I. Prima divisio in <i>demonstrativum</i> , <i>deliberativum</i> et <i>iudiciale</i>	ib.
Seçt. II. Altera divisio in <i>tenue</i> , <i>mediocre</i> et <i>sublime</i> ; I) <i>tenue</i> 366. II) <i>mediocre</i> 367. III) <i>sublime</i>	ib.
Seçt. III. Tertia divisio in <i>Asiaticum</i> , <i>Rhodium</i> , <i>Atticum</i> , <i>Laconicum</i> ; I) <i>Asiaticum</i> 371. II) <i>Rhodium</i> 372. III) <i>Atticum</i> ib. IV) <i>Laconicum</i> , an fuerit?	373

PROOEMIUM.

SECT. I.

An stylus dici possit pro scriptione?

Stylus apud Romanos proprie erat *graphium*, h. e. instrumentum ferreum, quo scribebant in tabulis ceratis, quae *codicilli* et *pugillares* vocabantur, ita factum, ut inferior pars esset acuta, qua literas in cera formarent et quasi *effoderent*, quod proprie *exarare* dicebatur, superior obtusa et plana, qua literas perperam factas cera obducerent atque ita deleverent: unde intell. Horat. Sat. I, 10, 72. *saepe stylum vertas* h. e. *saepe, quae scripseris, deleas et corrigas*; quia, si literae delendae et cera obducendae erant, stylus verti debebat. Sed ista scriptione Romani utebantur tantum, quando vel subito vel meditandi exercendique causa scribere aliquid cuperent: in iis enim, quae accuratius scripta vellent, charta, calamo et atramento utebantur: unde verbum *exarare* a nobis, qui stylo illo non amplius utimur, vel plane non de nostra scriptione, vel saltem tantum de subita et extemporali usurpari potest. Deinde *stylus* per metonymiam, quae causam pro effectu interdum ponit, dictus est de *scriptione ipsa*. Sic Caecin. ad Cic. in Epp. Cic. ad Div. VI, 7. in. *cum* — *styli poenas dem* h. e. *poenas susferam, quia contra Caesarem scripserim*. Sic Quintil. Inst. I, 1. *Non est aliena res — cura bene ac velociter scribendi. Nam — tardior stylus* (das langsame Schreiben)

A

ben) cogitationem moratur, rudis et confusus intellectu caret: ubi tardior stylus τῷ velociter scribere, ac rudis et confusus stylus τῷ bene scribere aperte opponitur. In primis tamen stylus ap. Ciceronem dicitur de ea *scriptione*, quae tantum exercitationis causa instituitur ac propterea crebro repetitur; v. c. Orat. I, 33. Caput autem est — quam plurimum scribere. Stylus (h. e. creber styli usus, seu crebra scriptio) optimus et praestantissimus dicendi effector ac magister: nam si subitam et fortuitam orationem commentatio et cogitatio facile vincit, hanc ipsam profecto assidua et diligens scriptura superabit. Sic et Orat. II, 23. ubertas orationis stylo depascenda est, h. e. saepius scribendo: quia, quo saepius eandem sententiam tractamus, eo vulgariorem eam nobis reddimus, et multas eius illustrationes omittimus. Ibid. III, 49. cum exercitatione tum stylo — formanda nobis oratio est: ubi exercitatio ad saepius dicendum, stylus ad saepius scribendum pertinet. Interdum etiam stylus dicitur pro genere seu ratione scribendi: Cic. Brut. 45, Huius orationes tantum argutiarum — tantum urbanitatis habent, ut paene Attico stylo scriptae esse videantur, h. e. genere scribendi Attico seu ea ratione, qua Attici scribere solent. Nos in hoc libello stylum latinum intelligimus de *scriptione latina* in univ[er]sum; non, quatenus exercitationi soli servit, vel etiam de *ratione latine scribendi*. Vtraque notio, non valde discrepans, e praeced. patet.

SECT. II.

Stylus latinus hodie complectitur simul elocutionem.

Stylus et *elocutio* sunt hodie apud nos fere eadem, et differunt haecenus, quod ille ad scribendum, haec ad dicendum pertinet, h. e. ille scribendo, haec dicendo rem explicare studet: ut adeo, quaecunque prae-

praecepta elocutioni serviant, eadem stylo serviant. Non ita apud Romanos. Hic eloquentia fuit domina, stylus eius, ut sic loquar, servus. Summo studio colebant *elocutionem*, ac magis bene dicendo, quam bene scribendo inclarescere studebant, quia arte bene dicendi via ad summos honores et summam dignitatem muniebatur: hincque indefesso studio in dicendo se exercebant, ut in senatu, coram iudicibus et pro concione apte, suaviter et graviter dicere possent: quam exercitationem ne in senectute quidem omissam esse notum est. Stylo seu scriptione tantum ad res vulgares, v. c. epistolas conscribendas etc. et in primis pro subsidio elocutionis, omninoque eloquentiae usi sunt. Stylo seu scribendo operam dabant, eoque exercebantur, non, ut melius scribere, sed ut melius dicere possent. Hinc intelligendi sunt Cicero et Quintilianus, quando de stylo seu scribendo loquuntur, eiusque exercitationem commendant. Hanc propterea commendant, quod ita exercitatio dicendi adiuvatur: qui enim bene ac celeriter scribit, is deinde quoque bene et celeriter dicit. Huc pertinent loci supra adlati, it. Cic. ad Div. VII, 25. ext. *ne transversum unguem a stylo: is enim est dicendi opifex*. Neque enim credendi sunt illi duumviri viam ad bene scribendum proprie monstrare, seu praecepta styli bene latini edere voluisse. Imo cuncta illorum praecepta eo tendunt, ut orator romanus fingatur, h. e. qui apte possit in senatu de republica dicere, populo legem suadere aut dissuadere, coram iudicibus vel nocentem accusare vel innocentem defendere. Nostrae eloquentiae alia est ratio, ac fuit eloquentiae Romanorum. Nostri oratores longe aliam personam gerunt, ac gesserunt oratores romani, qui non modo reipublicae administrandae peritissimi, eiusque adeo duces, sed simul quoque patroni causarum erant.

Nostri oratores in Germania alios auditores habent, ac romani habebant. Hi dicebant coram senatu h. e. confessa virorum reipublicae gerendae, rei militaris legumque peritissimorum: dicebant coram iudicibus, a quibus non erat ad alios provocatio, et qui non raro magis verborum quam rei gravitate, magis eloquentiae lenociniis et artibus quam causae veritate ad hominem vel damnandum vel absolvendum incitabantur: dicebant coram populo universo, eoque libero et imperante, cui placere non parum oratoris intererat, e cuius arbitrio tota res, quae vel suadebatur vel dissuadebatur, pendebat, et qui oratorem, ut exhibilare, ita laudibus et vero etiam honorum amplitudine ornare poterat. Longe quoque alias materias priscos oratores, quam nostri habeant, tractandas habuisse sponte patet. Tales igitur oratores cum fingere voluerint Cicero et Quintilianus, facile intelligitur, quidquid dixerint, ad romanae reipublicae statum, non ad nostra tempora proprie pertinere. Multa tamen inde nostrum in usum quodam modo transferri posse, negari nequit; sicut nihil est, unde non aliquid disci possit. Certum utique est Romanos magis eloquendo quam scribendo inclarescere studuisse, ac, si quando de stylo loquantur Cicero et Quintilianus, eos hanc scriptiorem considerasse ut praeparationem et adiutricem elocutionis. Nos contra hodie, quibus lingua latina est mortua, magis bene scribere quam dicere, ac styli latini potius quam elocutionis latinae laude inclarescere studemus. Duplici maxime consilio suscipi a nobis solet cura styli bene latini: et, ut orationem solennem habeamus, quae antea chartae mandari, atque, ut sic loquar, styli acumen subire solet: et in primis, ut scribamus aliquid, quod in vulgus exire possit, ut sermones familiares, qui ab eruditis inter se latine instituuntur cet. taceam. Hinc *elocutionem* proprie dictam,

etiam, licet ad orationes proprie pertineat, tamen, quia etiam stylo niti illa solet, h. e. quia nulla fere oratio hodie dicitur, quae non antea scripta fuerit, et quia omnis bonus orator non modo bene dicere, sed etiam bene scribere solet, recte mihi videor cum *stylo* coniungere ac sub uno *styli* nomine comprehendere posse: ita, ut *stylus bene latinus* sit *ratio bene latine* non modo *scribendi*, verum etiam *dicendi*.

SECT. III.

Quid sit stylus bene latinus, pressius quaeritur.

Iam si quaerimus, quid sit *stylus bene latinus*, seu *ratio bene latine scribendi*, in eius notione adcurate definienda non parum difficultatis deprehenditur; hincque non mirum est, de ea inter eruditos non convenire. Vt enim eos taceam, qui *stylum bene latinum* *vocabulis ex aurea*, quae vulgo dicitur, *aetate petitis* et *ornata quadam*, ut appellant, *illorum compositione* f. *syntaxi*, nulla sententiarum, nullaque contextus ratione habita, *constare* stulte opinantur; ipsorum Philologorum bona pars, si, quid sit *bene latine scribere*, quaeris, hac responsione defungi solet, ut dicat, hoc nihil aliud esse, quam *eo modo scribere, quo prisci Latini aureae aetatis scripserint*, v. c. Nepos, Cicero, cet. At haec responsio, vera illa quidem, tamen est tam indefinita, ut rem non explicare, sed explicando ludere videatur. Nam si cui v. c. dicerem, *bene pingere* esse eo modo pingere, quo *boni pictores pinxissent*, an ille crederet, me explicasse? nonne potius, se a me ludibrio habitum? Pergeret enim quaerere, quinam essent boni pictores, cur ita vocarentur, quibus ex regulis pinxissent, et cur illorum imitatio pro arte bene pingendi habenda esset. Ita, qui respondit,

bene latine scribere esse more priscorum Latinorum *scribere*, is nondum fatis respondit: suboritur enim alia quaestio, cur ista ipsa priscorum imitatio pro arte bene latine scribendi habenda sit, et quibus in rebus haec consistat. Videamus igitur, an via alia, eaque certiore rem istam expedire ac simul stylum bene latinum a contentu, quem propterea, quod vocabulis meris constare vulgo creditur, patitur, vindicare queamus.

Quemadmodum hodie omnes scriptores vernaculi *theodisce* quidem, at non omnes *bene theodisce*, et omnes scriptores francici *francogallice* quidem, at non omnes *bene francogallice* scribunt, ita scriptores latini, qui Romae, in Italia, Hispania cet. vixerunt, etsi omnes *latine*, tamen non omnes *bene latine* scripsere. Iam si quaerere volumus, quid sit *bene latine scribere*, debemus ante quaerere, quid sit in universum *bene scribere*: tum enim sponte sequetur, quid sit *bene latine scribere*. Nam qui *bene scribendi* peritus est, is postea *bene francogallice*, *bene latine*, *bene theodisce* cet. scribere facillime potest, si quidem istas linguas callet: quemadmodum, qui *bene canere* scit, is omnibus linguis, si earum cognitione instructus est, *bene canere* sciat necesse est. Nempe ego puto, in hac formula, *bene latine scribere*, vocabulum *bene* non ad τὸ *latine*, quo vulgo referunt, sed ad τὸ *scribere* pertinere, ac proprie ita verba iungi debere: *bene scribere latine* h. e. *bene scribere*, idque latina lingua. Qui vocabulum *bene* cum τῷ *latine* coniunxerunt, in hunc simul deinde errorem, ut fere necesse erat, inducti sunt, ut crederent, *bene latine scribere* nonnisi vocabulis aureae aetatis earumque coniunctione quadam contineri. *Bene scribere* et *dicere* (nam *scribere* et *dicere* hic pro eadem re habeo, quia qui bene dicere potest, is scit quoque bene scribere, et contra) est ubique
per-

perspicue, suaviter, et, si quidem opus, simul *graviter scribere et dicere*, uno verbo *eloquentem esse*. *Eloquentia* enim est *facultas* de rebus *perspicue, suaviter et graviter dicendi* (ac *scribendi*): *perspicue*, ut facile intelligaris: *suaviter*, ut libenter atque ita adtente audiaris vel legaris: *graviter*, ut rei, quam tractas, magnitudo sentiat. Addunt nonnulli *copiose*: at iustam, ut *brevitatem*, ita *copiam dicendi* equidem potius habuerim pro subsidio perspicuitatis, suavitatis et gravitatis. Cicero quidem Or. 21. ab eloquente postulat, ut *probet* (s. *persuadeat*), ut *delectet*, ut *flectat*. Sed, quod ille per *probare* intelligi vult, id ego per *perspicuitatem dicendi* intelligo, quod infra patebit; ut adeo res eodem redeat. Vt igitur nemo *bene scribit*, nisi *eloquens*, ita *bene latine scripserunt* e priscis Latinis nonnisi *eloquentes*, ut Cicero, Caesar, Livius, Virgilius, Ovidius cet. Hi itaque *boni scriptores* dicendi: nam fuerunt eloquentes, licet orationibus habendis non omnes operam dederint. Potuisse tamen Livium, Virgilium cet. egregias orationes scribere, quis in dubium vocaverit? Omnis ergo *bonus historicus* est eloquens, quia *perspicue, suaviter et graviter narrat*: omnis *bonus poeta* est eloquens, quia res *perspicue, suaviter et graviter explicat* cet. Jam si omnes *eloquentes* Romani fuerunt *boni scriptores*, seu *bene latine scripserunt*, sequitur *primum*, hanc laudem in primis in scriptores aureae aetatis, quae dicitur, cadere, quia hac aetate studium eloquentiae ob commoda publica regnabat; *deinde*, Ciceronem horum omnium optimum scriptorem fuisse, seu horum omnium optime latine scripsisse, quia omnium Romanorum eloquentissimus fuit, h. e. omnes Romanos in dicendo et scribendo perspicuitate, gravitate et suavitate dicendi vicit.

Ergo et hodie *bene latine scribere* est *in latine scribendo ita versari, ut perspicue, graviter et suaviter scribas, uno verbo, latine eloquentem esse*. Et quia hoc vulgo placet, (cui enim haud placet eloquentia?) propterea vocatur etiam a nonnullis *pulchre latine scribere*: id enim cuique pulchrum est, quod ei placet. Quia porro, si perspicue, suaviter graviterque dicere ac scribere cupis, non promiscue proferendum est, quidquid in buccam venit, sed diligenter *eligenda* sunt ea, quae istam perspicuitatem, suavitatem ac gravitatem omnium optime adiuvent, v. c. aptae sententiae, apta argumenta, testimoniis, aptae similitudines, apta verba, aptus eorum ordo cet. hinc quoque *eleganter latine dicere ac scribere* a nonnullis non male vocatur. Nam *elegantia* h. e. *der Geschmack* cernitur in eo, si in dicendo ac scribendo inter multa, quae poni posse videbantur, aptissima quaeque iudicii subacti ope eligimus. Hinc *elegantia* *) a Cicerone tribuitur et philosophis,

*) *Elegantia* proprie est, quando in iis, quae vel agimus vel dicimus ac scribimus, optimum quidque eligimus; v. c. *elegans* in vestitu cet. sic qui domum sibi aedificat, omnesque eius partes ita instituit, digerit et instruit, ut ipsius commoditati ac simul pulchritudini optime serviant, is, licet sumtibus, quantum potest, diligenter parcat, nec magnificentiam proprie adhibeat, tamen *elegans* in aedificando dici potest: sic Nep. de Attico, c. 13. *elegans, non magnificus* cet. Nec tamen hinc sequitur, qui per maiores sumtus et cum magnificentia quadam domum suam sibi aequae commodam ac pulchram reddat, eum non esse *elegantem*. Vterque est *elegans*, ille per minores, hic per maiores sumtus, ille sine magnificentia, hic cum ea. Sic, qui rem vulgarem, quae animos commovere nec debet nec potest, sed tantum tradenda est, ut nota fiat, ita refert, ut eius ratio perspiciatur, is, licet non copiose narret, tamen *eleganter* h. e. apte narrat. Hinc Caesa-

Iosophis, 'omninoque omnibus scriptoribus, licet non *copiose* scribant; dummodo apte rem enarrent atque explicant. Interdum enim materia non admittit copiam dicendi: interdum etiam brevitatis perspicuitati, itemque suavitati et gravitati magis servit quam copia. Manifestum vero est, τὸ *pulchre et eleganter scribere* non ad verba per se, sed ad ideas in iis latentes, harumque aptam compagem pertinere. Quemadmodum vero haec tria, *bene latine scribere, pulchre latine scribere, eleganter latine scribere* plane eadem sunt, sic possit quoque pro iis dici *subtiliter latine scribere*: quia *subtilitas dicendi scribendique* in eo consistit, si ita dicis ac scribis, ut nihil vitii (scil. non modo contra linguam, sed etiam contra eloquentiam) committas. Iam, si quis ubique perspicue, suaviter, et, ubi opus, graviter scribit, hancque in rem non nisi aptis argumentis eorumque iusta tractatione et exornatione, aptis testimoniis, similitudinibus, vocabulis, eorumque iusto ordine, aptis tropis, figuris, aptaque brevitate ac copia utitur, atque ita nil vitii contra eloquentiam committit, nonne is subtiliter, h. e. recte scribere dicendus est? Hinc subtilitas scriptorum laudandi causa a Cicerone dicitur, et cum elegantia coniungitur, ad Div. IV, 4. §. 2. *facile cedo tuorum scriptorum subtilitati et elegantiae*: Orat. II, 7. *cui non solum nos latini sermonis, sed etiam Graeci ipsi solent suae linguae subtilitatem elegantiam-*

A 5

que

Caesaris commentarii recte dicuntur *eleganter* scripti: omnia enim ille dixit, e quibus res suae gestae earumque ratio perspicui possit: sic et Nepos, Terentius cet. elegantes scriptores. Nec tamen hinc sequitur, qui rem gravem copiose tradat, cum non esse elegantem: v. c. Cicero in Orat. Manil. aequae elegans est ac Terentius, Caesar, cet.

que concedere: sic Brut. 9. Lyfias vocatur subtilis et elegans scriptor, quem iam prope audeas oratorem perfectum dicere.

Iam ut luculenter patet, neminem posse bene latine scribere, qui non sit eloquens, sic certum est, quotquot recentioribus temporibus bene latine scribendi laude inclaruerint, eos hanc laudem non vocabulis meris e Cicerone sumtis, sed eloquentia latine declarata sibi comparasse. Hinc sequitur, bene latine scribendi cupidum, eloquentiae magnopere debere studere, et, qui cum vera utilitate velit alios docere bene latine scribere, cum illos ad eloquentiam simul ducere debere. Quae si deest, stylus quoque bene latinus deest. Patet quoque, stylum bene latinum non meris in vocabulis posse consistere. Nam eloquentia non tractat mera vocabula, more Lexicographi. Et si enim verbis, per quae notiones et sententiae verae pulchraeque explicentur, opus quoque esse per se intelligitur, quia hae sine illis apparere et cognosci nequeunt, tamen verba per se et extra istarum notionum et sententiarum compagem ac contextum nil pulchritudinis, nil elegantiae habere possunt. Lapides ipsi non sunt pulchri, at pulchritudini domus, quae inde construitur, serviunt; domus proprie tantum pulchra est. Pulchra verba, (siquidem verba vocare licet pulchra) nulla alia queunt esse, quam quibus pulchrae aptaeque notiones declarantur. At istae notiones singulae sunt partes totius: omnium partium pulchritudo nititur apta earum compage. Quae si dissolvitur, partes desinunt esse pulchrae. Ergo interrupta notionum singularum seu verborum singulorum (nam verba et notiones sunt eadem res) coniunctione, dissoluto eorum ordine, omnem relationem atque ita omnem pulchritudinem perire quis non videt? Nullum profecto vocabulum

cabulum per se et extra relationem coniunctionemque pulchrum et elegans est, nec aliud alio pulchrius vel elegantius dici per se potest. Omnis pulchritudo, omnis elegantia singularum notionum et vocabulorum pendet a contextu. Huic interdum vocabulum vulgare et minus sonans melius convenire potest, quam phrasis longa aut vocabulum longe petitum ac sonantius: et tum illud est pulchrius et elegantius h. e. aptius perspicuitati, suavitati ac gravitati. Nam ad has tres eloquentiae virtutes semper respicere debet et dicens et scribens. Est vero etiam solis luce clarius, artem bene latine scribendi, cum eloquentia consistat ab eaque non differat, nisi nomine, non pro re vulgari et contemnenda, sed pro praeclara ac laudabili habendam. Quis enim laudem eloquentiae non appetat? quis nolit perspicue, suaviter graviterque dicere? Patet vero etiam, artem bene latine scribendi pro re difficili habendam. Sensit hoc Taubmannus, quando in dissert. de ling. lat. p. m. 68. dixit, *facilius esse in triplici Facultate doctorem hodie fieri posse, quam orationem latinam aut Ciceronianam elaborare.* Quid enim primum difficilius est *perspicuitate*? qua tamen nemo, ac ne agricola quidem, carere potest. Cicero, qui ei per totam vitam sedulo dedit operam, non tamen interdum obscuritatis cuiusdam speciem ac crimen effugere potuit. Quis vero nescit, neminem posse de re perspicue dicere vel scribere, nisi ipsam distincte et omnibus ex partibus planeque intelligat, atque ita omnia argumenta, testimonia, similia, quibus illa certissima et clarissima reddi possit, non modo egregie sciat, sed etiam inde, quae quoque loco aptissima sint, acute eligat, ac pro auditorum lectorumve captu et gustu, saepe inter se diverso, explicet, et verba aptissima, h. e. quae istam perspicuitatem possint omnium optime gignere, eligat, aptissimoque h. e. perspicui-

spicuitati maxime ferviente ordine collocet? Quid deinde difficilius est, quam *suaviter* dicere ac scribere h. e. ita, ut libenter cupideque audiaris et legaris? Nonne hic opus est, nosse, quibus rebus auditor lectorve delectari soleat, ut earum ope uti possis, deinde neque nimis vulgaria neque nimis abstrusa proferre; porro in verborum usu apte variare, in primisque troporum et figurarum aptarum suavitate, sententiarum ingenium non vulgare spirantium acumine, antithetis, itemquetum perspicuitate, qua ipsa nihil suavius est, tum declaranda modestia et probitate auditores lectoresve adlicere cupidosque plura cognoscendi reddere? Quid denique difficilius est, quam *graviter* dicere ac scribere h. e. ita, ut auditor lectorve rem non tantum plane intelligat, sed eius quoque magnitudinem sentiat, eaque moveatur? Hic in scribendo, quia vocis et gestuum nullus usus est, maior deprehenditur difficultas, quam in dicendo. Nititur vero ista gravitas dicendi in primis argumentorum et exemplorum iusta tractatione et exornatione, ut illorum pondus adpareat; deinde in similitudinibus et descriptionibus rerum, hominum, in primisque permotio- num animi aptis et vividis: praeterea vi troporum, interdum audaciorum, figurarum gravitate, ac verborum apta, numerosaque structura.

Tres itaque primariae sunt virtutes, ut eloquentiae, ita styli bene latini, *perspicuitas*, *suavitas* et *gravitas*. Cetera omnia, quae ad eloquentiam vulgo referuntur, possunt satis commode illis subiici ac pro rivis rivulisve haberi, qui se, quasi in amnem, ita in unam harum trium virtutum exonerent. Orator et scriptor primum debet *persuadere* auditori et lectori h. e. efficere, ut lector vel auditor rem firmiter ac sine ulla dubitatione credat et pro vera habeat. Hinc debet

debet rem eiusque naturam maxime perspicuam reddere ac fere oculis legentium et audientium subiicere: id quod in primis sit argumentorum bene inventorum recta tractatione ac verborum delectu et ordine. Debet deinde etiam saepe *graviter* dicere ac scribere h. e. ita, ut auditor lectorve rei magnitudinem sentiat, eaque moveatur, inflammetur cet. Debet vero etiam in primis *suaviter* dicere ac scribere, h. e. ita, ut placeat. Nam si non placet, frustra tentat persuadere ac movere: auditor vel lector non attendit ac ne vult quidem audire vel legere. *Perspicuitas* igitur reddit auditores lectoresque *certos*: *suavitas* *adtentos*, ac legendi vel audiendi *cupidos*, *gravitas* denique *commotos* et *incitados*.

Sed, ut rem prius cogitamus, quam eloquimur ac scribimus, sic res, nisi antea *bene* ac *pulchre* *cogitata* est, non *bene* ac *pulchre* *exprimi verbis* potest. Verba enim sunt tantum echo ac vestis cogitationum. Cum vero nihil pulchrum esse queat, si veritate careat, sequitur, ut, qui bene pulchreque cogitare velit, antea vere recteque cogitare discat. At vere cogitare h. e. veras rerum notiones tenere et mente apte coniungere est nonnisi philosophi h. e. hominis investigandis et cognoscendis omnium rerum causis, imo causarum causis diu adsueti. Hinc patet necesse esse, is, qui bene latine scribere cupiat, praeter felix ingenii acumen (oratores enim et scriptores boni nasci debent ut poetae) ac praeter accuratam multarum rerum et causarum cognitionem, mature mentem attentione diligentissima, longissima exercitatione ac recto Logices studio sub bono subtilique magistro acuerit et subegerit. Ac cum *recte cogitare*, de quo hodie in Logicis, et *recte dicere* ac *scribere*, de quo hodie in Rhetoricis traditur, tam arcte cohaereat, ut animi et

corporis vinculum vix arctius esse possit, miror, nostra aetate Rhetoricen et Dialecticen seu Logicen seiunctas a se invicem esse, et alteram sine altera plerumque doceri, cum tamen altera alteram adiuvere sororio nexu debeat, et altera sine altera mortua fere et inutilis sit: miror cum Quintiliano, perito huius rei arbitro, philosophorum nonnullos arte cogitandi ita se iactare, ut prae ea artem dicendi scribendique contemnant, et pro nugis ac quisquiliis habeant (forsan, quia eam vocabulis constare opinantur), nec perpendere, cogitata, licet sint subtilissima, tamen nihil prodesse, nihil efficere, nisi in vulgus prodeant verbis, tanquam veste, induta et ornata: miror vero etiam, permultos eorum, qui viam ad bene dicendum scribendumve se monstrare aliis profiteantur, sententiarum ipsarum inmemores in verbis tantum eorumque pulchra, quam vocant, vel potius adfectata, structura, commutatione, sono cet. haerere, nec considerare, cogitationum prius esse habendam rationem, quam verborum, quippe quae ad illas demum se adcommodare, illas vestire ac bene vestitas ornatasque in lucem et conventum hominum producere atque ita illis hominum favorem, admirationem ac vim omnem, v. c. persuadendi, movendi, conciliare debent. Verba sine sententia sunt vestis sine corpore. Verba exquisita, ornata, (ut loquuntur,) et sonora, sed cogitationes stultas vel nimis vulgares exprimentia, sunt instar vestis pulcherrimae, omnibusque ornamentis oneratae, quae corpus hominis stulti, vulgaris vel ridiculi tegit. Priscis temporibus sapientes seu philosophi erant iidem oratores vel eloquentes: putabant tum, neminem posse bene dicere ac scribere, nisi rem plane intelligeret. Et Cicero utramque artem coniunxit, utraque se exercuit, atque ita magnus orator factus est. Ipse proficitur,

fitetur, se philosophiae, non magistris eloquentiae, debere illam suae eloquentiae copiam. Vid. Orat. 3. seqq. Et quanquam academicam sectam proprie intelligit, tamen non video, cur non omnis philosophia, modo recte discatur, idem efficere queat. Philosophia et eloquentia sunt duae sorores sibi similitimae ac fere eadem: nec male Zeno ille alteram cum altera ita comparavit, ut diceret, *philosophiam* esse instar *manus in pugnum compressae* et *complicatae*; *eloquentiam* instar *manus explicatae* et *dilatatae*, h. e. utramque non nisi haecenus differre, ut illa brevius, haec copiosius et ornatius eandem rem explicaret. Vid. Cic. Orat. 32. in. Hinc *subtilitatem* et philosophis et oratoribus apud Cicero- nem tribui, quis in tanta illorum similitudine miretur? Quis adeo dubitet, quin, ut oratores, ita quoque philosophi eadem de causa *elegantes* dici recte queant? Eodem pertinet illud Horatii Art. 309. *Scribendi recte sapere est et principium et fons*. Add. Cicero Or. 21. *sed*, inquit, *est eloquentiae, sicut reliquarum rerum, fundamentum sapientiae*, h. e. philosophia, non illa e vulgaribus compendiis ducta, sed subtilis cognitio rerum humanarum et causarum, unde illae oriuntur, itemque animorum humanorum ac causarum, quibus illi ducuntur: quo pertinent quoque causae causarum tam longa serie ductae, quam mentis humanae vis et acies perferre potest. Sed iam Quintiliani tempore studium philosophiae a studio eloquentiae seiungi coeptum esse patet ex illius hac de re querelis in principio Institutionum.

Ex his vero, quae differui, quodam modo adparet, cur numerus eorum, qui bene latine scribant, hodie sit tam exiguus, ac forsitan superiori
aetate

aetate fuerit, neque vero maior esse possit. Adcedunt ad hanc artem vulgo sine philosophia atque sine eloquentia. Quod quid aliud est, quam volare sine alis, curru vehi sine equis? Volunt ante recte scribere, quam recte cogitare sciant: volunt ante scribere, quam, quod scribant, habeant. Quid aliud facere possunt, quam ut vocabula, utcunque lecta, intellecta, collecta, temere confarcinent? Debebant per lectionem Ciceronis aliorumque priscorum, qui ob artem recte pulchreque cogitandi, dicendi ac scribendi in scholis leguntur, certe legi debent, (haec saltem erat maiorum sententia, cum istam lectionem scholis mandabant) eloquentes ac philosophi fieri, ut virtutum exempla et praecepta inde petenda taceam: sed fiunt per istam lectionem aucupes vocabulorum et venatores elegantiarum fictarum, quas in vocabulis raris, in participiorum congerie aliisque rebus minutis ac somniis quaerunt, et his thesauris valde se iactant. Debebant totum Ciceronem imitando exprimere. Sed ut totum illum recte atque ordine imitari possent, debebant eum totum recte atque ordine intelligere, h. e. ita, ut in singulis versibus adcurate scirent, quid sibi singula verba vellent, cur Cicero isto nec alio modo locutus esset, cur modo latius modo brevius, cur circumscriptio, cur hac vel illa connexionione aut collocatione verborum usus cet. Debebant singulas partes, etiam minutas, quibus eloquentia Tulliana constat, et quae non statim in oculos incurrunt, atque, ut ita dicam, singula eius lineamenta adcurate nosse ante, quam imitari tantum virum sustinerent. Cum imitatore Ciceronis aequae se res habet ac cum pictore. Pictor os vultumque hominis recte exprimere cupiens debet cognitione corporis humani levi non contentus esse, sed singulas partes, etiam minutas, singula

singula lineamenta quam adcuratissime nosse. Adcedunt aliae causae permultae et internae et externae: v. c. 1) quod ars illa bene latine scribendi a magnis viris vulgo contemnitur: nec raro ii, qui ista arte excellunt, vocantur per contemptum *Verbalistae*, h. e. *Wortkrämer*, *Wortklauber*, *Sylbenstecher*, *Sprachmeister* cet. Audiunt hoc adolescentes nec deinde putant in tam nugatoria arte magnopere elaborandum esse. 2) quod non magna praemia iis, qui istam artem callent, proponuntur. Hinc eius studium in discipulis frigeat necesse est: nec etiam mirum videri debet, viros ipsos deesse, qui illa arte praeclare instructi alios eo ducere cupiant. Hinc fiat necesse est, ut iste labor veniat ad imperitos: Romae tempore Ciceronis eloquentia sponte colebatur, quia magna inde praemia magnique honores exspectari poterant: et magnus ibi magnorum oratorum numerus erat, licet nulla *methodus* illam discendi praescripta esset. Nec Roma Ciceronem nec Graecia Demosthenem tulisset et habuisset, nisi hi praemiis laudis et honoris ad istud studium eloquentiae acerrimum invitati fuissent. Praemia sponte studium incitant et inflammant, efficiuntque magnos viros in omni genere: et magni viri deinde ipsi methodos aptissimas facillime inveniunt. Omnes methodi praescriptae cogunt quodam modo: et omne coactum retardat ingenium ac studium in animis generosis: ut taceam, non omnes methodis ab alio praescriptis aptos esse, at aptissimos iis, quas ipsi sibi praescripserint.

SECT. IV.

Summa huius libelli.

Vt in toto hoc libello omnia praecepta bene latine scribendi ita instituimus, ut ubique eloquentiae rationem haberemus, sic illum in *duas partes* descripsimus, quarum *prior*, eaque praeparatoria, de verbis per se eorumque scriptura, usu, ordine, variatione, de dicendi copia et brevitate exponit: *posterior* tres primarias eloquentiae virtutes ipsas, perspicuitatem, gravitatem et suavitatem tractat; quibus denique pauca de subsidiis cet. subiecimus.

P A R S P R I O R

EAQVE PRAEPARATORIA,

DE VOCABVLIS IN GENERE,

QVATENVS SVNT

INSTRVMENTVM ELOQVENTIAE,

DEQVE EORVM


SCRIPTVRA, VSV, ORDINE, VARIATIONE, COPIA
ET BREVITATE DICENDI.

CAP. I.

DE ORTHOGRAPHIA s. VERA VOCABV.
LORVM SCRIPTVRA.

SECT. I.

Orthographia est una.

 *Orthographia h. e. vera literas et vocabula scribendi ratio una sit necesse est: quia omnis veritas est simplex. Non igitur orthographia unius vocabuli duplex esse potest. Confundunt hic multi orthographiam cum scriptura; v. c. de vocabulo, quod dupliciter scribi solet, ut causa et caussa; cocus et coquus cet. dicunt: quaeritur, utra orthographia sit rectior? Hoc nihil aliud est, quam dicere: utra veritas sit verior. Debebant dicere: utra scriptura sit vera, s. recta.*

S E C T. II.

Orthographia non est negligenda.

Quamquam per se non magni refert, utrum adolefcens hoc, an alio modo vocabula fcribat, dummodo plurium exemplum fequatur, quia intelligentes in iudicando ftvlo non fpectant, quali quifque fcriptura ufus fit, fed quam praeclare cogitaverit, haecque cogitata verbis expreflerit, tamen, quia fapiens omni vitio vacare cupit, (et orthographiam negligens committit vitii aliquid,) non inutile erit pauca de orthographia dicere, ut adolefcens de ea iudicare difcat.

S E C T. III.

Quaenam fit regula orthographiae?

Sicut omne *rectum* nititur regula certa, v. c. *recte canere, recte saltare* cet. ex *regulis canendi, saltandi* cet. iudicatur: fic, fi de recta vocabulorum fcriptura f. orthographia iudicare velis, certam regulam, ad quam illa exigenda fit, efle debere patet. Sed quaenam ea fit, non inter eruditos convenit. Aliis eft *fcribendi ufus prifcorum*; aliis *fcriptura codicum, numorum, lapidum*; aliis *etymologia cum analogia et testimoniis prifcorum*. Quaenam fententia praeferenda?

I) Primum *fcriptura, quae apud prifcos obtinuit, vel potius obtinuiſſe creditur, non certa regula noſtrae fcripturae haberi poteſt*. Nam a) fcriptura prifcorum valde *incerta* eft; quia ipſorum prifcorum, ut Cicero- nis, Caefaris cet. manus non habemus: nec prifci ipſi de ſua fcriptura nos docuerunt ſatis. b) Deinde etiamſi eorum fcripturam ſciremus, vix haec certa regula efle poſſet, quia *varia* fuit, prout ipſi vel etymologiam vel

pro-

pronuntiationem vel aliam causam sequendam putarent. Omnibus in linguis vivis ista varietas scripturae deprehenditur, v. c. in vernacula *Papst* et *Pabst*, *stark* et *starck*, *Raethsel* et *Raezel*: sic apud Romanos *genetrix* et *genitrix*, *labfus* et *lapsus*, *coquus* et *cocus*, *haud* et *haut*, scriptum est vel scriptum videtur; sic *set*, *aput*, *Alexanter* scriptum esse a nonnullis monet Quintilianus.

Sed ut de veterum scriptura, quae saepissime se ad pronuntiationem (saepe itidem diversam) adcommo-
davit, melius iudicare possimus, deque eius tam mira varietate eo minus mirari cogamur, opus est illorum pronuntiationem nosse: et quanquam eam non totam novimus, tamen pro plane ignota haberi non debet. Omnis pronuntiatio linguae latinae priscis usitata vertitur et in pronuntiatione literarum et in tono s. accentu.

A) in *literis*, ac

1) primum in *consonantibus*: hic

B et *p* saepe, ut in vernacula, confusa sunt: hinc *scripsi* pro *scripsi*, *lapsus* pro *labfus* cet.

C nunquam ut *z* pronuntiatum, sed ut *k* vel saltem ut *g* (ut nostri fere *Gott* pronuntiant *Kott*): neque ergo *decimus*, *cilicium*, *carcer* pronuntiarunt *dezi-
mus*, *zilixium*, *karzer* sed *dekimus* cet. Hoc ex etymologia, e vocabulis, quae graeca et theodisca lingua communia habet cum latina, et ex aliis rebus patet. Quomodo v. c. *decumus* pro *decimus* dici potuisset, nisi lectum esset posterius *dekimus*? Vernaculum *Kerker* nonne melius respondet latino *Karker* quam *rw
Karzer*? sic e *docitum* h. e. *dokitum* factum est *do-
ctum* h. e. *doktum*; quod e *doxitum* fieri non poterat. Hinc *g* cum *c* saepe commutatum, v. c. *vicefinus* et *vigesimus* a *viginti*: sic in Col. Duil. *lectiones* pro *le-
giones*. Forsan *g* et *c* est eadem litera, *g* recentio-
ris, *c* antiquioris formae. Hinc *Caius* et *Gaius*.

D cum *t* saepe confusum, ut apud nos: hinc *sed* et *set*. *Alexander*, *Alexanter*, *attraho* pro *adtraho*: sic olim vernacule scribebant *Hant* pro *Hand* cet.

Gn non pronuntiatum est, ut *ngn*, v. c. *signum* non pronuntiarunt *singnum*, sed *sig'num*: hinc *sigillum*; quod melius a *sig'no*, quam a *singno* derivatur, ut *tigillum* a *tigno*: et nostrum *Zeichen*, quod cum latino convenit, melius respondet *signo*, quam *singno*: ut Graecum *δείνω*, *δείνωμι* taceam.

H in medio vix pronuntiatum, praeterquam post consonantem. Sic et in nostra, v. c. *sehen*, *gehen*, ubi non *se-hen*, *ge-hen*, sed *seen*, *geēn* dicimus. Sic nihil, mihi pronuntiarunt prisci, *niil*, *mii*, ac deinde *nil*, *mi* cum accentu circumflexo. Sed ab initio vocabuli puto *τὸ h* enuntiatum esse, v. c. *hara*, *hauris* cet. quia alioquin commutata haec vocabula forent cum *ara*, *auris*. Forsan et in Compositis, v. c. *adhibeo* cet.

L videtur valde molliter pronuntiatum esse: hinc Itali recentiores id saepe vitant, v. c. *Fiorenza*, *Piacenza*, pro *Florentia*, *Placentia* cet.

M videtur in fine vocabuli ob celerem pronuntiationem vix auditum esse, v. c. *mensam*, *nubem*, fere ut *mensa*, *nube*: ut nostri festinanter dicunt *in mein Nam* pro *in meinem Namen*. Hinc factum, ut poetae totam istam syllabam, sequenti vocali, omitterent seu eliderent.

Qu (pro quo nonnullis praeplacet *q* sine *u*) lectum est ut *k*: v. c. *coquus* ut *cocus*, *quum* ut *cum*, neque ut *neke* s. *nec*: hinc inter *quum* et *cum*, inter *neque* et *nec* nihil discriminis: sunt eadem verba, ut *nihil* et *nil*. Hinc patet, quomodo praeter alia ex *equus* fieri potuerit *eculeus*, et quomodo Francogallorum *egal* ex *aequalis* factum sit. In nonnullis tamen videtur *τὸ u* lectum, v. c. in *quatio*, *quis*: hinc *concutio*, *cuius* cet.

S videtur in fine verbi fuisse tam tenui sono, ut vix audiretur. Hinc omittitur in versibus Ennianis cet. Sed *τὸ st* non enuntiatum est *scht*, v. c. *schtella* pro *siella* cet. quod nos quoque facimus in vernaculis verbis, ut *schtul* pro *stul*.

Ti sequente vocali pronuntiatum est ubique ut *ti* vel *di*, non ut *xi*. Legerunt *artium*, non *arxium*, sed *ardium*, *arthium*. Docent hoc, praeter etymologiam et derivationem

tionem vocabula graeca et theodisca multa, quae cum latinis cognatione coniuncta sunt.

V pronuntiatum est ut *W*: v. c. *vinum*, *vannus*, *vermis*, *vacillo* legerunt *winum* cet. sicut eadem vocabula in nostra lingua leguntur *Wein*, *Wanne*, *Wurm*, *wackele*. Hinc commutatio huius literae cum *b* in MSS. non mira est, v. c. *duvius* pro *dubius*, *Baleria* pro *Valeria*.

- 2) in *vocalibus*. Quae quia inde pendent, prout os vel laxius vel angustius aperitur, facile intelligitur, cum non omnes homines os eodem modo aperiant, non unam illarum fuisse enuntiationem, sicut et est in nostra lingua, ubi v. c. *Mahn* et *Mohn*, *Athem* et *Oden*, *Rüben* et *Ruben* cet. dicitur. Hinc v. c. *a* saepe mutatum in *e* vel *i*, ut *adspergo* pro *adspargo*, *abigo* pro *abago* cet. *e* in *i*. v. c. *colligo* pro *collego* cet. quae omnia veniunt e celeri pronuntiatione. Multa exempla talis, et consonantium et vocalium commutationis dedi in libello: *Gedanken von den Eigenschaften der deutschen Schreibart* cet. (Halae ap. Curtium) it. in *Grammatica latina* vernacule edita (Lipsiae, ap. Fritsch.). Vnum addam: quod nunc in vernacula est *ohne*, id olim scribebatur *ane* et *ano*: idemque est in graeca *ἄνευ*, in latina *sine*; sibilo addito, ut saepius. Hic *a*, *i* et *o* commutantur. NB. hic monuerim, *ἄν* in *ἀναμάρτητος* i. e. *qui non peccavit*, *ἀνελευθέριος* i. e. *illiberalis*, aliisque talibus compositis esse forsan illud *ane*, s. *ἄνευ*, et in iis vocabulis, quae per consonantem incipiunt, illud *ν* ob duram pronuntiationem omitti, v. c. *ἄσπορος* pro *ἀνσπορος* cet. Longe aptius et verisimilius hoc est, quam figmentum illud grammaticorum, dicentium, *α* in *ἄσπορος* esse *α* privativum ut et in *ἀνελευθέριος*, ac *ν* ob euphoniā, quam dicunt, insertum esse.
- 3) in *Diphthongis*: quarum vera pronuntiatio est, si utraque vocalis, in primis prior, auditur: id quod Romani, saltem adcuratiores, melius, quam nos in latina et vernacula lingua, videntur observasse.

1) *ae*: v. c. *mensae*, *Caesar* legerunt tribus syllabis, ita, ut *a* in primis, et *e* vix audiretur. Et quomodo, si prisci *Caesar* legissent *Kesar* vel *Zesar*, inde fieri potuisset nostrum *Kaiser*? Hinc commutatio *aulae* et *aulai* cet. sic *aire moltati* in lapide occurrit.

2) *ei*: v. c. *hei* duabus syllabis: *socieis*, quatuor. Sic maiores nostri *Rein* s. *Rhein* pronuntiarunt duabus syllabis, sed raptim: ita tamen, ut *e* praecipue audiretur:

hinc Caesar inde fecit *Renus* s. *Rhenus*, quod non facere potuisset, si *Rain*, ut nos loquimur, pronuntiarum audivisset.

- 3) *eu*: v. c. *heus*, duabus syllabis, *he-us*: sed raptim, atque ita, ut *e* audiretur; estque nostrum *he!* quod illi male responderet, si lectum esset *hais*, ut nunc legimus.
- 4) *oe*: v. c. *Poeni* tribus syllabis, (*Po-e-ni*) ita ut *o* in primis, et *e* vix audiretur. Hinc patet, cur *Poeni* et *Puni*, *moerus* et *murus*, *coerator* et *curator* cet. commutari potuerint: nam *o* et *u* facile commutantur, ut pronuntiatio rusticorum in vernacula docet.
- 5) *au* pronuntiatum est plerumque *o*, ut apud Franco-gallos et nos, v. c. *Roch* pro *Rauch*; *Closter* pro *Claustrum*; sic *olla* ex *aula*, *Clodius* ex *Claudius* facile fieri potuit: interdum tamen quoque ut *aw*.

B) in *tono* s. *accentu*. Hunc Romani ad quantitatem syllabarum adcommoabant. Ergo

- 1) breves syllabas, quas hodie in Prosodia demum discimus, omnes Romani, etiam in communi vita, raptim pronuntiabant (corripiebant) h. e. ita, ut vix audirentur: id quod, ut in omnibus vivis linguis, ita in nostra fit, v. c. *Geduld* pronuntiamus *G'duld*, una fere syllaba, *Kinder Kind'r* cet. Sic Romani *mensa*, (nominat.) *servus*, *serve* cet. ita pronuntiabant, ut posterior syllaba vix audiretur. Et haec ipsa causa est a) *Apocopes*, v. c. *dice*, *duce* cet. sonabant ut *dic'*, *duc'*, hinc ita scribebant: sic nostri *sag* pro *sage*. Omnis ista omissio oritur a celeri pronuntiatione. b) *Contractionis*, v. c. *mi*, nil pro *mihi*, *nihil*; ut nostri *Magd* pro *Maged*, *sehn* pro *sehen* cet. quae contractio, celeritatis pronuntiandi filia, aliis deinde syllabis contigit, ut *amasse* pro *amavisse*. c) *Commutationis*, v. c. *decimus* et *decumus* pronuntiabant, quasi *dek'mus*, ut audientes non possent discernere, utrum *dekimus* an *dekumus* pronuntiaretur: sic *navibus*, *genitrix* sonuerunt ut *nav'bus*, *gen'trix*, vel ut *navebus*, *genetrix*. Hinc scripserunt etiam multi, pronuntiationem tanquam unam scribendi regulam sequentes, *navebus*; (v. c. in Mon. Duill.), *genetrix*, (ut in Codd. Virg.) sic in nostra, v. c. ex *Oberster*, quia sonat *Obr'ster*, factum est *Obrister*.

2) longae syllabae producebantur (*wurden verlängert*) h. e. longiori temporis spatio pronuntiabantur, quod fiebat ita, ut vocalis dupliciter pronuntiaretur, v. c. *pono* ut *poono*, *mensa* ablat. ut *mensaa*: deinde ita quoque scriptum videtur, donec brevitatis studio apicem h. e. forsan lineolam transversam adhiberent, quae indicaret, alteram vocalem deesse, v. c. *pōno*, *menṣā*; sicut nostri *den* pro *denn* scribunt: hinc patet, quomodo lineola transversa in Profodiam venerit ad designandam syllabae longitudinem. Haec haecenus.

Ceterum ex his patet, quam varia scriptura apud priscos obtinuerit, cum a pronuntiatione et consuetudine pependerit: quis vero hanc variam incertamque scripturam pro certa scribendi regula habeat?

II) Deinde nec scriptura *codicum*, *numorum* et *lapidum* pro certa regula scribendi haberi potest. Nam 1) variat et ipsa: ut adeo semper incerti simus: at regula debet esse certa. 2) librarii fuerunt indocti plerumque ac saepe, quae scriberent, ne intelligebant quidem. Sic v. c. *Magister Varro*, *Magister Cato* scripserunt pro *M. Varro*, *M. Cato*: it. *dementia* pro *clementia* cet. Quis tales homines sequatur? sic in lapidibus occurrunt, v. c. *apsens*, *optinebit*, *set*: nec a numis, qui non semper a linguae peritis signati sunt, certam scripturae legem arcessere licet.

III) Nec *Grammaticorum priscorum* auctoritas sufficere potest. Hi repererant iam scripturam e pronuntiatione ortam, *variā*, et consuetudine corruptam: et magis stabilire (ut hodie fieri solet) quam emendare studebant. Paucissimi altius eam investigabant. Hinc inter eos lis oriebatur. Quid solatii certi hinc expectandum?

IV) *Etymologia* est haud dubie longe certior regula. Dolendum quidem, eam in omnibus vocabulis nobis haud notam esse. At sumamus, quantum licet, Subiiciam aliquot vocabula, quorum recta scri-

ptura, licet non semper eruditorum usu et approbatione adiuvetur, per etymologiae legem firmatur:

Adfero, *aatuli*, *adlatum*, *adfiduus*, *adcipio*, *adgredior* cet. rectius quam *affero*, *attuli*, *allatum*, *assiduus*, *accipio*, *aggredior* cet. Et sic in omnibus vocabulis per *ad* incipientibus litera *d* manere debebat, perspicuitate ita iubente. Facilius tiro in *adfero*, *adtuli*, *adlatum*, *adcipio* cet. compositionem agnoscit quam in *affero* cet. Nec in vernacula quisquam talem commutationem tolerat. Vid. infra *In*. Putant vulgo quidem, *affero*, *attuli*, *aggredior* cet. per *euphonia* dictum. Sed quid est *euphonia*? nonne a consuetudine pendet? Et omne, quod rectum est, bene sonat.

Adolescens rectius quam *adulescens*: est enim ab *ad* et *olesco* i. e. *creasco*.

Ancora, non *anchora*, est enim graecum, ubi non est *h*: omninoque τῷ *h* post *c* aliasque consonantes abstinendum, nisi e graeco transferri debet. Hinc videndum, an Cicero recte egerit, qui *pulcher* pro *pulcer* scribendum putarit. Hinc *sepulcrum*, *simulacrum*, *torus*, *Tuscia* et similia rectius sine *h*. Sic *carus*, non *charus*, nisi quis a χαρίσ vel χαίρω ducere velit.

Artus, *a. um*, rectius quam *artus*: est enim contractum pro *arcitus* ab *arceo*, quod olim notavit *includo*, *contracto*; quod e *coerceo* videtur elucere; et includendo solent homines bestiaeque *prohiberi*, ne damnum aliis inferant. Sic *farctus* rectius quam *fartus*.

Asporto: pro eo haud dubie rectius est *absporto*: nam *as* non est *ab*.

Assimilare (vel potius *Adsim.*) rectius quam *assimulare* (*ad-sim.*), quia est a *similis*: sic *similare*, *dissimilare* rectius scriberetur quam *simulare*, *dissimulare*. Proprie enim *simulare* est *similem reddere*, et *dissimulare* *dissimilem reddere*. At usus dicendi manebit forsitan hic quoque tyrannus.

Audacia, non *audatia*, quia est ab *audacis*.

Balneum rectius quam *balneum*: omnis enim contractio est recentior.

Benevolus, *benevole*, non *benivolus* cet. Est enim a *bene*, ut *beneficus*; sic *malevolus*, *malevole*.

Ceteri, non *caeteri*: e graeco ἑτέροι, non καὶ ἑτέροι. Sed *h* saepe abit in *c* et contra, ut *Cornu Horn*, *cervus Hirsch* cet.

Conligo, Conlega, conmeo cet. rectius quam *colligo, collega, conmeo*, cet. cur τὸ con mutemus? vid. infra *In*.

Deliciae non delitiae, ut vel e *delicatus* patet; est ab antiquo verbo *delicio*.

Emtus, non *emptus*; est enim ab *emo*, non ab *empo*.

Exspectare rectius quam *expectare*: a *specio*. Sic *exstare, exsequi, exsequiae, exstruo* cet. rectius quam sine τῶ *j*.

Genitrix, non *genetrix*, a *genitum*, ut *genitor*.

Idcirco, non *iccirco*; ab *id* et *circa*.

Idemdem rectius quam *identidem*; quia est ab *idem*.

Inclutus, non *inclitus*, a κλύω, κλυτός. Tolerandum videtur *inclutus*, ut *Sylla* et *Sulla*; quia Romani *u* ut *y*, vel Francogallorum *u*, saepe legerunt. Sed ut ex *inclutus* factum est *inclutus*, ita deinde per celerem pronuntiationem ex *inclutus* fecisse videntur *inclitus*, ut *decimus decumus, optimus optumus* cet. Cf. nostrum *Knie* respondens latino *genu* et graeco γόνυ.

In dies, non *indies*: sunt enim duo vocabula, quorum alterum alterum regit: ut *in diem*. Sic *in posterum* sc. *tempus*, non *inposterum*, *in primis*, non *inprimis*; sic *cum primum* cet.

In non debet mutari in compositione: rectius ergo *inlino, inlustris, inmitis* cet. quam *illino, illustris, immitis* cet. male hic ad euphoniā quandam fictā provocatur: omne rectum bene sonat, nec contra. Sic et nostri *n* in *Anfang, anmuthig, anlachen, einladen, Iungfer, unmäßig* cet. non mutant in sequentem vel aliam consonantem, licet non nulla horum vocabulorum vulgo pronuntientur per *m*, v. c. *Amfang, Iumfer* cet. Et cum *infinitum, infinitivus* cet. vulgo scribatur, quod tamen quoque a multis *imfinitum, imfinitivus* pronuntiatur, cur non idem faciamus in illis? Multo minus *imprimis, imposterum* scribendum, cum sint duo separata verba *in primis* cet.

Labsus, non *lapsus*, a *labor*: sic *scribsi*, non *scripsi*.

Lapidina, non *lapidicina*; est enim a *lapis* et *caedo*.

Monimentum, non *monumentum*, a *monitum*. *Monumentum* venit e celeri pronuntiatione *mon'mentum*; ut *documentum* pro *docimentum*: sic *decimus, decumus* cet.

Museum, Numus, Opsonium, Poena, non *musaeum, nummus, Obsonium, Paena*: sunt enim e graeco μουσεῖον cet.

Pomoerium, non *pomerium*, a *moerus* i. e. *murus*; quia fuit post muros, v. Liv. I, 44. Prisci dixerunt *moerus* et *murus*, *Poeni* et *Puni*, *coerator* et *curator* cet.

Ptolemaeus, non *Ptolomaeus*; e gr. πόλεμος s. πτόλεμος.

Quidquid, non *quicquid*; est enim duplex *quid*; sic *quidquam*, *quamquam*, non *quicquam*, *quanquam*. Euphonia est spectrum, quod in phantasia, non in re, cernitur.

Raetia, *Renus*, non *Rhaetia*, *Rhenus*; quia sunt vernacula, non graeca.

Scena, *strategema*, non *scaena*, *stratagemma* e Graeco.

Suboles, non *soboles*, a *sub* et *oleo* s. *oleo* i. e. *creasco*.

Sumfi, *sumtum*, sine *p*: quia est a *sumo*, non *sumpo*.

Taeda, non *teda*; a Gr. δαίς, in accus. δαΐδα. At hinc per *d* scribendum *daeda*? Recte. At sic plura male scribuntur, v. c. *Bischof*, ab *Episcopus*, pro *Pischof*; *Pilz* a *boletus* pro *Bilz* vel *Bülz*.

Tiro, *Torus*, non *tyro*, *thorus*: non enim sunt graeca.

Tropaeum, non *trophaeum*, Gr. τρόπαιον. Contra *triumphus*, Gr. θρίαμβος, rectius sine *h* scriberetur: sicque olim scriptum est, vid. Cic. Or. 48.

Valitudo, non *valetudo*, a *valitum*. *Valetudo* tamen est ap. Horat., antepaenultima producta, quod in *valitudo* vix cadere possit.

Versus, non *vorsus*, a *verto*; et hinc nostrum *Vers*. *Vorsus* factum, quia *e* ante *r* non facile pronuntiari ab omnibus potest, hinc in *o* mutatur v. c. a nostris infantibus.

Sequentia, nisi certa etymologia, tamen magna veri similitudine se commendant:

Aegaeum, non *Aegeum*, quia ita Graeci. Plus nescimus.

Auctor, *auctoritas* rectius videtur, quam *autor*, *author* cet. videtur esse ab *auctum*, licet significatio utriusque non satis conveniat: adcedit auctoritas Dionis, qui scripsit αὐτῳρίτας.

Coelo, *are*, rectius quam *caelo*, quia videtur esse e gr. κοῦλον, eique respondere nostrum *hol*, *aushölen* cet.

Coena rectius videtur quam *caena*, e. Gr. κοινή, quia communis erat et domesticis et amicis. Romani non utebantur sere amicis nisi in coena.

Contio rectius videtur quam *concio*, contract. e *comitio*, a *comire*, ut a *comitiis* parum differat. *Concio* a *concire* est contra analogiam. Et prisca monumenta habent *contio*.

Con-

Conviciū rectius quam *convitium*; quia videtur a *vox* descendere: quasi *convocium* i. e. *clamor multorum*: et sic *conviciū* est Phaedr. l, i.

Haud et *haut*, e. gr. οὐδὲ *veloŭre*, ut utrumque defendi possit.

Heres rectius quam *haeres*; quia fit *herus*; licet in *heres* longa, in *herus* brevis sit paenultima.

Hyems, non *hiems*, a Gr. ὕω. Et *hyems* est tum *tempestas pluvialis* s. *pluvia*, tum pars anni (*Winter*): sed haec erat Romanis plena pluviae.

Imo, non *immo*; ab *imus* s. *infimus*, ut *certo*, *tuto* a *certus*, *tutus* cet. Proprie est *im Grunde*, hinc a) *ja* in adseverandō, b) *umgekehrt*, au *contraire*.

Increbresco, non *increbesco*, a *creber*, pro *increbere*scō. Sic ab *aeger* *aegresco*, a *niger* *nigresco* cet. Verba talia τῷ r carentia veniunt a verbis, ut *macesco* a *maceo* cet.

Infitiari, non *inficiari*; videtur esse a *fateor*.

Lacrymae, non *lacrimae*, ob gr. δάκρυον: mutatio τοῦ l non mira: sic *Vlysses* ex Ὀδυσσεύς. *Lacrumae* tolerari potest, ut *Sylla Sulla*, *inclytus inclutus*: y videtur fuisse nostrum ii, v. c. in *Dünkel*, et u ap. Romanos pronuntiatum esse, saltem saepe, ut nostrum ii, s. Graec. v. Hinc mutatio τῷ y in u non mira: sed per celerem pronuntiationem *lacr'mae*, ac deinde *lacrimae* factum est. At per ch scribere plane falsum, quia non est in Graeco.

Litera rectius quam *littera*; forsā a *lino*, ut *litura*.

Mulcta, non *multa*; forsā a *mulgeo*. Prisci plebeio sermone (sed omnis lingua initio est sermo plebeius) videntur dixisse, *mulgere aliquem* sc. pecunia, ut *emungere*: hinc venit significatio *privandi* s. *damnum inferendi*. *Mulcta* igitur proprie est *damnum* scil. pecuniae: vel participium, pro *pecunia mulcta*.

Praestringere v. c. aciem mentis rectius quam *praestinguere*.

Prelum, rectius quam *praelum*; a *premo*, ut videtur; licet prior syllaba illic longa, hic brevis sit.

Reciperare rectius quam *recuperare*, a *recipio*: i deinde in u mutatum, ut *decimus decumus* cet.

Stylus rectius videtur quam *stilus*, quia in graeco est σῦλος: quod etsi *columnam* significat, non *graphium*, tamen aliqua similitudo intercedit: qua usus loquendi interdum contentus esse solet.

Sylva rectius quam *silva*, e gr. ὕλη. S praefixum est, ut in multis aliis v. c. ἄλς *sal*, ὕς *sus* cet.

Thus

Thus rectius quam *tus*, a Gr. *θύω*. Sacrificabant olim *thure*.

In nonnullis incertior vel plane incerta est scriptura, quia etymologia latet. Et tunc sequenda est auctoritas lapidum, numerorum, librariorum, vel magnorum philologorum; v. c.

Alucinari, hallucinari vel *alucinari, halucinari*. Origo ignota.

Annulus, anulus. Origo ignota. Et quia dicuntur prisci consonantes non geminasse, hinc maior difficultas. Plerique hodie scribunt *annulus*.

Arcesso, accerso. Posterius se commendat per *ac* i. e. *ad*: sed quid est *cerso*? Prius derivant ex *arcio* i. e. *adcio*, quia *ar* interdum pro *ad* reperitur, v. c. *arvehere, arjuisse*. Quid si ab *accedo*? ut *accesso* s. *arcesso* sit *facere, ut aliquis accedat*. Quidquid est, doctiores hodie praeferunt *arcesso*.

Bacca et *baca*; sic *bellua* et *belua*: vid. *Annulus*.

Caerimonia, Caeremonia, Ceremonia. Origo incerta. Si a *Caere*, Etruriae oppido, quo, Roma capta, sacra translata erant, nomen venit, ac, si, ut Valerius Max. I, 1. narrat, *inde institutum est, sacra caerimonias* vocari, rectius per *ae* scribitur et simul propter analogiam i in medio servandum.

Camoena, Camena. Origo dubia. Hinc nescio, cur per *oe* scribamus.

Causa et *caussa*. Origo incerta. Forsan a *caveo*, ut *cautor*. At, cur litera geminetur, cum non audiatur duplex *s*, nec enuntiari possit, nullam causam video. Sic *Paulus Paullus*, et *paulum paullum*.

Coecus et *caecus*: *Coelebs* et *caelebs*. Origo latet.

Coenum et *Caenum*. Origo dubia. Ducunt aliqui a *κοινόν*.

Comissari, Comessari; a *κῶμος*; ducitur: quaeritur de terminatione *issari* an *essari*. Videtur utrumque pronuntiatum a celeriter loquentibus.

Cunctari, Contari. Illud a *cuncta* videndo, vel a *coniungi*, quasi *coniunctari* h. e. *cupere cum aliis coniungi, ac propterea illos expectare*, arcessunt: hoc a *conto*, quo nautae aquae altitudinem pertinent. Doctiores video *cunctari* scribere. Sic *Percunctari, Percontari*: posterius a *conto* duci possit et priori praeferendum videatur.

Dum-

Dumtaxat, duntaxat: huius mirabilis vocabuli origo forsitan in perpetuum latebit. Videtur e pluribus vocabulis compositum: utrum e *dum taces*, *at*: an *tune taces*? *at*, an aliunde compositum sit, alii viderint. Si e *dum* compositum est, *m* non debet mutari.

Faex, fex. Origo latet. Hinc eruditi utroque utuntur.

Fecundus, femina, fetus, fenus et foecundus, foemina, foetus, foenus: si *fco* h. e. *procreo, fero*, ap. priscos usitatum fuit, rectius est *e* quam *oe*: respondet Graec. *Φύω* et priscorum Germanorum *foden* i. e. *parere*, unde forsitan *oe* defendi possit.

Fetialis, fecialis. Etymologia latet. Quia tamen Graeci per *t* scripsere, hinc eorum auctoritatem nonnulli sequuntur.

Glaeba et gleba. Origo latet. An nostrum *bekleiben* inde descendat, ut inde pro *e* aliquid concludi possit, non definiam.

Induciae, indutiae. Origo incerta. Gellius, Manutius, Vossius stant pro *t*: Manutius dicit esse pro *inductae*: Vossius derivat ab *indu* s. *endo* h. e. *in*, et *otium*: non male. Verum, quid si a *duco* derivetur, atque ita per *c* scribamus? *Ducere bellum* est *longius reddere*. *Induciae* ergo sunt, quando *bellum non longius redditur* h. e. *finis ei imponitur*. *Induciae* vero priscis erant fere idem, quod nobis pax est. Cessabat bellum ad certos et multos saepe annos.

Letum et lethum. Origo incerta. Prius a verbo *leo*, unde *deleo* factum, derivatur. Posterius a *λήθη* h. e. *oblivio* per euphemismum.

Litus et littus. Origo latet.

Mille et mile. Origo ignota. Si tamen hinc *miles* descendit, debet *mile* praeferrri, praesertim cum nostrum *Meile* melius conveniat cum *miliari* quam cum *milliari*, quod inde derivatur.

Moereo, maereo: atque ita *moestus, maestus*. Origo incognita.

Nuntius et nuncius. Origo latet.

Obscoenus, obscenus. Origo latet. Alii a *scena* ducunt atque ita *obscenum* scribunt, quasi sit *id, quod scenae non conveniat*: valde coacte. Alii a Gr. *νοῦν* i. e. *immundum*, de quo supra vid. in *coenum*. Nihil certi definitur.

finietur. Si e vernaculo ducere liceat, possimus e *schön pulcher* derivare, ut *obscoenus* sit, non *pulcher*.

Oppidum et *opidum*. Origo incerta. Hoc ab *opibus* derivant: nimis docte.

Paene, *pene* i. e. *ferē*. Origo latet. Sic *paenultimus*, *paeninsula* et *penultimus*, *peninsula* cet.

Paulum, *paullum*: videtur esse e *pauculum* contractum, ut duplici *l* vix opus sit, et quis utrumque enuntiet? cf. supra *causa*.

Postumus, *posihumus* i. e. *post patris mortem natus*. Prius plerique defendunt, quia post patris mortem natus recte dici possit *postumus* s. *postremus*. Recte. At non omnis postremus filiorum est post patris mortem natus.

Saeculum, *seculum*. Origo ignota. Prius praeferunt nonnulli, quia in lapidibus et in primis in numis occurrit *saeculum*.

Satira, *Satyra*. Casaubonus docuit, satiram Romanorum venire a *lance satura*, atque ita per *i* scribendam. Sed ut concesserim, hoc cadere in satiram Romanam, quaeritur, an quoque in nostram?

Solennis, *Sollemnis*. Origo latet. Hoc Festus a *sollo* i. e. *toto* ducit, vocabulo Osco, ut sit id, quod omnibus annis fieri debeat. Tunc *sollennis* scribendum foret. *Solennis* a *soleo*, *solitus*: ut sit id, quod per annum fieri soleat. Non male. Hinc *solennes annui ludi* ap. Livium: nec forsan hic iunxisset *annuus* et *solennis*, nisi putasset *solennis* esse i. q. *solitus*.

Sollers, *solers*. Origo dubia. Illud Festus ducit a *sollo* i. e. *toto*, quasi in omni re prudens.

Solicitus, *Sollicitus*. Hoc a *sollus* etiam ducit Sanctius, illud a *solum* et *cio* h. e. *moveo* arcessit Festus, ut sit proprie de loco s. de sententia moveo: non male.

Taeter, *teter*. Origo latet.

Tingo, *tinguo*. Illud est ut *pingo* cet. hoc codd. nititur.

Ungo, *unguo*. Hoc confirmant per *unguentum*: plerique tamen scribunt *ungo*.

Unquam, *unquam*. Videtur ab *unus* vel *unicus* descendere, ut *unquam* rectius forsan sit. Sic *nunquam*, *numquam*.

In nonnullis nihil refert, utram scripturam sequare, v. e. *cotidie* *quotidie*: *cocus* *coquus*: plerique tamen

tamen scribunt per *qu*: sic *locutus* et *loquutus*: illud plerisque placet. Sic *cum* (*wenn*, *da*) et *quum* sunt eadem; sic *tricesimus* *trigesimus*; *viceſimus* *vigesimus*, quia *g* et *t* olim eadem erant literae: adcuratiores tamen hodie scribunt per *c*. Sic *Caius* *Gaius*, sic *dilectus* et *delectus*, *die Werbung*.

Haec de etymologia, cui; quia non ubique expedita est, vicariam quodammodo operam praestant *analogia*, *auctoritas graecorum* et *prosodia*:

1) *analogia*; v. c. ut *conditio*, *rectio*, sic *auditio*, non *audicio*; et forſan sic *contio* pro *comitio* ſ. *coitio*, non *concio*. Ut *decimus* *decumus*, sic *optimus* *optunus*: ut a *divitis* fit *divitiae*, non *diviciae*, sic a *prudens* fit *prudencia*: ut ab *audacis* *audacia*, sic a *ferocis* *ferocia* cet.

2) *auctoritas graecorum*, v. c. quia Dio ſcripſit *αὐτάρπτας*, ſequitur, hunc credidiſſe, Romanos ita locutos eſſe vel ſcripſiſſe. Sic *Maecenas*, *Mauricius*, *Magnentius*, quia graeci ſcribunt *Μαρκήνας*, *Μαυρίκιος*, *Μαγνέντιος* cet. Sed et hic cautio magna: v. c. Britanni vocantur a graecis ſcriptoribus *Βρεττανοί*.

3) *prosodia*: v. c. *preces*, *ſedeo* nemo per *ae* ſcribet, quia brevis eſt prior ſyllaba: ſic *ſupellex* non *ſuppellex* cet. At et hic magna cautio, quia interdum quantitas ſyllabae mutata eſt, v. c. *peiero* a *iuro*, *voco* a *voce*.

Haecenus de etymologia, ut regula orthographiae. Addamus duo, licet ſint minuta:

1) de uſu literarum *u*, *v*, *i*.

a) de *u* et *v*. Multi hic ſcribunt, prout pronuntiant, v. c. *uva*, *vultus*, *violavimus*: Alii ubique *v* ab initio et ubique *u* in medio ponunt, ſive ſit conſonans ſeu vocalis, v. c. *vua*, *vultus*, *violauimus*, *vnus*. Alii ubique *u* uſurpant, v. c. *uua*, *uultus*, *uiolauimus*. Quid horum rectius? Cum non certum ſatis ſit, quomodo priſci ſcripſerint, melius eſt hic in ſcribendo pronuntiationem ſequi, v. c. *uva*, *vul-*

tus, violavimus, praesertim cum haec scriptura sit captui puerorum adcommodatio. Ceterum tota res est minuta.

b) de *i*. Nonnulli consonantem *i* et vocalem *i* distinguunt scribuntque v. c. *conjicio*, alii scribunt *conicio*, credentes se antiquitatem rectius sequi. Quid de hac re censendum? Prisci, puto, *τὸ i* ubique ut vocalem pronuntiarunt, etiam sequente alia vocali. At haec pronuntiatio, quia celeriter fiebat, sonuit fere ut *g* vel *j*: sic et nos, v. c. *meridies*, *Schlesien*, *Armenien* pronuntiamus vulgo *meridges*, *Schlesgen*, s. *meridjes*, *Schlesjen* cet. Illud *lot* igitur nihil aliud est quam *i* celeriter pronuntiatum. Hoc vel patet ex *aio*. Si legis *aio*, tribus quidem syllabis, sed celeriter, patet, cur *ais*, *ait*, *aiunt* dici possit; scilicet aequae ac *audio*, *audis*, *audit*, *audiunt*: si legis *ajo* s. *ago*, duabus syllabis, unde tum *ais*, *ait*? Sic *iacio*, proprie quadrisyllabum, fit celeriter pronuntiando trisyllabum, ut nobis *Schlesien* dissyllabum. Idem de *u* possis dicere: v. c. *Vidua* sonuit ut *Vidwa* etc. Sic *lingua*, *distinguo*, ut *lingwa* cet. Perperam nonnulli scribunt *lingva*, *distingvo*, quasi *v* pro *u* ponendum sit.

2) de divisione syllabarum. Alii derivationem sequentes scribunt v. c. *prod-eo*, *ab-igo*, *ad-eo*, *os-tendo*, *sus-cipio*, *sus-tineo*, *paen-insula* vel *pen-insula*, *prosodia*, *pot-est*, *prod-est*, *Alex-ander*, etiam, *neg-otium*: quo pertinent *a-ctus*, *ca-ptus*, *o-mnis*, *pro-pter*, *schisma*, *magi-ster*, quia verba reperiuntur per *æ*, *pt*, *mn*, *sm*, *st* incipientia, ut *Ctesias*, *Ptolemaeus* cet. Alii sequi malunt pronuntiationem, v. c. *a-bigo*, *po-test*, *eti-am* vele-tiam, *pae-ninsula* vel *pe-ninsula*, *ne-gotium*, *ac-tus*, *cap-tus*, *schis-ma*, *magis-ter*. Non male. Priorem tamen dividendi rationem plerique hodie, ni fallor, sequuntur.

CAP. II.

DE RECTO VOCABVLORVM VSV.

SECT. I.

Vocabula debent esse bona.

Omnine vocabulum per se bonum est, h. e. usurpari potest, si quidem certum est, usurpatum esse a bonis scriptoribus. *Bonitas* ergo vocabulorum, per se considerata, consuetudine bonorum scriptorum nititur. Hinc

- 1) videndum est, an certo apud eos occurrant. Hinc utendum est editionibus illorum diligenter impressis ac Criticorum opera castigatis, ne vitium typographicum pro manu Ciceronis, Caesaris cet. aut vocabulum a Criticis eiectum vel damnatum pro bono priscisque usitato habeas, v. c. *distringere gladium* pro *destringere*, *divertere* pro *devertere*, *concilium* (de deliberantibus) pro *consilio*; it. *impraesentiarum*, ap. Nepotem cet.
- 2) *Boni scriptores* sunt ii, qui linguae usum adcurate tenuerunt, eiusque divitias recte adhibuerunt, uno verbo Oratores vel eloquentes: inter quos, ut supra dictum, referendi sunt boni historici, boni poetae, boni comici, ut Caesar, Livius, Terentius, Virgilius cet. Ergo omnis bona latinitas e lectione priscorum ipsa est haurienda. Sed in illis legendis videndum, e cuius persona quaeque dicantur: in Ciceronis libris interdum inducuntur alii loquentes, v. c. poetae: ne horum verba pro verbis Ciceronis habeamus. In Comoediis videndum, quis loquatur, utrum herus aliusve homo bene educatus, an obstetrix, servus cet. Priorum verba semper pro bonis h. e. apud liberales usitatis haberi possunt, posteriorum non item. Videndum quoque, utrum serio an per iocum dicatur: v. c. *homo trium literarum* i. e. *fur* iocandi causa ap. Plautum dicitur. Interdum cogimur recentioribus vocabulis uti, ut *Marchio*, *Landgravius* etc.

S E C T. II.

Haec bona vocabula debent esse etiam apta.

Cum vocabula sint signa cogitationum, debent non modo bona h. e. usitata, sed etiam apta esse h. e. cogitationes singulas recte exprimere, ac sibi invicem quoque recte respondere. Iam cum omnis eloquentia, atque ita omnis stylus bene latinus perspicuitate, gravitate et suavitate cernatur, sequitur, totum vocabulorum usum his tribus virtutibus scribendi dicendique adcommodari debere. Quare etsi omnis vocabulorum tractatio ad eas proprie referenda est: tamen, ob copiam rerum in usu vocabulorum per se et ante, quam ad eloquentiam adcedas, observandarum, et, ut animus tironis sensim praeparetur, non alienum visum est hic quaedam praemittere ac praecipua locis dictis reservare.

S E C T. III.

Vocabula per se non sunt pulchra.

In vocabulis per se et extra contextum nulla potest esse pulchritudo. Omnis vocabulorum pulchritudo, si quidem ipsis pulchritudinem tribuere licet, oritur e duabus rebus arcto vinculo connexis, a) ab idearum pulchritudine in vocabulis latente, b) ab earum apta coniunctione. Pulchritudo idearum (ergo et vocabulorum) est semper relativa, h. e. nulla idea per se pulchra est, sed quatenus congruit ceterarum idearum contextui, huiusque *pulchritudinem* h. e. perspicuitatem, suavitatem et gravitatem adiuvat. Neque igitur vocabulum per se et extra contextum potest esse pulchrum, nec aliud alio pulchrius et elegantius per se est. E vocabulis apte coniunctis oritur demum pulchritudo s. elegantia orationis et styli. Proprie igitur totus contextus

pul-

pulcher tantum dici potest, v. c. oratio Ciceronis pro Milone est pulchra, Livii libri sunt pulchri cet., quemadmodum tota hominis imago in tabula picta tantum pulchra dici potest. Partes imaginis singulae non possunt dici pulchrae; nisi vel omne id, quod ad totius rei pulchritudinem aliquid confert, pulchrum vocare libeat (qui usus dicendi durus est), vel partem aliquam tanquam totum aliquod atque ita sine connexione aliarum partium consideres, ut v. c. *pes pulcher*, *brachium pulchrum* interdum dicitur. Sed licet ita de maioribus partibus dici posse interdum concesserim, tamen minutis particulis, quales sunt vocabula, vel ideae singulae, nulla per se pulchritudo tribui potest. E lateribus pulchra domus aedificari potest: at lateres ipsi non sunt pulchri propterea. Idem dicendum de *venustate* et *ornatu*. Nullum vocabulum per se venustum, vel ornatum (*zierlich*) dici potest. Venustas et ornatus pertinet ad universum contextum.

S E C T. IV.

Cavendae sunt fictae quaedam elegantiae.

Quam in rem fugiamus fictas, vel non satis definitas, *pulchritudines*, quae sub nomine fallaci et obscuro *elegantiarum*, *pulchrorum* et, ut loquuntur, *ornatorum* (*zierlicher*) *verborum*, *syntaxeos ornatae* cet. vulgo circumferuntur, et fere in verbis et horum conjunctione atque ordine, sine idearum et contextus respectu, ponuntur. Sunt duplicis fere generis. Aliae plane nullae sunt: aliae quadam tantum ratione, non simpliciter ac per se, pulchritudini orationis serviunt. En indicem talium elegantiarum:

- 1) Dicunt, vocabula *aureae aetatis* esse elegantiora aliis. Male. Vocabula per se non sunt pulchra seu elegantia: vid. paulo ante. Imo interdum vocabula recentiora sunt aptiora et elegantiora, v. c. *Landgravius*, *Archi-Marescallus* cet.

2) dicunt *elegantius* esse, phrasin pro verbo simplici ponere: v. c. *amore teneri* pro *amare*: *in amplexum alicuius ruere* pro *amplecti*, *ira inflammatum esse* pro *irasci*. Male. Nam a) simplex verbum, si ideam apte exprimit, aequè aptum est, ac phrasis: b) imò saepe est aptius, si ideam simpliciter ac sine idea secundaria exprimere cupis. Ac cum paucissima sint synonyma, quae prorsus inter se commutari possint, saepe in periculo sumus, ne phrasi quadam plus dicamus, quam dicere velimus; v. c. *amore teneri*, *von der Liebe gefesselt werden* est plus quam *amare*; *ruere in alicuius amplexum*, *in Iemandes Umarmung*, *Arme sich stürzen* longe plus est, quam *amplecti*: *ira inflammatum esse* plus significat quam *irasci*.

3) *Rarius vocabulum*, *variorem phrasin* male pro *elegantia* (h. e. *pulchritudine*) habent, v. c. *duntaxat* pro *tantum*; *colophonem addere* pro *finem imponere*, *perficere*; *infittias ire* pro *infittiare*; *impraesentiarum* pro *nunc* cet. Imò, quo crebrius vocabulum occurrit apud priscos, eo certius est, hoc iis pulchrius s. aptius visum esse, et quo rarius est, eo magis credibile est, hoc iis excidisse. Pertinet huc formula *ut quisque* seq. *ita*, pro *quo quis* cet. v. c. *ut quisque est doctissimus, ita solet esse modestissimus*: hoc multi putant *pulchrius* (sic explico illorum *eleganter*) dici, quam, *quo quis est doctior, eo solet esse modestior*; v. c. Heineccius Fund. Styli p. 78. ait; „quo, eo, si occurrunt, *elegant* mutari poterunt ita, ut in priori commate „ut quisque, in posteriore ita ponatur.“ Male. Nam sive dicas *ut quisque* cet. seu *quo quis* cet. nonne easdem ideas cum verbis coniungis? nonne eundem sensum? Iam, quae formula non pulchriorem sensum continet quam alia, non potest esse pulchrior.

4) Nec rarior vocabuli significatio ullam pulchritudinem et elegantiam per se adferre potest. Dicunt v. c. *gaudere* *eleganter* dici pro *habere*, v. c. *homo gaudet mente*. Imò timendum est, ne lector, nisi contextus aperte contrarium doceat, *gaudere* per *laetari* explicet: Sic *uti* *elegantius* dici putant pro *habere*, v. c. Rollin. in der Anweisung, die freyen Künste cet. p. 538. Male. Nec *utor* simpliciter est *habeo*, sed includit

dit simul *usum rei* proprie, v. c. *uti patre indulgente* cet. sed quis de homine suos libros non legentē dicat: *utitur multis libris?* Sic ita pro hac conditione, *propterea* cum elegantia quadam dici putant, v. c. Ernesti Init. Rhetor. §. 306. it. *ipse* pro *sponte*: it. pro *totus*, v. c. *tres ipsos dies ibi fui*. Non inest pulchritudo et elegantia, quia pulchritudo idearum non adiuvatur vel augetur. Sic Heinecc. Fundam. Styli p. 52. ait: *Aliquando versari idem est ac circumagi: Et haec est elegans locutio*; Imo est propria significatio: sic Horat. Sat. I, 5, 72. active dixit *versare turdos* scil. affandos, ad ignem.

- 5) Nec ordo verborum pro libidine traiectus vel potius discerptus pulchritudinem efficere potest. Male v. c. Heinecc. ibidem p. 58. ff. ait a) *vocativum non ab initio statim, sed plerumque* (quando vero?) *post aliquot verba poni solere*. Interdum nihil refert, utrum post aliquot verba, an ab initio ponas: interdum orationis gravitas vel perspicuitas postulat, ut modo praeponatur, v. c. Terent. Andr. I, 5, 47. *O Mysis, Mysis* cet. modo postponatur. b) n. II. ait, *casus obliquos, si id sensus orationis ferat*, (quid hoc sibi vult?) *eleganter nominativo praemitti*. Debat dicere, *si perspicuitas, gravitas vel suavitas dicendi id postulet*. Et hoc valet de omnibus eiusmodi regulis Heineccianis, v. c. n. VII. de *participio a verbo substantivo seiungendo*; ubi, ait, *pereleganter* hoc fieri, et laudat Cic. ad Qu. Fr. I, 1. *Non dubitabam, quin hanc epistolam multi nuntii famaque denique ipsa esset sua celeritate superatura*. Addit: *rescribe superatura esset, et multum peribit elegantiae*. Male. Nulla est elegantia, nisi in ideis: aequè eleganter Cicero dixisset *superatura esset*: nisi dicas, Ciceronem *esset* interposuisse, ne lector *tò ipsa* cum *celeritate* coniungeret. Millies verbum substantivum post participium invenies. c) n. VIII. *elegans est ei haec seiunctio ap. Cic. Fin. II, 16. Quae est ista laus, quae possit e macello peti?* pro *peti possit*. Nihil elegantiae inest, et millies haec seiunctio non reperietur. d) n. IX. ait, *comparativos et superlativos elegantissime periodum claudere*. — At hoc non fit semper, ac, si causam adferre licet, est forsitan numerosior clausula, vel alia causa.

e) n. X. dicit, *casus obliquos vocabuli nemo eleganter locum postremum occupare*. Male. Interdum praepositur, interdum postponitur hoc vocabulum. f) n. XIII. ait, *inter adiectivum et substantivum aliquid interponere solere Latinos, iam pueris notum est*. Ridicule! quid enim est illud *aliquid*? An omne, quod vis? dicere debebat, *aliquid, quod arte cohaereat cum his duobus nominibus, ad perspicuitatem adjuvandum*; v. c. *meus in te animus*: hic quisque sentit *in te ad animus meus*, nec alio pertinere. Exemplum Nep. Alc. 9. *Quem quidem adeo sua cepit humanitate*, non huc pertinet: nam aequè bene Nepos dixisset *sua humanitate*. Quod autem Heineccius addit: *At si dixeris*: adeo sua quidem quem human. cepit; *nulla amplius erit orationis venustas*; rectè quidem ait: at quis tiro tam petulanter discerpit ordinem et *quem* post *quidem* ponet? Omnis ordo verborum, si quid pulchritudinis adferre h. e. orationem magis perspicuam, graviolem vel suaviorem reddere debet, pendet a contextu et re. Idem ordo alibi pulcher, alibi stultus esse potest. Et quam mire loquitur Heineccius ibid. n. XI. *Adiectiva substantivis sive praeponas sive postponas, perinde est: pronomina tamen meus, tuus cet. saepissime postponuntur*. Nec intelligo, quid Ernestius sibi velit Init. Rhet. §. 301. „*In adiectivis elegans est, cum a substantivis divelluntur* v. c. *hoc est ad (i. e. in Ansehung) fructum uberrimum*,“ h. e. *efficit fructum uberrimum*, non, ut ipse explicat, *hic est fructus uberrimus*.

6) Nec commutatio partium orationis, si sit sine respectu idearum, aliquid pulchritudinis adferre potest: v. c.

a) *eleganter mutari adiectivum in substantivum et hoc in illud*, dicit Heinecc. p 74. sed non addit, quando fieri debeat. Non enim ubique fieri potest. Rectè quidem dico *nemo Herculis fortitudini resistere potuit* pro *Herculi forti*; at non: *emi mihi ferrum clavorum* pro *clavos ferreos*.

b) dicunt, *eleganter substantivum mutari in participium*: v. c. *re consideranda* pro *rei consideratione*; *mortuo patre* pro *post patris mortem*. Rectè ita dicitur h. e. usitate; at non pulchrius.

c) dicunt,

- c) dicunt, *eleganter verbum mutari in participium*: sic Heinecc. p. 75. ubi nil Gesnerus monet. Male. In participiis non nisi brevitatis inest.
- d) dicunt, *eleganter gerundium in participium mutari*. Sic Heinecc. p. 77. v. c. *cupidus sum virtutis amandae* pro *virtutem amandi*. At prius tantum *usitatus* est. Sic Gesnerus ibid. dicit, et pro *venit salutatum amicos* elegantius dici *venit salutaturus amicos*, *salutandorum amicorum causa*, *ad salutandos amicos*. Dicere debebat: *usitatus* pro *elegantius*.
- e) dicunt, *eleganter mutari futurum infinitivi in fore*, ut: sic Heinecc. p. 68. v. c. *spero fore*, ut in *gratiam tecum redeat* pro *eum in gratiam* cet. Male. Vtrumque saepe occurrit: nisi quod, ubi verbum futuro infinitivi caret, cogimur tò fore ut usurpare.
- f) *nomen in verbum eleganter mutari* ait Heinecc. p. 74. v. c. pro *omnibus par et plerisque melior* putat Nepotem elegantius dicere: *Antefertur huic nemo, pauci pares putantur*. At 1) sententia non ita fit pulchrior, 2) imo plane mutatur: Aliud enim est *parem esse* et *parem putari*. Saepe aliquis potest esse *omnibus par et plerisque melior*, nec tamen semper ei contingit, ut nemo ei anteferatur.
- g) dicunt, *dico non eleganter mutari in nego*, sic Heinecc. p. 79. v. c. *negavi me venturum* pro *dixi me non venturum*. At illud est tantum brevius.
- h) *eleganter mutari quidam in nescio quis*, ait Heinecc. p. 79. Male. Nam *quidam* (ein gewisser) non semper de *homine obscuro* vel *ignoto* dicitur, ut *nescio quis*; v. c. Cic. Rosc. Am. 23. in *T. Cloelium quendam*, *Tarracinensem*, *hominem non obscurum* cet.
- 7) *Elegantiam aiunt adiuvari adiectione alius vocabuli*. Recte: si idearum pulchritudo, h. e. perspicuitas, gravitas vel suavitas adiuvatur; non vero *adiectione universa et temeraria*; nihil enim addi debet temere: v. c.
- a) *eleganter addi* dicit Heinecc. p. 67. superlativis *quam, longe, multo*, v. c. *quam doctissimus, longe optimus*. At non *eleganter* illa vocabula adduntur, sed augendi causa. Nam *quam doctissimus, longe optimus* plus valent quam *doctissimus, optimus*. *Quam doctis-*

doctissimus est *recht sehr gelehrt*, sed *doctissimus* est *valde doctus, sehr gelehrt*.

- b) Ibid. n. 4. ait, *eleganter* superlativis addi *quisque*. Male. *Quisque* non additur *eleganter* h. e. *temere* (sic fere explicandum est istud *eleganter*) sed *necessario*, ad enuntiationem efficiendam universalem, quae sine eo non est: v. c. *optimus laudis studio ducitur* est *unus homo valde bonus* cet. at *optimus quisque laudis* cet. est *omnis valde bonus*, f. *omnes valde boni* cet. sic *optima* sunt *valde bona*: at *optima quaeque* sunt *omnia valde bona*.
- c) Ibid. n. 5. ait, comparativis *non sine elegantia* addi ablativos *iusto, solito, dicto, spe, opinione*: v. c. *iusto adtentior, solito tristior, dicto citius* cet. Imo adduntur tantum, ubi sensus requirit: non frustra h. e. ad pompam inanem. Longe aliud est *adtentior* quam *iusto adtentior*, h. e. *adtentior quam iustum est*: sic *solito tristior* est *tristior quam solebat*, *trauriger als sonst: dicto citius, spe celerius* est *citius quam dictum erat, celerius quam speratum erat*.
- d) ait p. 68. *elegantiam eandem* (scil. quam fore ut) *prae se ferunt formulae* addidit, fit, factum est, futurum est, quae verbis additae eventum vel consequentiam indicant. Recte: adduntur, ubi sententia fert: v. c. si de rebus fortuitis sermo est, addere possum *addidit, contingit*, v. c. *addidit, ut rex moreretur: si continget, ut istum videam* pro *rex mortuus est, si istum videbo*: at non, si de rebus physicis vel manifesto certis: v. c. quis dicat; *addidit, ut deus sit iustus* pro *deus est iustus*, vel *addidit, ut autumnus aestatem sequatur* cet.
- e) ait p. 69. *quid et cur* *eleganter* mutari in *quid est, quod?* Est *elegantia*, sed tum tantum, ubi ob adfectum interrogatio vehementior reddi debet.
- f) *quod si* pro *si* *eleganter* dici putant. At non ubique, sed 1) ab initio periodi post signum distinctionis maximae, ac debet 2) aliquid praecessisse, ad quod tò *quod* respiciat, sic et *Quod nisi* cet.
- g) *id quod* pro *quod*, *ut ne* pro *ne* *eleganter* dici putant. At 1) pro *id quod* saepissime occurrit quoque *quod*: et *id quod* plerumque tantum respicit totam enuntia-

enuntiationem, raro unum vocabulum, ut *quod*:
2) *ut ne* pro *ne* vel *ut non* saepe occurrit. Ergo
elegantius?

h) Heinecc. n. 12. dicit, *isque (et is, idemque) eleganter redundare emphaseos causa*. Mire. Nam si *emphaseos causa*, quomodo redundat? ac si redundat, nulla inest *emphasis*. At non redundat, sed est *adpositio* (ut in grammaticis dicitur) cum gravitate quadam, estque nostrum *und zwar*, v. c. *habeo multos libros, eosque pulchros i. e. und zwar schöne: Emit multos libros, idque parvo* cet.

i) Heinecc. n. 14. ait, interrogationibus *eleganter addi quæso; obsecro, amabo*, aut, si ex ira procedant, *malum*. Recte: si sensus fert. Nam *quæso, obsecro, amabo* sunt verba: hinc, quando iis uti liceat, sponte intelligetur. *Quæso* et *obsecro* est i. q. *rogo*; et *amabo* vel *amabo te* (nam utrumque dicitur) est proprie *ich will dich auch lieb haben*, deinde i. q. *rogo*. Est itaque blandientis et rogantis, respondetque saepe nostro: *höre einmal* etc. *Malum* est nostrum *der Geier! beym Henker!*

k) *eleganter* addi dicunt verbum verbo, v. c. *rana rupto iacuit corpore* pro *rupta est: telo percussus cecidit* pro *percussus est*. Recte: sed utrumque verbum suum sensum habere debet. Recte ergo Nepos in praef. *cum relatum legerint* i. e. *cum apud historicos legerint: referre* est historici, *legere* lectoris. Male vero Caesar B. C. I, 65. *Quos ubi Afranius procul visos conspexit: pro procul conspexit*.

l) *substantivum* dicunt *substantivo eleganter addi*. Recte, sed non sine apto sensu, v. c. *offendere patris animum* pro *patrem: vulnerare hominis corpus* pro *hominem*. At male dixeris: *inveni pennae longitudinem* pro *pennam*.

8) Omissione quoque elegantiam adiuvari dicunt: v. c.

a) *ut* omittendo post *velim, rogo*: At saepe addunt prisci, saepe omittunt: et neutrum elegantius. b) *si quis, si cuius, si quando, sicubi* elegantius dici putant pro *si aliquis, alicuius, aliquando, alicubi*. Non elegantius, sed usitatus: nam saepe *si aliquis, alicuius* cet. occurrit apud priscos: at longe saepius *si quis, si cuius, si quando* cet. Et proprie posterius est vitium:

at

at usus dicendi vitia inter virtutes numerare gaudet. c) elegantius dicunt *aliquis*, *aliquid*, *aliqui* ante *pronomen relativum* omitti, v. c. *est*, qui dicat: *sunt*, qui dicant: *non est*, *quod fleas*. Sic prisci fere semper. Est ergo *usitatus*.

- g) Vocant et nonnulli id *elegans*, quod tamen nonnisi rectum est.
- a) *semet ipse interfecit* pro *semet ipsum*: at ita prisci adcuratiores fere semper: nec aliter potuerunt dicere: nam homo proprie *ipse interfecit se*, *ipse est interfector sui*: non opus erat addere *ipsum*, quod iam in *semet* latet. Sic rectius *sibi ipse repugnat*, quam *ipsi*. Prisci tamen etiam dixerunt *se ipsum*, *me ipsum*, *sibi ipsi* cet. v. c. Cic. Nat. D. II, 3. *ut se ipsos — devoverent*: plura collegi in Observat. ad Cic. Orat. III, 53.
- b) Accusativus cum infinit. post verba *sentiendi*, *intelligendi*, *dicendi* pro *quod* putant elegantius dictum. At prisci non fere aliter loquuntur.
- c) *non modo, sed ne quidem*, pro *non modo non* cet. eleganter dici putant: Non *eleganter*, sed proprie *vitiose*: sed quia prisci posterius *non* saepe omittunt (per negligentiam): hinc et nobis ita loqui licet.
- d) *creare consulem, praetorem*: *cooptare pontificem, legere senatorem, capere vestalem* cet. eleganter dici putant. Prisci ita quidem loquuntur: et recte: nam *creare* est *facere*, *cooptare* est *eligere*, *capere* est *sumere*, hinc *eligere*. Prisci vero etiam dicunt, *consulem dicere*, Liv. XXIV, 9. XXVII, 6. *consulem facere*, Cic. Agr. II, 1. *dictatorem creare*, Liv. II, 18. VI, 6. *dictatorem facere*, Liv. II, 21: *cooptare tribunos*, Liv. III, 64. *cooptare senatorem*, Cic. Verr. II, 49. *cooptare magistrum equitum*, Liv. VI, 38. *legere vestalem*, Liv. I, 3. Cic. legg. II, 8. e legg. XII. tabb. Ovid. Fast. II, 383. *dicere tribunos militum*, Liv. V, 13.
- e) *An* post *utrum* s. *ne* enclit. eleganter dici putant pro *aut*. At semper fere ita prisci: v. c. *nescio, utrum scribam an legam*: *nescio, scribamne an legam*, vel *nescio scribam an legam*. Nunquam *aut* pro *an*, neque *an* pro *utrum* ponunt, qui accurate scribere sciunt.
- f) *contra, nusquam, commendare* pro *econtra, nullibi, recommendare* elegantius dici putant. At posteriora priscis plane ignota.
- g) *tantum abest, ut* seq. *ut* eleganter dici volunt, v. c. *tantum*

tantum abest, ut me adiuves, ut potius impediās, statim zu helfen, hinderst du cet. Sed vix aliter dici potest.

- h) *isque, et is, idemque, idque* eleganter dici putant pro *et quidem*, v. c. *habeo multos libros, et eos pulchros: vidi te saepe, idque Lipsiae*. Sed prisca saepe quoque dicunt *et quidem*.
- i) *sine ulla dubitatione* pro *sine omni* cet. eleganter dici dicunt. At prius tantum adcuratius. Occurrit *omni* ante *sine*, v. c. *sine omni sapientia*, Cic. Or. II, 1. *sine omni periculo*, Terent. Andr. II, 3, 17.
- k) *dignus*, seq. pronomine relat. elegantius dici putant quam seq. *ut*: v. c. *dignus est, quem amem* i. e. *ut eum amem*: at semper ita dicendum, (quia hoc usitatus) nisi iam *qui* praecessit, v. c. *vidi hominem, qui, ut amaretur, dignus erat*; non *qui, qui amaretur*: nec: *qui dignus erat, qui* cet.
- l) *ne quidem* diiungi eleganter, dicunt. At prisca semper fere diiungunt vocabulo interposito. Causam vid. infra.

SECT. V.

Eleganter scripturus debes vocabulorum habere delectum.

Sed cum tota ars bene latine scribendi s. stylus bene latinus in eo cernatur, ut pulchre cogitata aequae pulchre exprimas, sequitur, duo, ut omnis eloquentiae, ita styli bene latini studioso esse observanda. Primum debet *pulchre cogitare*, quae est res primaria, h. e. ex omnibus sententiis, argumentis, exemplis, similibus cet. ea deligere, quae perspicuitatem, gravitatem et suavitatem omnium optime adiuvent. Deinde debet ista pulchre cogitata pulchra veste induere: hinc rem quamque aptissimis verbis, aptissimaque eorum structura exprimere. Posterius non minus difficile est quam prius. Nam non per se necesse est, pulchre cogitata ubique pulchra adpareant. Nam in verbis male vel lectis vel coniunctis saepe peccari potest. Cum igitur non parvi referat, qualibus verbis hic utaris, videndum ante omnia est, ut scias *verborum delectum habere*.

SECT.

S E C T. VI.

Si vis delectum vocabulorum habere, debes magna illorum copia instructus esse.

Sed ut delectus iste recte haberi queat, magna vocabulorum et phrasium copia, in primis eiusdem vel similis significationis (*Synonyma* vulgo quoque haec vocantur) instructus esse debes, ut pro contextus ratione aptissima quaeque eligas, ac modo vocabula, ideam simpliciter h. e. sine admistione ideae secundariae indicantia, v. c. *mori, vita, esse, irasci, amare* cet. modo, ubi ob gravitatem vel suavitatem opus est, ea vocabula usurpes, quae praeter istam unam ideam simul ideam secundariam contineant, v. c. *mortem oppetere et cadere*, quibus inest simul idea *violentiae*, pro *mori: vitam trahere*, in quo est notio saepe cuiusdam *miseriae*, pro *vivere: vita frui*, in quo est simul notio *suavitatis*, pro *vivere: ira incensum esse*, in quo est notio *vehementiae*, pro *irasci: amore teneri*, ubi est notio *vehementiae* vel *firmitatis*, pro *amare* cet. Sic *stare, sedere, haerere* cet. indicant quandam *firmitatem*, v. c. *stat mihi sententia*, non est simpliciter pro *est mihi sententia*, sed *firma*: sic *haerere in malis* plus est quam *esse in malis*. Sic *versari* non est *esse* simpliciter, sed *aliquamdiu esse*, hinc *occupari*. — Sed omnia pendent a contextu: nulum vocabulum tam bonum est, quod non in contextu quodam sit ineptum, et nullum tam vulgare est, quod non in contextu quodam sit aptum.

S E C T. VII.

In primis debes vocabula recte intelligere, si vis delectum habere.

In primis opus est vocabula recte intelligere h. e. scire, quae notiones iis vere a priscis subiectae fuerint: quia sine hac cognitione delectum habere non potes. Subiiciamus nonnulla vocabula, quae non satis recte interdum intelliguntur:

Am-

Ambitio, non est *superbia*,¹ sed *studium honoris*, *Ehrliebe*, *Ehrgeiz*, *Eitelkeit*.

Anima est non *Seele*, sed *spiritus*, *Athem*: v. c. *anima ei foetet*: hinc *vita*.

Adparere non est *videri*, *scheinen*, sed *cerni*, *manifestum esse*.

Male ergo dicitur *malum adparens*, *Scheintübel* pro *opinato*.

Arma sunt, quibus corpus tegebant *prisci*, v. c. *galea*, etc. in primis *clypeus*: at *tela*, quibus hostem petimus, v. c. *gladius*, *hasta*, *bombardae* cet.

Avarus non est *parcens nimis pecuniae*; hic *tenax* dicitur, sed *pecuniae nimis cupidus*, *habſüchtig*, quasi *avidus aeris*. Saep̃e is, qui pecuniam maxime profundit, est *avarissimus*.

Auctoritas dicitur de rebus multum valentibus, v. c. de *impe-rio*, *exemplo* cet. saepius est nostrum *Vorstellung*, si a viro prudente proficiscitur.

Calamitas non est *malum* simpliciter, sed cum *damno gravi-ori coniunctum*, vel *ipsum damnum*.

Calumnia non est, quando quis in *conventibus hominum alte-rius dignitatem minuere studet*, *Verläumdung*: sed *falsa ac-cusatio* v. c. ap. *iudices*: exprimitque francogall. *Chicane*.

Clemens non est, qui aliis *beneficia tribuit*, sed qui *facile ignoscit*.

Conari est *tentare*, *unternehmen*, *wagen*, *wollen*: interdum *sich unterstehen*.

Consilium non modo est id, quod *suadetur*, *Rath*, sed etiam *decretum*, *Entschluß*; ac *factum ipsum*: saepe et *pruden-tia*, quae sciat sibi facile *consilium dare*.

Convincere, *überzeugen*, tantum malo sensu dicitur: *peccantes et peccata convincuntur*. *Convincere* est docere, rem aliter se habere quam aliquis dixit. Sed *überzeugen*, bono sensu, i. e. *facere, ut aliquis aliquid credat*, est *persuadere*, v. c. *persuasum mihi est de dei iustitia* cet.

Crimen non est *das Laster*, *Verbrechen* per se (nisi ap. poetas) sed *quidquid alicui obiciis*, *Vorwurf*, *vorgeworfenes Ver-brechen*: hinc *crimina diluere*.

Destituere est *deserere*. Ergo *destitui* est *deseri*.

Dignitas est *exiſtimatio hominum bona*, *Reputation*, *Ehre*, *Anſehn bey der Welt*.

Diligens non est *ſleißig* h. e. qui multa agit, sed qui *adcurate ac suo quaeque ordine tractat, ad singula vel minima atten-dit, si quid profint* cet. *genau*, *vorsichtig*, *ordentlich*, *sorg-fältig*. Est ergo *diligentia Genauigkeit, Pünktlichkeit, Be-hutſam*.

hutsamkeit, Sorgfalt, non Fleiß. Adilgentia et industria (Fleiss) differunt quodam modo *studium, labor, assiduitas, opera. Studium est impetus animi, der innerliche Trieb: assiduitas est diuturna industria: labor est industria magna et molesta: Opera est industria, corporis viribus utens: ac cernitur, v. c. in eundo, loquendo, scribendo cet.*

Divertere non est einkehren, sed in diversas partes ire, aus einander gehen: dicitur ergo de pluribus; e dii. e. in diversas partes, et vertere scil. se. At devertere est einkehren: proprie de via (se) vertere scil. ut eas in locum hospitii. Ergo deversorium, non diversorium, est locus hospitii.

Exsistere est oriri: vix per esse explicare cogare. In locis, ubi exsistere pro esse videtur positum, rectius per adparere, se ostendere explicatur.

Fas est, quod legibus divinis, sive scriptis seu innatis consentaneum est: Ius, quod humanis. Hinc intell. nefas i. e. Sünde.

Fides est non modo Treue, sed et Ehrlichkeit; omninoque cernitur in eo, si quis ita agit, ut acturum esse confidebamus, vel quia iuravit, vel quia promisit, vel quia per se h. e. ob humanitatis legem credebamus. Contra fidem igitur egisse dicitur, qui id non egit, quod acturum se promiserat, iuraveratve: it. qui v. c. amicum in domo sua occidit: quia tale quid amicus ab amico non expectabat. Saepius vertere licet Zutrauen, vel Zutraulichkeit.

Flagitium est omne peccatum turpe; proprie est Schande.

Forte est semper i. q. casu, a nom. fors i. e. casus.

Gloria Romanis est fama multas terras pervagata et illustris, nec respondet semper nostro Ruhm, quod saepe de parvis rebus dicitur, ubi laus dici debet: v. c. seinem Amte mit Ruhm vorstehn; ein rühmlicher Fleiß cet.

Haftenus raro est ad hoc usque tempus, sed intell. parte, estque fere 1) i. q. eatenus, in so fern, mit der Einschränkung: 2) in scribendo utimur, si rem copiose persequi nolumus; v. c. Haec haftenus, so viel hiervon, so weit.

Honoratus non est nostrum geehrt (in titulis) h. e. honore dignus, sed qui honore fruitur vel qui honoribus functus est.

Hostis non est is, qui nos odit, (ein Feind:) hic dicitur inimicus: sed qui bellum inferre conatur, qui nos oppugnat cet.

Imo saepius corrigit: exprimitque nostrum ja correctivum: it. nostrum vielmehr, umgekehrt; Francog. au contraire.

Ineptus non est ubique nostrum *ungeschickt*: sed *quidquid* tempore et loco alieno fit: ac de homine, qui alieno loco ac tempore aliquid agit; estque nostrum *ungereimt*, *abgeschmackt*, *nicht passend*.

Infans est, qui nondum *fari potest*.

Integrum est omne, quod in pristino statu mansit, quod nondum inceptum, laesumve est cet. v. c. *causa* (*Proceß*) est *integra*, quae nondum in foro initium cepit: *militēs integri* sunt vel non *vulnerati* vel non *defatigati*, prout vel *vulneratis* vel *fessis* opponuntur. Hinc homo *integer*, ein *rechtschaffener*, *ehrlicher Mann* h. e. nondum vitiis corruptus.

Invidia non solum est *Neid*, sed etiam *Haß*, *Blame*.

Laqueus non est *omnis funis*, sed quatenus nodus inest, ad capiendum, suffocandum cet. Est nostrum *Fallstrick*, *Schlinge*.

Levis differt a *facili*. *Facile* est, *quidquid sine magno labore effici potest*: leve est i. q. *nullius ponderis*, *vanum*, *inconstans*.

Liberi Kinder non simpliciter, sed cum relatione ad suos parentes: v. c. recte dico: *hic sunt liberi mei* cet. At non: *hic sunt liberi*, *hier sind Kinder*.

Libertus et *libertinus* idem notant: sed *libertus* vocatur in relatione ad patronum suum: *libertinus* in relatione ad ordinem suum h. e. quatenus non est servus. v. c. Tiro erat *libertinus* per se, et *libertus* *Ciceronis*.

Magistratus non est *senatus*, sed honores s. *munus honorificum*; v. c. *consulatus* erat *magistratus*: it. *praetura*. It. de uno homine illud munus gerente dicitur.

Magnus, de homine, non indicat eius *staturam*, sed *animum* et *virtutes*.

Momentum non est *pretium*, vel *omnis gravitas*, *Wichtigkeit*: nec recte dicitur *res magni momenti* pro magna in genere, sed quatenus confert aliquid ad aliquid efficiendum: Est ergo *der Auschlag*. v. c. in pugna ventus adversus interdum affert *momentum* s. est *res magni momenti*, h. e. *gibt dem Treffen oder dem Siege den Auschlag*.

Neceſſe dicitur, *quidquid aliter esse mutarive nequit*, v. c. *Neceſſe est moriamur*, *edamus* cet. *Oportet* dicitur de eo, quod ob *conditionem*, ob *commodum fieri debet*, v. c. *oportet discamus*: scil. ut docti fiamus cet. *Debeo de officio*.

Omnino non est particula adfirmandi *allerdings*; nec quærenti: *an legisti Livium?* respondere debes: *Omnino*, sed: *legi*. *Omnino* significat 1) *prorsus*. 2) *in univsum, überhaupt*. 3) explicari potest per *allerdings*, si hoc *allerdings* est i. q. *überhaupt*, vel *gänzlich*.

Opes non solæ sunt *divitiae*, sed omnia, quæ magno adiumento esse possunt; v. c. *amici potentes, classes, divitiae* cet. Parum differt a *potentia*.

Opinio est *sententia incerta, Vermuthung*: *opinari, vermuthen*.

Oratio non tantum est oratoris, de suggestu dicentis, sed omnino significat *verba*, quæ quis dicit aut scribit: Hinc saepe verti potest, *das Reden, die Worte*, v. c. *ex tua oratione colligo, aus deinem Reden, aus deinen Worten* cet.

Parum non est nostrum *ein wenig*, quod de mediocritate, qua contenti interdum sumus, usurpamus, v. c. *dis hat mir doch ein wenig geholfen*, ubi male *parum* dicas: sed est nostrum *wenig*, quod fere est i. q. *nil*; v. c. *parum prodest, nützt wenig oder nichts*.

Petulantia non est solum *lascivia (Muthwillen)* puerorum, qua per lusum aliquid agunt, quod severis hominibus displicet; sed saepissime longe plus indicat, cerniturque in eo, si quis aliis insultare damnumque inferre, homines verberare gaudet: est nostrum *Schadenfreude*: et *petulans, schadenfroh*.

Pietas non est ubique *Gottesfurcht*, nisi contextus docet, vel *erga deum* cet. additur. Est enim quoque *amor erga parentes, liberos* et omnes, quibuscum vel naturæ vel beneficiorum vinculo coniuncti sumus. Saepius exprimit nostrum *Zärtlichkeit, zärtliche Liebe, schuldige Liebe* cet.

Potestas differt saepe a *potentia*. *Potestas* est *regum et magistratum*, qua possunt nocentes punire. *Potentia* cernitur in divitiis, amicis magnis, omnibusque, quibus multa efficere possumus.

Probabilis est, qui *probatur h. e. placet*.

Publicus non fere est *manifestus, öffentlich*, sed *ad rempublicam totam pertinens*. *Sumtus publicus* est, quem suppeditat tota civitas, vel, huius nomine, senatus. *Litterae publicae* i. e. epistola ad senatum vel a senatu scripta: *aedificia publica* sunt *toti civitati communia*. Sic *publice* i. e. *nomine civitatis* cet.

Quidem non tantum est *zwar*, sed etiam *wenigstens*.

Remem:

Remedium est tantum id, quo utimur ad malum quoddam aver-
tendum, v. c. morbi: nunquam vero est *res* (*Mittel*) ad
aliquid consequendum pertinens.

Salus non tantum est *sanitas*, sed etiam *vita* vel potius *se-
curitas vitae* h. e. cum homo non habet, quod de vita sua
timeat. Romani et usurpant de *vita civili* h. e. *iure civita-
tis*, honoribus aliisque commodis, quibus cives romani frue-
bantur: quae quia is, qui in exilium abit, amittit, hinc
exsul dicitur *salutem amisisse*, ac, si in patriam revocatur,
salutem recuperare. Saepius vertitur *Heil*, *Rettung*, *Si-
cherheit*.

Scilicet non tantum dicitur apud priscos in explicanda re, ut
nostrum *nämlich*; sed saepius quoque respondet *etw*
freylich.

Seducere non fere est *decipere*, sed *seorsum ducere* h. e. in
locum secretum.

Si de *conditione*, non fere de *tempore* debet usurpari, v. c.
male dicas: *gaudeo, si te video*, pro *cum*.

Stultus est, qui *citra praemeditationem agit*, *eingfältig*,
Thor cet.

Tunica est *vestis interior*, *Weste*, *Camisol*.

Verba facere non est simpliciter *loqui*, non fere de paucis ver-
bis dici potest. Usurpatur fere nonnisi de pluribus verbis;
v. c. de *oratione solenni*, de *relatione consulis ad sena-
tum*, de *formula dedicationis recitanda*. Triplex hic
usus reperitur apud Ciceronem.

Versari non est *esse*, simpliciter, sed *morari in loco*. Expri-
mit nostrum *sich befinden*.

Vulgus non est solum *plebs*, sed etiam saepe *homines in
universum*, nostrum *das Publicum*. Hinc *vulgo* dicitur
i. e. *a vulgo*, *durchgehends*, *insgemein*: *vulgare rem* i.
e. *cum vulgo communicare*: *res vulgaris* i. e. *omnibus
nota* vel *communis*.

SECT. VIII.

Vnde discenda vera vocabulorum notio?

Sed unde hae verae vocabulorum notiones discendae
sunt? Hoc omnium optime fit e *contextus cognitione*,
atque ita frequenti et accurata priscorum lectione. At
haec est res difficilis et multorum annorum. Hinc
utile est, praeter magistri fidelis praecepta, libros con-

fulere, ubi istae notiones recte explicatae sunt; quo pertinent a) *Lexica bona*. Sed haec sunt rara, ac praeter *Lexicon Fabri* a Gesnero locupletatum et *Gesneri thesaurum Stephanianum* it. *Lexicon Forcellini*, vix novi *Lexicon*, cui confidere tuto possis. Et nec illa carent mendis. Ego propterea edidi *Lexicon* maius 1783 (edito ante minori), quod postea auctius et emendatius prodit, in quo superiores Lexicographos vincere studui. b) *Indices* priscorum a philologis editi, v. c. *Rosianus* Nepotis, *Freinshemianus* Flori, in primis *Ernestianus* Ciceronis: c) *Notae* in scriptores priscos a philologis editae, v. c. a *Gronovius*, *Graevio*, *Burmanno*, *Dukero*, *Drakenborchio*, *Oudendorpio*, *Ruhnkenio*, *Ernestio*, *Heynio* cet. quo pertinent quoque *Gesneri chrestomathiae* et *Ciceroniana* et *Pliniana*. Hi libri saepe consulendi: quanquam et hic cautio adhibenda, quia eruditi interdum vim vocabuli aliquam tradunt, quae illi vel plane non, vel non tuto tribui potest. V. c. 1) *atque* pro *statim* non usurpaverim, licet Gronov. ad Liv. et Ernesti in Clave, alique hanc vim tradant: 2) nec *aliquanto* pro *longe*, ut in illa Clave traditur. *Aliquanto* semper est medium inter *paulo* et *longe*, estque nostrum *um ein ziemliches*, v. c. *aliquanto plus*, *um ein ziemliches mehr*. Locus Ciceronis in Clave adlatus per figuram, quae litotes dicitur, explicandus: sicut nos quoque loquimur. 3) *Aetas* in illa Clave explicatur per *adolefcentiam*: non opus. 4) *humare* ibid. explicatur per *cremare*; male: *humare* semper est *humo tegere*? Nec Cicero Legg. II, 22. pro *cremare* usurpat: sed dicit tantum, omnem *sepultum* (sic Cicero loquitur) h. e. *crematum* posse vocari *humatum*, scil. quod ad ossa adtinet. Recte: nam qui cremabantur, deinde ex parte, h. e. quod ad ossa adtinet, humabantur. Recte ergo *crematum* per metonym. (conseq. pro antec.) dici poterat quodam modo *humatum* i. e. *humo tectum*. At propterea *humare* non est *cremare*.

In Nepote vero Eum. extr. ubi *humaverunt* pro *cremaverunt* esse putant, legendum est *cremaverunt*. 5) nec *denique* ubique usurpaverim pro *ut paucis dicam*, licet Graev. ad Cicer. ita explicet. Quis adlocutionem suam ad aliquem brevitatis studio ita incipiat: *denique veniam pro ut paucis dicam, veniam*. Quis hoc intelligat?

S E C T. IX.

In primis discenda est prima et propria vis vocabulorum.

Egregium adiumentum praestat investigatio *primae* vocabulorum notionis. Quam ubi tenes, ceterae facile, ut rivi e fonte, fluunt, certiusque discuntur. Sed *prima notio*, quam et *propriam* vocant, non hic subtiliter sumitur pro ea, quae ab origine linguae certo prima fuit: nam hanc in plerisque vocabulis periisse credibile est ei, qui novit, quantas mutationes omnes linguae, quoad vivae sunt, praesertim arte typographica non adiutae, subire cogantur: id quod ex vernacula patet, ubi multa vocabula primam propriamque vim amisserunt, v. c. *schlecht*, quod olim *planum* notabat, hodie per contentum dicitur, v. c. *ein schlechter Mensch, schlecht Latein; Schalk*, olim *servus*, hodie est *convicii* nomen: contra *Scherge* olim honeste dicebatur, v. c. in libris sacris: *er wird in Ehren sitzen wie ein Scherge*. Per *primam* igitur verbi significationem intelligimus hic eam, quae inter notas significationes prima est vel esse videtur, quia ceterae ex ea derivari facilius possunt. Nec tam certo prima est, ut non aliquando alia pro prima haberi possit. Nam ex qua notione ceterae omnium facillime derivari possunt, ea maxime digna est *primae* nomine. Ceterum nos hic saepe tantum verisimilitudine contentos esse debere, sponte patet. Subiiciamus hic nonnullorum vocabulorum primam notionem, quae quidem nobis nota est vel esse videtur:

Adfligo, ex *ad* et *fligo* i. e. *percutio*, est proprie *percutere rem ad aliquid*, v. c. *ad terram*: hinc *deprimere*, *evertere*: v. c. *animus adflictus est tam timesactus, ut colligi erigique vix possit, niedergeschlagen: opes adflictae i. e. valde depressae et debilitatae.*

Ambitio est 1) propr. *circuitio* praesertim illa Romanorum ad petendos honores: ex *amb* i. e. *circa*. Omnis, qui honores cupiebat, praesens petere, in eamque rem circum eos, qui suffragia laturi erant, ire eosque rogare cogebatur. Hinc per meton. consequ. pro antec. 2) *petitio* honorum ipsa. 3) *studium honoris aliisque placendi, Ehrliche, Ehrgeiz, Eitelkeit.*

Ango (gr. ἄγω, theod. *enge, Angst*) est propr. *angustans reddere, constringere*, in primis fauces.

Anima propr. est aër; hinc *spiritus, der Athem*: hinc metonym. *vita*.

Calamitas, a *Calamo, Halm*, est propr. *eversio frugum grandinis et tempestatis iniuria, Wetterschaden am Getreide*: hinc 2) *omnis gravis iactura*, v. c. *rei familiaris, honorum cet.* Verti et potest *Unglück*, si *iactura gravis* simul intelligitur.

Callidus, a *callo*, est propr. *cuius manus callum duxere s. diutina rei tractatione durae factae sunt*: hinc 1) *valde expertus*, quia, qui diu rem tractavit, experientia carere nequit: sic *imperator callidus i. e. magnae experientiae*: 2) *astutus, prudens (vorsichtig).*

Cogo e *co* et *ago*, est propr. *congrego*, sive *vi*, seu *sine vi*: hinc est *vi impellere, zwingen*: hinc *cogere pecuniam, einreiben, einnehmen*,

Crudus est propr. *cruoris adhuc plenus, nondum coctus*.

Debilis, propr. *mancus, cui pars sui deest*: hinc *infirmus, nervis carens*.

Dignitas propr. id, quod nos reddit dignos v. c. honoribus: *Würdigkeit*: hinc *merita*, it. *bona opinio hominum de nobis*;

Diluo, e *lavo*, propr. *liquorem adfusa aqua reddo tenuiorem*, v. c. *diluere vinum, atramentum, dlinner machen, wässern*: hinc *infirmiorem reddere, debilitare*, v. c. *moestas, crimina*.

Egregius, propr. *e grege separatus, vel segregari dignus*, v. c. *hostia egregia*, in qua nihil vitii inesse debebat: hinc 2) *praeestans*. Sic et *eximius* propr. *exemitus e pluribus*, vel dignus qui eximatur e pluribus.

Frigere propr. *frigus physicum pati*: hinc meton. *parum* vel *nihil agere*, vel *agere posse*, *otiosum esse*; quia frigus impedit laborem; et otium facit, ut frigus sentiamus magis, ut *contracalere, fervere de labore*. In Clav. Ernest. explicatur etiam *non placere, contemni*. Non forsan opus: nec sequitur ex frigore.

Gratia propr. *Annehmlichkeit*, hinc *Dank*: quia *habere gratiam, agere gratias* pro re indicat, rem nobis esse gratam.

Humanitas est propr. *sensus humanus* s. *sensus cuique homini innatus, menschliche Empfindung*, quo ducti et nos tuemur et aliis gratificamur, opem ferimus cet. Hinc 2) *amor erga homines in universum et studium iis operam navandi*; *Menschlichkeit, Menschenliebe, menschliche Gesinnung, Leutseligkeit, Höflichkeit, Gefälligkeit, Artigkeit, Manierlichkeit*. Hinc *studia humanitatis* sunt *studia*, quae *humanitatem (die menschliche Empfindung)* adiuvant, et ea sunt *poesis* in primisque *philosophia*. Hae duae res emolliunt mores. Nonnullis *humanitas* est *humana natura*. Male: Cicero enim distinguit *humanitatem* ab *humana natura* Rosc. Am. 22. *Magna est vis humanitatis*: — *reclamat ipsa natura*; cf. Cic. Or. I, 12. ubi Orator dicitur debere *omnem vim humanitatis tenere* h. e. *sensus humani*.

Infans propr. *qui fari nescit*: hinc *indisertus omnis*.

Levis propr. *omni pondere carens*; v. c. *pluma*: hinc *inconstans* cet.

Locuples propr. *dives*: hinc *fide dignus*; nam divitibus, pro aliquo spondentibus, fides habetur.

Micare propr. *se celeriter movere*: hinc de *luce trepidante, schimmern*.

Momentum propr. *id, quod facit, ut lanx descendat*: hinc omne, quod in re dubia facit, ut ea decernatur vel fiat.

Morosus vel a *mora* duci potest, ut sit propr. *qui valde moratur in re*, v. c. ad eam adcuratius inspiciendam: hinc, qui rem valde vel interdum nimis adcurate examinat: vel potius a *more* i. e. *Eigensinn*, hinc *eigensinnig*; vide Lexicon meum maius.

Nobilis propr. *notus*: hinc, *cuius pater vel maiores gessere summos honores in republica*. Talium nomina notiora esse solent, quam plebeiorum, quia homines magis de principibus loqui gaudent quam de plebe.

Offendere propr. *adlidere* per imprudentiam, v. c. ad lapidem, hominem: hinc 1) *peccare imprudentem*: et, quia adlidenti ad rem addidit, ut eam reperiat, hinc 2) *reperire casu, antreffen*. Quia vero v. c. ad saxum adlidens incommodum patitur, hinc 3) *rem infeliciter gerere*: et, quia ad hominem adlidendo huius iram excitare possumus, hinc 4) *animum hominis iratum reddere, beleidigen*.

Persona propr. *facies histrionis ficta, Maske*, quae varia erat, prout ille senem, adolescentem cet. agebat: hinc 2) de *hominibus*, quatenus eorum honores, animi rationem cet. spectamus, *der Character*.

Probum propr. *verum, s. tale, quale esse dicitur, vel esse debet, gut, echt*, v. c. *aurum probum, echt Gold*: hinc de hominibus, si tales sunt, quales se iactant, *rechtschaffen, redlich*.

Rationem habere rei propr. *computare, in computando non praeterire*: quod quia rei curam indicat, hinc in univ. sum *non praetermittere, non negligere; curare, Rücksicht haben*.

Scrupulus, a *scrupo*, est *lapillus acutus*: qui quia, si in calceum se insinuavit, pedem angit: hinc ad animum translatus, 2) *dubitatio animum angens*.

Spectare, frequent. a *specio* i. e. *video*, est propr. *rem intueri*, quod quia facimus in re examinanda, hinc *examinare, explorare*.

Sublevare propr. *erigere aliquem humi iacentem*: hinc *opem ferre misero*.

Subsidia, a *subsideo*, propr. sunt *triarii* h. e. ea pars peditum romanorum, quae, dum priores pugnabant, ab horum tergo *subsidebat*, ne ab hoste conspiceretur, ac, cedentibus illis, in aciem procedebat: hinc *subsidia, subsidium* de omni ope, quam alicui, indigenti illa, ferimus.

Tollo, 1) propr. *fursum moveo, hebe in die Höhe*; hinc 2) *removeo*; per meton., quia removenda fursum antea moventur: et hinc 3) *occido*: quia occisi *sublati* sunt e conspectu hominum. *Tollere laudibus, durch Lob erheben*, pertinet ad vim primam: quia, si quis valde laudatur, sermones laudem eius celebrantes in auras surgunt.

Tueri propr. *inspicere*. At rem saepe inspicimus, ut, quid ei desit, videamus, quo ipsam adiuvere et curare possimus: hinc 2) *curam gerere*; sic et nostri: *er sieht gar*

gar nicht nach seinen Kindern i. e. *non curat*: hinc 3) *defendere*, quae vel species vel effectus curae est.

Verſare, frequent. a *verto*, propr. *ſaepe vertere*, oft *herum drehen*, v. c. *carnem affandam*: hinc de Verre omnium, quae pulchra essent, cupido, nec tamen aperte abripere conante Cic. Verr. I, 51. *verſat ſe, quaerit, quid agat* i. e. *er drehte ſich bald da, bald dort hin, machte allerhand Wendungen*. Hoc faciunt cupidi rei videndae et artificium meditantēs, quo voluntati ſuae ſatis fiat: ſic et *verſari*, eodem ſenſu Cic. Verr. II, 76. 2) *verſari*, quia eſt propr. *ſich herum drehen*, quae actio aliquid temporis poſtulat, non ſimpliciter pro *eſſe* dici poteſt, ſed eſt *per aliquod tempus in loco eſſe*, ſ. *morari*, *ſich wo beſinden*: hinc *verſari in re* v. c. *literarum ſtudiis pro occupari*.

SECT. X.

De fontibus primae ſ. propriae notionis.

Praecipui fontes ſunt hi duo: 1) *Comparatio omnium unius vocabuli notionum inter ſe*, ut, quae mater, quae filia ſit, perſpicias. E quacunque ceterae facilius fluunt, ea eſt mater, ea eſt prima ſignificatio. V. c. varias notionēs verbi *offendo* contemplanſ video a notionē *adlidendi* ceteras ſponte ſequi; qui *adlidit*, iſ *reperit*, iſ *iram alicuius movet*, iſ *infelicitē rem gerit*, et verō etiā *peccat*: hinc *adlidere* eſt prima viſ. Si ex harum una ceterae melius deduci poſſent, haec tunc foret prima. Sic tollo proprie *ſurſum moveo* cet. Deinde verifiſimile eſt, priſcos prius de rebus corporeis, quam de iis, quae mente intelliguntur, cogitaſſe. Hinc *perſona* primum *Maske*, deinde *Charakter*; *ſcrupulus* primum *lapillus*, deinde *dubitatio angens*. 2) *etymologia*. Haec oſtendit verborum originem; quam ſi novi, ad vocabuli inde ducti vim facile eſt concludere. Sed origo vocabulorum eſt multiplex: hinc res difficilis. Poteſt vocabulum e latina, graeca aliave lingua ductum, vel ex hiſtoria, antiquo ritu, mythologia

logia in usum vulgarem receptum esse. En specimina:

1) E *latina lingua*: quanquam forsan prima origo in alia lingua latere potest, v. c.

Acclivis (*adclivis*), a *clivo*, ergo *ad clivum versus*: sic *declivis* est *de clivo*.

Ambitio ab *ambeo* h. e. *circumeo*, ex *amb*, Gr. ἀμφί i. e. *circum*.

Armenta videtur esse contr. pro *aramenta*, ab *arare*: quia propr. intell. *boves*, quibus prisci arabant, non equis. Hinc *optat ephippia bos piger*, *optat* cet. de iis, qui cupiunt id, quod ipsis non convenit.

Avarus ex *aveo* et *aes*: quasi *avidus aeris*.

Calamitas a *frugum calamo*, qui grandine frangitur.

Callidus a *callo* h. e. *duriori cute*.

Caveo forsan a *cavus*, ut sit propr. *occulto me*. In specubus occultabant se primis temporibus.

Cogo e *co* et *ago*, *ich treibe*: ergo *zusammentreiben*, *congrego*.

Crudus pro *cruidus* a *cruore*, i. e. *plenus cruoris*. Terminatio *idus* notat *copiam*, v. c. *herbidus*.

Damnare est propr. *damno adficere*, a *damno* i. e. *iactura*: sic Plaut. Trin. IV, 1, 10. *damnare divites*: et *poenae* primis temporibus nil aliud erant quam *damna* quaedam, v. c. *pecoris* cet. quae inferebant iudices nocenti: ac deinde *damnum pecuniae*, *capitis*. Ac forsan *damnum* est a *dare*. Certe, qui summam pecuniae *dare* cogitur, is *damnum* patitur.

Debilis forsan ab *habilis* pro *dehabilis* i. e. *non habilis*: hinc *mancus*, *parte sui carens*: talis enim est aperte *non habilis*.

Dignitas a *dignus*. Ergo *die Würdigkeit*.

Diligens a *di* et *lego* i. e. propr. *e variis rebus eligo id, quod maxime convenit*: hoc est signum hominis adcurati: hinc *diligens* est *adcuratus*, *adtentus ad singula*. Sed et hinc patet, cur *diligere* sit quoque *magni aestimare*; nam e multis hominibus aliquem eligens, quo utatur, indicat, se illum *magni* facere.

Diluo e *di* et *lavo*, quasi *zerwaschen*, propr. *liquorem reddere tenuiorem*.

Egregius ab *e* et *grex*: ergo propr. *e grege lectus* vel *legendus*.

Ex-

Examen ab *exactum*, supino verbi *exigo*. Sed *exigere* duo notat, 1) *abigere*: hinc *examen* est *abactio fetus*, de apibus, *Bienenschwarm*: 2) *perpendere, explorare*: hinc *examen* est *spectatio, diligens exploratio*.

Exemplum videtur esse ab *exemtum*, supino verbi *eximo*, pro *exemtulum* s. *exemptulum*, per contract.: scripsere enim et *emtus* et *emptus*. Ergo proprie est, *quidquid e pluribus rebus eximitur* (*heraus genommen wird*), ut aliis proponatur vel ad imitandum vel ad fugiendum; v. c. res aliqua gesta, fabula cet.

Eximius ab *ex* et *emo* i. e. *heraus nehmen, e pluribus sumo, eliga*. Nam *emo* et nostrum *nehmen* sibi respondent, alterum ex altero ductum est, τῶν vel abiecto vel addito. Hinc est *kaufen*: sic nobis *nehmen* pro *kaufen*, v. c. *Wo nehmen Sie ihre Waaren?* cet. Ergo *emo* propr. *sumo* in universum, deinde *sumo* pro certo pretio i. e. *kaufen*. Ex hac *sumendi* notione est *adimo*, *demo* pro *deemo* s. *deimo*; et *eximo* h. e. *e pluribus lego*: ergo *eximius* est *e pluribus exemtus et lectus* vel *eximi et legi dignus*.

Fabula a *fari*: ergo *quidquid homines dicunt, narrant*, sive verum sive falsum: hinc *narratio*: et hinc *tragedia* vel *comoedia*.

Faustus forsan a *fautum*: ut propr. sit is, cui *favent* vel homines, vel dii, vel venti cet.

Gens contr. pro *genus* (a *geno, gigno*) propr. ut *genus* notat *ex eodem homine genitos*, uno nomine *familiam*: ex hac *familia* latius dispersa factus est *populus*: hinc pro *populo* dicitur. Aequae se res habet cum vocabulo *nationis*.

Infans ab *in* et *fari*: ergo *fari nescius*.

Ingenium a *geno* s. *gigno*: ergo *quidquid ingenitum* s. *innatum est, ratio ingenita* s. *natura*.

Intra pro *intera* scil. *parte*: ab antiquo *interus*, unde *interior*; sic *extra* pro *extera* sc. *parte*: sic *dextra* pro *dextera* cet.

Lautus a *lautum*: ergo *gewaschen*, hinc *reinlich, prächtig*.

Locuples forsan a *locus* et *pleo*: ergo, qui *locum* vel *locum implet* h. e. *agrum, agros possidet*.

Morosus vel a *more*, *Eigensinn*, ergo *eigensinnig, mikr-risch* vel a *mora*: ergo, qui *diu in re moratur*: nam *osus* copiam, interdum nimiam, notat: v. c. *vinosus*: haec terminatio est graeca οἷς contract. idem notans. Prior derivatio (a *more*) praeplacet, vid. sect. IX.

Mulcta a *mulgeo*, plebeio fermone, ut *emungo*, pro *privo*: ergo propr. *damnum*. V. paulo ante *Damnare*.

Nobilis, quasi *noscibilis*, a *nosco*.

Paulus, a, um, e *pauculus* contractum.

Petulans a *peto* i. e. *adgredior*: hinc, qui alios *adgreditur*.

Forſan eſt participium verbi obſoleti *petulo*, frequent. a *peto*, ut ſit, qui crebro homines *adgreditur*.

Praetor contr. pro *praeitor* a *praeire*: hinc *dux belli*: quia hic *praeire* et milites ducere ſolet. Sic *praeſeſſe* propr. eſt *primum eſſe*: ſic *praecedere*: ſic *praefidere*, *praeflare* eſt ante alios h. e. *prima loco ſedere*, *ſtare*.

Publicus a *populo*, contr. e *populicus*: b et p pronuntiatione confundi vid. ſupra, v. c. *ſcribiſi* et *ſcripſi*: hinc *Publicola* pro *Populicola*: ergo *publicae res* ſunt *res populi totius* i. e. *incolarum urbis*, qui ſaepe dicuntur *populus*.

Semis eſt contractum e *ſemias* i. e. *dimidius as*: Et *as* propr. eſt *unum*: ergo *pars dimidia unius rei*. Niſi forſan eſt e gr. *ἡμισυ* ortum.

Siniſter forſan eſt a *ſinu* togae, qui ſiebat in parte laeva.

Stultus eſt forſan contractum e *ſtolidus*.

Superſtitioſus a *ſuperſtes*: et *oſus* indicat *copiam*, eamque fere *nimiam*: eſt ergo forſan, qui aliis ſupereſſe atque ita diu vivere cupit: vitae cupidi omnia timent, v. c. ſomnia, omina cet. hinc *abergläubig*. Ciceroni Nat. D. II, 28. eſt, qui totos dies deos precatur et immolat, ut ſibi ſui liberi ſint *ſuperſtites*. Ciceronis auctoritas in etymologia non magna eſt: ſic idem Orat. 47. ait, *ignotus*, *ignavus*, *ignarus* eſſe pro *innotus*, *innavus*, *innarus*, ob euphoniā: male: cur non etiam *ignumerus* cet.? Imo *gnotus*, *gnatus*, *gnarus* ſunt ipſa vocabula: *gnotus* et *gnarus* ſunt e *γνωστω*, et *γνωσις*: ergo *ignotus* eſt potius pro *ingnotus* cet.

Uncia eſt contract. ex *unicia* ſc. *pars*. *Unicius*, a, um, fuit adiect. ab *unicus*: ergo *uncia* propr. eſt *pars unica aſſis*, atque ita *duodecima*. Sufficiant haec. Addam adhuc coniecturam de *lex*, et *religio*. *Lex* propr. videtur eſſe *via*, ex hebr. *halach*, *lech*: hinc *aſſio*, ut *via* apud Hebraeos, et tandem *aſſio praſcripta* ſ. *praſcriptum*, *Geſetz*. *Lego* propr. videtur notaſſe *eo*: hinc *legare* i. e. *facere ut eas*, ſ. *mittere*: hinc *legio* i. e. milites, qui eunt adverſus hoſtem: hinc *intelligo* i. e. *eo ac penetro in ſenſum*

sensum verborum: hinc *legere aliquem pugno* ap. Plautum, i. e. *invadere*: et *legere oculis* Virg. Aen. VI, 34. mit den Augen durchgehen: hinc *negligo* i. e. *ne eo quidem ad rem*, ut nos: *ich stehe deswegen nicht einmal auf* i. e. *contemno*, non curo: hinc *legere lesen*, *perlegere durchlesen*, ut nos *ein Buch durchgehen*, *durchlaufen*: ergo *relego* f. *religo* est *retroire*, v. c. ob adspēctum periculi: hinc *metuo*: ergo *religio* 1) *reditus*, v. c. ob metum, 2) *timor*: et hic est fons omnium caerimoniarum et religionis apud gentiles: hinc 3) *cultus deorum*. Hinc intelligis versum, sensu aliquin carentem, apud Gell IV, 9. *Religentem esse oportet, religiosum nefas*; *religens* est, qui deos timet: *religiosus*, qui nimis timet.

2) Multa vocabula latina originem trahunt e graeca, hebraica aliave lingua, vel e communi illa prisca, qua graeca, hebraica et ceterae natae sunt. Cum Graeca conveniunt, v. c.

Ango ἀγγίζω; *autem* αὐτρε; *aestus* ab αἰθερω uro; *basium* a βάσιω loquor, ut sit propr. os, osculum; *crumena* γρυμναία, quod perae genus esse traditur in Lexicis; *donum* δῶνος vel a δῶω; *eo*, ich gehe, εἶω unde εἶμι; *extrico* a tricis, et hae sunt τριχες, ut expl. Baxt. ad Hor. Sat. I, 3, 88; *furfures* videntur esse βόρβορος i. e. *coenum*; *gaudeo* γηδέω; *garrivus* γαρύω; *madeo* μαδάω; *mors* μόρος; *num* μῶν per metathesin; *navis* ναῦς; *navis* ναῦς; *novus* νέος; *nervus* νεῦρον; *neo* νέω; *nuo* νέω; *nebula* νεφέλη; *nox* νύξ; *nunc* νῦν; *ovis* οἶς; *scruta* γρότη; *taeda* δαῖς a δαίω incendendo; *vado* βάδω; *vita* βίωτος et innumera. Cum theodisca conveniunt, v. c. *abscheiden* abscedo; *anzeigen* indico; *bitte* peto; *es beliebt* libet; *berauben* privare; *Bilz* (non *Pilz*) *boletus*; *doppelt* duplex; *Esel* asellus; *Eimer* amphora; *Eber* aper; *einig* unicus; *eins* unus, εἷς, εἶς, as; *falsch* falsus; *Faß* Vas; *Fackel* facula; *Flegel* flagellum; *Flocke* floccus; *Füllen* pullus; *gelb* gilvus; *Garten* hortus; *gestern* hesternus; *Grube* scrobs addito s; *heute* hodie; *Haber* avena; *Hanf* cannabis; *Haut* cutis; *Horn* cornu; *Herr* herus; *Hirsch* cervus; *jagen* agere; *immer* semper addito s; *Kerze* Cereus; *Katze* catus; *kalt* Kälte gelidus; *kurz* curtus; *legen* locare; *läppisch* forsā lepidus per abusum; *lauter* i. e. *rein* a lautum, lautus; *Mark* i. e. *Gränze*, margo; *mischen*

mischen misceo μίσγω; *nüchtern* forsan *nocturnus* vel *νυκτερινός*; *nützlich* utilis; *oder* aut; *Ort* i. e. *extremitas*, ora; *Pacht* pactum; *Pfund* pondo; *Pfeiler* pila, sic *Pfoste*, *Fisch*, *Filz*, *Pforte* cet. est *postis*, *piscis*, *pileus*, *porta*; *putzen* putare i. e. *mundum* reddere et *inutilia* demere, de arboribus; *Parchen* (circa hortum) *paries*, quasi *Parjet*, *rauh* *raucus* et *ravus*; *Rahm* (lactis) *cremor*; *roh* *rudis*; *Ruthe* *rudis*; *rotten*, *ausrotten*, a *radix*; *schökern*, *jocari*; *Schrein* i. e. *Schrank*, *scrinium*; *schreibe* *scribo*; *Stiefeln* *tibialia*, et sic innumera in *s*, *tilge* *deleo*; *Tisch* *discus* ob formam: *Vieh* *pecus* cet.

Haec haecenus, ut de hebraica taceam. Hinc patet, quam similes sibi sint linguae, et quam commendanda sit comparatio omnium linguarum, quarumcunque notitiam consequi licet, in primis in rebus, generi humano communibus, nec ad certam philosophiae vel religionis sectam aut ad doctrinam pertinentibus.

3) Multa vocabula ex historia priscisque ritibus in linguam ipsam et communis vitae usum venere. Si itaque cognitione historiae ac rituum cares, frustra in eruenda illorum prima notione desudabis, nec ipsa vocabula apte usurpabis; v. c. *Croesus* non facile de *quovis divite* sed de rege divite dici debet: *Cineres* et *urna* non hodie de nostris mortuis dici possunt; quia hi non comburuntur, nec cineres urna conduntur: qui ergo dicit: *maneo ad cineres usque, ad urnam usque tuus amicus*, is ridiculus est h. e. mentitur. Nec *colophonem addere* dicere licet. Dubitandum igitur est, an *legio*, *cohors*, *laurea* de *victoria*, *triumphus*, *fascis* de *imperio*, *toga* de *pace*, *sagum* de *bello*, *arma* de *bello* cet. hodie apte dicantur: quo pertinent in primis haec, quae saepe usurpari vidi:

Discedere in alicuius sententiam pro *adsentiri*: apud Romanos propr. *discedebant* senatores. Sic *pedibus ire in sententiam* cet.

Puncta omnium ferre i. e. *plausum*. Vbi est nobis ille rogator, qui ad ponticulum stans suffragia colligit et puncto notat?

Pro rostris dicere. Vbi sunt nobis *rostra*? ridicule dicunt nonnulli *pro rostris sacris dicere*.

Patres conscripti pro senatu: male.

Censor vitio creatus: fasces submittere; scriptores proletarii vel capite censi, non ausim dicere (nisi forte per iocum), quia nostris temporibus non conveniunt, licet Heinecc. p. 163. dicat ea esse elegantissima.

In arenam descendere cum aliquo pro disputare cum aliquo velle, vix sine inhumanitate dici potest. *In arenam descendebant* gladiatores: quales homines? infimae fortis, servi: et pugnabant ad mortem usque, nec ad veritatem defendendam, sed ad populi oculos pascendos.

Quod ad *deos* adtinet, quaeritur, an dici possit vario *Marte* pro *fortuna belli*; *Vulcanus* de igne, *invita Minerva* cet. quia isti dii sunt *Nonentia*? Nec per *Iovem*, *Herculem* aliosque deos iurare licet, v. c. *hercle*, *pol*, *edepol* cet. Quaeritur, an *Minervam*, *Musas*, *Apollinem*, *Gratias* s. *Charites*, *Heliconem* cet. nostris carminibus intexere liceat. Si per iocum, recte: sin serio, quaeritur, quid per *Musas*, *Heliconem* cet. intelligamus? Haud dubie prisca, v. c. *Homerus*, *Virgilius*, si nostra aetate viverent et Christianorum sacris uterentur, *Bacchi*, *Cupidinis*, *Veneris*, *Musarum* cet. nominibus abstinere, seque potius ad sua sacra adcommodarent.

Tria adhuc subsidia etymologiae addam:

- 1) *cognitionem pronuntiationis priscae*: v. c. quia *ci* pronuntiatum est *ki*, hinc video, *doctum* e *docitum* fieri potuisse. Quia ob celerem pronuntiationem vocalis atque adeo tota syllaba omissa est, v. c. *doctum*, *lectum*, *amasti* pro *docitum*, *legitum*, *amavisti*: hinc video, *praetor* e *praeitor* fieri potuisse: sic et *uncia* pro *unicia*; neimpe ex *unicus* factum est *unicius*: deinde *i* omisso, ut in *doctum*, factum *uncius*; ergo *uncia pars* est *pars unica Totius*. Quia scio per celerem

rem pronuntiationem *cis*, *gis* mutatum in *x*: hinc *video*, *quincunx*, *septunx* e *quinque*, *septem* et *uncia* conflatum, et *septuncem* esse *septem partes unicas* s. *uncias*, *sieben einzelne Theile*: *quincunx* est pro *quincunx*, quia *qu* lectum ut *k*. Saepe etiam vitiosa pronuntiatione una litera in fronte vel adiecta vel omissa est, v. c. *sal* est gr. ἅλς, *sorbeo* est gr. ῥοφῶ; *series* ὄρχος, *sulcus* ὠλάξ, *segnis* ἔκνος, *serubs* *Grube* cet. ubi *s* praefixum est: contra in nostra additur, ubi in alia deest, v. c. *ich salbe* est gr. ἀλείφω; *Schlüssel* κλέις; *ich forge* ὠρέω; *ich spare* parco cet. Interdum transpositae sunt literae, v. c. *τέρην tener*, *ιατρὸς Arzt*. Dixi de hac re supra, et pluribus in libello: *Gedanken von den Eigenschaften der deutsch. Schreibart* cet.

- 2) *cognitionem librorum de etymologia scriptorum*: quo pertinent in primis Vossius in *Etymologico* et Perizonius ad Sancti Minervam: qui adcuratiores sunt quam Varro, Cicero, item Festus alique Grammatici. Hi enim saepe magis ludunt quam explicant.
- 3) *cognitionem troporum*: qui sicut me a propria vocabuli vi ad translata ducunt, sic iidem me retro ferunt a translata ad propriam, atque ita ad verbi originem. Ut enim a causa ad effectum, ita ab effectum ad causam concludi potest. De his igitur tropis nunc separatim agatur.

SECT. XI.

De tropis universis.

Tropus est adpellatio valde indefinita, ut pleraque technica vocabula e peregrinis linguis petita. Ad verbum est *conversio* s. *commutatio*, intell. *vocabulorum* vel potius *notionum*. *Tropus* igitur est *translatio vocabuli* s. *notionis a pristina propriaque sede in alienam recte h. e. e ceteris regulis instituta*: nam non pro libidine transferre licet, et v. c. ponere *ovem* pro *lupo* vel contra. Quenam sunt regulae istae? *Perspicuitas* maxime, deinde *suavitas* et *gravitas*. Iam quia prudentes observarunt, istam translationem quatuor tantum modis fieri posse, salva

salva perspicuitate, hinc quatuor genera fecere. Videbant pro idea, quae loco alius ideae poneretur, non posse nobis eam ideam, cui illa substituta esset, in mentem venire, ut perspicuitas quidem postulat, nisi inter utramque similitudo aut coniunctio quaedam intercederet, quia e lege phantasiae nobis, rem cogitantibus, ea tantum simul res, quae cum illa aliquid commune vel coniunctum habet, in mentem venit. Ad hanc igitur similitudinem et coniunctionem respexere, et cum tantum tres deberent translationis modos pleno iure ponere, quia tantum tres iustae causae erant, *similitudo*, *coniunctio externa* et *coniunctio interna*, tamen cum ironiam nulli alii aptiori generi subiici posse viderent, (quae tamen est quoque commutatio quaedam vocabulorum) hinc quatuor translationis genera fecere. Nempe 1) vocabula, quorum notiones aliquid similitudinis inter se habent ratione formae, effectus cet. inter se commutari possunt; v. c. *fons* pro *causa*, quia e fonte, ut aqua, ita effectus quidam fluit. Haec commutatio dicitur *metaphora*. 2) Vocabula nonnulla, quorum notiones *cogitatione* cohaerent, f. cogitantur tantum cohaerere, ut effectus et causa, cet. possunt, si contextus patitur, inter se commutari, v. c. *Cerere* *vesci* i. e. *frugibus*: haec commutatio vocatur *metonymia*. 3) Vocabula nonnulla, quorum notiones vere et physice inter se cohaerent, ut *Totum* et eius *Partes*, possunt *interdum*, h. e. si contextus concedit, commutari: v. c. *pater sepultus est* h. e. *corpus patris*: haec commutatio adpellatur *synecdoche*. 4) Vocabula, quae externa quidem specie differunt, sed eandem ideam declarant, *interdum*, h. e. si perspicuitas concedit ac suavisitas vel gravitas ita crescit, commutari possunt, v. c. *indoctus homo* per iocum pro *docto*: Vocatur haec commutatio *ironia*.

In tropis haec in universum tenenda:

- 1) Vocabulum (i. e. notio), quod alii substituitur, debet tam notum esse, quam id, cui substituitur; alioqui perspicuitas offenditur.
- 2) Vocabulum, quod substituitur, debet eo, cui substituitur, venustius, saltem non invenustius esse. Alioqui commutandi nulla causa foret.
- 3) Causa, cur vocabulum vocabulo substitutum sit, e contextu debet intelligi, scilicet, utrum factum sit tantum variationis causa, an ob suavitatem maiorem vel gravitatem.
- 4) Non omnis tropus semper ornat orationem. Hic *ornatus* existit demum, si inest maior suavitas vel gravitas. Ergo, si vocabulo tropico uti cogimur, quia proprio caremus, v. c. *refutare*, *widerlegen*, vel si idea nova, quam tropus infert, non suavitatem gravitatemve adiuvat, nullus ornatus illi vocabulo tribui potest.
- 5) Tropica vocabula non ubique usurpanda: v. c. in idea simplici simpliciter enuntianda, in narratione cet.
- 6) Tropica vocabula orationi suavitatem conciliantia non debent nimis cumulari, ne taedium creent.
- 7) Tropica vocabula gravitatem adjuvantia non debent usurpari, nisi in re gravi.
- 8) Quia omnes tropi obscuritatis aliquid continent, debet, si vocabulo tropico utimur, adesse simul vocabulum, sive praedicatum sive subiectum, quod doceat, utrum tropicum vocabulum sit proprie an tropice positum, v. c. *comedere Cererem*, *bibere Baccham* cet. Hic *comedere* docet, Cererem non proprie intelligi. Interdum totus contextus docere debet, v. c. *Vcalegon ardet*: nam *ardet* non declarat, *Vcalegonta* esse domum *Vcalegontis*; quia et *homo ardet* v. c. cupiditate cet. At contextus Virgilii docet, *Vcalegontis domum arsisse*.
- 9) Vocabula non recte tropice adhibere potes, nisi eorum vim primam intelligis.
- 10) In omni troporum usu valde tamen regnat usus dicendi, saepe regulas migrans. Nec igitur solis troporum regulis nitendum: nec ea, quae in una lingua tropice

pice recte h. e. usitate dicuntur; in aliis linguis propterea dicenda sunt.

En historiam troporum! Tropi primum *casu* per negligentiam ac commoditatem orti sunt. Primistemporebus singulas res vocabulis propriis h. e. non alii rei communibus; exprimebant, ita, ut; quot res, totidem vocabula essent. Res corporeas; v. c. *oculum*, *pedem*, *cibum*, *ignem* cet. primas vocabulis expressas esse certum est. Multiplicatis deinde rebus corporeis homines videntes quandam similitudinem vel coniunctionem inter rem priscam et novam intercedere; nec ob commoditatem animum ad novum nomen inveniendum intendere cupientes; nomen, priscæ rei proprium, etiam rei novæ tribuebant. Videntes sic tamen se ab aliis intelligi, pergebant: hinc v. c. *caput hominis* et *caput montis*, *fluvii*: *dens hominis* et *ancoræ*, *pes hominis* et *montis*. Cum deinde etiam *res incorporeæ* verbis exprimendæ essent, sumserunt brevitatís et commoditatis studio vocabula, quibus corporeæ nominabantur, quia inter utrasque similitudinem intercedere animadverterent; v. c. *aeger* de *corpore* et *animo*; *video* de *oculis* et *mente*. Haec est origo *metaphoræ*. Homines, cernentes se tamen ab aliis intelligi, sic pergebant, imo in aliis quoque rebus, quæ iam sua nomina haberent, interdum peregrina ponebant; idque tum temere h. e. quia proprium nomen non statim in mentem veniebat, tum variandi causa; ad tædium vitandum: donec *eruditi* h. e. poætæ et oratores, ad usum dicendi semper adtenti; animadvertentes, *peregrinâ* s. translata ob novitatem et sensum interiorem magis delectare; quam *propria* h. e. vulgaria, illa augere, totamque rem *præceptis includere* inque *artis* formam redigere studerent. Aequè simplex origo est ceterorum troporum. Cum homines dicere deberent v. c. *patris corpus est sepul-*

tum, carmina Homeri hic sunt, civitas Carthaginensium bellum parat, aurea vasa tua non curo, pro iis breviter ac negligenter dicebant interdum: *pater sepultus est, hic est Homerus, Carthago bellum parat, aurum tuum non curo*. Ab aliis sic se intelligi videntes, perrexere: donec eruditi istam rem melius expolirent. Haec est origo *metonymiae* et *synecdoches*. Sic et *ironia* casu per iocum vel necessario orta. Cogebantur homines alicui interdum adsentiri, aliquid laudare vel vituperare, ubi contrarium sentiebant. Cum vidissent, cogitationes veras ab aliis intelligi, istam rationem facilius, licet per iocum maxime, adhibuerunt. Ex his adparet 1) tropus casu per negligentiam et commoditatem ortos, deinde ab eruditis magis cultos et amplificatos esse. 2) omnem tropum proprie subtilitati ac veritati repugnare h. e. tropico vocabulo ideam veram non vere exprimi, sed aliam, hincque omnem tropum, si subtiliter rem examines, vitiosum esse, quia perspicuitati repugnat: nisi usus dicendi et contextus veram notionem, cui tropica substituta est, in mentem simul venire iuberet: v. c. *homo flagrat amore* proprie non vere dictum est: homo enim non *flagrat* proprie: at ex addito *amore* colligo, per verbum *flagrandi* intelligi, amorem esse *instar ignis* s. tantum, ut non modo per totum eius corpus serpat, sed et per externam speciem, v. c. *rubore vultus*, se declaret. 3) non omne tropicum vocabulum *ornare* stylum, sed id tantum, quod notionem pulchriorem, suaviorem, fortiorem et contextui magis convenientem contineat: v. c. *ver aetatis* est suavius quam *adolescencia*, ergo pulchrius. 4) Verba, quae aliis substituuntur, debent nota esse lectori et auditori, v. c. *ver* omnibus notum est, non item *charybdis*. Peccant hic saepe recentiores. — Iam strictius de singulis tropis.

SECT. XII.

De metaphora s. commutatione ob idearum similitudinem.

*Metaphora est translatio (commutatio) idearum ob notabilem similitudinem: seu clarius: est genus quoddam breviloquentiae, quo pro vocabulo, quod ideam rei exprimere proprie debebat, vocabulum, ideam similis rei continens, apte h. e. salva perspicuitate ponimus; seu sic: est genus breviloquentiae, quo pro idea ipsa eius similitudinem uno vocabulo inclusam ponimus, ita tamen, ut idea illa onyssa simul e contextu intelligatur. Ergo vocabulum metaphoricum est id, quod loco ideae, quae proprie exprimi debebat, eius tantum similitudinem exprimit, salva tamen perspicuitate h. e. ut tamen, quae idea proprie poni debuerit, manifesto simul intelligatur. Possit et metaphora brevius sic definiri: est omissio particulae comparativae, v. c. ut, tanquam, quasi, velut cet. Nam metaphoram non esse tam commutationem veram vocabulorum aut idearum, quam omissionem particularum comparatarum, omninoque tantum breviloquentiam, exemplis docebimus; v. c. *Intemperantia est mater mortis*, i. e. *causa mortis*, dictum est pro *est quasi mater mortis*, s. *mortem parit, ut mater infantem*. Sic *sapientia est fons bene dicendi* pro *quasi fons*. Sic *amore flagrare* pro *quasi flagrare*. Sic *sanguis Abelis clamavit ad deum* pro *tam celeriter deo innotuit quasi sanguis clamasset*, brevius: *sanguis Abelis quasi clamavit ad deum*; *vera aetatis* i. e. *adolescencia* pro: *pars aetatis ea, quae tam laeta est, quam ver esse solet*, s. brevius; *aetatis pars, quae quasi ver est*. Sic *coeco carpitur igne* Virg. Aen. IV, 2. i. e. *amore*, dictum est pro *carpitur tali vi coeci amoris, qualis in igne esse solet*, s. brevius: *carpitur coeco tanquam igne*. Non igitur, si subtiliter loqui vis, ignis pro amore di-*

ctus est: nam ut *amor* non est *ignis*, sic *ignis* non est *amor*: at *amor* potest igni *similis* esse. Sic *flamma* de *amore* Ovid. Met. VII, 77. verba sunt: *Cum* (Medea) *videt Aesoniden, exstinctaque flamma revixit, Erubescere genae totoque recanduit ore.* In verbis *flamma revixit* est duplex similitudo, ergo duplex metaphora: a) *flamma* pro *vehemens amor, qui instar flammae est*, quae corpora incendit, cutem rubram reddit cet. (hinc addit poeta: *erubescere genae*), s. brevius: *flamma* est pro *quasi flamma*: b) *revixit* pro *quasi revixit*. At quam breviter: *flamma revixit*: et quisque videt, ad amorem respici. Sola igitur brevitatis metaphoram commendat; brevitatis enim animum fortius ferit. Brevitas haec cernitur in eo, quod praeter notionem rei proprie nominandae simul notio similis rei additur: non enim est vera mutatio idearum, sed complexio duarum idearum in uno vocabulo: in metaphora enim semper duae notiones simul intelligi debent. Quod si hoc tenemus, in metaphora esse non nisi brevitatem, et non nisi particulam similitudinis v. c. *quasi* cet. omis- sam esse, facile intelligitur, cur Rhetores praecipiant, *interdum* h. e. in duriori metaphora emolliendi causa adiaci debere *velut, quasi, ut ita dicam* cet. Dicere sic poterant: Vt in omnibus metaphoricis vocabulis particula comparativa *velut, quasi* cet. omitti potest ac debet, si similitudo nota et usitata est, sic, ubi nota et usitata non est, adiaci debet signum similitudinis, v. c. *velut, quasi* cet.

Notentur paucae adhuc regulae:

Prima: Similitudo illa facile debet animadverti. Sed animadvertitur facile, 1) si res ipsa, quae substituitur, satis nota est. Non ergo res, non satis notas, adhibere debemus, v. c. pro *rubedine genarum* dici potest *rosae genarum*, non vero *Alkermes* cet. 2) Si simi-

similitudo apta et perpetua inter utramque rem intercedit: v. c. *rosa* de *genis*: *ver* de *adolescencia*: *volare* de *celeriter euntibus*: *natare* de *iis*, quae se celerrime movent in liquore; hinc *oculi natantes* de mortuis. Similitudo non apta est, si ambae res magnitudine aliisve virtutibus nimis differunt; v. c. non omnia magna, alta, acuta inter se comparari possunt: v. c. *gladius* non *cum acu*: nec *acus* cum *gladio* aut *hasta*: quis sine risu dicat: *vibravit longam acum* i. e. *hastam* aut *gladium*? sic *mons* non bene vocatur *verruca terrae*, nec contra. Quaeritur igitur, an *nix capitis* dici possit? sed usus loquendi omnia emollit; v. c. apud nos *ein Bißcherz Wasser*, *Verstand* cet. (a *Bissen*, *bolus*;) sic audi vi dicere *nicht ein Stäubchen Wasser*, *Verstand* cet. Sic *caput montis*, *pes montis* non satis adcurate dicuntur, quia nulla alia similitudo cogitatur, quam haec: *caput* est *summa* pars, *pes* *infima*, ut hominis, ita montis. Vfus tamen dicendi omnia reddit tolerabilia.

Altera regula: Similitudo ista debet esse honesta: neque ita vocabulum, quod substituimus, obscoenam, omninoque iniucundam ideam continere debet. Sic peccavit, qui dixit, *republicam Africani morte castratam esse*. Peccavit contra humanitatem et suavitatem.

Tertia regula: Similitudine rei eius, quam substituimus, universa contenti simus nec ipsam ad singulas partes extendamus: v. c. dicimus quidem *caput montis*: at propterea non *nasum*, *capillos montis* cet. dicimus *pedem montis*, at non *digitos*, *ungues montis*. Recte dicitur: *navis volat*, *homo advolat*: hic similitudo *avium* universa manet: at si adderem quoque *alas* cet. ridiculus fierem: quia, ut in monte *nasus*, *digiti pedis*, sic in nave et homine *alae*, non reperiuntur. Peccavit hic Gracianus, qui dixit: *die Hautboisten der Aurora singen an Salve zu geben, als die*

Sonne zum Vorschein kam, und den Zapfenstreich der Sterne zu schlagen.

Quarta regula: In similitudine semel recepta pergere decet in eodem contextu. Ergo, unde v. c. subiectum sumtum est, inde quoque praedicata sumenda sunt. Pertinet hoc ad perspicuitatem et simul suavitatem: iniucundum foret, si subiectum v. c. e militia ductum esset, praedicata a piscibus cet. ducere; nonne ita auditorum lectorumve expectatio falleretur? Hinc, si v. c. pro amore sumis ignem, non potes dicere ignis trahit, suspendit cet. at ardet, incendit cet. sic, si pro consilio usurpem finem, debent addi praedicata, propriae finis notioni (*Ende, Gränze*) convenientia: ergo dici potest finis certus, at non pulcher cet. Sic vestigia pro signis s. indiciis, non possunt dici magna, egregia, pulchra, sed expressa h. e. perspicua, ut, qui iis insistere velit, ea videat: sic vestigia non imitatur, sed legimus. sequimur, iis insistimus. Sic gradus, propr. Stufe, Staffel, si cum honoris coniungitur, non dici debet gradus honoris magnus, pulcher, sed altus, summus: quia in gradibus scalae proprie suntis non cogitatur eorum magnitudo, pulchritudo, sed altitudo: nec possum dicere summum honoris gradum accipere, impetrare, sed ascendere, pervenire ad summum gradum cet.: quia gradum proprie sumtum (Stufe) nemo accipere potest, quia tum non amplius foret gradus, sed lignum vel saxum. — Quaeritur, an vultures possint dici sepulcra viva avium? Vix: quia sepulcrum vivum proprie non exstat. Si tamen usus loquendi id invexisset, tolerandum foret. Sed, quod dixi, subiecto metaphorico sumto addi debere praedicata ei proprie convenientia, hoc non ita debet intelligi, tanquam cetera omnia exclusa sint. Imo ea tantum exclusa sunt, quae ad certa subiecta proprie pertinent; cetera omnia subiecto metaphorice tribui possunt, dummodo similitudo et perspicui-

spicuitas fervetur: v. c. *ignis*, fumtus pro amore, non modo ardet, fervet, exstinguitur cet. sed etiam est magnus, acer, validus, exiguus, languidus, vincit, superat, tenet, capit, habitat, se insinuat, fluit, pertentat animum, neat, pererrat, labitur, serpit, descendit, oritur, crescit, furit, vivit, desinit, incipit, evanescit, est medullas cet.: nam haec praedicata non tam ferviunt uni subiecto tanquam hero, ut non et aliis operam suam praestare possint. — Ceterum haec omnia nituntur maxime usu loquendi: nihil est tam durum, quod ille non emolliat: v. c. in nostra lingua dicimus *eine Stelle aus einem Buche anführen*, i. e. ad verba: locum adducere: it. *Gründe anführen* i. e. *fundamenta adducere*: quid absurdius? quomodo locum, qui fixus est, et *fundamenta* proprie sumta adducere possis? Et tamen sic dicimus: Latini non ita, sed locum laudare, commemorare cet. At iidem dicunt adducere in sermonem, invidiam, vituperationem; it. vocare in dubium, in suspicionem: it. Cic. Or. II, 9. in. *fraus hominum ad perniciem, et integritas ad salutem vocatur*: nonne τὸ voeare in istis formulis aequè durum est ac nostrum *eine Stelle anführen, Gründe anführen*? Vfus dicendi est tyrannus, cui omnes regulae parere coguntur: cf. supra nostrum *ein Bißchen* (parvus bolus) *Wasser, Verstand*. Vfus loquendi venit a plebe, et quanquam Critici eum corrigere conantur, tamen omnia corrigere nequeunt: quia a) Critici sero oriuntur, postquam lingua diu in usu fuit: b) Critici sunt minima pars populi. Nolumus igitur priscos nimis vituperare. Sic vituperant nonnulli, v. c. Buchn. de commut. rat. dic. p. 49. Horatium, quod Epist. I, 1, 39. dixit: *Nemo adeo ferus est, ut non mitescere possit, Si modo culturae patientem praebeat aurem*; quia *ferus* translatum sit a brutis (ab animalibus, ait Heinecc. Fund. p. 152. male), *mitescere* a fructibus (male frugibus Heinecc.) cultura ab

agris. — At quis certo scit, *ferus* proprie de *brutis* dici? Forſan Horatius nil aliud cogitavit, quam *exper-tem diſciplinæ, culturæ*, ut nos *ein wilder Knabe, wilder Menſch*, ubi non ſtatim *bruta* cogitamus. Deinde nec certo ſcimus, an *mitis* de *pomis* proprie dicatur.

SECT. XIII.

De Metonymia.

Metonymia eſt *commutatio rei cum re ob coniunctionem externam*, ſeu magis perſpicue: eſt *genus translationis*, quo *res cum re*, vel potius *nomen rei cum nomine alius rei* interdum h. e. ubi uſus et contextus fert, *commutatur*, quia *inter utramque eſt quædam coniunctio*, non illa quidem integralis et eſſentialis, ſed tantum *idealis* et *relativa* h. e. quia alteram ſine altera non cogitare licet, atque ita *res*, quæ pro altera ponitur, huius ſimul notionem nobis in mentem revocat. Hinc intell. 1) hanc commutationem non in omnibus rebus, ſed in iis fere tantum locum habere, quarum commutatio uſu loquendi ſtabilita eſt: 2) contextum talem eſſe debere, ut commutationem ſtatim agnoſcas. Forſan tamen raro necesse eſt vocabula per metonymiam explicare.

1) Inter *cauſam efficientem* rei, v. c. auctorem cet. et *rem* ipſam ab illa *effectam* eſt coniunctio externa, ſ. relatio quædam h. e. neque hanc ſine illa, neque illam ſine hac cogitare poſſum. Hinc *interdum* illa pro hac, et hæc pro illa ponitur. v. c.

- a) *Cauſa efficiens* pro *re effecta*; v. c. *Homerus* eſt auctor *Iliados, Odyſſeæ* cet. Quæ carmina qui vidit, poteſt dicere: *vidi Homerum*. Sic *Virgilius* eſt legendus: ſic *Faber* pro *Lexico Fabri* cet. At non dicere poſſum; *Drakenborchius* pro *notis eius in Livium*, niſi ſermo de Livio ſit: nec ubique *Melanchthon* pro *locis eius theologicis*. Ergo tantum licet ponere auctorem libri

libri pro *libro*, si uterque valde notus est et contextus admittit; v. c. in *legendo Livio commendaverim tibi Drakenborchium et Dukerum*; ubi aperte intelliguntur eorum *notae*. Sic *lingua* est effectrix *sermonis*: hinc *lingua latina* pro *sermone latino*. Sic prius *Ceres* pro *frugibus*, *Bacchus* pro *vino*, quia auctores putabantur: *Musae* pro *litteris*, *Venus* pro *amore* cet. At praedicata addita debent hoc declarare, v. c. *edere Cererem*, *hibere Bacchum* cet. Quaeritur, annon *Schwarzius* pari iure pro *pulvere illo pyrio* poni queat?

b) *res effecta* pro *causa* ponitur, vel potius poni videtur: v. c. *umbra* pro *arbore*, scil. densa frondibusque ornata. At semper *umbra* proprie intelligenda: quis pro *in umbra iacere* dicat *in arbore iacere*? quod dici posset, si *umbra* pro *arbore* poneretur. Sic *pallor* pro *timore* poni dicunt: At 1) tum tantum de *gravi timore* dicendum foret; hic enim *pallidum* os reddit: 2) semper tamen *pallor* proprie intelligendus est, nec opus est metonymia. Referunt huc *tristis senectus*, *pallida mors* cet. i. e. reddens homines tristes cet. At possit per prosopopoeiam explicari: *das finstre Alter*, *der blasse Tod* cet. — Huc pertinet commutatio *antecedentis* et *consequentis*, quia illud est quasi *causa efficiens*, hoc est quasi *res effecta*:

a) *antecedens* pro *consequente*, v. c. *vale dicere* pro *abire* vel *abire velle*; quia, qui *abit*, antea solet *vale dicere*; sic nostri *ich werde Abschied nehmen*, *mich empfehlen* pro *fortgehen*. Sic *memor* pro *grato*, quia *gratus* debet esse *memor*; sic *oblivisci beneficiorum* i. e. *ingratus esse*; sic et nostri *vergeffen*. Potest tamen hic etiam dici, *signatum* poni pro *signo*, quia *gratus animus* est signum *memoris* cet.

b) *consequens* pro *antecedente*: v. c. *cadere* in proelio pro *caedi*, *interfici*, quia caesi cadunt; sic nostri *fallen*, *bleiben*, quia qui in proelio interficitur, ibi *manet*, nec domum redit. Sic *sepultus* hodie pro *mortuo* dici potest: sic Cicero legg. II, 22. dicere poterat, omnes *sepultos* i. e. *crematos*, dici *humatos*, quia *crematorum* ossa et cineres *humabantur* i. e. *humo* tegebantur. At hinc non sequitur, *humari* esse

i. q. *cremari*, ut *cadere* non plane est i. q. *interfici* cet. Sic *erubescere* pro *puere*: quia *rubor vultus* sequitur plerumque *puorem*. At non propterea *erubuit* et *puet illum* plane synonyma sunt: nec illud nisi de *magno pudore* vel *pudore hominis ingenui*, qui *ruboris* istius capax est, dici potest. Nec tamen video, cur *erubescere* non proprie de *rubore* intelligi debeat; nam ad hunc respiciunt proprie omnes ita loquentes. Ceterum haec commutatio antec. et consequ. valde commendanda est: nam a) consequens pro antecedente positum prodest ad gravitatem rei, quia antecedens tacite includitur, atque ita res celerius traditur; v. c. *cadit vir fortiter pugnans* est gravius quam *caeditur vir* cet. In *cadit* cogito sponte *to caedi*, non in hoc *illud*. b) utraque commutatio adiuvat suavitatem 1) *variatione*, quando v. c. modo dicimus *mortuus est*, modo *nos reliquit*, quod est consequens prioris: sic *librum scribere* et *librum edere* commutari queunt: 2) *euphemismo* v. c. *beatus pater* pro *mortuo*, ubi est consequ. pro antec. sic *Venus* et *amor* pro *coitu*: ubi est antec. pro consequ.

II) Inter *rem* e quadam *materia* factam et inter *hanc* semper est eiusmodi coniunctio idealis s. relatio, ut illa sine hac non possit cogitari: hinc interdum *materia* pro *illa re* ponitur; v. c. *aurum*, *argentum*, *stannum* pro *numis aureis*, *vasis aureis*, *argenteis* cet. sic nos: *sie haben schönes Silber*, *Zinn* cet. *einen in Golde*, *Silber bezahlen*, *sich in Seide tragen* cet. Sed not. 1) iste loquendi modus est magis negligentiae quam elegantiae signum: ac vitiosus foret, nisi usus dicendi vitia excusaret. 2) nec ubique licet *materiam* ponere pro *rebus* inde factis: sed tantum in nonnullis usu receptis, v. c. *aurum* pro *numis*, *vasis aureis* cet.; nec igitur dicere licet *atramentum* pro *litteris*, *chartam* pro *libris*, nisi forsan per iocum aut contemptum: non *lignum* pro *domo*, *vitrum* pro *fenestra*, *aurum* pro *annulo aureo*. Ac profecto, licet *aurum* cet. de *vasis*, *numis* ponatur, tamen hic non tam *numorum*, *vasorum* quam *auri*
ratio

ratio habetur: nec respicitur hic ad *rotundam figuram* *nummorum*, ad *imaginem* cet. sed tantum ad *materiam*: ergo commutatio magis esse videtur, quam vere est.

III) Inter locum et ea, quae in illo semper sunt, vel saltem esse cogitantur, est quaedam relatio s. coniunctio idealis, quia nec locum sine illis, nec illa sine loco isto cogitamus. Hinc iste *locus* interdum i. e. ob negligentiam et celeritatem dicendi pro illis ipsis ponitur; v. c. *orbis terrarum laetatur: nos: alle Welt*, Francog. *tout le monde* i. e. *homines*. Sic *coelum nosse* i. e. *stellas*: sic *den Himmel anrufen, der Himmel wird sorgen* pro deo; non satis reverenter. Sic *Roma* pro *Romanis*, *Gallia* pro *Gallis* cet. Huc pertinet *possessor domus ac rei familiaris* pro *domo* et *re familiari* ipsa: quanquam raro; v. c. *Claudius pendit venalis* ap. Suet.; *Vcalegon ardet* ap. Virg., *hospes ardet* ap. Horat. i. e. *domus Vcalegontis, hospitis*: ut nostri: *er ist abgebrannt*, de homine. Sic *ich bin bey dir gewesen* i. e. *in deinem Hause*, sic latini *apud te* i. e. *domi tuae*. Huc referri potest, *debitorem diffecari debere*; it. *aliquem comedere*, ut nostri *einen bald aufessen* cet.

IV) Inter *eum*, qui exercitui terraeve praest, et inter hunc *exercitum terramve* relatio quaedam s. coniunctio idealis est: hinc interdum h. e. in certis formulis dicendi, ille pro exercitu terrave ponitur, et contra: v. c.

a) *dux militum* pro *militibus*, si de re sermo est, utrisque communi; v. c. *Scipio fugavit Hannibalem, cepit multa millia hostium*: quia omnia haec fiunt imperatoris ductu et consilio, e regula illa: *quod quis per alios egit, id ipse egisse dicitur*: sic *Hannibal fugatus est* cet.

b) *terra tota* pro *rege* interdum, h. e. si praedicata apta sunt, dici potest: v. c. *Gallia bellum gerit, indixit* cet. pro *rex Galliae*: quia praedicata *bellum gerit, indixit*

indixit nonnisi de summam potestatem habentibus dici possunt. Tribuitur autem Galliae *τὸ bellum gerere* cet., quia Gallia tota huius rei particeps est. Nam non ubique *regnum* pro *rege* dici potest, sed tantum in *publicis rebus*. Hinc non dici potest v. c. *Gallia pedum dolore laborat, aegrotat* cet. pro *Rex* cet. quia sunt hae res *privatae*, quae non fiunt nomine regni. Sic nec contra *rex* pro *regno* dicitur: at pro *exercitu*, licet eum non ducat; ex regula: *quod quis per alium egit, id ipse egisse putatur et dicitur*: v. c. *rex Galliae dici potest fugasse hostes, urbes cepisse; fugatus esse*, licet ne interfuerit quidem exercitui.

V) Inter *signum rei notabile et rem ipsam*; isto signo notatam; est relatio s. coniunctio idealis: hinc, si *signum* istud *notum et perpetuum* est, potest pro *re*, eo *signata*; interdum h. e. ubi usus et contextus fert, usurpari. v. c. Prisci dixerunt *lauream* pro *victoria*, *fascēs* pro *imperio* et *magistratu summo*, *togam* pro *pace*, *sagum* de bello, *paludamentum* de *imperatore*, it. *arma* de bello, quia non nisi belli tempore armā sumebant. At haec in nostra tempora non amplius cadunt. Sic *pallor* pro *terrore repentino* et *angore animi*; sic *erubescere* pro *pudere*: sic pro: *ver est*, dici possit interdum *violae, rosae florent*: cf. Hor. I. od. 4. ubi plura signa veris: et Ovid. Met. VII, 187. *nullo cum murmure sepēs, Immotæque silent frondes, filet humidus aer, Sidera sola micant* h. e. *media nox erat*.

VI) Quia inter *tempus*; quo res agitur, et hanc *rem ipsam* aliqua relatio ac coniunctio est, hinc *tempus* istud pro *re* ista dici posse vulgo existimant. At ego semper *tempus ipsum*, v. c. diem, quo res fit, puto proprie intelligi debere nec pro *rē* poni: V. c. Homo, qui certo die ad supplicium ducetur, *horret istum diem* i. e. *supplicium*, ut aiunt: recte quidem: at nonne ei ipse dies horribilis est? sic *diem* pro *iudicio* dici putant; v. c. *instat dies* i. e. *iudicium*: male. Semper *dies* proprie intel-

intelligendus, *Tag*, *Termin*. Hoc adparet e praedicatis, v. c. *Phaedr. I, 16. ubi vos requiram, cum dies advenit h. e. dies solutionis*: sic *Cic. ad Div. I, 2. §. 7. is dies honestissimus nobis fuerat in senatu*, *Dieser Tag hat mir im Senat große Ehre verschafft*: sic elegantius quam *die an diesem Tage vorgenommenene Sache* cet.

SECT. XIV.

De Synecdoche.

Synecdoche est id genus translationis, quo duae notiones s. res vulgari consuetudine inter se interdum permutantur ob coniunctionem intimam et essentialem h. e. talem, ut altera sine altera esse nequeat, et, una per eunte vel deficiente, altera quoque vel pereat vel imperfecta maneat. Talis coniunctio est inter *Totum* et eius *partes*; et ob similitudinem inter *genus*, eiusque *species* et *individua*: ponitur ergo interdum *totum* pro *parte*, *pars* pro *toto* cet., quamquam *pars* plerumque de *parte* proprie explicari debet, si accurate explicare volumus.

I) *Totum* pro *parte*: v. c. *homo* pro *corpore* vel *animo hominis*, per usum loquendi; ut: *pater sepultus est* i. e. *patris corpus*: sic *pater meus est apud deum* i. e. *patris animus*. Sic *mater laetatur*: offendere hominem i. e. *animum hominis*: *milites vulnerati sunt* i. e. *militum corpora*. Sic *elephantus* pro *ebore*; *fons* pro *aqua fontana*, v. c. *bibere fontem* i. e. *particulam fontis, aquam fontis*. — Hae formulae sunt omnes filiae negligentiae et breviloquentiae: v. c. *pater est sepultus*, pro *pater*, *qua corpus, est sep.* cet.

II) *Pars rei* pro *tota re* ponitur vel poni videtur: v. c. *limen* et *tektum* pro *domo*: *micro* pro *gladio*: *puppis*, *prora* cet. pro *nave*: *caput* pro *homine*. At semper

per tamen ad *partem* proprie respicitur, ut, si recte iudices, *pars* non tam pro *tota re*, quam proprie ponatur. En exempla:

a) *caput* pro *homine* dici dicunt. Recte. Saepe *caput* pro *homine* dicitur: at 1) in nonnullis tantum formulis, v. c. *exaltio capitum*, Cic. ad Div. III, 8. cf. Liv. II, 33. extr. 2) cum nonnullis adiectivis, v. c. *caput liberum* i. e. *liber homo*, Cic. Verr. II, 32: *ridiculum*, Terent. And. II, 2, 34: *festivum*, Terent. Ad. II, 3, 8: *noxium*, Liv. X, 40: *carum*, Virg. Aen. IV, 354. 3) in numerando ac partiendo, ut nostri *ein Corps von 1000 Köpfen* cet. v. c. *capitum Helvetiorum millia* 263. Caes. B. G. I, 29: sic *in capita descripsisse*, Cic. Verr. III, 92. Sed hae omnes videntur proverbiales locutiones: nec hinc sequitur in universum *caput* pro *homine* dici posse. In nonnullis videtur proprie ratio *capitis* esse habita, v. c. *caput festivum*; nam *festivitas* est proprie in mente, quae in capite habitare creditur. Sic nos *ein wunderlicher, eigenwilliger, närrischer Kopf*, ubi *animi* ratio habetur.

b) *limen* et *tectum* pro *domo tota* dici putant. Male. Si dicerent, *limen domus transire*, *tectum subire* dici pro *domum intrare*, recte dicerent: quia qui *limen transit* vel *tectum subiit*, is domum intravit. At propterea *limen* et *tectum* non ponuntur pro *domo*, tanquam synonyma; quia alioquin dicere possem *limen aedificare* i. e. *domum*; vel *in limine pulchro habitare* i. e. *in domo pulchra*: *tectum* vel *limen emere* i. e. *domum*. Imo *limen* et *tectum* ubique, praeterquam apud poetas interdum, proprie ponitur; idque declarant praedicata *limini* et *tectis* addita, v. c. *subire*, *unter etwas gehn*, de *tectis*: *transire* de *limine*: nam *tectum subimus*, *limen transimus*, domum intrantes: at *domum* proprie non *subimus*, non *transimus*, intrantes. Hinc si cui dico: *ne adcedas ad limen meum*, plus dico, quam, si dico: *ne intres*. Tecta nobis ad urbem proficiscentibus prius adparent, quam ceterae domus partes: et, ubi domus incenduntur, incendium prius in tectis conspicitur: hinc veniunt locutiones: *tectis adparent*, *incenduntur* cet., ubi *domus* per se intelliguntur. Attamen *tectum* pro *domo* est Cic. Catil. III, 2. *in vestra tecta discedite*.

c) *mucro*

c) *mucro* dicitur poni pro *gladio*. Male. Quis dicat: *mucronem mihi emi*? Semper *mucro* proprie intelligitur, v. c. *mucrone aliquem ferire*. An hoc semper *toto gladio* fit?

d) *prora*, *puppis*, *carina* dicunt dici pro *tota nave*. Male. Quis dicat: *emere puppim*, *proram*, vel *carinam* pro *navem*? Imo *prora*, *puppis*, *carina* semper ita ponitur, ut harum partium proprie ratio habeatur. En exempla:

1) quando *gubernator navis* in *puppi* sedere dicitur, *puppis* proprie intelligitur. Gubernator enim semper sedet in puppi ad clavum gubernaculi, non in tota nave. Verum quidem est, eum, qui sedeat in puppi, esse quoque in nave: at, qui in nave est, non semper est in puppi: sic qui *manum* meam tangit, *corpus* quidem meum tangit, at propterea *manus* non est i. q. *corpus*. Sic *dominus navis* semper est in *puppi*, v. c. Aeneas ap. Virgil. Nunquam neque *dominus navis* neque *gubernator* dicitur sedere in *prora*, in *carina*: cur ita non loquuntur prisci, si *prora* et *carina* pro *nave* simpliciter poni et pars cum toto commutari potest? 2) quando a priscis navigantes dicuntur *naves* adpellere, semper dicuntur *puppis stare in litore*, non *prorae* vel *carinae*. Cur? quia adpulsuri *navem* circumagebant et *puppim* ad litus vertebant: ergo *puppis* proprie ibi ponitur. 3) *carina* semper est *infima pars*, s. *trabs illa, cui superstructa est navis*, *der Kiel*: hincque praedicata illi addita quadrant; v. c. *natat uncta carina*: haec enim pars proprie *undis innatat*; et *uncta erat*. — Profecto pauciora vocabula tropica haberemus, si vellemus loca priscorum saepius proprie intelligere et ad verba explicare.

e) alia praetereo, v. c. *latus* vel *pectus perfodere*: ubi non *latus*, *pectus* pro *corpore toto* positum est. Qui *ingulum*, *latus*, *pectus* transfigit, an is *totum corpus* transfigit?

Pertinet huc commutatio generis, speciei et individuorum; quia species et individua sunt partes generis quaedam.

1) *Genus* ponitur pro *specie*, li. e: nomen generis tribuitur speciei: quia, quod generi convenit, idem convenit speciebus: v. c. *mortales* pro *hominibus*; cum tamen et bestiae sint mortales. Hinc patet 1) per se

hoc dictum esse ambigue, nisi usus loquendi excusaret ac contextus adiuuaret. 2) usum loquendi sequendum esse. Huc pertinet *res publica* h. e. res pertinet ad totum populum, pro bello, aerario cet. Nec tamen hinc sequitur, *bellum* et *aerarium* esse synonyma *reipublicae* (rectius *rei publ.*) h. e. *rempublicam* (*rem publ.*) ubique pro bello et aerario dici posse. Imo *res publica* semper tenet notionem propriam et non nisi tum v. c. de bello dici potest, cum bellum est *res publica* h. e. nomine populi geritur. Hinc recte dico: *Pompeius remp. (rem publ.) bene administravit* : at non: *Sulla, Jugurtha* cet. *multas respublicas (res publ.) gessere* i. e. *bella*. Adcedit, quod vocabulo *reipublicae (rei publ.)*, si pro bello ponitur, h. e. si belli notionem simul sustinet, semper praedicata adduntur, quae *rei publicae* proprie convenient, non, quae *bello*. Sic *peccare* pro *scortari*, *ebrium esse* cet. interdum per euphemismum dici potest, v. c. pro *scortari* Hor. Serm. I, 2, 63. *Quid interest, in matrona, ancilla, peccesve togata*. Sed per se patet, *peccare* non plane esse i. q. *scortari*, quia non dici potest *scortari in aliqua*. Sic et *amare* pro *scortari* cet.

II) *Species* pro *genere* vix poni potest, quia non, quod speciei convenit, idem generi convenit: nec haec commutatio fit, nisi in proverbialibus locutionibus, in primis iis, quae gentis cuiusdam naturam, vitia aut virtutes designant: v. c. *Spanische Schritte, französicher Witz, türkisch mit Iemand verfahren* cet. Sic prisca *Punica fides: graeca fides* i. e. *levis*: sic romano more loqui ap. Cic. ad Div. VII, 5. est *aperte, proprie loqui*, ut nostri: *etwas deutsch heraus sagen* i. e. *diserte, libere, aperte loqui*. An vero et alibi *species* pro *genere* ponatur, dubito. Dicunt quidem *abietem, pinum, quercum* cet. poni pro *arbore* vel *ligno* quocunque. Male. Quis v. c. dicat: *hyemis tempore opus est abiete*

abiete i. e. *ligno*? Quis arbores e *sylva*, in qua nonnisi *pinus* nascuntur, advecturus dicat, *ex hac sylva abietes, quercus* cet. advehendas curabo? Semper *pinus, quercus, abies* proprie intelligi debet. At si de *sylva universa* vel *ficta*, cuius arbores haud novimus, poetae loquuntur, licet iis pro voluntate arbores nominare, v. c. *quercus, alnos* cet. v. c. cum loquuntur de torrente vel fulmine arbores prosterrente aut comparant virum fortem cum arbore: quanquam hic *quercum* ob robur praeferre solent. Idem valet de *floribus*. Non quaevis *species florum* pro *floribus* in universum usurpari potest: ac stultum foret de horto *floribus* plane carente dicere: *noster hortus caret liliis*: nonne auditor crederet, nonnisi lilia deesse, sed alios flores adesse? semper *lilium, rosa* cet. proprie intelligi debet. At si sermo est de hortis fictis, *species florum* pro voluntate fingere licet, v. c. *narcissos, violas, lilia* cet. modo contextus sibi constet annique tempus permittat. Hinc plura explicari possunt; quae, ut *species*, pro genere dici creduntur: v. c. *mare Myrtoum, fretum Siculum* cet. non pro *mari* simpliciter ponitur, sed ubi contextus et itineris ratio poscit; v. c. qui *e Gallia Sardiniam versus* vectus est, is non dicitur *mare Myrtoum*, (nec *Ionium, Aegaeum* cet.) ingressus esse cet. Sic *arcus Cydonius* non tribuitur *Britannis, Germanis* cet. sed iis, qui ob domicilii sui propinquitatem *arcu Cydonio* potiri potuere.

III) *Species* pro *individuo* ponitur, quia quod *speciei* convenit, idem convenit *individuo*; sed raro occurrit: v. c. *urbs* pro *Roma* a Romanis dicitur, sed nonnisi tum, cum de nulla alia urbe intelligi potest, v. c. quando quis Romam ad amicum scribit: *scire velim, quid in urbe agatur* vel *Romae vivens* dicit: *in urbe omnia sunt salva*. At nemo v. c. in *Aegypto* vivens dicere potuisset: *Omnes hae urbes sunt parvae prae urbe*: quis hoc intellexisset? Non igitur simpli-

citer *urbs* pro *Roma* dicitur: sic rustici nostri de urbe vicina dicunt: *ich gehe nach der Stadt, komme aus der Stadt*; quia quisque scit, quam urbem intelligant. Huc pertinet *homo* pro *certo individuo*, v. c. quaerenti, an *Petrum* viderimus, respondemus: *non vidi hominem* pro *Petrum*, *ich habe den Menschen nicht gesehen*. Not. Referunt huc etiam, *poetam* dici pro *Homero* vel *Virgilio*, ob excellentiam: sic *oratorem* pro *Demosthene*, *philosophum* pro *Aristotele*. Male: vetat enim perspicuitas: quis intelligat dicentem: *legi poetam* h. e. *Homerum*; vel *legi omnes poetas praeter poetam*: vel: *poeta canit suavius Hesiodo*? Nec veteres sic loquebantur, sed, v. c. adlatis versibus notissimis ex *Homero*, addere solebant: *ut poeta ait*: qua re monerent lectores, *Homerum* esse intelligendum: uti et nos hodie agimus. Nam solebant et aliorum poetarum versus eodem modo in suis libris adferre; v. c. *Xenophon*, in memor. *Socr.* versus quosdam *Hesiodi* memorans, itidem addit: *ut poeta ait*. Quis hic *Homerum* intelligat?

IV) *Individuum* pro *specie* vel *genere* interdum ponitur; si quidem aliquis tam memorabilis et sua aetate et apud posteros factus est, ut eius nomen, per proverbium quasi, in universum hominibus ei similibus tribueretur: v. c. *Varro* pro *viro magnae et latae doctrinae*: *Cato* pro *severo*: *Maecenas* pro *patrono eruditorum magno*: *Achilles* pro *rege fortissimo*: *Nestor* pro *rege sapiente et sene*: *Augustus* pro *bene imperante*: *Scipio*, *Caesar*, *Eugenius* pro *magno duce belli*: *Cicero*, *Demosthenes* pro *magno Oratore*: *Virgilius*, *Homerus* pro *magno poeta epico*: *Aristoteles* pro *magno philosopho* cet.

Ad hunc tropum referuntur etiam haec:

- a) *numerus indefinitus* ponitur interdum pro *numero definito*. — At hoc valet tantum de formis dicendi nonnullis

nullis per vulgarem dicendi consuetudinem receptis ac proverbii vicem sustinentibus; v. c. ut nos dicimus *tausend, hundert* pro *valde multis*; *hundertmal, tausendmal* pro *saepissime*: sic latini *centum, sexcenta, mille* pro *valde multis*: *centies, sexcenties, millies* pro *saepissime*. Sed 1) propria vis numeri quodammodo fervari debet: v. c. homo *viginti* annorum non dicere potest, se nundinis Lipsiensibus *centies, sexcenties, millies* interfuisse. 2) formulis receptis contenti esse debemus, et v. c. non *quadrages* dicere pro *saepissime*.

b) *numerus rotundus* pro numero vel paulo maiori vel paulo minori ponitur: v. c. *centumviri* ap. Romanos dicebantur quidam iudices, cum essent proprie *centum* et *quinque*: sic 70 interpretes illi librorum sacrorum. — Not. haec ratio dicendi est proprie filia *negligentiae*, et convenit cum praecedente.

c) *numerus singularis* poni dicitur pro *plurali*. Indefinite: nam 1) si per numerum singularem intelligis *unam rem* vel *personam*, apud poetas occurrit quidem saepe *ista* commutatio; sed apud prosaicos vix occurrere simpliciter et sine idonea causa potest. Foret enim contra perspicuitatem; et stultum esset v. c. dicere: *pes mihi dolet* pro *pedes*: *legi librum* pro *libros*. 2) longe alia res est, quando numerus singularis nomen *collectivum* indicat, v. c. *Romanus est fortis*: *Poenus est fallax*: *pauper ubique iacet*; *der Deutsche ist ehrlich* cet. Hic enim non ponitur singularis pro plurali, sed est iam pluralis h. e. plures indicat.

d) *numerus pluralis* pro *singulari* poni dicitur. At 1) raro hoc convenit, ac non nisi in iis vocabulis, quae plurali carent et tamen unam rem indicare videntur, v. c. *nuptiae, literae, tenebrae* cet. quanquam quaeritur, annon Latini in iis pluralitatem quandam cogitaverint. Poetas hic non curamus. 2) At in aliis vocabulis pluralibus, quae vel singularem habent, vel notionem pluralitatis indicant, semper numeri pluralis ratio habenda est. Errant igitur, si qui dicunt, *Cicerones, Hortensios, pulmones, Gallias* cet. dici pro *Cicerone, Hortensio, pulmone, Gallia*. Quis dicat v. c. *Filia Ciceronum mortua* i. e. Tullia? vel *oratio Ciceronum pro Milonibus*? At sic tantum loquimur: *Roma habuit*

suos Cicerones h. e. Ciceronem eiusque similes, vel Roma habuit tales, qualis erat Cicero. Adparet 1) non hic pluralem pro singulari poni, sed vere pluralem intelligi, 2) esse meram breviloquentiam, quando *Cicerones* dicatur pro *Cicerone eiusque similibus*. Sic in *pulmonibus*, *Galliis*, *Poloniis* vere pluralis est: sunt enim *duo pulmones*, erant *duae Galliae* cet. At nusquam *naſos* hominis, *Corſicas* legimus. Sic *liberos* nunquam, nisi in permotione animi, matre hyperboles, de una re saepe tanquam de pluribus loquente, de *uno filio filiae* dici puto. Nam si hoc esset, scriptor aliquis, sine permotione animi loquens, v. c. historicus, ita dixisset. At nemo historicorum unquam de *uno certo filio filiae* dixit v. c. *nati sunt ei liberi, mortui sunt liberi*. Quis dicat, Ciceronem luxisse mortem *liberorum suorum*? aut Scipionem Africanum minorem vocet *liberos* Aemilii Pauli? Imo *liberi* semper pluralitatem indicant: docui hoc pluribus in libello; *Gedanken von den Eigensch. der deutsch. Schr.* p. 101. Scilicet obijci possint aliquot loci, 1) Sulpic. ad Cic. ad Div. IV, 5. §. 5. *licitum est tibi — generum deligere, cuius fidei liberos tuos te tuto committere putares. An ut ea liberos pareret?* cet. Hic videtur per *liberos tuos* intelligi *filia* h. e. *Tullia*. At non video, cur non intelligantur *filia* Ciceronis et *filius* simul? nam et *filius* dignus erat, qui *fidei generi* a Cicerone, tum sene, committeretur. Et pergit Sulpicius: *an ut ea liberos pareret*, non: *an ut ii sc. liberi*, qui nolebat *ro pareret* ad *liberos tuos* referri. 2) Terent. Andr. V, 3, 20. Simo iratus filio, qui dixerat: *mi pater*, respondet: *Quid mi pater, quasi tu huius indigeas patris. Domus, uxor, liberi inventi* (acquisiti sunt a te) *sine patre*. Hic dicuntur *liberi* de *uno infante*: recte. At homines commoti (qualis Simo erat), ad iram et indignitatem rei indicandam de una re loqui solent, tanquam plures sint: v. c. dolenti ob *unum* librum amissum dicimus: *quis ob libros tantopere doleat?* *Wer wird sich denn um Bücher so betrüben?* sic parentes parentibus unum filium habentibus interdum dicunt: *Sie wissen, wie sauer es einem wird, Kinder zu erziehen, was Kinder für Mühe machen*. Eodem referendum est, quod filius Antonii vocatur *liberi* Cic. Phil. I, 1. Certum est, pluralem non pro singulari poni posse, nec a priscis, praeter poetas, positum esse. Vnum tamen *nos* excipiendum videtur,

videtur, saepissime occurrens ap. Ciceronem pro *ego*: v. c. *venit ad nos* cet. sic *diximus* pro *dixi* cet. Venit haec ratio, ut puto, ab orationibus: in quibus oratores, ut auditores participes redderent orationis suae, dicere solebant v. c. *videamus*, *consideremus* scil. *ego* et *vos*: postea hanc consuetudinem etiam in epistolis et aliis libris servarunt. Sic hodie scriptores, in primis, qui in aede dicunt, vel Ciceronem legerunt, de se in plurali loqui non dubitant, v. c. *vide nos supra* cet.

SECT. XV.

De ironia s. commutatione vocabulorum contrariorum.

Ironia dicitur esse *permutatio vocabulorum ob disiunctionem* h. e. *oppositionem*, v. c. *pauper* pro *divite*. At duo vocabula non propterea, quod sibi contraria sunt, commutari possunt: hoc foret contra perspicuitatem: cui enim in contrario vocabulo contrarium vocabulum s. contraria notio facile in mentem veniat? Forasan ironiam ita licet definire, ut in eo consistat, si *aliud dicimus*, *aliud cogitamus*, ita tamen ut, *quid proprie cogitemus*, *contextu alioque modo declaretur*; seu ita: ut ironia sit *disiunctio non tam notionum quam verborum*, s. *permutatio non tam notionum, quam verborum contrariorum*, salva tamen perspicuitate. Nam *ideae* non vere hic permutantur, licet permutari videantur: v. c. quando de *paupere* dico: *est dives*; ac de *divite*: *est pauper*; quando *indoctum* voco *doctum* et contra. Notanda hic quaedam:

- 1) Hic tropus, si vere tropus, nec potius permutatio locutionum synonymicarum iocandi illudendique causa inventa vocari debet, magis in loquendo quam in scribendo valet, quia gestu ac vultu indicare potest loquens, se contra, ac loquatur, sentire.
- 2) Perspicuitatis causa praesertim in scribendo commendantur particulae quaedam, v. c. *scilicet*, *quippe*, *vero*, a prisca hac in re usurpatae.

- 3) Non omnes res ironice exprimere licet, sed tantum eas, quarum *ratio, magnitudo, utilitas* cuique ita nota est, ut contrarium statim ei in mentem veniat: v. c. quando quis dicit, *bellum prodesse literarum studiis, alioquin esse dulcissimi saporis, Ciceronem non oratorem fuisse* etc. quisque ironiam sentit. At si quis de viris magnis illis quidem, sed parum notis, vel de rebus magnae utilitatis, sed ignotis, ironice loqueretur, peccaret, quia ironia haud sentiretur. Nam *rois quippe, scilicet, vero* non nimis ubique confidendum est.
- 4) Cum ironia maxime iocando et illudendo serviat, nostris oratoribus, praesertim in aede dicentibus, non valde commendanda est. Oratorem enim decet gravitas.

Magis commendandae sunt eius species, *litotes* et *euphemismus*.

1) *Litotes* i. e. quae minus dicere videtur, quam intelligi vult, s. apertius: quae rem minuire videtur, at profecto rem auget maioremque reddit: v. c. *Vir non ignotus* per se significat *virum*, qui non plane ignotus est; hic non est *litotes*: potest vero etiam significare *virum valde notum*: hic est *litotes*. Sic *Croesus non pauper erat* i. e. *ditissimus*; est *litotes*: at si homo non pauper proprie sumitur h. e. pro eo, qui non dives est, non est *litotes*. Hinc *litotes* non quadrat, nisi de re et homine notissimo. Hinc si dicis: *Croesus non pauperrimus, Cicero non infimus orator fuit*, facile peritis *litotes* patet. At si coram imperitis diceres: *Cicero war kein schlechter Redner, Crassus war nicht arm*; frustra diceres: quia auditores haec verba proprie fumerent.

2) *Euphemismus* est, cum res ingratas nomine suaviori vel leniori exprimimus. Fit hoc tribus maxime modis:

- a) *ideae tristiores mutantur in suaviores vel leniores*: v. c. *pater tuus beatus* pro mortuo: in quo inest metonymia antec. pro conseq.: sic: *si quid humani ei adci-*

acciderit, pro: *si mortuus fuerit*: ubi est metonymia generis pro specie: sic nostri: *wenn Gott über ihn gebieten sollte* cet.

- b) *ideae obscenae permutantur cum aliis*; v. c. *venus* pro *coitu*: *arvum genitale*, *natura* pro *partibus obscenis*: sic *ire*, quo *saturi solent* pro *ventrem exonerare*, sic Hebr. *pedes tegere*; quae est modesta metonymia antec. pro conf.
- c) *ideae inhumaniores cum humanioribus permutantur*; v. c. *non est inimicus vini*, *non odit vinum* pro *valde potat*, *vini est studiosissimus*: sic de *edace*: *non spernit epulas*, nostri: *er läßt es sich wohl schmecken, ist kein Feind vom Essen*: sic de *contentioso*: *er läßt nicht mit sich spielen, versteht keinen Scherz*. — Huc pertinet *recte*, *benigne* pro *non*, *nolo*: v. c. si quis profecturus ex alio quaerebat, an ipsi aliquid mandare vellet, is, si nil habebat, quod mandaret, respondebat humane: *recte* pro *non*, s. *nil habeo, quod mandem*: proprie *recte* per ellipsin explicandum, *recte facis*, scil. quod me interrogas i. e. *placet mihi tua humanitas*: sic nostri: *ich danke, es ist gut*. It. in denegando: v. c. si quis in coena hospitem, ut ederet, monebat, hic, non amplius cibi adpetens, humane respondebat: *benigne* (sc. *facis*), pro *nolo amplius edere*: sic nostri, si quid adipere nolunt, dicunt *ich danke* (scil. pro tua humanitate), *bin verbunden, Sie sind sehr gütig*, it. *gut, ich will euch nicht berauben* cet. Not. Fontes euphemismi sunt a) *commutatio antec.* cum *conseq.* vel *conseq.* cum *anteced.* v. c. *beatus* pro *mortuo*, *pedes tegere*, *venus* pro *coitu*: speciei cum genere, v. c. *aliquid humani pati* i. e. *mori*: b) *litotes*, v. c. *non valde odit vinum* i. e. *vini est studiosissimus*. c) *circumscriptio*: pertinet huc in primis illa Ciceronis Mil. 10. *fecerunt id servi Milonis*, — *quod suos quisque servos in tali re facere voluisset* pro: *occidendo Claudio ulti sunt dominum*.

SECT. XVI.

Additamenta quaedam de vocalis singulis.

- 1) Verba *solemnia* sedulo adhibenda sunt h. e. ea, quae de re tam constanter usurpantur, ut ei proprie

fere convenient. v. c. *senatui videtur*: senator censet, decernit: *populus iubet* sc. legem: *subducere*, *deducere classē*: *ludos committere*: *dicere dictatorem*: *creare consulem*, *praetorem*: *cooptare pontificem*: *prodere interregem*: *legere Vestalem*: *legere senatorem*: *praeses provinciae decedit*: *ferre ad populum*, *referre ad senatum*: *petere honores* cet. Haec de rebus romanis. Sed sunt et apud nos solennia, v. c. *rex*, non *praefectus regno*, nec *praeses regni*: *Archidux*, *Marchio*, *Landgravius* cet. quae non cum aliis commutanda sunt: vult hoc perspicuitas.

2) vitanda sunt, quantum potest, a) *vocabula nimis plebeia et obscena*: de iis iam dictum in *euphemismo*. b) *barbara*: h. e. non latina, sed v. c. francica, graeca cet. v. c. *recommendare*, ὁ πᾶν v. c. Casaubonus pro: *celeberrimus*. At nonnulla tamen, ob perspicuitatem, retinenda; v. c. *Landgravius*, *Marchio*, *Feudum* cet. Sic malim ob perspicuitatem dicere *etymologia* quam *notatio*, licet Cicero ita dixerit. c) *novata* h. e. *aurea aetate nondum usitata*. At nonnulla ob perspicuitatem retinenda, v. c. *Imperator Sigismundus*, *Landgravius*, *Feudum* cet. d) *technica*, v. c. philosophica, theologica, iuridica, medica per vulgarem dicendi usum recepta. Sed hic perspicuitas et ratio lectorum atque auditorum consulenda; v. c. qui doctis scribit, cur is non dicat v. c. *Decoctum*, *infusum*, cet. potius, quam periphrasi lectorem moleatur? e) *obsoleta* scil. aetate Ciceronis, (ad hanc enim respiciunt vulgo): nam si Ciceronis aetate ignota erant, quanto magis nostra? f) *poetica* h. e. duriora et inusitatiora, v. c. *mare velivolum*, *horrifonum* cet. g) voces hybridae (ut loquuntur) h. e. duabus e linguis compositae; v. c. *monoculus*. At nonnullis vix hodie carere possumus, v. c. *Archidux* cet. Et prisca nonnullis usi sunt,

v. c.

v. c. *postscenia*, *biclinium* cet. cf. Quint. Inst. I, 5. Voss. Rhet. III, 2, 1. Et Caesaris liber inscriptus est ab ipso *Anticato*.

3) attendenda est flexio vocabulorum usitata; v. c. non occurrit *specierum*, *speciebus*; Cicero maluit dicere *formarum*, *formis*, *partium*, *partibus*; cf. Topic. 7. quanquam philosopho hodierno, si *specierum* et *speciebus* ob perspicuitatem dicere malit, non vitio vertendum sit. Sic terminatio *abus*, v. c. *equabus*, *deabus* cet. raro occurrit aliter, quam si sexus aliter discerni nequeat: v. c. *diis deabusque* dixit Cic. Rab. perd. 2. Hic necessaria erat terminatio *abus*. At *duabus filiis*, *ambabus filiis* semper dixerim, non *filiabus*, quia *duabus* cet. iam docet *filiis* intelligi: omninoque terminatio *is* servari potest, si contextus iam docet, de sexu feminino sermonem esse, v. c. Varr. R. R. III, 16. §. 7. de Musis locutus, pergit: *His diis Heliconem adtribuerunt homines*. Occurrit tamen *duabus filiabus* Liv. XXIII, 26. Sic *alacris*, *acris*, *celebris* cet. raro vel nunquam in genere masculino occurrit, sed rectius pro feminino habendum.

4) In synonymicis cavendum, ne inter illa referamus, quae non sint: v. c. *aut*, *vel*, non sunt i. q. *sive*, *seu*. *Aut*, *vel* dicitur de diversis, *sive*, *seu* de iisdem rebus, v. c. *Apollo sive* (seu) *Phoebus*: *Apollo vel* (aut) *Minerva*. Sic differunt *iratus* et *ira inflammatus*; *valde* et *incredibilem in modum*: *Quod si* differt a *si* cet.

SECT. XVII.

De compositione vocabulorum grammatica.

Pergimus ad vocabulorum *coniunctionem*. Ea est vel *rhetorica*, idearum rationem habens, vel *grammatica*. *Compositio*, s. *constructio grammatica*, quae vulgo *syntaxis* vocatur, cernitur in eo, quando, ob

voca-

vocabulum antecedens vocabulum sequens mutationis aliquid patitur et in certo *casu, numero, tempore, modo* cet. poni debet, contineturque praeceptis grammaticis; nec opus foret de ea hic dicere, nisi vel in scholis vel in libellis grammaticis nonnullis res parum accurate traderetur. Sequemur ordinem vulgarem libellorum grammaticorum:

I) Inter pronomen possessivum et substantivum dicunt interiici *unius, solius, ipsius, ipsorum, amborum*. Recte: at non sine sensu: *meum solius peccatum corrigi non potest* est pro *ego solus sum, cuius peccatum* cet. *Tua ipsius culpa miser es* pro: *tu ipse effecisti, ut nunc miser sis, durch deine eigne Schuld* cet.

II) *Opus est* dicunt requirere vel *nominativum* vel *ablativum rei*. Recte. At interdum perspicuitas *nominativum* praeferrere iubet; v. c. *quibus* (hominibus) *libri opus sunt, ii* cet. malim dicere quam *quibus libris, ne quibus* cum *libris* coniungatur. Sic neutra adiectivorum et pronominum melius in nominativo ponuntur, v. c. *multa mihi opus sunt, id mihi opus est*, malim dicere quam *multis opus est, eo* cet. quia *multis, eo* possint et de masculino intelligi, nisi neutrum aperte addatur, v. c. *opus mihi est eo, quod habes*: ubi quod docet, *eo* neutrum esse: sic: *quibus opus est, ea* cet. *multis opus est, quae* cet.

III) *Verbum* (proprie dictum), quando duobus vel pluribus nominativis, personas indicantibus, tanquam praedicatum additur, debet esse in plurali, licet theodisca lingua singulari utatur, v. c. *Vater und Mutter ist krank, pater et mater aegrotant*: at si iungitur duobus substantivis res indicantibus, utroque numero uti licet; v. c. *pecunia et domus amissa est, et amissae sunt*.

IV) Adiectivum et participium, quando substantivis, personas diversi sexus indicantibus, ut praedicatum

tum additur, adcommodat se generi masculino, v. c. *pater et mater sunt sani*, non *sanae*. At si non praedicati vim sustinet, sed merum epitheton est, adcommodat se ad sexum subiecti prioris, v. c. *noster frater et soror, nostra soror et frater, soror et frater noster, frater et soror nostra*: nisi vis repetere adiectivum, v. c. *noster frater et nostra soror*, quod sane accuratius. Idem observatur in omni adiectivo et participio, quod substantivis non personas sed res indicantibus additur, siue sit praedicatum siue non; v. c. *pecunia et liber amissus est, liber et pecunia amissa est: amissa est pecunia et liber, amissus est liber et pecunia*. At si tot substantiva praecedunt, *res* in primis indicantia, tamque diversi generis, ut incerti sumus, ad quodnam se debeat adcommodare *adiectivum* vim praedicati habens, praesertim si alia sunt pluralis, alia singularis numeri, rectius in neutro plur. subiicitur; v. c. *libertas, patria, opes, exercitus, leges et imperium amissa sunt*: proprie autem intell. *amissa negotia, sind verlorne Dinge*.

V) Pro Praepositionibus *in, erga* cet. dicunt genitivum poni posse, v. c. *amor mei* i. e. *in me*: *amor dei* i. e. *in deum* cet. Non satis definite. *Mei, tui* cet. semper dici potest, quia hic nulla ambiguitas; at in substantivis contextus consulendus, ne perspicuitas laedatur, quia v. c. *amor dei* etiam est *amor dei in homines*; idque proprie.

VI) *Esse*, si rei describendae servit, dicunt genitivo et ablativo iungi. Recte. Sed 1) adiectivum addi debet, v. c. non dixerim: *mulier est pulchritudinis*, s. *pulchritudine*: at *est magna pulchritudine, magnae pulchritudinis*; nec *mons est altitudine*, sed *ea, tali, magna* cet. 2) usus loquendi observari debet: in aliis casus alteruter, in aliis uterque in usu est. Genitivus autem regitur ab *homo, negotium*; ablativus a *praedictus*.

tus. Not. formulam *patris est alere liberos* cet. huic etiam regulae subiiciunt. Male. Hic enim *officium*, vel *negotium* h. e. *res* intelligi debet. Hinc et alia explicari facilius possunt: v. c. *errare est hominis cuiusvis*, scil. *negotium*, *Irren ist die Sache jedes* i. e. *jeder kann irren*: sic *hinnire est equorum* cet.

VII) Neutra nonnullorum adiectivorum et pronominum, ut: *hoc, id, illud, istud, quid, aliquid, quidquid, quidquam, tantum, quantum, multum, plus, plurimum, reliquum, aliquantum, dimidium*, substantive cum genitivo poni dicunt. Recte: sed non definite. Nam 1) nonnulla eorum possunt tantum substantive poni, non utique debent; v. c. *hoc, id, illud, istud, multum, plurimum, reliquum, dimidium*: v. c. *hoc negotii, id officii, multum temporis*: ubi *hoc negotium, id officium, multum tempus* aequè bene dicitur: imo praeter *multum* cetera libentius ut adiectiva ponuntur: nec fere dixerim *hoc pennae, id chartae*: multo minus *hoc patris* pro *hic pater* cet. 2) sed cetera: *quid, aliquid, quidquid, quidquam, tantum* i. e. *tot, quantum* i. e. *quot, plus, aliquantum* semper substantive cum genitivo ponuntur, v. c. *quid rei? quid negotii; aliquid temporis* cet. Hic not. *tantum* et *quantum* duplicem notionem habere 1) i. q. *tam magnum, quam magnum*: hac notione semper manet adiectivum, v. c. *tantum negotium, eine so große Sache*; male hic *tantum negotii*: 2) fere i. q. *tot, quot, so viel, wie viel*; hac notione semper substantive ponitur; v. c. *tantum temporis, so viel Zeit*: ubi male dicas: *tantum tempus*.

VIII) *Interest* h. e. *prodest; es ist daran gelegen*, et *refert*, eodem sensu, aiunt regere genitivum personae, praeter mea cet. Recte, sed nihil addunt de re, quae prodest, *woran gelegen ist*. Turbat hic vernacula, utens substantivo; v. c. *es liegt mir viel an Büchern*,

chern, an des Vaters Gesundheit; quae verti debent: *magni mea interest habere libros, patrem esse sanum*: non: *libris, sanitate patris*. Omnino *res*, quae *prod-esse* dicitur, *woran gelegen ist*, nunquam per casum substantivi, sed per infinitivum, per accus. cum infinitivo, per *an*, per *utrum* seq. *an, quis, quid, quomodo, quando, ubi* cet. exprimi debet: v. c. *nihil tua interest, an hoc scias*; cet.

IX) *Eo, pridie* cet. dicunt regere genitivum. At 1) debebat addi *eo* hic esse *ad eam magnitudinem*, s. *tam longe* v. c. *eo doctrinae processit pro tam longe in doctr. cet. hat es so weit in der Gelehrsamkeit gebracht*. 2) *pridie eius diei* legitur ap. Cicer. et Caes. Quando vero aliud substantivum additur, de sententia doctorum rectius accusativo iungitur, v. c. *pridie Calendas Maias*.

X) Nonnullis adverbis *loci* et *temporis* iungi dicunt genitivos *terrarum, loci, temporis*: at non frustra. Nam si *interea temporis* excipis, cetera, v. c. *ubique terrarum, ubi locorum, minime gentium* cum gravitate quadam dicuntur.

XI) De verbis *activis*, s. potius *transitivis* (nam *neutra* etiam *actionem* notant, at *intransitivam*) discunt vulgo pueri: *omnia Activa regunt accusativum*. At hoc iis parum prodest, quia *Activa* nondum norunt, praeter paucula, v. c. *amo, doceo, lego, audio*. Melius si res traditur 1) *Quaecunque verba accusativum regunt, ea sunt passivo toto instructa, et vocantur activa* s. *melius transitiva*; hinc *amor, amaris, amatus, amandus; iuvor, iuvaris, iutus, iuvandus*. Quae contra non regunt accusativum, ea non habent totum passivum, h. e. habent tantum in passivo tertiam personalem terminationem (vulgo personam) singularis generis neutrius, impersonaliter explicandam: v. c. *parcitur, man schont* cet. Hinc non dico *parcor, parceris*, sed *parcitur mihi, tibi* cet. sic non *parcendus, sed parcendum*. Hae ob-

vatio multum iuvat in gerundio mutando in participium: V. c. quia verba accusativum regentia habent passivum totum, hinc pro *cupidus sum legendi libros* dici potest *cupidus librorum legendorum*: at non *cupidus parcendi inimicis* mutari potest in *parcendorum inimicorum*: quia non accusativum regit. 2) potest vero illa regula quoque inverti: *Verba, quae passivum totum habent, et de quibus v. c. prima vel secunda vel etiam tertia* (sed non impersonaliter explicanda) *terminatio personalis* (vulgo *persona*) *passivi reperitur*, v. c. *adiutus sum*, cet. *ea regunt accusativum, suntque ita activa, s. transitive*.

XII) *Oportet* aiunt regere accusativum personae et infinitivum rei. Rectius sic: *Oportet* est i. q. *opus est*; ergo proprie ut sequitur, ut in vernacula *daß*, v. c. *es ist nöthig, daß der Vater schreibe*, sed istud ut abiciatur plerumque, et vel nominat. cum coniunctivo sequitur, vel nominativus in accusat. cum infinit. mutatur, v. c. *oportet pater scribat*, et *patrem scribere*: posterius pertinet ad caput de accus. cum infinit.

XIII) *Interrogationes* illae: *womit, wodurch, wovon, wornach* cet. propter quas ablativus poni dicitur, sunt, praeter pauculas, valde indefinitae: nam v. c. 1) *wodurch* non ubique ablativum regit, v. c. *durch Schlesien reisen*: 2) *woraus, wovon, worin* raro ablativum permittit, quis dicat v. c. *urbe esse* pro *in urbe* cet. 3) *wornach*: v. c. *nach Tugend streben, begierig seyn*, quis dicat *virtute appetere, cupidum esse*?

XIV) Post *comparativum* aiunt, omisso τῶν quam, ablativum poni posse, idque eleganter. At not. 1) non eleganter, sed *usitate*: 2) haec mutatio non locum habet ubique, sed tantum in casu *subiecti* (quod in vernacula semper est nominativus), v. c. *tu doctior es patre* i. e. *quam pater*: sic *scio te doctiorem esse patre*
i. e.

i. e. *quam patrem*. At dicere nequeo: *sum cupidior virtutis doctrinā pro quam doctrinae*.

XV) *Accusativus cum infinit.* pro vernaculo *nominativo cum indicat.* vel *coniunctivo* ponitur, ubi vernacula habet *daß*, atque ita particulae, illud *daß* exprimentes, ut *an*, (si vernaculum *ob* est i. q. *daß*) *quin*, *ut* et *quod*, omittuntur. Hic

1) Prius scire debes, ubi *an*, *quin*, *ut*, *quod* poni debeant:

a) *an* ponitur post *dubito*, *dubium est* cet. estque nostrum *ob*.

b) *quin* ponitur post *non dubito*, *non dubium est* cet.

c) *ut* ponitur 1) post vocabula comparativa, *ita*, *sic*, *tantus*, cet. 2) post verba et phrasēs, quae causam sequentis enuntiationis continent, seu, quae efficiunt vel efficere possunt, ut res sequens fiat: v. c. *volo*, *rogo*, *opto*, *hortor*, *moneo*, *suadeo*, *impello*, *impero* cet. it. post *utile est*, *aequum est*, *addidit*, *fit*, *contingit*, *evenit*, *sequitur* cet.

d) *quod* proprie ponitur vel poni debebat post verba et phrasēs, quae non continent causam sequentis enuntiationis, h. e. 1) post verba *sensuum* et *mentis*, v. c. *cogito*, *iudico*, *opinor*, *scio* cet. it. *certum est*, *adparet* cet. 2) post verba *adfectuum*, 3) post verba, quibus alicui aliquid indicamus, v. c. *dico*, *scribo*, *nego* cet. it. *nuntius est adlatus* cet.

2) ipsa mutatio est tenenda. Nam interdum accusativus cum infinit. poni debet, interdum poni tantum potest, interdum poni non debet. Nempe

a) pro *an* post *dubito*, *dubium est* ubique accus. cum infin. poni potest, quia *an* respondet nostro *daß*. Rectum ergo utrumque.

b) pro *quin* post *non dubito*, *non dubium est*, accus. cum infin. ponere licet. Vtrumque ergo rectum: sed *quin* forsā est usitatus.

c) *ut* est varia conditione:

1) semper manere debet post *ita*, *sic*, *talis*, *tantus* cet. it. post *is* pro *talis*: it. post verba *faciendi*, *suadendi*, *rogandi*, *impellendi*, *hortandi*, *monendi*, *cogendi*, *imperandi*, (praeter *iubeo*): it. post *addidit*, *fit*, *contingit*: ubi interdum vernacula *ro daß* omittit, v. c. *suadeo*

deo tibi, ut facias, ich rathe dir es zu thun, contigit mihi, ut te viderem, ich habe das Glück gehabt, dich zu sehen cet. Not. a) Cic. tamen Arch. 3. dixit: *contigit ei antecellere* pro *ut antecelleret*: quod non imitandum: b) inter verba *imperandi* excipitur *iubeo*: quod fere semper post se habet accusativum cum infinitivo, v. c. *iussit me venire*: interdum tamen sequitur etiam, omisso *ut*, coniunctivus, v. c. *iube veniat, laß ihn doch kommen*. c) inter verba *imperandi* pertinent *dico, scribo* cet. si vim *imperandi* vel saltem *voluntatis* habent, v. c. *dic, scribe ei, ut veniat, sag ihm, daß er kommen solle*.

- 2) post *velle, cupere, optare, pati*, liberum est vel ut ponere vel accusat. cum infinitivo: sic et post *aequum est, oportet, necesse est, sequitur*, v. c. *volo te venire et ut venias; oportet rem fieri et res fiat* (sine *ut*).
d) *quod* semper abiicitur et in accus. cum inf. mutatur, nisi est particula causalis h. e. cum *quia* commutari potest, aut respondet simul nostro *was das anbelangt, daß*. Tum enim et *quod* rectum est. Ergo

- 1) post Verba *sensuum et mentis*, v. c. *video, puto, iudico, certum est, notum est* cet. it. post verba *significandi*, v. c. *dico, scribo, nuntio, fateor, nego* cet. it. post *nuntius* cet. semper *quod* abiici et accusativus cum inf. poni debet. Not. a) Hic usus non debet vocari *elegantior*: nam *quod* plane falsum est. b) Perizonius ad Sanct. docuit, priscos *interdum* et *quod* dixisse; at quia hoc *interdum* fecere, regula esse nequit. c) *dico, scribo*, si *imperandi* vel *voluntatis* vim habent, non huc pertinent, sed ad verba *imperandi*: ergo *ut* sequi debet. d) anomaliam *interdum* apud priscos nemo miretur; v. c. *adde quod*: sic *adcedit ut*, pro *quod*: sic post *verum est* sequitur *ut* Nep. Hann. I. in. sic et post *verisimile* occurrit *interdum ut*, v. c. Cic. Rosc. Am. 41. *Non est verisimile, ut Chryfogonus — adamarit*: cet.: nisi hic *ut* per quemadmodum explicare velis, ut Cic. Rosc. Am. 24. in. *Videtisne, — ut eos agitent furiae* cet. et alibi: sed forsitan non opus.

Not. interdum pro accus. cum inf. ponitur *nomin.* cum *infin.* vel potius solus infinitivus. 1) sic semper post *videor, dicor, feror*, v. c. *pater dicitur* (*videtur*) *esse doctus*; hic enim est ordo, non: *dicitur* (*videtur*) *pater*

pater esse doctus: ergo infinitivus pendet a *dicitur*, *videtur* ex regula: *quando duo verba concurrunt, posterius abit in infinitivum*: 2) sic interdum post nonnulla alia passiva, v. c. dici potest: *existimatur patrem esse doctum* et *pater esse doctus*. 3) Huc pertinet *cupio esse doctus*, quod dici potest pro *me esse doctum*. Not. in omnibus his formulis notanda est regula: *post esse poni debet casus, qui praecessit*: ad hanc ista et alia exempla sunt exigenda, v. c. *dicunt regem esse bonum, rex dicitur esse bonus: pater cupit esse doctus: cupio (ego) esse doctus*; ubi in *cupio* latet *ego*: sic *licet mihi esse otioso*; ubi et dicere licet *mihi licet esse otiosum*.

- 2) De verbis *adfectuum* res ita facile tenetur. Sunt quatuor eorum genera, *gaudium, dolor, spes, metus*. Iam
- a) post verba *gaudendi* et *dolendi* poni potest et *accusat.* cum *infinitivo*, et *quod*; quia *quod* hic est i. q. *quia*, v. c. *gaudeo te valere*, et *quod vales*: not. non *valeas*: nam *quod* non poscit coniunctivum.
 - b) post *spero, spes me tenet* cet. poni debet *accus.* cum *infinitivo*: not. *futurum infinit.* poni debet, si de re futura sermo est, licet vernacula saepe *praesens* ponat, v. c. *Ich hoffe morgen meine Eltern zu sehen, spero, me cras visurum esse parentes*, non *videre*.
 - c) verba *timendi* non huc pertinent: hic enim *ne* significatione affirmativa *daß*, et *ut* s. *ne non* notione negativa *daß nicht* ponitur. Rarior est *accus.* cum *infin.*

XVI) De usu *infinitivi*, sine praeced. accusativo subiecti, regula illa: *duorum verborum concurrentium posterius in infinitivo ponitur*, arctioribus limitibus includenda est. Non enim v. c. dicere possum: *impellor scribere*: sed post certa tantum verba infinitivus poni potest ac debet, v. c. *volo, nolo, malo, cupio, conor, tento, audeo, studeo, cogito, possum, queo, nequeo, obliviscor, debeo, coepi, incipio, constitui, statuo beschließen, soleo, consuevi, cogor*; it. post *habeo* i. e. *debeo* occurrit, v. c. *habeo dicere* ap. Cic. quod proprie graecum est. Poetae etiam post *parco, fugio* po-

nunt: v. c. *fuge quaerere* cet. Sed poetas hic non curamus. — Ceterum tironi cautio est adhibenda, ne casum aut infinitivum putet regi a verbo, a quo non regitur, v. c. 1) *pater putatur doctus, videtur sapiens*, ubi *doctus, sapiens* non a *putatur, videtur*, sed ab omisso *esse* regitur: debbat enim proprie *esse putatur esse doctus, videtur esse sapiens*, ut alibi dicitur: *sic urbem putant magnam, credunt te doctum, halten dich für gelehrt*, ubi intell. *esse*; est ergo accus. cum infinitivo. 2) in primis notanda est formula: *humanum est errare*, ubi *errare* non ab *est* vel ab *humanum* pendet, sed ordo est: *errare est humanum*; ergo *errare*, ut omnes tales infinitivi, est subiectum s. nominativus praecedens suo verbo. Sic *dulce est pro patria mori*, ubi *mori pro patria* est subiectum: sic *patris officium est alere liberos*, ubi ordo est: *alere liberos (die Ernährung der K.) est offic. patris*: hinc patet, cur non *alendi* dici possit.

XVII) De usu *indicativi* et *coniunctivi*. Indicativus ponitur, ubi vel de re certa simpliciter dicitur, vel nulla particula coniunctivum regens praecedit, vel alia contextus ratio hunc modum non postulat. Hic not. particulas: *etsi, tametsi, quamquam, si, nisi, antequam, simulac, quamvis* (i. e. *quamquam*) non per se coniunctivum regere, sed indicativum. At contextus ratio efficere potest, ut eae, aliaque vocabula, v. c. *quando, ubi, qui, quis* cet. cum coniunctivo coniungantur: tum ergo coniunctivus non ab ipsis, sed a contextu pendet.

A) *Coniunctivus*, (s. *subiunctivus*, s. *potentialis*) ponitur *per se* h. e. non praefixa particula cum regente, quando de re, tanquam incerta, h. e. tantum *possibili, credibili, optabili*, vel *concedenda* dicitur, v. c. *dicat aliquis, es möchte, dürfte, könnte jemand sagen*, vel *es mag jemand immer sagen: sit innocens, er mag, möchte unschuldig seyn* cet. Interdum praefigitur hic particula,

la, per se indicativum regens, v. c. *si quis dicat, wenn jemand sagen möchte: quanquam nesciam, ob ich gleich nicht wissen möchte* cet.

B) *Subiunctivus* (*Coniunctivus*) post certas particulas ponitur, quarum natura hunc modum postulat: hae sunt: *ut dasß, ne, quo, quin dasß nicht, utinam, o! si, licet, quasi, cum* causale, *quamvis* i. e. *quantumvis, utrum* et *an* ob, omnesque particulae interrogativae si extra interrogationem ponuntur, atque ita *ro mag, möchte* vel *adeß* vel *cogitari* potest, it. *qui* pro *ut* vel *cum*.

- 1) *Vt* i. e. a) *dasß, damit*: b) *gesetzt dasß*, ubi *fac* intell. v. c. *ut pater veniat, quid faciemus? gesetzt, der Vater käme* cet. *Vt desint vires, tamen est* cet. *gesetzt auch, die Kräfte fehlten*, s. *dasß die Kräfte fehlen sollten* cet. Male explicant per *quamquam*: haec vis non est *ro ut*: et licet per *quamquam* interdum explicari possit, tamen nondum sequitur, *ut* notare i. q. *quamquam*. c) per *ne* explicatur post *timeo* cet.
- 2) *ne* i. e. *ut non*, nisi quod post verba *timendi* pro *ut* (*dasß*) ponitur.
- 3) *quo* i. e. *ut, damit*: hinc *quo minus* pro *ne* post verba *impediendi*: ubi tamen *ne* etiam rectum est.
- 4) *quin* a) pro *ut non*, v. c. *non fieri potest, quin* cet. pro *ut non*, quod tamen etiam rectum: sic *parum abest, quin credam*. b) pro *quod non, dasß nicht, weil nicht*; v. c. *suadeo tibi hoc, non quin sciam* cet. *nicht, als wenn* (*dasß*) *ich nicht wüßte*, ubi et *quod non* rectum. Hinc *non dubito, quin* cet. explicari potest. c) pro *qui non*, v. c. *nemo est, quin sciat*. Not. cum hoc *quin* non confundi debet aliud *quin*, indicativum regens et significans a) *imo, potius*, b) *cur non?* in certis formulis *excitandi*, v. c. *quin curris?* cet.
- 5) *Vtinam* et *o! si*, cum sint particulae optativae, atque ita de re tantum possibili et optabili loquantur, subiunctivum aperte requirunt. *Vtinam* proprie est pro *uti* s. *ut, dasß*, adiecto *rq̃ nam*, ut in *quisnam* cet. Iam ut dicimus: *ut veniat! dasß er doch kommen möchte, sic utinam veniat!* eodem sensu.
- 6) *licet* pro *quamquam* sumitur: nec male. At proprie est *Verbum* illud impersonale, intellecto *ut*; v. c. *licet*

dicas dictum est pro *licet ut dicas*: ergo coniunctivus proprie ab omisso *ut* pendet.

- 7) *quasi* pro *quam si* (*quam* est *als*, *wie*) coniunctivum postulare per se intelligitur, quia de re incerta et possibili loquitur. Not. Haec particula, si praesens praecessit, iungitur libenter vel praesenti, si de re praesenti sermo, vel perfecto, si de re praeterita dicitur, cum contra vernacula, si de re praesente sermo, imperfecto, et, si de praeterita, plusquamperfecto utatur; v. c. *taces, quasi nihil scias, als wenn du nichts wüßtest, taces, quasi nihil audiveris, gehört hättest; male scires, audivisses.*
- 8) *quum*, s. *cum*, causam notam vel ante declaratam et concessam indicans, nostroque *da* respondens: v. c. *Quae cum ita sint* cet. male: *sunt*. Not. vulgo dicunt *cum* esse a) i. q. *quia*: male: nam etsi interdum *cum* eo commutari possit, tamen ab eo differt h. e. plus indicat: nec ubique *cum quia* commutari potest: v. c. quis pro *rides, quia es stultus*, dicat: *rides, cum sis stultus*; b) i. q. *etsi*: male: nam quanquam interdum *cum*, si tamen sequitur, per *etsi* explicare licet, quia nostrum *da doch* interdum cum *obschon* commutatur, tamen hoc non ubique licet, v. c. quis dicat: *hic mitto tibi librum, cum sciam. te eum legisse* pro *etsi scio*? Patet hinc *cum* non esse plane i. q. *quia, etsi*. Cum vero in omnibus locis, ubi *cum* per *quia* vel *etsi* explicant, per *da* explicari egregie possit, non video, cur notiones vocabulorum augeamus. Ceterum ab isto *cum* differt adverbium *cum wann*, de tempore usurpandum, et indicativum regens: v. c. *gaudeo, cum te video*: nisi quod etiam *imperfectum* et *plusquamperfectum coniunctivi* sequi potest.
- 9) *quamvis* i. e. *quantumvis, wenn auch noch so*, coniunctivum regere per se clarum est, quia non nisi de re incerta et possibili usurpari potest, v. c. *homo, quamvis sit doctus, tamen discere debet* i. e. *wenn er auch noch so gelehrt wäre*. At *quamvis* est etiam simpliciter i. q. *etsi*: tum indicativum per se regit, nisi vel de re incerta sermo est, vel coniunctivus aut accus. cum infin. praecessit.
- 10) *Ani. e. ob: et utrum? nei. e. ob, seq. an*; v. c. *nescio, an librum noris: nescio, utrum legam an scribam*. Et omnino omnia vocabula interrogativa, v. c. *quis, quid, ubi*

ubi cet. si non directe interrogant, h. e. si qua enuntiatio praecessit, iunguntur coniunctivo, v. c. *dic, quid velis, was du willst, unde veneris* cet.

11) *dum, donec, quoad*, si exprimunt vernaculum *bis*, regunt indicativum et coniunctivum; sin notant i. q. *quamdiu*, indicativum.

12) *qui, quae, quod* coniunctivum postulat a) post *esse, reperiri* et similia (de sententia nonnullorum philologorum), si haec verba praedicati personam induunt, atque ita *qui* cum sua enuntiatione subiecti vim habet; v. c. *est, qui dicat, der spricht: sic sunt, qui narrent, es gibt Leute, welche erzählen; fuerunt, qui dicerent;* b) quando pro *ut is, ut ego, ut tu* cet. ponitur, v. c. *misit aliquem, qui nuntiaret: in primis post dignus, v. c. pater est dignus, qui ametur: virtus est digna, quam ames: sum dignus, cui obtemperes* pro *ut mihi: es dignus, quem amem* i. e. *ut te: estis digni, quorum libri legantur* i. e. *ut vestri* cet. sic semper *qui* pro *ut* post *dignus* ponendum, nisi iam *qui* praecessit, v. c. *dicendum: novi hominem, qui dignus erat, ut amaretur, seu qui ut amaretur dignus erat.* c) quando pro *cum ego, cum tu, cum is* cet. ponitur, v. c. *quid me laudas, quem ne noris quidem? pro cum me* cet. sic *miror te librum spernere, quem ipse dixeris esse pulchrum* pro *cum cum ipse* cet.

C) Omnes aliae particulae per se non, coniunctivum regentes, v. c. *etsi, tametsi, cum wenn, si, ut wie, quod weil, dum indem, so lange, quamvis ob schon* cet. it. *qui* h. e. simpliciter *welcher*, triplicem ob causam coniunctivo iungi solent:

1) quando de re *incerta, possibili, optabili*, vel *concedenda* sermo est, v. c. *etiamsi quis dicat, wenn auch jemand sagen sollte: parentes sunt colendi, etiamsi sint duri, wenn sie auch hart seyn sollten: quanquam vix credam, ob ichs gleich kaum glauben möchte: cum videam, wenn ich sehen möchte, sollte* cet.

2) quando *coniunctivus* statim praecessit, et enuntiatio, cui una illarum particularum praefixa est, cum illo arcte cohaeret: v. c. *rogo te, ut facias, quae possis: hic quae* habet coniunctivum, ob *facias*; sic *rogo te, ut, quamquam sis adolescens, tamen mortem cogites: hic quam-*

quam iungitur coniunctivo ob cogites: sic ratio nos monet, ut, cum sani finis (gesund find), mortem cogitemus cet.

- 3) quando accusativus cum infin. praecessit: v. c. decet sapientem ita vivere, ut loquatur, wie er redet: hic loquatur ponendum ob sapient. vivere: sic scio, te, si quid scias, tacere solere: credo patrem, quia non scripserit, mox reversurum: ubi scripserit est ob patr. revers.

XVIII) De gerundiis notetur:

- 1) gerundium est proprie neutrum participii futuri: hinc
 - a) etiam verba, passivo toto atque ita participio fut. pass. carentia, tamen gerundium habent; cf. supra XI.
 - b) gerundia usurpantur, ut adiectiva neutra, si sine substantivo adhibentur; v. c. ut dico est bonum, es ist gut, sic est amandum cet. ut vero, addito substantivo, adiectivum se adcommodat ad eius genus, v. c. liber est bonus, sic liber est legendus.
- 2) de gerundiis tria notes: a) unde regantur, b) quid regant, c) quomodo cum participiis suis commutentur.
 - a) gerundia reguntur eodem modo, quo adiectiva neutra, v. c. est amandum in Nomin. dicitur, ut est bonum, quia est nominativum regit: Genit. amandi regitur a vocabulis genitivum regentibus, v. c. cupiditas amandi, cupidus amandi: sic ceteri casus, v. c. ut dico: par oneri, sic par ferendo, quia par dativum requirit: Accus. regitur a praepositionibus, v. c. ut dico impellor ad virtutem, sic impellor ad scribendum: Ablat. v. c. ut dico, in virtute est suavisitas, virtute felices reddimur, ita in discendo est suavisitas, docendo discimus.
 - b) gerundia regunt casus sui verbi, quia sunt eius partes: v. c. cupidus discendi literas, parcendi inimicis, utendi tempore: par sum ferendo onus: impellor ad scribendum literas: discendo literas: in amando deum est suavisitas.
 - c) gerundium, si substantivum additur, longe frequentius a priscis commutatur cum toto participio futuri passivi, si fieri potest, h. e. si totum participium fut. pass. adest. Id quod fit tali modo: substantivum in casu eo, in quo gerundium erat, ponitur, et participium, more adiectivorum, adcommodat se ad eius nume-

numeros, casus, genus; v. c. pro his formulis: *sum cupidus discendi literas, scribendi epistolam; par sum ferendo onus; impellimur ad amandum virtutes, discendo linguam, in scribendo epistolam*, dicitur: *sum cupidus literarum discendarum, epistolae scribendae; sum par oneri ferendo; impell. ad virtutes amandas; lingua discenda, in epistola scribenda*. Sic et nominat. v. c. *liber est legendus, literae sunt scribendae*. At pot.

a) haec permutatio locum habet nonnisi in verbis accusativum regentibus, v. c. *lego, sequor* cet. quia haec, ut supra (XI) diximus, sola habent particip. fut. pass. In ceteris gerundium manet: v. c. *dicere cogor: sum cupidus parcendi inimicis* (non: *inimicorum parcendorum*), *utendi tempore* (non: *temporis*); sic *utendo occasione*, non *utenda* cet. sic in nomin. *utendum est tempore, fruendum est voluptate, parcendum est inimicis* cet. Nec tamen negandum, apud priscos occurrere quoque participia *fruendus, utendus* cet. v. c. *omnia utenda* Cic. Verr. II, 18.

b) usus participii pro gerundio non debet vocari *pulchrior*, sed tantum *usitator*. Nam prisci et gerundio utuntur interdum, ubi cum participio commutare licebat, v. c. *consecrando praedones* ap. Nepot.

c) saepe etiam rectius est gerundium poni, etsi in participium converti possit, v. c. *cupidus sum multa discendi, hoc faciendi*, rectius dicitur quam *multorum discendorum, huius faciendi*, quia *multorum* et *huius* possit etiam pro masculino haberi. Regula hic est perspicuitas.

XIX) De ceteris participiis, si iis uti voles, notes:

a) semper *duae enuntiationes* adesse debent, tam arcte connexae, ut altera sit alterius causa vel antecedens vel alia quaedam determinatio; hanc causam vel determinationem indicant praefixa vocabula *qui, ubi, dum, postquam, quando* cet. b) quaeritur, utra in participium abeat? ea, quae prius cogitatur vel istam determinationem continet: c) participia debent idem tempus exprimere, quod verbum mutandum exprimebat: d) participia habent naturam adiectivorum h. e. se adcommo-
dant ad casum, numerum, gentis substantivorum suo-

rum: e) ablativi consequentiae fiunt, si ambae enuntiationes duo diversa subiecta habent. Haec summam: nunc adcuratius:

A) De participiis, quatenus ambae enuntiationes unum subiectum commune habent: hic

- 1) participium ponitur pro *qui* cum suo verbo finito. Hic usus est facillimus: ab hoc incipiendum: imo omnia participia, praeter ablativos consequentiae, fiunt abiectione pronominis istius h. e. omnes istae particulae, *quando, dum*, cet. non abici possunt, nisi per *qui* quodam modo explicari possint, praeter ablat. consequ. v. c. pro *homo, qui amat*, dicitur *homo amans*: si pro *hominis, qui amat* fit *hominis amantis* cet. Not. a) si pro substantivo *is* h. e. *derjenige* subiectum est, hoc abiicitur, quia iam in participio latet, v. c. *amans deum est felix* non *is amans* cet. at si *is* est relativum, *derselbe*, manere potest: b) *homo, qui a deo amatur*, non potest in participium abire, nec hoc: *homo, qui deum amavit*; quia activum caret participio perfecti et passivum participio praesentis, nisi vis Verbum deponens quaerere, v. c. *amore completi* pro *amare*, et *amore frui* pro *amari*: nunc potes dicere: *homo dei amore fruens*, et *homo deum amore complexus*.
- 2) participium ponitur et pro *si, quando, quia*. At hoc fit tantum, si hae particulae simul per *qui* quodam modo explicari possunt: v. c. *homo, si deum amat, est felix* et *homo, quia deum amat, est felix* potest ita efferri: *homo deum amans* cet. quia parum refert, utrum *amans* hic explices per *qui*, an per *si*, an per *quia*.
- 3) participium et ponitur pro particulis *dum, cum, postquam*: at tantum, ubi hae per *qui* quodam modo explicari possunt: v. c. *pater, dum loquebatur, moriebatur*, mutatur in: *pater loquens moriebatur*, quia *moriens* et explicari potest *qui moriebatur*. Sic *gaudeo te videns* pro *cum video te*, est i. q. *ego, qui te video, gaudeo*.
- 4) dicunt et participium poni pro *et*: sed hoc non fit, nisi per *dum*, vel *postquam*, atque ita per *qui* quodam modo explicari potest: v. c. pro *legebat librum et statim remittebat* dicere licet: *lectum librum remittebat*. At hoc proprie dictum est pro: *librum, postquam* vel *qui lectus*

lectus erat sc. ab illo, *remittebat*, sic *libro lecto abiit* pro *librum legebat et deinde abiit*. At non pro *edo et bibo* dicere possum *edens bibo*.

B) De participiis, quatenus ambae enuntiationes diversa subiecta habent, s. de ablativis conseq. haec teneas. Quando duae enuntiationes ita iunguntur, ut singulae habeant suum subiectum, ea, quae prius cogitatur, vel particulam *dum*, *cum*, *postquam*, *quando* cet. in fronte gerit, debet, si quidem in participium convertere placet, in ablativo poni, v. c. pro: *Postquam pater profectus erat, venerunt amici*, dicitur: *patre profecto* cet. Sic pro *dum scribebam, moriebatur pater*, dicitur: *me scribente* cet. Vnum exemplum ponam, ex quo tiro facile discat, ubi ponere debeat ablativos conseq., ubi non: *Sole oriente luna fugit: et: sol oriens fugat stellas: utrumque vertitur: wenn die Sonne aufgeht* cet. at in priori est duplex subiectum, in posteriori unum. Not. Ablativi conseq. possunt brevitatis causa interdum in alios casus converti pendentes vel a nomine vel a praepositione vel a verbo; v. c. pro: *Patre mortuo, eum sepelivimus* dicitur: *patrem mortuum sepelivimus*: sic pro: *patre mortuo, eius libros vendidimus* dicitur: *patris mortui libros* cet. Addamus adhuc haec:

- a) qui participia nonnisi per abiectionem istarum particularum ponere potest, is nondum eorum valde peritus est: nam et alibi poni possunt, v. c. pro substantivis: v. c. *Bey Erblickung des Vaters ging ich* cet. *viso patre*, vel *videns patrem ibam* cet. sic pro: *in consideratione huius rei miror* cet. dicitur: *considerans hanc rem*, vel: *in consideranda hac re* cet. *Bey seinem Sterben sagte er, sprach ich, sagte ich zu ihm*, *moriens dicebat, moriente illo dicebam, morienti illi dicebam*.
- b) plura participia eiusdem casus non fere iungi debent, nisi interventu copulae *et*, *ac*, cet. Peccavit hic Caesar B. G. IV, 24. in. *At barbari, consilio romanorum cognito, praemisso equitatu — subsecuti — prohibebant*.

bant. Debebat dicere: *consilio* — *cognito*, postquam equitatum praemiserant, vel: *At barbari*, postquam consilium — cognoverant, praemisso equitatu cet. Sed participia diversorum casuum bene iunguntur, v. c. Caes. B. G. IV, 25. *Atque nostris militibus cunctantibus* — *contestatus deos* — *inquit*.

- c) interdum participia non sunt in usu, vel raro occurrunt, v. c. *dans, fans, ignoturus*, et alia rariora, quibus abstinendum.

Quaeritur hic, an participiis ubique utendum sit? Non. Variare enim etiam decet. Quaeritur ergo, cur et quando adhibenda?

- a) ob *variationem*, quae est mater suavitatis.
- b) ob *brevitatem*, quae et ipsa est mater suavitatis. Hinc in narrandis multis rebus apte adhibentur: hinc historici crebro iis utuntur et crebrius quam oratores. Male ergo nonnulli eorum usum inter praecipuas venustates referunt, v. c. Heinecc. fund. styli p. 75. Nam qui dicit: *homo, qui deum amat, est felix*, ab dicente, *homo deum amans* cet. non differt in sententia: uterque idem dicit: at posterior brevius loquitur.
- c) ob *perspicuitatem*; v. c. *homo alios peccantes vituperans debet ipse vitiis carere*, non tam moratur lectorem, quam: *homo, qui alios, qui peccant, vituperat, debet* cet.
- d) ob *suavitatem*; quia sic repetitio eiusdem syllabae vel verbi vitari potest, v. c. *cum exercitus, Alpibus traiectis, in Italiam venisset*, suavius dicitur quam *cum exercitus Alpes traiecisset et in Italiam venisset*: quia duplex *isset* evitatur. Sic: *homo alios peccantes vituperans debet ipse vitiis carere*, vel *homo, qui alios peccantes vituperat, debet* cet. est suavius, quam: *homo, qui alios, qui peccant, vituperat* cet. quia repetitio τὸ qui evitatur.

Quaeritur, quando et cur abstinendum participiis?

- a) in *re gravi*, ubi copiose, non breviter, saepe loqui decet: gravitati copiam dicendi, v. c. circumscriptio-nem, prodesse infra dicetur.
- b) ob *perspicuitatem*, v. c. *hominem deum amantem*; non dixerim pro: *hominem, qui deum amat*: quia
homi-

hominem deum amantem possit explicari: *deum*, qui *homines amat*.

- c) ob *suavitatem*, v. c. *homines virtutes amantes* iniucundum est ob repetitionem syllabae *es*.

XX) Addamus quaedam de verbi *terminationibus personalibus*, quas vulgo *personas* perperam vocant, et *temporibus*:

A) de *terminationibus personalibus*:

- 1) *qui, quae, quod* eandem terminationem personalem postulat, quae praecessit, si scil. ad eam refertur, v. c. *non ego is sum, qui omnia sciam*, non: *sciat*: sic: *tu non is es, qui nobis imperare possis*, non *possit*: licet vernacule dicatur: *der uns befehlen könnte* s. *kann*. Sic: *non ii sumus, qui omnia sciamus*, non: *sciant* cet.
- 2) in *enuntiationibus universalibus*, vernacule incipientibus per *man*, v. c. *man sagt* cet. vel tertia terminatione personali passivi, vel secunda activi, vel prima pluralis, vel tertia pluralis poni potest: at non ubique temere. *Tertia* passivi ubique convenit, si quidem eam habemus. At a) *secunda* in epistolis cum cautione usurpanda est, ne amicus legens epistolam rem putet ad se pertinere; at in libris ea uti recte licet, v. c. *turpe est, quae didiceris, ea oblivisci, was man gelernt hat*: b) *prima* pluralis non usurpari a nobis potest, nisi res talis sit, ut eius participes simus, vel esse credamus aut velimus. Ineptum foret v. c. *refutabimus ea, quae vulgo dicimus, was man insgemein sagt*: c) *tertia* pluralis in nonnullis tantum verbis usitata est, ubi per usum loquendi intelligitur *homines*, v. c. *aiunt, dicunt, ferunt, perhibent*: it. interdum *putant, credunt* cet. praesertim si addatur *vulgo*. At non facile dixerim propterea *dixerunt, dicent, man hat gesagt, wird sagen*. Notandum etiam, in qua terminatione personali inceperis, in ea pergere te debere in eodem contextu, v. c. *decet, quae scias, amicis tuis narrare: decet, quae sciamus, amicis nostris narrare*.

B) de recto usu et consecutione temporum.

- 1) de *temporum propria vi et usu proprio*.

a) *praesens* loquitur de re praesente: v. c. *si quis dicat, wenn jemand sagen sollte* scil. *nunc*. Sic *velim, ich wollte*; *veniat, er mag, möchte kommen*; *cum videam, wenn ich sehen sollte* scil. *itzt*.

b) *im-*

- b) *imperfectum* loquitur de actione nondum finita sed adhuc durante: v. c. *legebam*: in primis not. *veniebam*, quod non ubique nostro *ich kam* respondet, quod de ipso adventu, iam facto, saepe usurpatur, v. c. *da er kam, sagte ich*, quod vertendum, *ubi venerat*, s. *cum venisset* cet. non *veniebat*, *veniret*, hoc enim indicaret, illum in via adhuc esse. Sed ut adpareat imperfectum de actione adhuc durante loqui, additur actio alia, quae simul fiebat, v. c. *dum scribebam, pater advenit*. Not. 1) Latinos tamen et saepe *imperfecto* pro *perfecto* usos esse negari nequit. 2) Vernaculum *würde* exprimi solet per *imperfectum coniunctivi*, v. c. *diceret* i. e. *er würde sagen*.
- c) *perfectum* loquitur de actione plane finita, ita tamen, ut in eodem contextu non addatur, aliam secutam esse; v. c. *parentes venerunt* i. e. *adsunt*. Hinc narrantes hoc tempore libenter utuntur, cum narrare volunt, quid per se factum sit. Not. usi tamen sunt prisci *perfecto* ita, ut rem secutam addant simul, atque ita pro *plusquamperfecto*, v. c. Cic. ad Div. III, 10: in. *Cum est ad nos adlatum* cet.
- d) *plusquamperfectum* indicat *plus*, quam *perfectum* h. e. loquitur non modo de actione finita, sed addit statim quoque aliam actionem, quae illam secuta est: et haec NB. est illud *plus*: v. c. *Cum pater venisset, dixit*: hic post *venisse* sequitur, eum *dixisse*: sic: *cum librum adcepiſsem, legi*: *cum hoc audiviſsem, laetatus sum*: ubi male vernacula: *da der Vater kam, da ich bekam, da ich hörte*: male ergo dicas: *veniret, adceperem, audirem*, nam si pater *dixit*, debet iam *venisse*: si librum *legi*, debeo eum *adcepiſse* cet. Not. priscos tamen et *perfecto* pro *plusquamperfecto* uti, v. paulo ante.
- e) *futurum* indicativi *simplex*, v. c. *amabo, amaturus sum* cet. loquitur de actione futura simpliciter h. e. ita, ut vel nulla alia actio addatur, v. c. *emam mihi libros*, vel talis tantum, quae cum illo simul fiat; v. c. *Quando libros mihi emam, a patre petam pecuniam*.
- f) *futurum* in *ero*, v. c. *amavero, amatus fuero*, est 1) *futurum indicativi*, non *coniunctivi*, quod inde patet, quod particulas hunc regentes, v. c. *ut, ne, quin* cet. praefixas non habet. *Futurum coniunct.* est semper illud periphrasticum v. c. *amaturus sim*. 2) est deinde non
- simplex*

simplex futurum h. e. non loquitur fere de *actione futura* simpliciter, sed est *futurum exactum* s. *perfectio - futurum*, seu: comprehendit simul et *futurum* et *perfectum* (hinc a *perfecto* formatur) h. e. loquitur quidem de *actione futura*; at quia statim alia, quae post illam fiet, additur, illa respectu huius consideratur tanquam iam *perfecta* ac finita: v. c. *ubi librum legero, eum tibi mittam*: hic *τὸ legere* est per se res *futura*, ac respectu *τῆς mittere* est *perfecta*: Hinc futura exacta, v. c. *fuero, amavero, amatus fuero* non debent dici *ich werde seyn, werde lieben, werde geliebt werden*, sed *ich werde gewesen seyn, werde geliebt haben, werde geliebt worden seyn*. Excipiuntur tantum ea, quae carent futuro simplici, v. c. *meminero, ich werde mich erinnern, et erinnert haben*: hic necessitas postulat. Vernacula interdum abit hic a latina, v. c. *wenn der Vater kommen wird, so werde ich ihm sagen*, pro *wird gekommen seyn*: it. *wenn du mir das Buch schicken wirst, so werde ichs lesen*, pro *wirst geschickt haben*: quae verti debent: *ubi pater venerit* cet. *ubi librum miseris*, non *veniet, mittes*. Nam pater debet iam *venisse*, si quid ei dicam, et librum debes *misisse*, si eum lecturus sum. Not. occurrit tamen apud priscos *futurum exactum* pro futuro simplici, v. c. *videro* i. e. *videbo*, Terent. And. II, 6, 25. Cic. Verr. IV, 16. et saepius.

Notanda hic sunt sequentia:

- a) Latini in epistolis solent rem vel actionem praesentem, si mutationi obnoxia est, atque ita mutata esse vel praeteriisse potest, ante quam epistola amico reddita sit, imperfecto tempore exprimere, quia ob humanitatem non tam sui, quam eius, ad quem scribunt, rationem habent. v. c. *cogitabam cras proficisci*, non *cogito*, licet nostri: *ich gedenke* cet. quia consilium proficiscendi abiici potest: sic *aegrotabam*, non *aegroto*; quia morbus praeteriisse potest, ante quam epistola reddita sit: sic *homines narrabant, fama erat* cet. nostri: *die Leute erzählen, es geht ein Gerüchte*. At NB. praesens manet, si de rebus immutabilibus sermo est, v. c. *homines sunt mortales*; *Lipsia est urbs Saxoniae* cet. Contra Latini, si quid amico mittunt, scribunt, dicere in epistolis solent: *mihi, scripsi*; non *mitto, scribo*, ut nostri: *Hier schicke ich, dieses schreibe ich*, quia se ad amicum adcommodant: qui

qui dum epistolam legit, illud iam *missum*, *scriptum* est.

- b) Latini in narrando saepe utuntur *praesente* pro *perfecto*, v. c. *Caesar, re audita, statim consilium convocat, edicit cet. pro convocavit cet. ut nostri: ruft den Kriegsrath zusammen, gibt Ordre cet.* Fit hoc, ut res sensibus magis exponatur: quia sic narratur, tanquam nunc fiat et ante nostros oculos.
- c) *Praesens* infinitivi pro *futuro* interdum occurrit, quia *futurum* deest, v. c. *spero, me hoc facere posse, werde thun können.* Rectius tamen est: *spero fore, ut facere possim.* Not. Attamen pristini etiam *praesente* infin. utuntur, licet *futurum* exstet, v. c. Cic. Verr. V, 25. *supplicium sumi de captivis putatur*, pro *sumtum iri*: sic Terent. Eun. III, 3, 14. *Sperat a me avellere* pro *avulsuram esse*.
- d) Latini saepe *perfecto* coniunctivi pro *praesente* utuntur, v. c. *dixerit aliquis, es möchte jemand sagen: pro dicat; quod aequè rectum est: sic non dixerim, et non dicam, ich möchte es nicht sagen: si quis crediderit, negaverit cet. et credat, neget.*
- e) in formula: *memini me dicere* pro *dixisse*, quod aequè rectum est, putant vulgò *praesens* positum esse pro *perfecto*. Male. *Dicere* hic est *imperfectum*, non *praesens*: nam 1) *meminisse* pertinet non ad *praesens* sed ad *praeteritum* tempus, 2) patet hoc ex locis priscorum, v. c. Cic. ad Div. III, 10, §. 19. *Ad me adire quosdam memini, qui dicerent cet.* è quo loco apertum est, Ciceronem *ad adire* habuisse pro *imperfecto*, quia sequitur *imperf. dicerent*: si habuisset pro *praesente*, deinde posuisset *dicant*: nam *praesens* post *praesens*, et *imperfectum* post *imperfectum* ponitur, ut statim docebitur.
- 2) de temporum consecutione.
- a) post *ut* *daß*, *ne*, *quo*, *quin*, *qui*, *quae*, *quod* aliasve particulas solet, si vel *praesens* vel *futurum* praecessit, *praesens* poni: si *imperfectum*, *perfectum* aut *plusquamperfectum* praecessit, sequi solet *imperfectum*. Haec in universum: ratio tamen simul propriae temporum notionis habenda: hinc nonnullae exceptiones occurrunt.
- 1) *praesens* post *praesens*, si scil. de re praesenti sermo est; v. c. a) post *ut*: *si accidat, ut pater veniat, kommen sollte,*

sollte, non: veniret: Si ista res efficiat, ut lauderis, gelobt werden solltest; non: laudareris. Velim, ut istud mox fiat, non fieret. Si fieri possit, ut rem consequar, non consequer, licet nostri: wenns möglich wäre, daßs ichs erhielte, s. erhalten sollte. Nemo optet, ut hoc fiat: sic et nemo optaverit i. e. optet, ut hoc fiat, non fieret; quia optaverit hic pro optet est positum: si quis postulaverit (i. e. postulet), ut hoc dicam, wenn jemand foräern sollte cet. Nemo est tam stultus, ut non intelligat, nicht einsehn sollte. Ita te amo, ut patrem magis amare non possum, i. e. lieben könnte: sic spero fore, ut fiat: quia fore, ut amare, est et praesens et imperf. a forem. b) post ne: v. c. timeo, ne pater veniat: si timeas; ne pater veniat, wenn du fürchten solltest, daßs der Vater kommen möchte, non: veniret: sic: non periculum est, ne bona tua perdas, verlieren solltest, möchtest: sic non timuerim (i. e. timeam), ne res ita cadat. Sic: plura dicere nolo, ne credas cet. c) post quo: v. c. si quis me impediatur, (verhindern sollte) quo minus scribam (schriebe), non scriberem. Putas te a me impedi, quo minus scribere possis, schreiben könntest. d) post quin; v. c. non dubito, quin pater hoc sciat, wissen möchte: non: sciret: quomodo dubitare potes, quin res omnibus nota sit? nicht allen bekannt seyn sollte: sic: multos esse puto, qui non dubitent, quin rem efficere possis, non: posses: e) post qui, quae, quod; v. c. multos esse puto, qui dicere audeant, sich unterstehen sollten: non credo, esse, qui dubitent, zweifeln sollten, qui nolint, nicht wollten, nicht wollen sollten. f) post quis. quid, an, ubi, cur, quomodo aliasque particulas, si notio praesentis inest, v. c. scio, quid cogites, was du denkst, denken magst, möchtest: si quis quaerat, an hoc efficere possim aut velim, ob ich dieses thun könnte oder wollte: mirari scribis homines, quomodo talia audere possim, quia non credibile sit, me cet. wie ich solche Dinge wagen könnte, weil es nicht glaublich wäre cet.: neminem amare possum (könnte ich), cum videam (wenn ich sehen sollte) improbum esse: sic: scribis te mirari, quomodo filius tuus doctus fieri possit, si pecunia non abundet, non: posset, abundaret, Ueberflus hätte: sic: dicis non te posse habitare, ubi inimici tui habitent, wohnten. — Exceptio: Al perfectum vel futurum sequi debet, si de re praeterita vel futura sermo est, v. c. a) perfectum, v. c. hinc sequitur,

ut deus ista fecerit; opto, ut pater incolumis advenerit, mag angekommen seyn: non dubium est, quin Augustus Virgilium magni fecerit: sic: sunt, qui dixerint, scripserint: scio, quid feceris, cur non veneris cet. b) futurum; v. c. hinc sequitur, ut Iudaei Iesum nunquam pro Messia habituri sint: Timeo, ne pater nimis cito rediturus sit: Non is sum, qui omnia visurus sim: dic mihi, quid acturus sis cet. nisi forte sit cet. pro praesente habendum. Saepe etiam imperfectum et plusquamperfectum, si res poscit, v. c. dic mihi, quid faceres, than würdest, fecisses, s. facturus fuisses, was du gethan hättest, würdest gethan haben.

- 2) Praesens post futurum. Sic a) plerumque post ut, ne, quo, quin, v. c. rogabo patrem, ut scribat: per omnem vitam timebo, ne errem s. errare possim: Nunquam ad patrem scribam, quin addam aliquid cet. daß ich nicht hinzufügen sollte. b) post qui, quae, quod, semper in his formulis: erunt, qui dicant, die sagen werden: reperientur, qui credant, glauben werden: Non erit, quod fleas: post quis, quid, ubi, quando, an cet. saepe h. e. ubi notio praesentis temporis adest, v. c. cras videbo, quid agas, ubi habites cet. Not. At perfectum debet sequi, si de re praeterita sermo est, v. c. Cras necesse erit, rem istam perfeceris: Si pater cras non redierit, timebo, ne a latronibus occisus sit: Cras dicam tibi, quis hunc librum scripserit cet. Saepe et imperfectum vel plusquamperfectum, si perspicuitas postulat, v. c. dicam tibi, quid facerem, was ich thun würde, quid fecissem, s. facturus fuissem, was ich gethan hätte, würde gethan haben. Not. in formula: sperabam fore, ut pater mox rediret, non credendum est imperfectum (veniret) post futurum (fore) poni: nam fore non est futurum tempus, sed praesens vel imperfectum, a forem: prout contextus postulat; et hic est imperfectum, ob sperabam. Not. interdum et futurum post futurum poni potest, ob perspicuitatem, v. c. si pater non cras redierit, timebo, ne nunquam rediturus sit: dicam tibi, quando reversurus sim cet. nisi forsitan sim, sit pro praesente habendum.

- 3) imperfectum post imperfectum: sic plerumque: v. c. impediebas me, quo minus scriberem, dicebam ei, ubi esses,

esses, quid sentires cet. sic: *audiebam eos laudari, qui sic dicerent*: not. *laudari* est imperfectum, quia ab *audiebam* pendet: sic *memini, te tunc ea dicere, quae vera essent*; non: *sint*, quia *dicere* est imperfectum. Sic: *sperabam fore, ut me amares, non ames, quia fore* est hic imperfectum; (At in *spero fore, ut me ames*, est *fore* praesens, ob *spero*) cet. Sequitur vero etiam plusquamperfectum, si idea rei postulat, v. c. *optabam, ut hoc nunquam accidisset: vellem, eum non vidissem: timebam, ne domus conflagrasset: Caesar non dubitabat, quin victoriam amisisset: sciebam, quid narrasset: sciebam homines, qui talia fecissent, graviter puniri*: hic *puniri* est imperfectum et praecedit *fecissent*.

- 4) imperfectum post perfectum. Sic plerumque, a) post *ut*, v. c. *impuli te, ut scriberes*, et sic post omnia verba volendi, rogandi, monendi, hortandi, iudicandi, permittendi, it. post *utile fuit, necesse fuit, aequum fuit* cet. v. c. *persuasit mihi, ut facerem, daß ichs gethan habe, non: fecerim: hortatus te sum, ut id faceres, non: facias*. Post cetera verba, ut post *se poscentia*, v. c. *efficere, facere, id consequi*: post *factum est*, *adcidit, contigit, evenit*; post *tam, ita, sic, talis, tantus, adeo* cet. plerumque imperfectum ponitur, v. c. *pater effecit, ut dives existimaretur, hats dahin gebracht, daß er für reich gehalten worden ist, non: existimatus sit*: sic: *licet vera dixissem, tamen non effeci, ut homines mihi crederent, habe es nicht dahin gebracht, daß sie mir geglaubt hätten, non: credidissent, sic: doctrina tua effecit, ut ab omnibus laudareris, gelobt worden bist; Pompeius rebus gestis id adsecutus est, ut Magnus appellaretur, genennt worden ist*. Sic *factum est, ut pater praeter opinionem rediret, zurück gekommen ist: contigit mihi, ut homines meam sententiam sequerentur, non: secuti sint*: sic: *Oratio tua ita placuit, ut homines te valde admirarentur, bewundert haben: tot libros mihi misisti, ut non omnes legere possem, nicht habe lesen können, non: potuerim*. Haec recte: at saepe tamen quoque perfectum apud priscos sequitur; v. c. Cic. Arch. 5. *tanta diligentia fuit, ut ad Lentulum venexit*: sic Cic. Sull. 23: Mur. 4. in Ibid. 9. in: Harusp. 25. Mil. 14. Deiot. 5. in primis apud Nepotem; v. c. Them. 4. *tam angusto mari conflixit, ut multi*

tudo — explicari non potuerit pro posset: sic Nep. Ages. 5. Attic. 12 et 14. At praesens sequi debet, si de re praesente tantum sermo est, v. c. *hic bona sua ita dissipavit, ut nunc pauper sit*, non: *esset*: quia hoc foret; *daß er nun arm seyn würde*: sic: *hic tam pauca didicit, ut ne legere quidem sciat, lesen kann*, scil. *nunc*, non *sciret*; hoc ad tempus praeteritum pertineret: utrumque igitur rectum: *sciat*, et *sciret*, sed diverso sensu; illud ad *praesens*, hoc ad *praeteritum* tempus refertur. Hinc, si utriusque temporis, et praesentis et praeteriti, ratio habetur, utrumque ponendum est, v. c. *industria tua hoc consecutus es, ut ab omnibus laudareris et adhuc lauderis*. Interdum *perfectum* necessario (paulo ante monuimus, reperiri apud priscos etiam pro *imperfecto*) ponendum, v. c. *Cicero tam praeclare latine scripsit, ut consolatio-nem a Sigonio editam vix scribere potuerit*, f. *scripserit*, *geschrieben haben kann, geschrieben hat*. It. *futurum*, v. c. *perfidia tua fecisti, ut nemo tibi in posterum fidem habiturus sit*. b) post *ne*: v. c. *timui, ne id adideret*, non: *adcidat*: *dixi hoc, ne crederes cet.* At interdum *plusquamperfectum* poni debet, v. c. *heri valde timui, ne pater interfec-tus esset*, *möchte umgebracht seyn*, non: *interficeretur*, quod alium sensum pareret. c) post *quo*, v. c. *impeditus sum, quo minus rem celeriter conficere possem*, *gekonnt habe*, non: *potuerim*. d) post *quin*, v. c. *nunquam dubitavi, quin istam rem perficere posses*, non: *possis*, nec *potueris*, nec *potuisses*; sic: *Nemo adhuc dubitavit, quin deus esset benignus, gütig sey*, non *sit*. e) post *qui*, v. c. *fuerunt, qui dicerent, es hat Leute gegeben, die gesagt haben*, non *dixerint*: sic: *repti sunt, qui crederent: dignus fuit, qui diutius viveret*, non *vivat*: *audivi, te librum scripsisse, qui nemini placeret, gefällt*, non *placeat*. Sed interdum *plusquamperfecto* utendum, v. c. *dicunt, libros combustos esse, quos emissas a Caio*: sic: *Catilina non is fuit, qui coram Cicerone tacuisset, nisi res fuisset aperta*, non *taceret*: si quis tamen *taceret* malit, non *repugnaverim*, quia interdum ita Cicero: f) post *quis*, *quid*, v. c. *sero cognovi, quis esset, wer er sey*, non *sit*: *scripsit mihi, quid ibi gereretur, was da vorgeht*, non *geratur*: *Dixi tibi, quid vellem, ich habe dirs ja gesagt, was ich will*, non *velim* vel *volo*. At *perfect.* vel *plusquam.* de re *praeterita*; v. c. *dixi tibi, quid*

quid patri scripserim vel scripssissem. g) post quam, v. c. iam perspexisti, quam praeclara esset virtus, wie vor-
trefflich die Tugend sey, non sit. At perf. vel plusquamp.
de re praeterita, v. c. dixit mihi, quam aegre tulerit,
tulisset. h) post ubi, quando aliasque particulas, v. c.
dixit mihi, ubi habitaret, ubi dormiret, esset cet. wo er
wohne, schlafe, sey, s. wohnt, schläft, ist, non: habi-
tet, dormiat, sit. At, ubi res postulat, sequitur perf.
vel plusquamp. v. c. dixit mihi, ubi latuerit vel latuisset
illo tempore cet. Not. a) meminini, novi, consuevi cet.
quia praesentis vim habent, pro praesentibus habentur,
non pro perfectis: b) perfecta coniunctivi, si pro prae-
sentibus usurpantur, v. c. dixerit aliquis, es möchte je-
mand sagen pro dicat, non inter perfecta hic referuntur;
hinc recte dicitur: si quis me rogaverit (i. e. roget), ut
veniam, non venirem: si quis ex me quaesierit, quid agam,
non agerem.

- 5) imperfectum post plusquamperfectum: a) post ut, v. c.
si tu homini suavissem, ut aliud consilium caperet, non:
cepiisset, vel capere debuisset: sic: nemo praeter te efficere
potuisset, ut resp. liberaretur, non: liberata esset, licet
vernacula ita: contigerat ei, ut dux eligeretur, non:
electus sit, esset: ita ab omnibus amatus fueras, ut ar-
dentius amari non posses, non: potuisses: hanc tibi
gratiam retulisset, ut omnia, quae velles, tibi darem, ge-
geben hätte, non: dedissem: optaverant omnes, ut more-
retur, sterben möchte: at de re praeterita plusquamperfe-
ctum, v. c. optaverant, ut mortuus esset, dass er gestorben
wäre. b) post ne, v. c. timueram, ne ita res caderet. c)
post quo, v. c. si me impedivisses, quo minus rem perfice-
rem, non perfecissem. d) post quin, v. c. nunquam mihi
fuerat dubium, quin tibi essem carus, non sim, fuisset. e)
post qui, v. c. fuerant, qui dicerent, non dixissent, licet
nostri: die das gesagt hatten: si reperti fuissent, qui ne-
garent, geläugnet hätten, non negassent. f) post quis,
quid, cur, an, ubi cet. v. c. cum vidissem, qualis vir
esset, ubi habitaret cet. non sit, habitet: licet nostri:
was er für ein Mann sey cet. At de re praeterita debet
plusquamperf. sequi, v. c. cum vidissem, qualis vir fuisset,
scil. olim: quaesierat ex me, an rediissem: non esset,
redires. Ceterum non negandum, hanc consecutionem
temporum a priscis non semper diligenter servatam esse.
V. c. 1) Imperfectum saepe post praesens reperitur, ple-

rumque tamen, ubi *praesens* pro *imperfecto* vel *perfecto* ponitur, v. c. Liv. II, 37. *praecones dimittuntur, qui iuberent*: V, 27. *ad senatum, qui dederent Falerios, proficiuntur*, cf. Liv. VI, 29. XXVII, 43 et 46. XXXII, 3. XXXVIII, 21. Caes. B. G. I, 9. *legatos mittunt, ut impetrarent*, cf. ibid. I, 4. IV, 11. sic Cic. Att. VIII, 6. extr. *moriar, si gauderem*. 2) *praesens* post *perfectum*, v. c. Cic. Verr. IV, 1. *qui sibi hoc sumsit, ut corrigat cet.* Liv. XLIII, 2. *petierunt, ne se spoliari patiantur pro paterentur*, ac saepius. 3) *Perfectum* post *imperfectum*, v. c. Cic. Rosc. Am. 35. *Quid erat, quod — voluerit?*

- b) est et alia consecutio temporum, quae per *et*, ac *cet.* copulantur. Hic tota res vertitur in idea *temporum*, nec audiendi sunt dicentes, *et* et iungere ubique eadem tempora. Jungi possunt 1) *eadem tempora*, v. c. *amote et magnifico: vidi et audiui*, 2) *praes. et perfectum*, v. c. *cum sciam et ex aliis audiverim*. 3) *imperf. et praes.* v. c. *cum id scirem et ex aliis audivissem*. 4) *praes. et futurum*, v. c. *amote et per omnem aetatem amabo*. 5) *praes. et imperfectum*, v. c. *doleo et semper dolebam*. 6) *imperf. et futurum*, v. c. *dolebam et forsitan semper dolebo*. Ac sic alia quoque tempora coniungi poterunt.

SECT. XVIII.

De germanis mutandis vel retinendis.

A) Germanismi fugiendi:

Cursus vitae non est *Lebenslauf* simpliciter: hic *vita* rectius dicitur.

Vir magnus non de *statura* dicitur, sed de *virtutibus, meritis*.

Ducere bellum non est *Krieg führen*, sed *diuturnius reddere*.

Male audire non est *übel hören*, sed *im übeln Rufe stehen*: sic *bene audire*.

Quem in finem non est *quo consilio*, sed *quamdiu?*

Nullus non dicitur de *duobus*, ut nostrum *keiner*, v. c. si quis interrogatus, utrum Virgilium an Horatium legerit, respondere vult, se neque hunc neque illum legisse, dicere potest vernacule: *ich habe keinen* s. *keinen davon gelesen*, at non latine: *nullum* cet. sed *neutrum* s. *neutrum eorum legi*.

Quis non de *uno e duobus* usurpatur, sed *uter*: v. c. si quis interroget de Cicerone ac Plinio, *welcher ist besser*, s. *der beste*

beste unter ihnen, hoc verti debet: *uter eorum est melior?* licet vernacula non addat: *unter beyden*. Et comparativus de duobus usurpandus pro vernaculo superlativo.

Vel et aut non debet poni post *utrum*, sed an; v. c. *hast du es gesehen oder gehört?* non potest verti: *an vidisti, aut cet. utrum vidisti, vel cet.* sed sic: *utrum vidisti, an audisti? vidistine an audisti? vidisti, an cet.* Sic: *nescio, utrum videris, an audiveris; vel viderisne an cet. vel videris, an audiv.*

Quam, quot, quoties, quantus, qualis, quantopere cet. in exclamationibus non admittit *et non*: v. c. *Wie schön ist das nicht? wie oft habe ichs nicht gesagt: quam pulchrum est!, quoties dixi!*

Quot non facile poni debet, quando *et* *wieviel* pro paucis ponitur, sed *quotus quisque*, v. c. *wieviel glauben wol die- ses?* i. e. *wenige: quotusquisque hoc credit?*

Quot sunt vestrum, wie viel sind euer? scil. *zusammen: male* pro: *quot estis?* et responsio debet esse, v. c. *nos sumus tres, non: nostrum sunt tres.*

Vaticinium, oraculum impletum est, venit, ut puto, ex hebraica lingua: rectius: vaticinio, oraculo eventus respondit. At *implere promissum, legem*, non damnandum.

Omni- bus quadrantibus anni, alle Vierteljahre, male: debet saltem esse singulis pro omnibus. Sed rectius: *tertio quoque mense: sic septimo quoque die, alle sieben Tage, v. c. fastet er.*

Quantum das pro coena, pro institutione, pro habitatione? non satis recte pro: *quanti coenas, doceris, habitas?*

Non possum rem mihi repraesentare, vorstellen, pro: cogitare.

Homo odit alterum, amicus amat alterum: male. Imo: *homo hominem odit, amicus amicum amat: sic: manus manum lavat* cet.

Hinc venit, ut cet. daher kömmts, dass, pro: hinc fit cet.

Sine omni dubitatione non plane damnaverim: tamen cum praeis malim *sine ulla* cet.

Non semel, nicht einmal, ne semel quidem, nicht einmal, differunt a ne quidem. *Non semel est saepe: ad verbum, nicht etwa blos einmal: ne semel quidem est nunquam.*

Qui modo sit, wer es nur sey: pro: quicumque est.

Res facile est intelligenda, ist leicht einzusehn: male pro *res facile intelligitur; rem facile intelligere licet.*

Liber a te legendus est: male, pro: tibi.

Spero patrem mox videre, zu sehen: pro: me visurum patrem.

Non possum comprehendere, quomodo cet. pro: non possum intelligere cet.

Tam longe pervenit in doctrina, pro eo doctrinae processit, pervenit cet.

Communicare aliquid alicui, pro cum aliquo.

Ita comparatum est cum hac re, male pro: res est talis, sic se res habet, haec est rei ratio cet.

Non possum describere, v. c. quam crudeliter se gesserit, pro: non possum dicere: sic: non potest dici, quam cet. rectius quam: describi, cet.

Magnum honoris gradum adcepit pro: altum hon. gradum ascendit.

Non recte prudenter, pro non satis prudenter.

Recte valde doctus, pro longe doctissimus, quam doctiss.

Remedium, v. c. doctrinae, ein Mittel zu cet. pro via ad cet:

Recta via, der rechte Weg: imo: vera via.

Cor, Herz i. e. Muth: male: imo animus.

Facere sibi conscientiam: male.

B) *Locutiones, quae germanismi interdum videntur, sed vere occurrunt apud priscos:*

Esse in spe: it. in expectatione, in Erwartung seyn i. e. expectare: in aere alicuius, in jemand's Schuld seyn; in armis esse, in Waffen seyn.

Esse sub manu. bey der Hand seyn.

Est in manu dei, nostra i. e. potestate: in Gottes Hand cet.

Esse apud se, bey sich seyn, i. e. compotem sui esse.

Esse apud aliquem scil. zum Besuche.

Esse inter homines, unter Leuten seyn, i. e. uti hominibus, cui opp. homines s. hominum conventus fugere.

Apud Livium Hannibal ita locutus est i. e. in Livii libris Hannibal inducitur loquens.

Sors exiit: das Loos ist herausgekommen.

In morbum incidere s. cadere, in eine Krankheit fallen.

Spern habere, Hoffnung haben.

Facere librum: sic: versus facere, Verse machen: sermonem facere, ein Gespräch machen: Facere pecuniam, sich Geld machen, v. c. fraude. Facere alicui timorem, jemand Furcht machen. Facere aliquem, v. c. consulem, einen zum Consul machen. Facere iter, eine Reise thun, reisen. Facere seq. accus. cum infin. so thun, als ob cet. v. c. faciamus, verum esse, wir wollen einmal so thun, als obs wahr wäre i. e.
pona-

- ponamus, fūgamus. Quid hoc homine facias? was soll man mit diesem Menschen machen? Alius factus est, er ist ein andrer Mensch s. anders geworden, i. e. mutavit se, sententiam suam. Facere bene i. e. salubrem esse, Caton. R. R. 157. sic remedium optime faciet, Colum. VI, 15. in.
- Dare calculos, in lusu quodam, die Steine geben i. e. setzen. Hinc Ovidius: tu male iactato, tu male iacta dato i. e. wirf schlecht und cet.
- Vnus recte de duobus, sequente alter. At de pluribus alius — alius.
- Alter ego, mein andres ich, de homine amicissimo.
- Calefacere aliquem, einem einheizen, warm machen i. e. vexare, molestiam exhibere.
- Non mihi hoc sumo, ut cet. ich nehme mir das nicht heraus, da/s cet. i. e. non tantum audeo.
- Sumere pecuniam, Geld aufnehmen: sumere rem pretio, eine Sache für so und so viel nehmen i. e. emere. Sic nostri: Wo nehmen Sie ihre Waaren? pro kaufen.
- Hoc tibi non sic abibit, das wird dir nicht so hingehen, Tenere se non potuit, er konnte sich nicht halten de cupide dicturo, i. e. konnte nicht warten cet.
- Pecunia cadit in illam diem, ist den Tag gefällig.
- Fidem frangere, die Treue brechen.
- Oculum rei adicere, ein Auge auf etwas werfen i. e. cupidum fieri rei.
- Age abeamus, mache, wir wollen fortgehn: de pluribus: agite.
- Agere florem, Blüte treiben, blühen.
- Ducere vitam, v. c. iucundam, ein angenehmes Leben führen.
- Ad summum, zum höchsten, aufs höchste: ad minimum, aufs wenigste, zum wenigsten. It. summum, minimum, höchstens, wenigstens.
- Ad manum habere aliquem, zur Hand haben.
- Ponamus, wir wollen setzen.
- Sub ea conditione, ut cet. Unter der Bedingung.
- Vestis bene sedet, sitzt gut i. e. ist gerecht, ap. Plin.
- Est aliquid, de re non contemnenda, es ist etwas, will etwas sagen: est litotes, v. c. Est aliquid nupsisse Iovi cet.
- Non est pro homine, ist nicht für cet. i. e. non aptum est ei, non conducit ei, Colum. III, 5. in.
- Prae lacrymis loqui non possum, vor Thränen cet.
- Cum timore vivere, mit Furcht leben.
- Non ita multo post, nicht eben so lang hernach.

Bene emere, gut kaufen i. e. vili pretio: *male emere*, schlecht i. e. magno. Contra: *bene vendere*, gut verkaufen i. e. magno; *male vendere*, schlecht i. e. parvo.

In diem vivere, in den Tag hinein leben: proprie, auf den Tag nur leben h. e. ita vivere, ut huius diei, non sequentis temporis rationem habeas: quod est signum magnae negligentiae.

Cum in eo esset, ut cet. da es an dem war, daß cet.

Sic sum, so bin ich: sic est vita hominum i. e. talis.

Ire in semen, in Samen gehen, de plantis, ap. Caton. R. R.

161. sic in corpus ire, ins Fleisch gehn i. e. carnosum fieri.

Provenire, fortkommen, de plantis et arboribus, Colum. V, 6. §. 14.

In manus sumere, in die Hände nehmen, ap. Cic.

Bene it, es geht gut: *Pedibus ire*, zu Fuß gehn cet. *Dare bibere*, zu trinken geben. Haec haftenus.

CAP. III.

DE ORDINE VOCABVLORVM.

Ordo verborum 1) a multis creditur pendere a nostra voluntate, ut v. c. non differat, utrum dicas: *Patrem amare debent filii*, an: *filii amare patrem debent*. Male: interdum quidem, h. e. in rebus levibus, liceat: sed non ubique. 2) Alii certum ordinem fingunt, v. c. Heineccius dixit p. 59. *vocativum* eleganter post aliquot verba poni, et *casus obliquos* nominativo praeponi; p. 60. *verbum substantivum a suo verbo, infinitivum a suo verbo seiungi* et comparativos ac superlativos elegantissime claudere periodum: p. 62. *si, nisi*, ut voci uni alterive eleganter postponi cet. Haec partim falsa, partim indefinite dicta sunt. Ordo verborum est duplex: 1) in nonnullis est fixus: 2) in plerisque pendet ab ordine idearum; atque ita a perspicuitate, interdum a gravitate et suavitate dicendi.

SECT.

S E C T. I.

Ordo nonnullorum verborum est fixus.

Nonnullis vocabulis prisca certum ordinem ita tribuerunt, ut causam ubique non satis indagare liceat, v. c.

I) *nam* (si causam continet), *at*, (*attamen*) *verum*, *sed* semper ab initio enuntiationum ponuntur: it. *quare*, *quamobrem*, cet. ubi causa est in *qua*, *quam* a *qui*, quod connectendi vim habet. Sic *si*, *nisi*, *etsi*, *quamquam*, *quia*, *quoniam*, *cum* cet. semper primum locum occupant, nisi vocabulo, ob eius notionem, postponantur, v. c. *quod si*, *qui nisi* cet. Contra *enim*, *autem*, *vero* (i. e. *aber*), *quoque*, *quidem* post unum, interdum duo verba ponuntur: *etenim*, *ergo*, *igitur*, *itaque*, *denique*, *tandem* primum vel secundum ordinem occupant: *etiam* potest praeponi et postponi, it. *tamen* cet.

Not. *quidem*, si habet vim *restringendi* h. e. de toto vel genere dicta ad partem, speciem aut individuum transfert, estque nostrum *wenigstens*, vel *zum Beyspiele* (prius tamen praeplacet, ne notiones verborum augeantur praeter necessitatem), semper ei vocabulo, ad quod pertinet, subiicitur, v. c. *Sic senserunt omnes eruditi; Leibniti* *quidem* *aperte id professus est*, non: *Leibn. aperte quidem* cet. sic: *de mea quidem sententia*, non: *de sententia quidem mea*. Hinc patet, cur particulae *ne quidem* se iungi debeant, et quid interponendum sit. *Quidem* enim hic est particula restrictiva h. e. negat partem vel rem exiguam, ut eo magis totum vel res maior negari queat: v. c. *tu ne unum quidem librum, nedum omnes, legisti*: hic *lectio unius libri* negatur, ut eo facilius *lectio omnium* negetur: sic: *tu ne legere quidem, nedum scribere potes*: hic *legere*, tanquam levius, negatur, ut *scribere*, tanquam gravius, eo tutius negari possit. Iam *quidem*, ut particula restrictiva, vocabulo, ad quod pertinet, statim subiici debet; Ergo recte dicis: *tu ne partem quidem adicipies, nedum rem ipsam*, at non: *tu ne adicipies quidem partem* cet. Not. attamen *ne quidem* coniuncta reperiuntur Cic. Att. II, 16. extr.

II) *Duo*

II) *Duo substantiva*, quorum posterius pro *alter*, *der andere*, ponitur, v. c. *cuneus cuncum trudit*, *manus manum lavat*, *homo hominem odit*, cet. semper hoc ordine manere debent; falsum foret: *cuneus trudit cuneum* cet. sic *aliud ex alio malum* cet.

III) *Quisque*, τῷ *suus*, *sibi*, *se* iunctum, huic postponitur, v. c. *suum cuique pulchrum*: sic: *sibi quisque* cet. Praepositum tamen quoque reperitur, v. c. Cic. Amic. 16. Liv. XXI, 48.

IV) *Quisque*, superlativo iunctum, tanquam subiectum suo epitheto, huic postponitur; v. c. *doctissimus quisque*, non *quisque doct.* sic: *optima quaeque* cet. sed *quisque* hic non redundare, sed pluralem, s. enuntiationem universalem efficere, supra dictum est.

V) *Quisque*, nominibus numeralibus ordinalibus iunctum, his postponitur, quo et *quotus* pertinet: v. c. *quartus quisque annus est intercalaris*: *tertio quoque mense hoc fieri solet*: *quotus quisque hoc credit?* cet. sed *quisque* non hic redundat, v. c. *decimus est unus decimus*: at *decimus quisque* sunt omnes *decimi*. Sic *quotus* differt a *quotus quisque*.

VI) *Praepositiones* praeponi debent suis nominibus. At sunt exceptiones:

a) interdum postponuntur τῷ *qui*, v. c. *quos ad*, *quam circa*, *quos contra*, *quos inter*, *quem penes*, *quos propter*, *quo de* ap. Cicer. sic *quam ante* Nep. Chabr. 3. *Dio-medonte coram* Nep. Paus. 4. cet.

b) *tenus* semper postponitur; it. *versus*.

c) *cum* postponitur semper τοῖς *me*, *te*, *se*, *nobis*, *vobis*; interdum etiam τῷ *quo* s. *qui*. Causa latet. Cicero quidem Or. 45. opinatur, (nam est mera opinio vel coniectura) hoc fieri ad obsoenitatem (vocabuli *cunnus*) evitandam. Male. Nam 1) unde Cicero hoc sciebat? res enim haud dubie ante illius tempora initium sumit; 2) occurrit *cum non*, ap. Sulp. ad Cic. ad Div. IV, 12, §. 5; *cum nostris*, Caes. B. G. V, 50; *cum nominis* Ovid. Art. II, 537; *cum nominibus* Cic. Dom. 9. in. cet. Nonne hoc aequè obsoenum, ac *cum nobis*? Sic occurrit *Pompeia*.

peianus, penates, natio cet. ubi terminatio etiam obſcoe-
na videri poſſet. 3) cur priſci dixere non modo *nobis-
cum*, ſed et *vobiſcum, mecum, tecum, ſecum*, it. *quo-
cum* cet. ubi nulla obſcoenitas. 4) cur dixere *capulo
tenus*? cur Graeci μετὰ, περὶ cet. poſtponunt interdum
nominibus? cur nos eodem modo dicimus *meinetwegen,
deinetwegen*, it. interdum *Zweifels ohne*: ubi nulla
cauſa eſt, cur praepoſitio poſtponatur. Omnia teme-
re h. e. conſuetudine inveſta ſunt. Credibile eſt, priſ-
cos initio et *cum nobis, cum vobis* cet. et *nobiſcum, vo-
biſcum* cet. promiſcuae dixiſſe, poſtea, h. e. forſan dudum
ante Ciceronis aetatem, poſteriore rationem dicendi
temere in uſu manſiſſe.

VII) In proverbiiſ, ſolennibus uſuque receptiſ for-
mulis et adpellationibus, ordo verborum non mutan-
dus: v. c. *equis viris, velis remis*, non: *viris equis* cet.
ſic: *vi armatis hominibus*: ſic: *terra marique*: ſic *cu-
neus cuneum trudit: manus manum lavat* cet. ſic: *Iupi-
ter optimus maximus: fratres arvales: pontifex maxi-
mus: magiſter equitum: populus romanus: pater patrā-
tus* cet. non: *maximus optimus* cet. Referri huc poſ-
ſint: *ſpe citius, opinione celerius, iuſto longior, ſolito
triftior*, quia aliquam vim proverbii habent: quam-
quam hic ordo idearum iſtum ordinem poſtulat.

VIII) *Ecce, o, vae* cet. ſuis caſibus praeponuntur:
v. c. *Ecce me*.

IX) *Non* verbo *poſſum* praeponendum: it. aliis
vocabulis, ad quae ſtatim pertinet: v. c. *non poſſum:
factum hoc eſt, non conſilio, ſed caſu* cet.

X) *Inquam, inquis, inquit, inquiebam* cet. poſt
unum aliquotve verba, quae memorantur, poni ſolet,
v. c. *Tum pater: mox, inquit, veniam pro Tum pater
inquit: mox* cet.

SECT. II.

De ordine vocabulorum pendente ab ordine idearum.

Plerumque tamen ordo vocabulorum pendet a no-
tionum ordine h. e. prout in mente oriri ſolent ac de-
bent.

bent. Quae itaque prius cogitantur, v. c. in rerum natura prius sunt; eae priorem locum occupare debent, nisi vel suavitas, vel gravitas dicendi, alium interdum ordinem postulet.

I) *Subiectum*, quod prius cogitatur *alio subiecto*, huic praeponitur, v. c. *Pater et filius ibant*, non *filius et pater*. Sic *Patres Conscripti* recte dicitur, si pro *Patres et Conscr.* positum est, et illi a *regibus*, hi a *Bruto* originem habuere.

II) *Subiectum* prius cogitatur *praedicato*: ergo praeponendum: v. c. *deus est benignissimus*: est tamen duplex exceptio; a) ob *perspicuitatem*; si subiectum longa explicatione opus habet; quae ab illo, salva perspicuitate, seiungi nequit, praedicato, si hoc breve est, postponitur, v. c. pro: *deus est benignissimus* dicitur v. c. *benignissimus est deus*, qui nobis non modo vitam et mentem tribuerit, sed etiam cet. 2) ob *gravitatem* h. e. si praedicatum tale est, ut in primis adtendi debeat, v. c. *grave mihi vulnus inflixit mors patris tui: magna tua erga me sunt merita* cet.

III) *Persona*, ad quam praedicatum refertur h. e. cui v. c. *ignoscimus*, *suademus*, *irascimur*, cet. cui aliquid *damus*, *mittimus* cet. prius cogitatur praedicato ipso, h. e. prius in rerum natura fuit, quam *re ignoscere*, *suadere*, *mittere* cet. hinc, nisi duae illae exceptiones impediunt, praeponi debet, v. c. *pater mihi ignovit*, non *ignovit mihi* cet.

IV) *Persona*, cui rem aliquam tribuimus, mittimus cet. prius cogitatur, quam *res ista*, ergo huic praeponitur, v. c. *pater mihi librum aliquem misit*, non: *pater mihi misit librum* cet. nisi *liber* vel *mittere*, ut primaria notio cogitatur, v. c. si de *libro* sermo fuit cet.

V) *Causa*, propter quam aliquid fit, prius cogitatur, quam hoc; ergo praeponitur ei; v. c. *ego te ob egregiam virtutem semper amavi*, non: *ego te semper amavi ob* cet.

VI) *Res*;

VI) *Res*, e quarum numero una *excipitur*, prius cogitantur hac: ergo praeponuntur, cum particula sua *praeter*: v. c. *ego praeter ceteras tuas virtutes humanitatem tuam admiror*, non: *ego tuam hum. praeter cet.* sic et *nisi* absolute positum, v. c. *dabo tibi, nisi omnia, tamen nonnulla.*

VII) *Tempus*, quo *res* fit, prius cogitur, quam haec: ergo praeponitur; v. c. *nemo illo tempore me consolabatur*, non: *nemo me consolabatur illo cet.* sic: *frater nuper ad me scripsit cet.* Huc pertinent formulae: *spe citius, dicto celerius, solito tristior cet.* quia *spes, dictum, solitum cet.* prius cogitantur. Huc pertinent participia vim temporis prioris continentia, v. c. Caes. B. G. IV, 24. *At barbari consilio romanorum cognito, praemisso equitatu — subsecuti — nostros — prohibebant*; primum *cognoscunt*, deinde *praemittunt cet.* sic Cic. ad Div. XI, 29 in. *Dubitanti mihi — adcessit consilium tuum*: prius cogitur *dubitare*, quam *consilium*.

VIII) *Locus*, in quo *res* fit, in quem *res* mittitur cet. prius cogitur, quam haec: ergo praeponitur, v. c. *Brundisium cum venissem cet.* non: *cum ven. Brund.* Si duplex locus occurrit, praeponitur is, e quo in alterum v. c. proficiscimur, v. c. *cum ab Epidauro Piraeum navi advectus essem*, Sulp. ad Cic. in Cic. ep. ad Div. IV, 12.

IX) *Modus*, quo praedicatum subiecto convenit, prius cogitur *praedicato*; ergo huic praepōnitur: hinc vides; adverbis verbis suis praeponi, v. c. *homo necessario moritur, res male gesta est. sponte fecit cet.*

X) *Similitudo* prius cogitur, quam id, quod cum ea comparatur, vel per eam illustratur: hinc particulae similitudinis praeponuntur *τῶ ita vel sic cet.* v. c. *nostri sensus, ut in pace, sic tum in bello congruebant.* Huc referri potest, quod ablativus comparativo praeponitur, v. c. *es me doctior*: hinc: *spe citius, opinatione celerius, solito tristior, iusto longior cet.*

XI) *No.*

XI) *Nomen proprium* prius cogitatur, quam *nomen muneris*, aliave *adpellatio*, *adpositio* s. *explicatio*: hinc praepositur, v. c. *Cicero consul; Marcellus, collega meus; Pompeius, Vir clarissimus; Roma urbs; Aetna mons; Rhenus flumen* cet. At peccarunt interdum prisca: v. c. *Cic. Off. II, 7. uxorem Theben pro Theben uxorem*: it. *provincia Sicilia* Verr. II, 6.

XII) *Qui* praepositur ceteris vocabulis in eadem enuntiatione, v. c. *homo, qui deum colit* cet. non: *homo, deum qui colit*. Si tamen non ad praecedens, sed ad sequens vocabulum refertur, potest post unum alterumve vocabulum reiici, ut sequenti subiecto, ad quod pertinet, fiat propius. Causa ergo est *perspicuitas*: v. c. *Deum qui colit, is felix est*.

XIII) *Qui*, si ab initio enuntiationis absolutae pro *hic, is* ponitur, semper primum locum occupat; servit enim connexioni duarum enuntiationum absolutarum (vulgo *periodorum*), v. c. *Virtus omnibus utilis est. Quam qui colunt* cet. non: *Qui quam* cet.

XIV) *Vocativus* 1) obhumanitatem in prima enuntiatione (s. periodo, ut vulgo loquuntur) sive epistolae sive orationis ponitur: idque, si fieri possit, non procul ab initio: 2) videndum, ut vocabulo, ad quod pertinet, statim addatur, v. c. *credo ego vos, iudices*; non: *Vos credo ego, iudices*: sic: *si tibi, frater* cet. 3) videndum, ne ambiguitas oriatur, v. c. non dixerim: *melius pater rem geret, si, frater, ita instituet*: nec: *quicumque te laeserit, is, frater, me laedet*. Perspicuitas non solo commatum usu niti debet.

XV) Omnia vocabula eo ordine poni debent, ut statim adpareat, quo quodque pertineat; h e nihil alieni immiscendum: v. c. non dixerim: *magnum, ego librum cum abs te adcepissem, fuit meum gaudium*: quia incertum est, utrum *magnum* ad *librum*, an ad *gaudium* pertineat. Vocatur hoc vitium *hyperbaton*, ac, si

si durius est, *synchysis*. Peccarunt hic ipsi prisca, praesertim poetae, v. c. Hor. I, od. 1, 6. *terrarum dominos evehit ad deos*, ubi alii interpretes per *dominos* intell. *deos*, alii *romanos*. Id. Sat. I, 5, 72. *ubi sedulus hospes paene macros arsit dum turdos versat in igne*; rectius foret: *ubi sedulus hospes paene arsit, macros dum turdas* cet. ut Lambin. ex uno Cod. legit. Ovid. Met. I, 222. *Mox ait: experiar, deus hic, discrimine aperto, an sit mortalis pro: Ait: discrimine* (i. e. specimine) *aperto mox experiar* (utrum) *hic sit deus, an* cet. cf. Terent. Andr. II, 3, 2. Liv. XXVIII, 30 extr.

XVI) Inter *adiectivum* et eius *substantivum* quaedam vocabula arcte cum iis cohaerentia interferi solent ob perspicuitatem, quia lector auditorve statim videt, vocabulum interpositum ad substantivum pertinere: v. c. 1) *genitivus*, v. c. *magnus patris amor*. Rectius ergo et magis perspicue dicitur: *magnus patris amor felicitatem filii adiuvit*, quia hic nemo *patris* ad felicitatem referet, quam: *magnus amor patris* cet. 2) *praepositiones erga, in, adversus* cet. v. c. *tuus erga me amor*.

XVII) *Qui, quae, quod* vocabulo ei, ad quod refertur et cuius explicatio est, statim, vel saltem non multis vocabulis interiectis; subiici debet. Rectius ergo est: *non laudare possum eos qui* cet. quam: *eos non laudare possum, qui* cet. quia *eos* et *qui* cohaerent; nisi forte in *eos* oppositio lateat: tum mutare licet, v. c. *ut illos, de quibus dixi, laudavi, ita eos laudare non possum, qui* cet.

XVIII) *Vocabula sibi contraria* arctius iungi debent, ut oppositio clarius elucescat, v. c. *eius otium negotiosum fuit*, non: *eius otium fuit neg.* Sic *adpetis pecuniam; virtutem abiicis*, vel *pecun. adp. abiic. virtutem*: sic: *in provinciam profectus es pauper, dives Romam redisti*; quia *pauper* et *dives* ita iunguntur.

XIX) Si duorum vocabulorum arcte cohaerentium ac propterea arcte coniungendorum, (v. c. subst. et adi.) unum est monosyllabum, hoc polysyllabo praeponitur. Causa est perspicuitas, quia alioquin monosyllabum non audiretur: pertinet ergo proprie ad dicendum, non ad scribendum. Nam in pronuntiando solemus interdum interquiescere atque ita simul vocem remittere: sed vox remissa vix auditur, praesertim a procul stantibus. Hinc ultima syllaba perire solet. Iam si monosyllabum ultimo loco poneretur tum, cum interquiesceremus, illud periret. Contra, si e polysyllabis una syllaba perit, non magna est iactura, quia e ceteris syllabis coniici facile potest totum vocabulum; v. c. quando dicimus: *vir clarissimus*, auditorque tantum intelligit: *vir clarissim'*, tamen scit, nos voluisse dicere *clarissimus*. Hinc mos monosyllabum praeponendi polysyllabo exstitisse et invaluisse videtur: hinc deinde ubique dixerunt: *vir clarissimus, hic imperator, mi frater, me miserum, non possum, vix credo* cet. Not. sic debebat et dici *urbs Roma*: sed cur dicatur *Roma urbs*, supra (XI.) dixi.

CAP. IV.

DE RECTO ORDINE ENUNTIATIONVM.

Rectus enuntiationum (Sätze) *ordo* pendet, ut *ordo* vocabulorum, ab ordine idearum. Quaecunque igitur enuntiationes prius cogitantur, eae aliis praeponuntur. Hic *ordo* prodest 1) perspicuitati, 2) structurae periodi, 3) suavitati, 4) gravitati.

SECT. I.

De praeponendis singulis enuntiationibus.

Cum *causa, locus, tempus*, prius cogitentur, quam res ipsa; enuntiatio *causam, tempus, locum* exprimens

erunt.

enuntiationi rem ipsam continenti praeponitur: pertinent huc ob eandem causam *concessivae*, *exceptivae*, *definientes* cet.

Praeponi itaque solent ac debent:

I) *enuntiationes causales*, incipientes per *quia*, *quoniam*, *cum*, *quod*, interdum *ur*, *quare* cet. v. c. *quia me innumeris beneficiis adfecisti. propterea te per omnem vitam amabo*, vel periodice; *te, quia me* cet. rectius per se dicitur quam: *per omnem vitam te amabo; quia me* cet. *quia beneficiis adfecisse* prius cogitatur, quam *per omnem vitam amabo*. Sic Cic. v. c. Rosc. Am. 25. Agr. II, 5: ad Div. III, 5. §. 2. IX, 16. §. 19. Offic. III, 31. Not. exceptio infra sequetur Sect. 3.

II) *enuntiationes conditionales*, quarum duces sunt *si*, *nisi*, *siquidem* cet. v. c. pro: *rogo te, ut librum mihi mittas, si habeas*; rectius dicitur: *rogo te, ut, si librum habeas, eum mihi mittas* vel periodice: *ut librum, si habeas, mihi mittas*: nam librum ante debes habere; quam mittere possis. Sic Cic. v. c. Rosc. Am. 1 et 24. Offic. II, 7. Not. exceptiones vid. infra sect. 3.

III) *enuntiationes locum indicantes*, quarum duces sunt *ubi*, *quo in loco*, *quo*, *quem in locum*, *unde* cet. v. c. *ubi sis, nescio*, rectius quam: *nescio, ubi sis*; nam tuum *esse* prius cogitatur, quam meum *scire*. Sic Cic. Phil. II, 25: ad Div. VI, 4. §. 9. IV, 7, §. 8. Not. exceptiones vid. infra sect. 3.

IV) *enuntiationes tempus indicantes*, quarum duces sunt *cum da*, *venit*, *dum*, *postquam*, *ubi* cet. v. c. pro: *librum tibi dabo, cum primum eum adcepero*, rectius dicitur: *cum primum librum adcepero, eum tibi dabo*. Sic Cic. ad Div. XII, 17, §. 3. Verr. I, 26: II, 23. IV, 20. Or. I, 31 extr. Huc pertinent *participia* supra memorata, v. c. Caes. B. G. IV, 24. *At barbari, consilio Rom. cognito, praemisso equitatu, reliquis copiis subsecuti nostros navibus exire prohibebant*. Not. exceptiones vid. infra sect. 3.

V) *enuntiationes concessivae*, incipientes per *et si*, *etiamsi*, *quamquam*, *licet*, ut *gesetzt daß* cet. v. c. pro: *nolebam istud agere, quamquam poteram*, rectius: *quamquam poteram, tamen nolebam istud agere*, vel: *quamquam istud agere poteram, tamen nolebam*. Sic Cic. ad Div. VII, 19. §. 4. Rosc. Am. 11. Verr. Act. I, 18 extr. Offic. II, 7. Phil. XII, 3. Not. exceptiones vid. infra sect. 3.

VI) *enuntiationes interrogativae*, non diserte interrogantes, sed *obiectum* vel *modum* rei plerumque indicantes, quarum duces sunt *quis*, *quid*, *an*, *utrum*, *cur*, *quomodo* cet. v. c. pro: *nescio, quis sit*, rectius: *quis sit, nescio*. Sic Cicero, v. c. Rosc. Am. 26. Phil. II, 39. Tusc. II, 3 et 23. Verr. II, 13 extr. ad Div. V, 20, §. 5. Not. exceptiones infra dabuntur sect. 3.

VII) *enuntiationes similitudinem continentes*, et incipientes per *velut*, *quasi*, *ut*, *tanquam*: v. c. *ego, tanquam non audissem, filii*, rectius *quam: filii, tanquam* cet. Sic Cicero v. c. Verr. IV, 34. Not. exceptiones v. infra sect. 3.

VIII) *enuntiationes relativae*, incipientes per *qui*, *qualis*, *quantus*, *quot*, *quoties*, *quam*, *quantopere*, *ut wie*, *ubi*, praeponuntur iis, quae illis respondent et incipiunt per *is*, *talis*, *tantus*, *tot*, *toties*, *tam*, *tantopere*, *ita*, *ibi* cet. v. c.

- 1) *qui*, seq. *is*, *hic*, vel etiam omisso: v. c. *qui deum amat, is felix est*, s. *felix est*: non: *is felix est, qui* cet. nam *amare deum* prius cogitatur, quam *felicem esse*. Hinc quo seq. comparat. τῷ eo praeponendum, v. c. *quo doctiores sumus, eo (hoc) modestiores esse debemus*, non: *eo mod. esse deb.*, quo doct. cet. Huc pertinet quicumque i. e. omnis qui; *quidquid, quodcunque* i. e. omne quod: v. c. *quidquid (quaecunque) iusseris, faciam* pro: *faciam, quidquid* cet. Sic Cic. v. c. Off. II, 7. lb. I, 8. in Verr. III, 18: ad Div. IX, 22, §. 6.
- 2) *qualis, talis*, v. c. pro: *hic est talis, qualis eius pater fuit*, rectius: *qualis pater fuit, talis hic est*. Vid. Cic. Rosc. Am. 4. Off. II, 12. Leg. III, 14. in.

3) *quan-*

- 3) *quantus, tantus*, v. c. pro: *tantas res Caesar gessit, quantas nemo ante gesserat*, rectius: *quantas res nemo ante gesserat, tantas Caesar gessit*. Vid. Cic. ad Div. XVI, 4 extr. et ep. 6. §. 1.
- 4) *quot, tot*, v. c. pro: *tu tot libros legisti, quot ego vix vidi*, rectius: *quot ego libros vix vidi, tot tu legisti*. Vid. Cic. Or. 21.
- 5) *quoties, toties*, v. c. pro: *toties ego Berolini fui, quoties tu Lipsiae fuisti*, rectius: *quoties tu Lips. fuisti, toties cet.* sic rectius: *quoties plantas contemplor, toties admiror dei sapientiam* pro: *admiror dei sap.* *quoties plantas cet.* Vid. Cic. Marc. 6. Sic et *quotiescunque* praepositur, vel sequente *toties* vel omisso. Vid. Cic. Or. II, 32. Nep. Hann. 1.
- 6) *quam, tam* v. c. pro: *qui deum amat, tam felix est, quam infelix est is, qui deum odit*, rectius: *quam infelix est qui deum odit, tam felix est, qui eum amat*. Vid. Cic. Verr. Act. I, 2.
- 7) *quantopere, tantopere*, v. c. *quantopere filii parentes amant, tantopere ego te amo*, non: *amo te tantopere, quantopere cet.*
- 8) *ut, quemadmodum, sicut* seq. *ita* s. *sic*, v. c. *ut parentes filios amant, ita ego te amo*, pro: *amo te ita, ut cet.* Vid. Cic. Verr. Act. I, 2. ad Div. II, 10, §. 3. V, 2, §. 13. Hinc *ut quisque* seq. *ita*, hunc ordinem servare debet, v. c. *ut quisque est doctissimus, ita solet esse modestissimus*, i. e. *quo quis est doctior, eo — modestior*. At aliter est in formula iurandi, *ita, ut*: hic ordo manet, quia est formula solennis et proverbialis.
- 9) *ubi, ibi*, v. c. pro: *cupio ibi esse, ubi tu es*, rectius: *ubi tu es, ibi ego esse cupio*. Vid. Cic. ad Div. VI, 4, §. 9. Not. exceptiones infra dabuntur sect. 3.

SECT. II.

Quando plures eiusmodi enuntiationes praeposendae concurrant, quaenam praeposenda?

Quando duae pluresve eiusmodi enuntiationes concurrunt, itidem ordo idearum sequendus est h. e. illae ita ponendae, prout vel prius vel serius cogitantur: interdum ergo causalis conditionalem, interdum cau-

falem concessiva cet. sequitur. En exempla e Cicero-
ne et Livio.

I) *causalem* sequitur *temporalis*: Cic. ad Div. XVI, 11, §. 7. *Lentulus consul, quo maius suum beneficium faceret, simulatque expedisset, quae essent necessaria — dixit se raturum.*

II) *causalem* sequitur *concessiva*: Cic. Rosc. Am. 20. *et, quia id est suspiciosum, tamen si bestiae sunt, tamen in eam partem potius peccant, quae est cautior.*

III) *temporalem* seq. *concessiva*, et hanc *causalis*: Cic. ad Div. III, 10, in. *Cum est ad nos adlatum de temeritate eorum, qui tibi negotium facerent, etsi graviter — commotus sum, quod nihil tam praeter opinionem — ad idere potuit, tamen — cetera cet. Mutes tsi in quidem zwar: sic omnia facilia.*

IV) *conditionalem* sequitur *temporalis*: Cic. ad Div. III, 5, §. 11. *sed si quid nunc me fallit in scribendo, simul ac progredi coepero, — faciam, ut tibi nota sit omnis ratio dierum.*

V) *duae temporales* iunguntur: Cic. Verr. IV, 20. *Nam cum te — confirmasses redditurum, posteaquam Cordius pro testimonio dixit, se tibi reddidisse, statim reddendi finem fecisti.*

VI) *duae temporales* praecedunt, quas *causalis* et *concessiva*, et iterum *causalis* sequitur: Cic. Verr. I, 6. *Romam ut ex Sicilia redii, cum iste atque istius amici — sermones huiusmodi dissipassent, quo animos testium retardarent, me magna pecunia a vera accusatione esse deductum, tamen probabatur nemini, quod et ex Sicilia testes erant, qui quaestorem me in provinciam cognoverant, — tamen usque eo timui cet.*

VII) *Tres temporales* praecedunt, sequente *concessiva*: Liv. I, 16. *Romana pubes, sedato tandem pavore, postquam ex tam turbido die serena — lux effulsi, ubi vacuam sedem regiam vidit, etsi satis credebat patri-*
bus

bus — sublimem raptum procella, tamen — moestum — silentium obtinuit. Locus hic fit facilius, si in explicando quidem pro *et si* ponitur atque ita dissolvitur: postquam post sedatum pavorem — lux effulsit, romana pubes credebat quidem, ubi vacuum — vidit, patribus cet.

SECT. III.

Exceptiones.

Non raro tamen ordo iste mutatur, et eae, quae natura praeponi debebant, postponuntur, ac contra. Hoc fit,

I) si enuntiatio, ob naturam prius praeponenda, est nimis longa prae ea, cui praeponi debebat: tum enim hanc breviorē praeponi suadet et *numerus oratorius* membrum posterius non nimis breve esse iubens, et *perspicuitas*, v. c. non dixerim: *cur illa res tam brevi tempore ac nullo negotio fieri potuerit, nescio; sed: nescio, cur cet.* Sic non dixerim: *qui putat doctrinam magnam sine magna industria adquiri posse, errat, sed: errat, qui putat cet.*

II) Si enuntiatio, cogitatione quidem prior, longiori explicatione vel illustratione, statim addenda, indiget, vel etiam cum sequente enuntiatione absoluta (vulgo *periodo*) omnino arctius cohaeret. Tum enim decet eam cohaerere cum explicatione et illustratione vel cum enuntiatione absoluta sequente, atque ita contra naturam suam postponi: v. c. non dixerim: *Quia Caius isto tempore non domi fuit, Titium occidere non potuit. Id quod* (scil. illum non domi fuisse) *docuerunt innumeri testes, primum Sempronius, deinde cet.* sed sic: *Non potuit Caius Titium occidere, quia isto tempore non domi fuit. Id quod docuerunt cet.* sic *τὸς id quod doc.* propiora sunt *τοῖς quia — non domi fuit.*

III) Si enuntiatio, per se quidem loco priorē digna cum praecedente non tam cohaeret, quam ea, quae postponi debebat: tum haec meliori iure h. e. ob perspicuitatem praepositur: v. c. *Te nullos poetas legisse certum est. Hunc de iis non iudicare potes, licet te pro bono poetarum iudice venditare soleas.* Hic verba: *licet te* cet. recte postponuntur.

IV) Interdum etiam enuntiatio, praeponenda proprie, ad evitandam ambiguitatem postponitur: v. c. si dicere vellem, eum, qui literarum studia diu secutus sit, illa ob dulcedinem non facile relinquere, ambigue loquerer ita: *qui studia literarum diu secutus est, quia suavia sunt, non facile ea relinquet*; quia verba: *quia suavia sunt* aequae causa esse possent verborum *qui studia — secutus est*, ac verborum: *non facile relinquet*. Rectius ergo sic: *qui studia — secutus est, non facile ea relinquet, quia suavia sunt*, vel, si ordinem servare velim, ita: *qui studia — secutus est, ea, quia suavia sunt, non facile rel.*

V) Si qua enuntiatio in contextu quodam gravior est quam ea, quae praeponenda proprie erat, ac si illam scriptor vel orator magis ac citius adtendi cupit, ea, licet sit proprie posterior, antepositur. Exempla hic non fingi possunt, quia contextus requiritur. — Ceterum hinc patet, cur *ut doß*, quae particula a verbo regitur atque ita cogitatione posterior est, tamen saepe cum sua enuntiatione illi Verbo praeponatur; v. c. Cic. Verr. IV, 39. *Continuo, signum ut demolirentur et Messaniam deportarent, imperavit.* Hic *to demoliri signum* erat Ciceroni gravissima idea. cf. Cic. Fin. III, 19. Liv. XXXVIII, 11. Sic etiam *qui et ut τῶ dignus* saepe antepositur.

VI) Interdum tamen prisca ob negligentiam, praefertim de rebus levioribus, v. c. in epistolis cet. enuntiationem, quae praeponi debebat, postposuerunt.

Qua.

Quadruplex ergo est causa, cur prisca enuntiationes, priore loco per se dignas, postposuerint, *perspicuitas, numerus atque ita suavitas, gravitas, negligentia*. Iam exempla huius rei e Cicerone adferemus:

I) *causales* interdum postponuntur: Cic. Rosc. Am. 1. in. *Ita sit, ut adsint propterea, quod officium sequuntur* cet. hic *adesse* videtur esse *notio* primaria; Cic. ad Div. III, 5, §. 3. *te habuisse rationem, ut mihi consuleres, restitueresque et praeprares — omnia, quo mea ratio faciliior et solutior esse posset*. Ibid. XI, 21. extr. *si quid erit occultius, — meorum aliquem mittam, quo si elius ad te literae perferantur*. Plura exempla vid. in libro maiori.

II) *conditionales* postponuntur: Cic. Amic. 23. *Atque hoc maxime iudicaretur, si quid tale posset contingere, quod cet.* Recte: Cic. ad Div. VI, 20, §. 4. *Omniro de tota re — sapientius faceres, si non curares*: Plura exempla v. in lib. mai.

III) *Locum indicantes* postponuntur: Cic. ad Div. III, 5, §. 8. *ut dicerem, me libenter ad eam partem provinciae primum esse venturum, quo te maxime velle arbitrarer*.

IV) *temporales* postponuntur: Cic. Amic. 26. *Nulla est igitur amicitia, cum alter verum audire non vult, alter ad mentiendum paratus est*: recte. Cic. ad Div. VI, 8, §. 2. *mihi hoc dederunt, ut esses in Sicilia, quoad velles*: negligenter. Plura v. in lib. mai.

V) *concessivae* postponuntur: Cic. ad Div. VI, 4, §. 3. *Nunc tantum videmur intelligere, non diuturnum bellum: etsi id ipsum videatur secus*. Recte. Cic. Senect. 14. *Cupidis — molestum est carere; satiatis incundius est carere quam frui: quamquam non caret is, qui non desiderat*. Recte: *quamquam* est i. q. *attamen*, quando nos revocamus et corrigimus. Cic. Amic. 27. *Omnia autem breviter tolerabilia esse debent, etiamsi magna sint*. Plura vid. in lib. mai.

VI) *interrogativae*, non interrogantes illae quidem, sed obiectum modumve rei exprimentes et incipientes per *quis*, *quid*, *quomodo* cet. postponuntur; Cic. ad Div. IX, 29. in. *Nam et scripsisti aperte, quid tibi videretur* cet. ob negligentiam. Cic. Manil. 1. *facile intellexi, et quid de me iudicaretis, et quid aliis praescriberetis*. Recte ob longit. Cic. ad Div. IV, 14, §. 4. *tamen intelligebam, quam crudelis esset futura victoria*. Recte.

VII) *enuntiationes similitudinis* postponuntur: Cic. Phil. II, 39. *Medico tria millia iugerum (int. dedisti), quasi te sanum fecisset; rhetori duo, quasi disertum* cet. Recte.

VIII) *relativae*, incipientes per *qui*, *qualis*, *quantus*, *quot*, *quoties*, *quam*, *quantopere*, *ut wie*, *ubi* postponuntur iis, quae ipsis respondent et incipiunt per *is*, *talis*, *tantus*, *tot*, *toties*, *tam*, *tantopere*, *ita*, *ibi*: v. c.

- 1) *is* — *qui* pro: *qui* — *is*. Hoc fit saepissime, etiam τῷ *is* omisso. Cic. Font. 2. *hunc praesentem iis adfecit honoribus, quos habuit amplissimos*. Cic. Senec. 14. *satiat — iucundius est carere, quam frui; quamquam non caret is, qui non desiderat*. Recte. Sic *quidquid* Cic. Offic. III, 25. in. *Sol Phaethonti filio facturum se esse promisit, quidquid optasset: optavit, ut in currum patris tolleretur: sublatus est* cet. Recte. Plura v. in lib. mai.
- 2) *talis*, *qualis*: Cic. ad Div. X, 22. extr. *litteras tuas vehementer expecto, et quidem tales, quales maxime opto*. Recte. Cic. Catil. II, 2. *At si quis est talis, quales esse omnes oportebat*. Recte.
- 3) *tantus*, *quantus*: Cic. Verr. Act. I, 2. *Neque tantum me expectatio accusationis meae — commovet, quantum istius insidiae nefariae, quibus* cet. Recte. Cic. Manil. 9. *Itaque tantum victus efficere potuit, quantum incolumis nunquam est ausus optare*. Cic. ad Div. IV, 7, §. 15. *Gratia tantum possumus, quantum victi*. Recte.
- 4) *tot*, *quot*: Cic. Man. 16. *hoc dicam, neminem fuisse, qui a diis — tot et tantas res tacitus auderet optare, quot et quantas dii — ad Cn. Pompeium detulerunt*. Recte: ob seqq. *quod ut* cet.

5) *to-*

- 5) *toties, quoties*: Cic. ad Div. VII, 7. in. *Illud soleo mirari, non me toties accipere tuas literas, quoties a Q. mihi fratre adferantur.*
- 6) *tam, quam*: Cic. ad Div. XI, 27, §. 8. *Equidem si quando audio, tam defendo, quam me scio a te defendi.* Cic. Agr. II, 4. *Quid tam populare, quam pax?* cet. Cic. Amic. 14. *Non enim tam utilitas parva per amicum, quam amici amor ipse delectat.* Reſte.
- 7) *tantopere, quantopere*: Cic. Or. I, 35. extr. *Neque enim tantopere hanc a Crasso disputationem desiderabam, quantopere eius in causis oratione delector.* Reſte: nam *Neque enim* cet. cohaeret cum praecedd.
- 8) *ita, s. sic, seq. ut, s. quasi*: Cic. Catil. I, 2. *Vives, et vives ita, ut nunc vivis.* Reſte. Cic. Tusc. I, 4. *sed quo commodius disputationes nostrae explicentur, sic eas exponam, quasi agatur res, non, quasi narretur.* Reſte.
- 9) *ibi, ubi*: Cic. ad Div. III, 6, §. 7. *Considera nunc vicissim tuum (factum). Non modo ibi non fuisti, ubi me quam primum videre posses* cet. Reſte. Ibid. I, 10. §. 3. *et ibi malis esse, ubi aliquo numero sis, quam istic, ubi solus sapere videre.* Reſte.

CAP. V.

DE PERIODO.

SECT. I.

Quid sit periodus?

Periodus dicitur ac dici debet, quando enuntiatio aliqua, quae hoc respectu *primaria* dici possit, per interiectam aliam (interdum plures), v. c. *explicantem, causalem, conditionalem, concessivam, temporalem* cet. dissecatur; v. c. *Saepe res, licet sit difficillima, per industriam indefessam fieri potest facillima*: nam enuntiatio: *Saepe res per indust. indef. fieri potest facillima* dissecatur per hanc interiectam concessivam: *licet sit difficillima*. Non ergo omnis perfectus sensus intra binas interpunctiones maximas inclusus periodi nomine insignien-

signiendus. Non igitur haec verba: *Saepe res per industriam indefessam fieri potest facillima, licet sit difficillima*: sunt periodus, neque haec: *Quemadmodum concordia res parvae crescunt, ita discordia maximae dilabuntur*, ut male credidit Heinecc. fund. II. 117. Nulla enim enuntiatio interiecta est. Haec interiectio efficit illum a Cicerone Or. 61. sic dictum *ambitum* s. *circuitum*, (h. e. graece *periodum*), quem Cicero ibidem, quamquam parum perspicue, vocavit quoque *comprehensionem*, *continuationem*, *circumscriptionem*. *Periodus* ergo proprie notat *circuitum*; quia, qui vocabula enuntiationis per illam interiectionem disiecta colligere vult, non recta progredi potest, sed circum illam interiectam enuntiationem ire cogitur.

SECT. II.

Quomodo diffecanda enuntiatio primaria?

Dissectio ista ita instituitur, ut a) vel subiectum a praedicato seiungatur, v. c. *homines, quia mortales sunt, non possunt vitam aeternam his in terris expectare*; ubi subiectum *homines* a praedicato *non possunt cet.* seiungitur: b), vel aliud vocabulum a cetera enuntiatione disiungatur, v. c. *rogo te, ut, si quid scias, mihi dicas*; hic enuntiatio *ut mihi dicas* disiecta est. Omninoque videndum, ut ista dissectio apte fiat h. e. enuntiatio inferenda post id vocabulum, ad quod proprie pertinet, inseratur; v. c. *ego librum, quia pulcher est, non vendam*, non: *ego non, quia liber pulcher est, vendam*.

SECT. III.

Quaenam enuntiationes inferendae?

Inferendae sunt 1) non *quaelibet*, sed eae, quae a) propter notionum ordinem istum locum merentur, b) ac simul breviores sunt, nec cum sequentibus arcte cohaerent. Valet hic regula superior, ut, quae prius cogiten-

cogitentur, eae prius ponantur. Vnum discrimen est, quod, quas supra (in Cap. de ord. enunt.) praeponendas dicebamus. eae hic inferuntur. Pertinent igitur huc eadem illae, ut *causales, conditionales, locum, tempus, similitudinem indicantes, concessivae, interrogativae, relativae, explicantes*. 2) non *ubique*. Valent hic eadem exceptiones, quas supra in digerendis enuntiationibus valere dixi, ut scilicet enuntiatio, quae natura sua h. e. quia prius cogitatur, inferi mereatur, tamen non inferatur, si vel nimis longa est, vel explicatione in sequentibus persequenda indiget vel ambiguitatem adfert, omninoque aut perspicuitati aut suavitati aut gravitati officit.

S E C T. IV.

Quotuplex sit periodus?

Periodus, e vulgari divisione, est vel *simplex* vel *composita*; poterat forsan loco compositae dici *duplex, triplex* cet. *Simplex* constat *una* saltem enuntiatione (saepe etiam pluribus per *et* connexis) per interiectam aliquam (interdum duas) dissecta, at sine consequente. *Composita* constat *una* (it. pluribus per *et* connexis) antecedente, et *una* (it. pluribus) consequente enuntiatione; quae utraque per alias enuntiationes dissecta esse debet. v. c. *quamquam omnes, qui divinas leges migrant, poenam dei expectare debent, tamen, si eos peccatorum poenitet, veniam horum consequi possunt*: Verba: *quamquam omnes poenam dei exsp. debent* sunt enuntiatio antecedens, et verba: *tamen veniam horum consequi possunt*, sunt consequens. Not. interdum periodus simplex est longior quam composita.

S E C T. V:

Quid profit periodus?

Periodus prodest 1) *perspicuitati*, quia enuntiationes ex ordine cogitationum inferuntur, 2) *gravitati*,
ob

ob eandem causam: 3) *suavitati* partim ob numerum, qui per illam adiuuatur, partim, quia lectoris et auditoris animus propter enuntiationem interiectam suspensus tenetur, cupideque exitum enuntiationis inceptae expectat.

SECT. VI.

Exempla periodi e priscis.

Multa exempla dedimus in lib. mai. Paucula inde delibemus:

I) *Enuntiationes causales insertae*, incipientes per *cum*, *quod*, *ut*, *quia*, *quoniam* cet. Cic. ad Div. IX, 2, §. 5. *Quaeres fortasse, cur, cum* haec in urbe sint, *non absim* cet. Cic. Arch. 9. *Ergo illi alienum*, quia poeta fuit, *post mortem etiam expetunt*.

II) *Enuntiationes conditionales insertae*, incip. per *si*, *nisi*, *quoad*: Cic. ad Div. XII, 17, §. 5. *dicam tuis, ut eum, si velint, describant*. Cic. Rosc. Am. 24. *Haec magnitudo maleficii facit, ut, nisi* paene manifestum parricidium proferatur, *credibile non sit*.

III) *Enunt. locum indicantes, insertae*, incip. per *quocunque*, *ubi*, *unde* cet. Cic. ad Div. VII, 5. in: *Trebatium cogitabam, quocunque irem, mecum ducere*. Caes. B. G. IV, 28: *sed aliae eodem, unde erant profectae, referrentur*.

IV) *Enunt. temporales insertae*, incip. per *cum*, *posteaquam*, *ubi*, *simulac*, *donec*, *quamdiu* cet. Cic. Phil. II, 36. *quae, dum timor adest, a te non discedit audacia*. Liv. II, 24: *Ne quis militis, donec in castris esset, bona possideret*.

V) *Enunt. concessivae insertae*, incip. per *et si*, *tamen*, *et si*, *ut gesetzt daß* cet. Cic. Manil. 9. *Noster — exercitus, etsi urbem — ceperat et proeliis usus erat secundis, tamen nimia longinquitate locorum movebatur*.

VI) *Enunt.*

VI) *Enunt. interrogativae*, non diserte interrogantes, incip. per *quis, quid, utrum, an, cur* cet. Cic. Phil. I, 7. *qui non*, quid efficere posset in republica, *cogitavit* cet.

VII) *Enunt. similitudinis insertae*, incip. per *tamquam, quasi, sicut*. Cic. Or. 21. *sed est eloquentiae*, sicut reliquarum rerum, *fundamentum sapientiae*.

VIII) *Enunt. relativae*, incip. per *qui, qualis, quantus, quot, quoties, quam, quantopere, ut wie, ubi*, quibus respondent incipientes per *is, talis, tantus, tot, toties, tam, tantopere, ita s. sic, ibi*:

- a) *qui, τῷ is*, s. *hic* vel sequente vel praecedente vel omisso: Cic. Nat. D. I, 42. *ut*, quos natura non posset, *eos ad officium religio duceret*. Or. III, 9. *diligentissimeque hoc est eis*, qui instituunt aliquos —, *videndum* cet. Or. I, 16. *ut*, qui pila ludunt, *non utuntur* — *artificio proprio palaestrae* cet. sic et *quicumque, quisquis, quodcunque, quaecunque, quidquid* cet. Vid. Cic. Offic. III, 4. extr. ad Div. III, 2, §. 3. XIII, 6. in. Verr. II, 2. IV, 34.
- b) *qualis, τῷ talis* vel sequ. vel praecedente vel omisso: Cic. Rosc. Am. 4. *quaeſo, ut*, qualem te — praebuisti, *talem te* — *impertias*. Or. I, 19. *ut* — *talis*, qualem se ipse optaret, *videretur*.
- c) *quantus, τῷ tantus* vel seq. vel praeced. vel omisso: Liv. XXVI, 12. *Ceterum non*, quantum pertinaciae — Romanis fuit, *tantum ad defendendum Hannibali*. Cic. Or. I, 4. *tantum*, quantum ingenio — poterant, *consequabantur*. Sext. 13. *ut* — *reipublicae*, quantum posset, *mederetur*.
- d) *quot, τῷ tot* vel seq. vel praeced. vel omisso: Cic. Att. IV, 8. med. *qui tot annos*, quot habet, *designatus consul fuerit* cet.
- e) *quoties, τῷ toties* vel seq. vel praeced. vel omisso: Cic. Or. II, 31. *Neque enim*, quoties verbum — est scriptum, *toties* cet. Cic. Or. I, 59. *ante condemnentur* — *quam toties*, quoties praescribitur, *Paeanem* — *citarimus*.
- f) *quam, τῷ tam* vel seq. vel praecedente: Cic. Aët. I. Verr. 2. *Quod si*, quam audax est —, *tam esset abscurus* cet.

g) *ut*,

g) *ut*, s. *quemadmodum*, *sicut*, τῶ *ita*, *sic* vel seq. vel praecedente vel omisso: Cic. Man. 5. *Videte, ne*, ut illis pulcherrimum fuit —, *sic vobis turpissimum sit* cet.

h) *ubi*, τῶ *ibi* vel seq. vel praec. vel omisso: Cic. ad Div. VI, 4, §. 9. *et*, *ubi* quisque sit, *ibi esse minime velit*: ep. 1. in. *quin ubivis, quam ibi, ubi est, esse velit*.

IX) *Enunt.* explicativae, incip. per *qui*, apte h. e. statim post rem, quam explicant, *insertae*: Cic. Rosc. Am. 47. *quod viris fortibus*, quorum opera eximia — *existit, honos habitus est*.

X) Aliae enuntiat. *insertae*, v. c. *ut fit*, *ut opinor*, *ut dixi* cet. Cic. Rosc. Am. 7. *erat*, *ut fit*, *insolens* cet.

XI) *Ut* adeo praeponitur verbo, a quo regitur: Cic. Att. XV, 5. *mihique*, ut absum, *audior est*: cf. Verr. IV, 39. Fin. III, 19.

SECT. VII.

De enuntiationibus, quas habemus, apte inserendis.

Enuntiationes sic inseruntur:

1) *causalis*, v. c. Verba: *Deus Noacho soli pepercit, quia solus virtuti studebat*, ita mutantur: *Noacho, quia solus virt. studebat, soli pepercit Deus*, vel *Deus Noacho, quia solus virt. studebat, soli pepercit*, vel: *Deus, quia Noachus solus virt. studebat, ei soli pepercit*.

2) *conditionalis*, v. c. Verba: *quomodo deus hominibus parcere potest, si vitia amant?* mutantur sic: *quomodo deus hominibus, si vit. amant, parc. potest?* vel: *quomodo deus, si homines vitia amant, illis parcere potest?*

3) *enuntiatio locum indicans*, v. c. verba: *quia nescio, ubi sis, ad te venire nequeo*, sic mutes: *quia, ubi sis, nescio, ad te* cet.

4) *enuntiatio tempus indicans*, v. c. pro: *quando homines epulantur, mortem non cogitant*, dicas: *homines, quando epulantur, mort.* cet.

5) *concessiva*, v. c. pro: *milites acriter pugarunt, etsi fessi erant*, dicas: *milites; etsi fessi erant, tamen acriter pugn.*

6) *enunt.*

- 6) enunt. *similitudinem* continens, v. c. *tu me, quasi non homo sim, ita contemnis*, pro: *tu me contemnis, quasi non cet.*
- 7) *interrogativa*: v. c. pro: *omnes sciunt, quid sit virtus*, dicas: *Omnes, quid sit virtus, sciunt.*
- 8) *relativa* incipiens per *qui*, *qualis*, *quantus*, *quot* cet. pro: *non possum eos odisse, qui me amant*, dicas: *Non possum eos, qui me amant, odisse*: pro: *rogavit, ut ea omnia curarem, quae opus essent*, dicas: *ut ea omnia, quae op. ess., curarem*, vel: *ut, quae op. essent, ea omn. curarem*, vel: *ut, quaecunque op. essent, ea curarem.*

Haec de inferenda una enuntiatione. Eadem ratione plures inferuntur, v. c. pro: *Rogasti me, ut librum a Titio editum mitterem, simulac possem, quia eum legere velle*: statim igitur fratri meo scripsi, ut illum tibi mitteret, cum primum fieri posset; frater enim eum a me legendum adiecit, sic dicas: *Cum me rogasses, ut librum a Titio editum, quod a legere velles, simulac possem, tibi mitterem; fratri meo, qui illum legendum a me adiecit, statim scripsi, ut, cum primum fieri posset, tibi mitteret.*

SECT. VIII.

De inveniendis enuntiationibus ad inferendum aptis.

At difficilior est *periodi structura*, si enuntiationes inferendae desunt et inveniri debent. Quomodo eas invenias? Hoc fit variis modis:

I) meditandum est, an in enuntiatione, quam dissecare vis, desit notio *causae*, *conditionis*, *temporis*, *loci* cet. Singulae hae notiones exprimi possunt per enuntiationes, quas inferere potes: v. c. dicis: *Deus Noacho pepercit*. Hic multa quaeri possunt, v. c. *cu?* *quando?* *ubi?* cet. multa ergo addi: v. c. *quia deum coluit: cum ceteros homines perire iussisset*, cet. En

igitur periodum: *Deus, cum ceteros homines perire iussisset, Noacho pepercit, vel Deus Noacho, quia ipsum colebat, pepercit.* Vtramque iungas: *Deus, cum ceteros hom. perire iussisset, Noacho, quia ipsum colebat, pepercit.* Potes et priori enuntiationi causam addere et dicere: *Cum deus omnes homines, quia flagitiis dediti erant, perire iussisset, Noacho, qui ipsum colebat, pepercit.* Potes et addere, *qua ratione perierint, et cur deus id fecerit, atque dicere: Deus, cum iustitiae suae memor, omnes homines, Noachi aetate viventes, quia flagitiis dediti erant, aquae vi immissa perire iussisset, Noacho soli, quia ipsum colebat, benignitatis suae memor modo mirabili parcendum putavit.* Sic enuntiatio concessiva facile reperitur, v. c. dicenti: *industria sine ingenio parum prodest, facile in mentem venit: licet per se laudanda sit: fit ergo periodus: industria, licet per se laudanda sit, tamen sine ing. cet.* Sic et *conditionalis*, v. c. *industria, si caret ingenio, parum prodest pro sine ingenio.* Sic et *explicativa*, incipiens per *qui*, facile invenitur, v. c. pro: *Alexander vicit Darium dicitur: Alexander, qui Magnus est appellatus, cet.*

II) Saepe enuntiatio diffecanda per *accus. cum infin.* vel per *ut cum coni.* efferenda est, v. c. *Adcipies, quae petiisti mutes ita: confirmo, te, quae petieris, adcepturum: sic pro scribe, si potes, dicas: rogo te, ut, si possis, scribas.* Saepe praefigi potest *fit*, *adcidit* cet.

III) Commutandis vocabulis facile oritur enuntiatio inferenda; v. c.

- 1) *nam, enim* mutatur in *quia, quoniam, cur*: v. c. pro: *Cicero ab omnibus legi meretur: est enim praeclarus scriptor, dicas: Cicero, quia est praecl. s. cum sit praeclarus scriptor, ab omn. cet.*
- 2) pro *adiectivo* vel *participio* ponas *qui*: sic habes enuntiationem explicativam, v. c. pro: *omnes bonos libros legi dicas: Omnes libros, qui boni sunt, legi: sic pro*
rem

rem diu expectatam adcepi dicas: *rem, quam diu expectaveram*, cet, hinc patet, nimis amantes participia non esse felices in periodo struenda.

- 3) *quidem* (ziwar) mutetur in *etsi*, *licet* cet. sic habes enunt. concessivam, v. c. pro: *deus est quidem benignus, attamen est quoque iustus*, dicas: *deus, licet sit benignus, tamen* cet. Interdum deest *quidem*; at cogitatur, v. c. *amo te valde, nec tamen tibi gratificari ubivis possum*, dictum est pro: *amo te quidem* cet. Ergo dicas: *Non tibi, etsi te valde amo, tamen grat.* cet.
- 4) *et* in particulam temporis, v. c. pro: *multi mentiuntur, et hoc sibi honori ducunt*, dicas: *Multi, cum mentiuntur, hoc* cet.
- 5) *propter* in *quia*, *cum* cet. v. c. pro: *fratrem tuum ob eius magnam doctrinam omnes admirantur*, dicas: *fratrem tuum, quia est magna doctrina ornatus* cet.
- 6) *in* in *etsi*, *quando*, *cum* cet. v. c. pro: *sapiens in summa paupertate felix sibi videtur: Socrates in fine vitae praeclare locutus est*, dicas: *Sapiens, licet in summa paupertate verjetur* cet. *Socrates, cum finis vitae instabat* cet.
- 7) *post* in *postquam*, *cum* cet. v. c. pro: *Roma credebat, se post mortem Caesaris liberam fore*, dicas: *Roma credebat, se, postquam Caesar interfectus esset*, cet.
- 8) *per* in *quia*, *etsi* cet. v. c. pro: *per pecuniam homo non semper fit felix* dicas: *homo, licet pecunia abundet*, vel: *quia pecuniam habet, propterea non* cet.
- 9) *inter* in *dum*, v. c. *dum* coenabat pro *inter* coenam.
- 10) *sine* in *qui*, *si*, *nisi*, v. c. pro: *homo sine ingenio parum discit*, dicas: *qui s. si ingenio caret, nisi ingenio instructus est* cet.
- 11) *praeter* in *si excipis*, *excipimus*, v. c. *si excipis Adamum* pro: *praeter Adamum*.
- 12) *valde* in *tantopere*, *quantopere* cet. v. c. pro *scio me valde a te amari*, dicas: *scio, me, quantopere vix filius a patre ametur, tantopere* cet.
- 13) *magnus*, *maximus* in *tantus*, *quantus*, v. c. pro: *Cicero effecit, ut maxima dignitate fruereetur*, dicas: *Cicero effecit, ut, quantam dignitatem pauci consequantur, tanta fruereetur*.
- 14) *locus* in particulam loci, v. c. pro: *miror, te meam domum nescire*, dicas: *miror, te, ubi habitem, nesc.*

- 15) *tempus in particulam temporis*, v. c. pro: *multi tempus rei nesciunt*, dicas: *multi, quando res acta sit* cet.
- 16) *omnis, omnia in quisquis, quidquid, quicumque, quaecunque* cet. v. c. pro: *quis dubitat, quin omnis nostra scientia parva sit*, dicas: *quin, quidquid sciamus, id* cet. Sic pro: *ignis omnes libros mihi eripuit*, dicas: *ignis, quidquid librorum* s. *quosunque libros habueram* cet.
- 17) *causa in cur, unde*: v. c. pro: *multi dubitant: at dubitationis causam non addunt*, dicas: *multi dubitant: at, cur dubitent, non* cet. sic *tonitru audis, sed, unde oriatur, nescis* pro *eius causas* cet.
- 18) *res in quid*, v. c. tu, *quid factum sit, non audisti, pro rem*.
- 19) *modus in quomodo, qua ratione*, v. c. pro: *qui rationem institutionis non intelligit, non debet pueros instituere*, dicas: *qui, qua ratione pueri instituendi sint, non intell.* cet.
- 20) *periphrases* hic valde profunt, v. c. ii, *qui nos genuere* pro *parentes*.

SECT. IX.

Cautiones aliquot de usu periodi.

1) *Omnis inserta enuntiatio aptam sententiam habere debet.*

2) *Periodo ubique uti non licet. Ineptum hoc foret ac taedium crearet. Variatione opus est. Hinc et incisa s. commata ac membra s. cola usurpanda sunt, quod vocatur incisim membratimque dicere ac scribere. Commata et cola sunt enuntiationes nulla enuntiatione dissectae: illa sunt breviora, haec longiora. E rhetorum praeceptis commata ad octo syllabas procurrunt: cola ad septendecim h. e. possunt IX, X—XVII syllabis constare. cf. Cic. Or. 66, 67. ubi haec vocat incisa s. commata. Domus tibi deerat? at habebas. Pecunia superabat? at egebas: et haec membra s. cola: incurristi amens in columnas: in alienos insanus insanisti. Sunt ista magis subtilia quam utilia: quis syllabas ubique*

que numeret? Satis est, scire, nos debere modo *periodis*, modo *membris incisisque* uti.

3) Periodus non debet nimis longa esse: nam fatigat lectorem vel auditorem, taediumque et obscuritatem adfert. Longiores periodi a priscis vocantur *πνεύματα* h. e. *spiritus*, si uno spiritu pronuntiari possunt; vel *τάσεις* h. e. *extensiones*, si uno spiritu a nemine pronuntiari queunt. Hae vitandae in dicendo: in scribendo tolerari possunt, quia lectoris oculus plura comprehendere valet, quam auris auditoris.

4) Enuntiatio inferenda debet esse brevior ea, cui inseritur, vel saltem videndum est, ne verba posteriora enuntiationis dissectae nimis pauca sint prae interiecta enuntiatione, v. c. non dixerim: *patrem, etsi me nullis adficere solet beneficiis, amo*: est contra numerum: saltem dixerim: *tamen amo*, vel *tamen amare non dubito*.

5) In composita periodo videndum est, quantum fieri potest, ut consequens enuntiatio vel eandem vel non multo minorem longitudinem habeat, quam antecedens habuerat. V. c. Cic. Div. in Caecil. I. in. *si quis vestrum* cet. Font. 14. in. *Quod si aut, quantam* cet. Agr. II, 36. extr. *Quemadmodum, cum* cet. Catil. I, 13. *Vt saepe homines* cet. ad Div. III, 8. in. *Etsi, quantum* cet. In his locis brevior est consequens antecedente. Contra paulo longior est consequens antecedente Cic. Agr. II, 37. *Nam si ii* cet. Patet hinc, raro utramque enuntiationem interiectam plane aequalem sibi reddi posse. Caveamus tantum, ne antecedentem longissimam consequens nimis brevis sequatur.

6) Periodus non modo in orationibus, sed et alibi adhiberi potest, v. c. in epistolis, in historia scribenda cet.

7) Dividunt etiam vulgo *periodos* in *bimembres*, *trimembres*, *quadrinembres*, prout *diabibus*, *tribus* cet. enuntiationibus interiectis constant, et *quadrinembres* perfectissimas esse dicunt. At totum hoc est parvae utilitatis, quia se quisque ad materiam, quam tractat, adcommodare debet ac videre, quid et quantum dici intericique possit. Imo talia praecepta tirones inducere possunt et efficere, ut plus studii in verborum furo, quam in rei veritate ponant. Hoc tamen teneamus, suave esse, si, quot enuntiationes antecedenti, totidem consequenti enuntiationi insertae fuerint, v. c. *si, quantum regibus confidere solemus, tantum fiducia in deo poneremus; haud dubie, quo gravius nos mala premerent, eo minus desperandum putaremus.* Hic una est in antecedente, una in consequente. Hac in re peccavit Cicero Caecin. 1. in. *Si, quantum cet.* ubi una est in antecedente, non item in consequente.

CAP. VI.

DE NVMERIS ORATORIIS s. NVMERO ORATORIO.

SECT. I.

Quid sint numeri oratorii? (numerus?)

Numeri oratorii (sic rectius, quam *numerus orat.* ut infra patebit) conveniunt cum *numeris poeticis*, ut Cicero ipse ait, et cum *numeris musicis*. Quid sunt *numeri poetici*, *musici*? quid aliud, quam *demensae* unius Totius partes sibi aequales? In re musica *numeri* sunt *partes carminis demensae sibi aequales*, quarum mensura indicatur pede, manu, lineola perpendiculari, et quae vocantur *Tasse*: hae partes omnes sibi sunt aequales tempore. Sic *numeri poetici* s. pedes sunt

sunt demensae unius versus partes (s. membra) tempore sibi aequales: v. c. spondeus aequat dactylum cet. Eadem ratio est *numerorum oratoriorum*: sic enim primis temporibus haud dubie loquebantur, utentes plurali, non singulari, hi igitur *numeri oratorii* sunt *partes (membra) aequales unius maioris sententiae*. Postea et in singulari dicere coeperunt *numerum oratorium*: hinc orta difficultas definiendi. At potest quoque in singulari definiri, ut *numerus sit aequalis mensura enuntiationum (membrorum) earum, quae ad se invicem referuntur atque ita unum Totum constituunt*. Facilius tota res intelligitur, si cogitamus, *numerum* proprie significare *partem (membrum)* quamlibet, in primis *demensam* et *ceteris partibus aequalem*: hinc patet, *numeros musicos, poeticos, oratorios, it. militares, palaestricos, saltatorios* esse *partes unius Totius demensas sibi aequales*: v. c. Ovid. *carmen numeros veniebat ad aptos* i. e. *partes suas* h. e. *pedes*. Sic *cohortes* dicuntur *numeri* i. e. *partes legionis aequales*. *Numerus* de *parte qualibet* s. *membro* occurrit Ovid. Met. VII, 127. de embryone: *perque suos intus numeros componitur infans* i. e. *partes* s. *membra*: ut adeo in numeris musicis, poeticis, oratoriis, militaribus, palaestrictis cet. ne translatione quidem opus sit, quia ubique proprie sumere licet. *Numerum* autem propr. esse *partem* non mirum est: quid enim numerabant prisca, praeter partes unius Totius? v. c. *agnos*, qui sunt partes gregis: et sic nos numeramus nonnisi partes unius Totius. Et forsan vernacula *Zahl* et *Theil* sunt eiusdem originis: sic Graecis *νόμος* dicuntur *numeri musici*, a *νέμω* *partior*. Ceterum hinc patet, *numerum* non esse ipsam *harmoniam, Wohlklang*, ut nonnullis videtur, sed *causam tantum huius harmoniae*.

S E C T. II.

Utilitas et origo numerorum orat.

Numeri profunt 1) *suavitati*; nam omnis proportio s. demensa aequalitas placet: 2) *perspicuitati*, et *gravitati*, quia res ita magis oculis et auribus exponuntur ac sentiuntur. Inventores putantur Thrasymachus et Gorgias Leontinus: post perfecisse dicitur Isocrates: v. Cic. Or. 52.

S E C T. III.

Quotiplices sint isti numeri? (numerus?)

Triplex genus est istorum *numerorum*, s. *numeri*:

1) *Enuntiationes* arcte coniunctae, in primis sibi oppositae, debent, ubi fieri licet, in certis partibus (membris) h. e. vocabulis sibi aequales esse seu respondere, ita, ut totidem vocabula eiusdem generis respondeant praecedentibus: v. c.

1) *unum vocabulum uni vocabulo eiusdem generis respondet*; v. c. nomen nomini, participium participio, ablativus ablativo, adverbium adverbio cet. Sic Cic. Mil. 4. *Est haec non scripta, sed nata lex: — ad quam non docti, sed facti, non instituti, sed imbuti sumus*: ubi opponuntur *scripta* et *nata*: *docti* et *facti*: *instituti* et *imbuti*. Peccasset Cicero, si dixisset: *est haec non a maioribus scripta, sed nata lex*: quia prius membrum longius fuisset posteriori. Not. Cicero hanc aequalitatem vocat *concinnitatem* Or. 49, ubi istum locum exempli causa adfert.

2) *binā vocabula binis eiusdem generis respondent*: v. c. Cic. ad Div. VI, 2. §. 5. *Si armis aut conditione positis aut defatigatione abiectis aut victoria detractis civitas respiraverit*: ubi respondent sibi *conditione positis*, *defat. abi.*, *victor. detr.* et ablativi ablativis. cf. Cic. Arch. 6. *aut otium in eum abstraxerit* cet. Cic. Marc. 2. *nec contentionum magnit.* cet. Cic. Or. I, 5. *populi motus* cet.

3) *ter-*

- 3) *terna ternis respondent*: v. c. Cic. Or. I, 9. *quis — tibi hoc concesserit, — genus humanum — non prudentium consiliis compellum potius quam disertorum oratione delinitum, se oppidis moenibusque sepsisse*. Hic opponuntur sibi *prudēt. cons. compul.* et *ajert. orat. delinitum*: ubi genitivus genitivo, ablativus ablativo, participium participio respondet. Si Cicero omisisset *compulsum*, debuisset quoque omittere *delinitum*, et sic in ceteris. Add. Cic. Mil. 4. *Est haec non scripta, sed nata lex, quam non didicimus, adcepimus, legimus, verum ex natura ipsa adripuimus, hausimus, expressimus*; ubi not. *didicimus, adcepimus, legimus* et *adrip. haus. expressimus*: hunc locum Cicero ipse Or. 49. nomine *concinnitatis* insignivit.
- 4) plura quoque verba sibi respondent, v. c. Cic. Verr. V, 6, *ut, quam damnatis servis crucem fixeras, hanc indemnatis civibus romanis reservares?* Hic oppon. *quam* et *hanc, damnatis* et *indemnatis* cet. Add. Cic. Verr. IV, 52, *conserte hanc pacem cum* cet. quem locum Cic. Or. 50. in. tanquam exemplum *numerorum* memorat.

Sed hic duo notanda:

- a) Ista aequalitas (numerus) non ubique adfectanda, sed tantum adhibenda est, ubi materia suppeditatur, praefertim in re gravi. Nec Cicero ubique adhibuit: v. c. Arch. 6. *quantum ceteris ad suas res obeundas, quantum ad dies festos ludorum celebrandos, quantum ad alias voluptates et ad ipsam requiem animi et corporis* cet. Hic non sunt niembra aequalia: nam *ad suas res obeundas* sunt quatuor verba sine genitivo sed *ad festos dies ludorum celebrandos* sunt quinque et inest genit. *ludorum* cet. Ibid. 7. *secundas res ornant* cet. ac sapientius: peccavit ergo contra numerum, sed non in re: et melius est contra illum, quam contra hanc peccare.
- b) quaeritur, unde materiam huius aequalitatis (numerorum) petamus? In primis variatione et copia dicendi, de qua infra. Debemus rem, quam tractamus, omnibus ex partibus considerare ac videre, an vocabula adhuc addi possint, v. c. similitudo, contrarium cet. Hic interdum prodest phrasin pro uno verbo ponere, ex uno substantivo duo facere cet. v. c. quando dico: *nemo potest sine labore ad doctrinam adcedere* recte dico: quia labore.

labore et doctrinam sibi respondent: at cum dico: *nemo sine laboris assiduitate ad doctrinam adcedere potest*, vel: *nemo sine labore ad doctrinae suavitatem adcedere potest*, pecco in utroque. At utrumque iungatur: *nemo sine laboris assiduitate ad doctrinae suavit. adc. potest*: ita erit numerus. Potest et sic variari: *non otii studio, sed laboris assid. ad doct. suav. adced. licet*. Sic pecco dicens: *quod Caius propter amorem facere studuit, id Titius odio incitatus prohibuit*: dicendum est vel *propter amorem* et *propter odium*, vel *amore ductus* et *odio incitatus*: possis etiam, si tria verba tribus opponere placeat, ita dicere: *quod Caius amoris magnitudine ductus facere voluit, id Titius odii vehementia incitatus prohibuit*; vel, si quatuor: *quod Caius incred. amoris magnitudine adductus — id Titius acri impetu odii inflammatus* cet. vel si quinque: *quod Caius incred. amoris acerrimi magnitudine inflammatus — id Tit. acri impetu odii saevissimi abreptus* cet. possis et adverbia addere, illic *egregie*, hic *turpiter*: possis et pro *Caius* dicere *Caii humanitas*, et pro *Titius* ponere *Titii crudelitas*; possis et totis *humanitas* et *crudelitas* adiectivum addere, ac sic longius progredi cet.

II) Alterum genus est, quando pars posterior dissectae enuntiationis vel aequalis est insertae enuntiationi, vel etiam maior, vel saltem non nimis brevis prae illa. Nec enim hic *aequalitas* subtiliter intelligenda, quasi syllabae semper numerari debeant.

Notandum hic:

- a) pertinere huc et omnem enuntiationem, quae alteram, cum qua coniuncta est, sequitur, licet non dissecta sit. Etiam haec praecedenti, quantum fieri potest, aequalis reddi debet.
- b) sed quaeritur, si pars posterior dissectae enuntiationis vel omnino enuntiatio consequens brevior per se sit, quo modo longior reddi queat. Hoc fit variis rebus; in primis addendo vocabulo, v. c. substantivo, verbo, adverbio, adiectivo: it. per phrasin loco unius verbi, aliaque circumscriptione: v. c. pro: *quod tua crudelitas fecit, non ego faciam*: dicitur: — *id mea humanitas non faciet*; pro: *olim vivebas cum laude, nunc non*, dicitur: — *nunc cum ignominia*; pro: *pater, ubi mortem filii audivit, flebat*, dicitur: *lacrymas tenere non potuit*:

potuit: pro: rex civibus, quia eos poenitere facti videbat, pepercit, dicitur: parcendum decrevit, s. statuit, putavit: vel: rex, cum cives facti poenitere vidisset, in eos clementia utendum statuit.

- c) Hoc genus numerorum non ubique adhiberi debet necessario; in levibus rebus contra eos peccare licet: non item in gravibus.

III) In primis verborum compages, sive sit pars dissectae enuntiationis posterior, sive per se enuntiationem efficiat, quando sententiam universam claudit h. e. inter ultimum signum distinctionis minimae, quod *comma* vocant, et inter signum distinctionis maximae, quod *Puncti* nomen vulgo gerit, intercedit, debet praecedenti verborum compagi (s. membro) vel aequalis vel potius paulo longior vel saltem non nimis brevis prae illa esse. Exigit hoc a) suavitas, quia omnis proportio placet; b) in primis perspicuitas et gravitas, praesertim in orationibus. Nam quo propior clausulae suae sit sententia, eo magis attenditur, eoque longior pars expectatur: deinde in fine sententiae vox se remittere solet, ut facile una alterave syllaba pereat: hinc, quo brevius est ultimum membrum, eo minus tota eius sententia percipitur.

At haec omnia nituntur contextu: v. c. in oxymoris parum valeat ista regula. *Dum tacent, clamant*, rectius h. e. gravius est dictum, quam: *dum tacent, eos clamare quis non intelligit?*

Haec sufficere possint ad cognoscendos numeros. Sed eo referuntur, Cicerone auctore, insuper haec duo:

I) Ultimum vocabulum sententiae, post quam signum distinctionis maximae ponitur, debet, si fieri potest, a) paulo longius esse, et b) in primis paenultima habere longam; et c) haec paenultima inter ceteras vocales τὸ *a*, propter sonum clariorem, libenter recipit: permittuntur tamen etiam *o* et *e*, rarius *i* et *u*:

v. c.

v. c. *fateatur, videatur, perterrefecit* etc. quae melius sententiam claudunt, quam: *docuit, habuerit, est, sit* cet. Recte. Millies sic Cicero, v. c. Manil. 1. *prohibuerunt: deinde putavi: tum consecutus* cet. At

1) quaeritur, quatenus sit huius clausulae causa? *suavitas an perspicuitas?* Suavitas pendet a consuetudine? ergo perspicuitas, puto, in dicendo. Nam in fine sententiae cadit vox oratoris sitque obscurior in ultimo vocabulo, ut auditor procul stans unam vel duas extremas illius syllabas non satis audire queat, si quidem a) vel sint breves: nam priscos breves syllabas celerissime h. e. ita, ut vix audirentur, pronuntiasse in Cap. de Orthogr. monui, b) vel paenultima huius ultimi vocabuli, licet longa sit, careat vocali sonantiori, v. c. *a* et *o*. At si vocabulum est longius, auditor, etiam si unam alteramve syllabam non satis percepit, tamen ex una duabusve syllabis recte auditis ceteras colligit: praesertim si paenultima longa est h. e. cum quadam vocis intensione, ut Romani solebant, pronuntiat: tum enim nonnisi ultima syllaba perit: quam facile e syllabis praeced. intelligere potest. Pertinet ergo ista clausula ad orationem proprie: tamen et alibi adhibita est a priscis saepissime.

2) clausula illa numerosa non ubique cupide ac putide sequenda est: et recte Cic. Or. 63.: *primum — numerus agnoscitur; deinde satiatur; postea — contemnitur*. Hinc ipse illam saepe neglexit, v. c. Cluent. 19. *e manibus*, et statim: *potuit*. Materia ipsa dare debet clausulae locum. Quantam vero vim Cicero isti clausulae tribuat, vix dici potest: memorat adeo Or. 63. populum propter dichoreum s. ditrochaeum *comprobavit* in Oratione Carbonis exclamasse. Verba Carbonis fuerant: *patris dictum sapiens temeritas filii comprobavit*. Sed dubito, an ditrochaeus causa tanti clamoris fuerit, cum millies ditrochaei recitati sint, nec clamorem excitatum esse legamus. Forsan oppositio vocabulorum: *patris dictum sapiens* et *temeritas filii*, praesertim arcta coniunctio: *sapiens temeritas* clamorem istum excitavit; forsan et Carbonis vox sonora et volubilis, forsan et alia res. Nam causam, cur alii clament, nemo certo scit, praeter ipsos clamantes: imo ne hi quidem saepe sciunt, cur clament;

clamant; quia multi saepe propterea clamant, quia alios clamare audiunt.

II) Cicero praeterea de numeris poeticis in tota oratione apte permiscendis loquitur. At 1) non distincte de ea re agit, ut ipse dubius fuisse videatur, vid. eius Orat. 57 seqq. 2) nec ipse id observavit. Multo minus nos observare possumus, qui vocabula latina non e quantitate syllabarum ubique pronuntiamus, ut Romani fecisse videntur: v. c. *hominibus*, *amavistis* ita pronuntiamus, tanquam antepaenultima illic longa, hic sit brevis. 3) Ac si possemus observare, oratio foret adfectata: et dum ista numerorum lenocinia captarentur, interim robur sententiarum effugeret. Orationis gravitas pendet a permotione animi: hic dictat graves sententias: nonne frigeret, si istum numerorum permistorum tinnitum diu meditareris? — Idem dicendum de regula illa, qua volunt vocabula ita iungi, ut vocales et consonantes se excipiant, v. c. *quidquid in illa re dicitur, id esse debet* cet. cf. Cic. Or. 44. At Cicero ipse non observavit nec observare potuit, si quidem gravitati rerum et verborum ad hanc declarandam aptorum delectui sapienter studuit.

Ceterum iis, quae de *numeris* in hoc cap. dixi, haec addam: 1) nunquam debent videri quaesiti esse, sed sponte venisse, vid. Cic. Or. 65. 2) semper inesse iis debet sententia vera et apta. Recte Cicero Or. 71. *composite et apte, sine sententiis, dicere insania est* cet.

CAP. VII.

DE MODIS CONNECTENDI VOCABULA, ENUN-
TIATIONES ALIASQUE VERBORVM COMPLE-
XIONES VEL MAIORES VEL MINORES.

Nihil magis ab eloquente postulatur, quam apta
dictorum connexio. Hinc de ea dicendum.

SECT. I.

De connexionione vocabulorum singulorum.

Singula vocabula *eiusdem generis*, v. c. nomen et
nomen cet. varie iunguntur.

I) *Duo* (it. plura) *vocabula*, inter se diversa, sed
arcte inter se cohaerentia h. g. ad idem vel subiectum
vel praedicatum pertinentia, solent, ut de *cum tum*,
f. *tum tum*, *non modo sed etiam* cet. nihil dicam, in
primis iungi

1) per duplex (vel triplex etc.) *et*: quod etsi proprie est
i. q. duplex *tum, non modo sed etiam*, tamen saepissime
ponitur, ubi vernacula uno *et* contenta est, v. c. Nos
dicimus: *Vater und Mutter*; Latini libenter: *et pa-
ter et mater*: Nos: *meine Eltern und Brüder sind ge-
kommen*: Latini: *mei et parentes et fratres* cet. Nos:
Wir sollen Gott lieben und ehren; Latini: *debemus deum
et amare et colere*. Millies sic prisci, v. c. Cic. ad Div.
III, 10, §. 5. *Omnia volo a me et postules et exspectes*,
ich bitte alles von mir zu fordern und zu erwarten:
ubi unum *et* sufficere poterat. Notes hic: a) ista ra-
tio *et* duplicandi non valet, nisi vocabula copulanda
diversae sint significationis: si igitur alterum alterius
explicatio est vel saltem parum aut nihil ab illo differt,
abstinendum est illa; v. c. Cic. ad Div. III, 9, §. 14.
id feci adductus auctoritate et consilio tuo. Agr. II, 5.
corpore inculto et horrido: b) prisci tamen etiam saepe

pe uno *et*, s. *ac*, atque contenti fuere, ubi duplicare potuissent, v. c. Cic. ad Div. III, 6. extr. *constitues, quo loco — et quo die* cet.

- 2) per repetitionem vocabuli praecedentis, v. c. *qui, si* cet. v. c. Cic. ad Div. V, 5, §. 2. *omnia — a me in te profecta sunt*, quae ad tuum commodum, quae ad honorem, quae ad dignitatem pertinerent; Verr. V, 58. in. *si quis rex, si qua civitas — si qua natio* cet.
- 3) per *ut* adverb. sequente *ita*, v. c. pro: *patrem tuum et te amo* dici potest: *ut patrem tuum, ita te amo*. Sed not. a) in hac forma *ut* semper manet particula similitudinis: neque ergo ubique *ut ita* pro *et* dicendum. b) *ita* semper sequi, *ut* praecedere debet. c) perspicuitas adtendenda: v. c. non dixerim: *Salmasius tanto priscos legendi studio flagravat, ut, ut graecos, ita romanos brevi legeret*: ob duplex *ut*.
- 4) interdum per duplex *vel* pro *partim-partim*, v. c. Cic. ad Div. III, 10. §. 14. *cum tu omnibus vel ornamentis vel praefidiis redundares*.

II) Duo vocabula eiusdem generis (it. plura), quorum notiones sibi ita oppositae sunt, ut alterutra tollatur, iunguntur per duplex (it. triplex cet.) *aut, vel, sive*, ubi vernacula lingua uno *vel, aut*, contenta plerumque est; v. c. *rogavi patrem, ut mihi aut (vel) libros aut (vel) pecuniam ad eos emendos mitteret, daß er mir die Bücher oder das Geld dazu schicken soll*: sic: *ich werde morgen schreiben oder selbst kommen*: *cras vel (aut) scribam vel (aut) ipse veniam*. Not. a) saepe etiam prisca unum *aut, vel*, ponunt, ubi duplex ponere poterant: b) si ambae notiones per *aut, vel*, copulandae non valde inter se differunt, vel posterior est explicatio prioris, unum *aut, vel* sufficere debet. v. c. Cic. Marc. 2. *quae — nisi magna esse fatear, ut ea vix cuiusquam mens aut cogitatio capere possit, amens sim*.

III) Duo vocabula (it. plura), quorum notiones ambae tolluntur, iungi solent

- 1) per duplex *nec*, s. *neque*, it. per *nec-neque*: s. *neque-nec*, nam inter *nec* et *neque* nullum est discrimen. Vernacula

hacula hic saepe abit, v. c. *Vater und Mutter ist nicht zu Hause, nec pater nec mater domi est*; sic: *ich habe dies in meinem Leben nicht gesehen noch gehört, hoc per omnem vitam nec vidi nec audivi*. Sic prisci plerumque: rarius non seq. nec s. neque.

- 2) per repetitionem vocabuli negativi, quae res ad gravitatem dicendi pertinet, v. c. *nemo te amat, nemo colit, niemand liebt noch ehrt dich*: sic: *non libri, non magistri tibi defuere, es hat dir nicht an Büchern noch an Lehrern gefehlt*.
- 3) per *ne quidem* seq. *nedum*, si posterior res est maior priori: interdum *ne quidem* deest.
- 4) per *non modo*, sed *ne quidem*, si posterior res est minor priori: est proprie dictum pro: *non modo non cet. quae formula nec ipsa falsa est*.

IV) Sunt et alii connectendi modi: v. c.

- 1) per *utrum* s. *ne*, seq. *an*; ubi tamen *utrum* s. *ne* omitti potest: v. c. *quaeris, utrum Ciceronem (s. Ciceronemne) legerim an Livium: quaeris Ciceronem legerim an cet.*
- 2) per *nec*, s. *neque* pro *et non*, v. c. *habeo libros paucos nec pulchros*: sic saepissime prisci. In primis not. *nec unquam* pro *et nunquam*; *nec quisquam* s. *ullus* pro *et nemo*; *nec quidquam* pro *nilil*; *nec usquam* pro *et nusquam*.
- 3) per *et is* s. *isque, idemque*, si vel explicationis vel gravitatis causa vocabulum additur: v. c. *habeo multos libros et eos (eosque) pulchros* i. e. *und zwar schöne*: sic *nec is* pro *et non is*, v. c. Cic. Brut. 76. *plurimae literae nec eae vulgares, viel Gelehrsamkeit, und zwar nicht gemeine*.

SECT. II.

De connexionen enuntiationum.

Enuntiationes variis modis iunguntur, v. c.

I) *Duae* (it. plures) enuntiationes, quarum notiones inter se conspirant, per duplex *et* (it. triplex cet.) copulantur, ubi vernacula uno *et* saepe contenta est; v. c. *Te et semper amavi et per omnem aetatem amabo,*
ich

ich habe dich immer geliebt, und werde dich cet. sic: Non habes, quod querare: nam et deus tibi ingenium praeclarum dedit, et parentes te omnibus rebus instruunt cet. denn Gott hat dir ein vortrefliches Genie geschenkt, und die Eltern cet. Not. huc pertinet neque s. nec pro et non, seq. et; v. c. Cic. ad Div. IV, 7. §. 3. itaque neque tu multum interfuisti rebus gerendis, et ego cet. ibid. X, 1. §. 7. — nec miror et gaudeo. It. neque seq. que Cic. Catil. II, 13. e lect. Graeviana: ut neque quisquam cet. quod durum est; in Ed. Ernest. est; ut ne quis cet. It. neque seq. et non Cic. Off. III, 1. ut neque cessaret cet.

II) Duae enuntiationes (it. plures), quarum notiones sibi ita oppositae sunt, ut alterutra adfirmetur et concedatur, copulantur per duplex aut, vel; (it. triplex cet.) ubi vernacula saepe uno aut, vel contenta est: v. c. er hat versprochen, daß er bald kommen oder doch bald schreiben werde, promisit, se aut mox venturum aut cet. Das muß wahr seyn; oder die Schrift hat gelogen, aut hoc verum sit necesse est, aut cet.

III) Duae enuntiationes (it. plures) sibi ita oppositae; ut ambarum notiones tollantur, connectuntur per duplex nec, neque, (it. triplex cet.) ubi vernacula uno nec contenta saepe est, vel et non ponit, v. c. der Vater kommt nicht, und wir bekommen auch keine Briefe von ihm; nec pater venit, nec literas cet. Du hast das Buch nicht gelesen; und willst es auch nicht lesen, librum nec legisti, nec cet. Not. a) Interdum tamen prisca etiam usurpant non seq. nec s. neque; b) occurrit et nec non seq. nec Cic. ad Div. I, 5. §. 7. ut nec — non contendamus nec cet. ubi nec non est i. q. et, ut saepius: it. occurrit neque seq. et non Cic. Off. III, 1. ut neque cessaret unquam et — non egeret: hoc inusitatus.

IV) Duae enuntiationes, quarum posterior est consecutio prioris, connecti arctius possunt per ut pro
 L quare

quare, igitur, hinc: v. c. pro: *tu nunquam homines amasti: hinc non mirum est, te ab iis non redamatum esse*, dici potest: *tu nunq. hom. amasti, ut non mirum sit, te cet.* Sic prisca saepe, v. c. Cic. Off. I, 26. *ut recte praecipere videantur cet.*

V) Duae enuntiationes saepe per *ita ut* pro vulgari et copulari possunt, quando posterior enuntiatione priori fluit, tanquam effectus, v. c. pro: *valde te amo, et in omnibus, quae cupis, tibi gratificabor*, dici potest: *amo te ita s. tantopere, ut — gratificaturus sim*: sic pro: *deus est benignissimus et iubet nos quotidie abundare rebus bonis* dici potest: *deus est tam benignus, ut iubeat cet.*

VI) Duae enuntiationes per *ita ut* pro vulgari quidem sed saepe iungi possunt, v. c. pro *amo quidem te, sed vitiis tuis indulgere nequeo*, dicitur: *amo te ita, ut vitiis tuis — nequeam*, s. magis perspicue: *ut tamen vitiis cet.* Cic. Rosc. Am. 26. *ita vivunt, ut ducere animam nequeant, ita moriuntur cet.*

VII) Duae enuntiationes saepe per *is, talis, tantus, tot* seq. *qui, qualis, quantus, quot* pro ut copulari possunt; v. c. *du bist nicht ein solcher Mann, daß du lügen solltest*, *tu non es is, qui mentiaris*: sic: *talem se praestitit poter, qualem si tu te praestares*, pro magno viro habendus esses, ubi *qualem si cet.* est pro: *ut, si tu talem te cet.* sic pro: *amor meus erga te tantus est, ut felicissimus essem, si tuus amor erga me tantus esset*, rectius dicitur: — *tantus est, quantus si tuus erga me amor esset, ego felicissimus forem.* Sic saepe Cicero.

VIII) Duae enuntiationes iunguntur in duplici interrogatione saepe per *utrum* s. *ne* seq. *an*; ubi tamen *utrum* s. *ne* omitti potest; v. c. *Utrum hoc audisti, an vidisti? Audistine hoc, an vidisti? Audisti hoc, an cet.* sic et extra interrogationem: *dic, utrum hoc audive-*

audiveris, an videris: dic, audiverisne hoc, an cet.: dic, audiveris hoc, an cet.

IX) Duae enuntiationes saepissime iungi solent per *nec* s. *neque* pro *et non*; v. c. pro: *amo te et dicere non possum, quare*, rectius dicitur: *nec dicere possum cet.* Huc pertinet *nec ullus* s. *nec quisquam* pro *et nemo*; *nec quidquam* pro *et nihil*; *nec unquam* pro *et nunquam*; *nec usquam* pro *et nusquam*. Millies sic prisci.

X) Duae enuntiationes connecti quoque possunt per *quia, cum* pro *hinc*; v. c. pro *pater meus mortuus est: hinc tota nostra domus luget*, dicitur: *quia pater meus mortuus est, tota cet.* sic pro: *deus nobis quotidie bene facit: quis igitur eum non amet?* dicitur: *cum deus — bene faciat: quis eum cet.*

XI) Duae enuntiationes iunguntur quoque per *tantum abest*, seq. duplici *ut*, ubi vernacula habet *anstatt daß, weitgefehlt*; v. c. *tantum abest, ut omnia didiceris, ut pauca adhuc scias*. Not. sequitur et *ne* Cic. Or. 68. extr. quod durum est: at Ernesti pro *ne* edidit *ut*.

XII) Duae enuntiationes iunguntur quoque per *ut* s. *quemadmodum* seq. *ita*, s. *sic*, ubi vernacula habet *und vel nicht nur sondern auch*: v. c. *ich habe dich immer geliebt, und werde dich auch mein ganzes Leben hindurch lieben*, s. *ich habe dich nicht nur immer geliebt, sondern cet. ut te semper amavi, ita — amabo*, seu periodice: *te, ut semper amavi, ita — amabo*. it. pro *hinc*, v. c. *Gott hat uns viele Wohlthaten erwiesen, daher verdient er cet. Quemadmodum deus nobis multa beneficia tribuit, ita dignus est cet.*

XIII) Sunt plura connectendi genera, v. c. per *et* s. pro *quidem*, *quia* pro *nam* cet. de quibus vid. Cap. V. l. 8. n. III.

SECT. III.

De connexione complexionum verborum absolutarum.

Complexiones verborum absolutae, inter duo signa distinctionis maximae interiectae, connectuntur v. c.

I) per *qui* pro *hic, is, ego, tu*, abiectis particulis connectendi *et, vero, igitur*, interdum etiam *enim*, si perspicuitas patitur. Sed not. τὸ *qui* semper ad rem proxime praecedentem referri debere: v. c. *heri cum fratre locutus sum. Cui cum dixissem* cet. pro *et cum ei* vel *cum igitur ei* cet. da ich ihm nun gesagt cet. sic: *Doleo, me non adfuisse. Qui si adfuissem* cet. pro: *Si ego*, vel *Si enim adfuissem* cet. Videndum, ut res, ad quam *qui* refertur, huic pronomini quam proxima sit, v. c. haec verba: *Alexander war ein Sohn des Philip-pus. Da derselbe vor Begierde brannte die Perser zu bekriegen* cet. non debes, si *derselbe* ad *Alexandrum* pertinet, vertere: *Alexander erat filius Philippi. Qui cum flagraret* cet. quia ita *qui* ad *Philippum* pertineret, sed sic dicendum: *Philippi filius erat Alexander. Qui cum* cet. Not. abiectionem illarum particularum *et, igitur, vero, autem, enim* summe necessariam esse. Stulte dicas: *heri cum fratre locutus sum. Cui igitur s. vero cum dixissem* cet.

II) per *nec* s. *neque*, idque dupliciter

- a) quando pro *et non* vel *etiam non* ponitur, quae est res nota. Quam vero libenter prisci τῶ *nec* s. *neque* ab initio totius sententiae utantur, inde adparet, quod adeo *nec non* s. *neque non* sexcenties pro *et* vel *etiam* usurpant, v. c. Cic. Rosc. Am. 15. *Neque haec tu non intelligis* i. e. *et tu haec intell.* Ibid. 32. in. *Neque ego non possum* i. e. *etiam ego possum.*
- b) quando *neque* s. *nec* pro *non* post Punctum, quod vocant, simpliciter ponitur: v. c. *Neque vero, Neque enim, Neque tamen*: sic millies prisci: v. c. *Neque vero credibile est* pro *Non vero* cet.: *Neque enim possumus* pro: *Non enim* cet.: *Neque tamen negari potest*, pro:

pro: *non tamen* cet. Sic etiam *Neque vero quisquam* pro *Nemo vero*; *Neque vero quidquam* pro *Nihil vero*: *Neque vero usquam* pro *Nusquam vero*: *Neque vero unquam* pro *Nunquam vero*. Sic *Neque enim quisquam* pro *Nemo enim*: *Neque enim quidquam* pro *Nihil enim*: *Neque enim usquam* pro *Nusquam enim*: *Neque enim unquam* pro *Nunquam enim*. Sic *Neque tamen quisquam*, *quidquam*, *usquam*, *unquam* pro *Nemo tamen*, *Nihil tamen*, *Nusquam tamen*, *Nunquam tamen*. Sic prisci millies: et est haec ratio imitanda: dicunt tamen et prisci non raro: *Nemo vero*, *Nihil vero*, *Nusquam vero*, *Nunquam vero*: sic et *Nemo enim*, *Nihil enim*, *Nusquam enim*, *Nunquam enim*; sic et *Nemo tamen*, *Nihil tamen*, *Nusquam tamen*, *Nunquam tamen*. Pertinet huc quoque *Neque* s. *Nec vero non* pro *vero*, v. c. Cic. Mil. 32. in.: *Neque* s. *Nec enim non* pro *enim*, v. c. Cic. ad Div. VI, 1. §. 5. *Neque tamen non* pro *tamen*, v. c. Cic. Or. II, 85.

III) Sunt et alii sententias absolutas connectendi modi, v. c.

- 1) per *Nam cum*: sic usitatus quam *Cum enim*: it. *Et enim cum*. Attamen et *cum enim* rectum est.
- 2) per *Quod adinet ad id, quod* cet. pro quo et brevius saepissime occurrit *quod*, v. c. *Quod nonnulli hac de re dubitant*, *Was das anbelangt, daß einige* cet. Cic. ad Div. V, 2. §. 5. *Quod autem ita scribis* cet.
- 3) in obiectionibus per formulas: *At obiici possit*; *At obiiciat quis*: *Si quis obiiciat* cet. pro quibus et solum *at* potest adhiberi, v. c. *At difficile est*: it. *At vero* v. c. Sulp. ad Cic. IV, 5. §. 7. *At vero malum est* cet.
- 4) per *Ita*, *Atque ita*, *Tali modo* cet. quando effectus rei narratur, vel iudicium de re additur.
- 5) per *Hic* adv. pro *hac in re* i. e. *da*, *hierbey*, *bey dieser Gelegenheit*: Cic. Verr. IV, 27. *hic Verres hereditatem sibi venisse arbitratus est* cet. *Da glaubte Verres* cet.
- 6) in narrationibus v. c. per *Interea*, *Inter haec*, *Dum haec geruntur* cet. It. *Tum vero* cet. *Quo factum est*, ut cet. It. per *Cum*, *Vbi* cet.
- 7) in conclusionibus per has similesve formulas: *Hinc adparet, intelligitur*: *Qua ex re videre licet*: *Vnde fit perspicuum*: *Quis non statim inde intelligit?* *Quis igitur*

tur adhuc dubitat, quin cet. Hinc non mirum est: Neque ergo dubium est, quin cet. Addi possunt, quae de connexionione argumentorum et partium libri vel orationis Sect. 4 et 5. dicuntur.

SECT. IV.

De connexionione argumentorum.

Haec variis fit modis. Omnis res vertitur in oratoris ingenio. Paucula dicemus. Argumenta non fere solent enumerari per *primo*, *secundo*, *tertio* cet. s. *primum*, *secundum* cet. Sed

- 1) si tria sunt: *primum*, *deinde*, *tandem* s. *denique* s. *postremo*. Si plura, multis modis variari potest, nisi quod *primum* et *denique* s. *tandem* s. *postremo* suum locum obtinet: v. c. si quatuor: *primum*, *deinde*, *tum*, *postremo*: si quinque: *primum*, *deinde*, *tum*, *praeterea*, *denique*. Ordo τῶν *deinde* et *tum* non constans est: hinc Cic. Font. 14. *primum*, *tum*, *deinde*, *postremo*. Additur, si numerus crescit, *postea*, *insuper*; potest et *tum*, *deinde* repeti. Haec omnia usitate. Quaeritur tamen, annon perspicuitati convenientius sit argumenta plura enumerare per *primum*, *alterum*, *tertium* cet. in primis, si singula iterum dissecta sint in partes minores, itidem per *primum*, *deinde*, *tum* cet. incipientes.
- 2) pro istis particulis possunt et aliae formulae usurpari, v. c. *Adcedit*, *quod*: it. si argumentum est levius: *ut taceam*, *omittam*, *praeteream*, *ne dicam* cet. sin gravius: *Quid dicamus de eo*, *quod*: *Quomodo vero tacere* s. *praeterire* possim, s. *Nullo modo praeterire possum*. It. *Restat adhuc aliquid*, *quod* propter gravitatem cet. It. *Venio nunc ad rem* cet. *Dicendum mihi adhuc est*: *Neque vero sufficit hoc vel illud dixisse* cet.

SECT. V.

De connexionione sectionum s. partium maiorum.

Partes orationis libellive iisdem plerumque modis connectuntur, quibus sententiae absolutae vel argumenta

menta coniunguntur. Potest tamen hic pro cuiusque ingenio saepe variari; v. c. *Quaeritur hic primum cet. Dicendum primum videtur cet. Ante omnia explicandum est cet. Alterum, quod quaerebamus, erat cet. Veniendum mihi nunc est ad cet. Nunc consideremus s. consideretis cet. Video, duo mihi in primis demonstranda esse. Nulla vero maior quaestio unquam eruditos exercuit quam haec cet. Dicendum mihi restat cet. Unum adhuc supereft cet. Neque tamen negari ullo modo potest cet. : Quid censendum est s. censemus de eo, quod cet. Nulla vero utilitas huius rei maior esse potest, quam cet. Et sic millies. Nec in libris, dissertationibus cet. dedecet maiores partes ob perspicuitatem enumerare, v. c. *primum, secundum, tertium cet. prima, altera, tertia res cet.* praesertim si illae in partes minores dissecantur per *primum, deinde cet.* Ceterum tota res hic non late explicari debet, cum ii, qui talem laborem adgrediuntur, iam viri esse soleant, nec nostris praeceptis indigeant.*

CAP. VIII.

DE VARIATIONE VOCABULORVM VNIVERSA S. SIMPLICE.

Vocabula variantur, 1) quia plane idem notant, v. c. *habeo librum et est mihi liber; delectare et voluptatem adferre:* vel non valde differunt, v. c. *auctoritas et consilium.* Haec variatio dici potest *simplex* vel *universa*, estque suavis per se: v. c. *studia literarum tantam voluptatem adferunt, ut nihil nos similiter delectet,* est suavius, quam: — *ut nihil nobis similem voluptatem adferat.* 2) in primis ob *perspicuitatem* vel ob *suaviorem ideam*, vel ob *gravitatem.* Hanc variatio-

nem vocare possis *ornatam*, quia oratio ornatur adfectione melioris ideae. — Nos hic maxime de variatione *simplice* loquemur: *ornatam* ad cap. de perspicuitate, suavitatem et gravitate referemus.

SECT. I.

De commutatione substantivorum.

I) *Substantivum* cum *substantivo* saepe commutatur, v. c. 1) *notitia*, *cognitio*, *scientia*; 2) *eruditio* et *doctrina*, it. *scientia rerum multarum*. 3) *abstracta* pro *concretis*, v. c. *adolescencia*, *inventus*, *senectus* pro *adolcentibus*, *senibus*: sic et nostri: *die Jugend ist kühn*, *das Alter furchtsam*. 4) *consilium* (*Entschluß*), *ratio* et *sententia*, v. c. *hoc consilium secutus est*, *hanc rationem iniiit*. 5) *familiaritas* et *consuetudo*, *Umgang*, si contextus admittit: 6) *anni* hominis et *aetas*. 7) *auctoritas* pro *consilio*, *Rath* (hominis prudentis). 8) *cogitationes*, *sensa animi*, *sententia*, *mens*. 9) *facies*, *os*, *vultus*: at proprie differunt. 10) *vitium*, *Fehler*, *peccatum*, *Versohn*, *error*, *culpa*; at proprie differunt. 11) *opinio*, *existimatio*, *sententia*, *iudicium* de re. At differunt. 12) *verba* et *oratio* (*das Reden*). 13) *cupiditas*, *cupido*, *aviditas*, *studium*. 14) *providentia*, *diligentia*. 15) *studium*, *Eifer*, *industria*, *Fleis*, *assiduitas*, *opera* et *labor*: at differunt. 16) *pulchritudo rei*, *venustas*, *dignitas*, it. *praestantia*, *excellencia*. 17) *dulcedo*, *suavitas*. 18) *turpitudine*, *foeditas*. 19) *stoliditas*, *stultitia*: it. *augendi causa* *dementia*, *amentia*, *furor*. 20) *calliditas*, *astutia*: it. *consilium*. 21) *humanitas*, *facilitas*, *liberalitas*, *comitas*. 22) *inhumanitas*, *crudelitas*, *immanitas*. 23) *laetitia*, *gaudium*. 24) *dolor*, *tristitia*, *animi molestia*, interdum *moeror*, *Gram*, it. *luctus*, *Trauer*. 25) *cura*, *Sorge*, *Kummer*, *moeror*, *Gram*. 26) *casus*, *fortuna*. 27) *vita*.

27) *vita et salus*. 28) *incolumitas et salus*. 29) *mors, obitus, finis vitae*. 30) *multitudo, copia, magna pars, magnus numerus*. 31) *paucitas, exigua pars, exiguus numerus*. 32) *probitas vitae, sanctitas, integritas*. 33) *existimatio, Reputation s. Ehre, et dignitas*: 34) *merita et dignitas, Verdienste*. 35) *fama et rumor*: hic illa est minor. 36) *præstantia, excellentia*. 37) *dubitatio, hæsitatio*. 38) *gravitas et pondus, v. c. oneris cet.* 39) *improbitas, malitia*. 40) *decus, ornamentum*. 41) *honor, cultus, it. observantia*. 42) *paupertas, egestas*: hæc est maior. 43) *constantia, gravitas, fortitudo*. 44) *inconstantia, levitas*. 45) *magnitudo rei, gravitas v. c. mali*. 46) *felicitas, beatitudo*. 47) *dignitas, der Anstand, decor*. Plura lector inveniet.

II) *Substantivum pro adiectivo*: v. c. 1) *viCTOR*: v. c. *viCTOR exercitus* Cic. Manil. 21. 2) *nihil rei et nulla res*. 3) in primis huc pertinet mutatio adiectivi in substantivum, v. c. *copia virorum* i. e. *multi, viri*: sic Cic. ad Div. V, 2. §. 22. *huius temeritati si non restitisssem* pro *si huic temerario* cet. Rosc. Am. 17. *si in hanc calamitatem venit propter prædiorum bonitatem, pro: prædia bona*.

III) *Substantivum pro pronomine*, ob gravitatem dicendi, v. c. Cic. Cat. I, 1. *consul videt h. e. ego*. Sic frater fratri dicere potest: *noli repudiare fratris preces*: sic pater filio: *ne aspernere patris consilium*.

IV) *Nomen proprium* 1) pro substantivo, v. c. *Achilles* pro fortissimo rege: Cicero pro Oratore magno: sic *Nestor* cet. 2) pro pronomine, v. c. Cic. Lig. 2. *M. Cicero defendit* i. e. *ego*.

V) In primis duo substantiva pro uno ponuntur, ita tamen, ut neutrum vi sua careat. Neque enim credendum, priscos duo vocabula pro uno simpliciter h. e. temere posuisse. Imo hoc fecerunt, ut accuratius lo-

querentur. v. c. 1) *vulnerare corpus hominis* pro *hominem*: 2) *quinum hominis offendere* pro *hominem*: at *offendere hominem* potest et notare *invenire*. 3) *macrone gladii ictus* pro *gladio*: 4) *puppis navium adpulsae litori* pro *naves*: 5) *maris saevitia* pro *mare*. At est pro *mare saevum*. 6) *ratio senatus est mutata* Cic. ad Div. I, 8. §. 8. pro *senatus*: at non redundat *ratio*. 7) *praemiorum spe incitatus* pro: *praemiis*: at aliud est *praemiis*, aliud *praemiorum spe incitari*. 8) *vis Herculis* pro *Hercule*, it. *vis deorum* pro *dii*: at *vis* in utroque non redundat. Male eruditi dicunt, duo vocabula pro uno poni, et alterutrum redundare, s. merae periphrasi servire: Ita in Clave Ern. Ciceroniana in vocabb. *vis*, *natura*, *ratio*, *necessitas*, *res* cet. dicuntur haec vocabula interdum merae periphrasi servire. Minime: v. c. *fiduciae ratio* Cic. Caecin. 3. est *causa fiduciae: veritatis ratio* Verr. I, 2. non est ipsa *veritas*, sed *die Rücksicht* der cet. *necessitas naturae* Cat. IV, 4. est *immutabilis fors nat.*: *res rationum* Verr. I, 14. non sunt *rationes*, sed *res in rationem relatae*. Prisci semper causas habuere, cur duo substantiva pro uno ponerent. Prima est, ut elocutio fieret *adcuratior*, *magis definita*, atque ita *clucidior*, *suavior* et *gravior*. Altera est *concinnitas* s. *aequalitas membrorum*. v. c. Cic. Rosc. Com. 8. dixit: *inertia laboris*, quia sequitur *magnificentia liberalitatis*. Ergo forsan *inertia* redundat. At non opus est hoc dicere: nam *inertia* est etiam *Ungeschicklichkeit*. Ad hanc ambiguitatem tollendam Cicero, ut adpareret, *inertiam* hic esse *Trägheit*, addidit *laboris*, quod dictum est pro *in labore*: cuiusmodi genitivi plures occurrunt.

VI) Substantivum pro adverbio, sed plerumque coniunctum cum praepositione vel adiectivo vel utroque, v. c. *praeter opinionem* pro *repente*: *per insidias* pro *insidiosae*: *singulis diebus* pro *quotidie*: *omni studio* pro *studiosissime*: sic multa vernacula adverbia circumscribenda sunt,

sunt, v. c. *schriftlich per literas*, *monatlich singulis mensibus* cet.

Not. Contra substantiva per verba saepe circumscribuntur, v. c. *qui genuerunt* i. e. *parentes*: *quod natum est* i. e. *infans*: *quod addidit* i. e. *casus*. Sic: *silendo* s. *silentes plus proficimus saepe*, *quam loquendo* s. *loquentes*; *pro*: *silentio*, *verbis*.

SECT. II.

De commutatione adiectivorum.

I) *Adiectivum* ponitur pro *adiectivo*: ubi tamen contextus et vis propria adtendenda; v. c. 1) *fessus* et *lassus*: 2) *indubitatum*, *certum*, *exploratum*: 3) *praeclarus*, *egregius*, *eximius*, *praestant*, *excellens*, it. *insignis*, *singularis*: 4) *turpis*, *foedus*, it. *augendi causa abominandus*, *detestandus*, *aversandus*: 5) *pulcher*, *formosus*, it. *venustus*, *praeclarus*, *egregius*, *praestant* cet. 6) *callidus*, *astutus*, *versutus* in malo sensu, it. *sagax*, *prudens*: 7) *difficilis*, *ardua res*: 8) *humanus*, *facilis*, *gefällig*, *comis*: 9) *inhumanus*, *expers humanitatis*, *ferreus*, *unempfindlich*, et in maiori re *crudelis*, *immanis*: 10) *aequum*, *billig*, interdum *verum*. 11) *suavis*, *incurdus*, *gratus*, *dulcis*: 12) *hilaris*, *laetus*, v. c. *frons*: 13) *stultus*, *stolidus*, it. *imprudens*, *ineptus*, *ridiculus*, *insulsus*: 14) *altus*, *excelsus*, *arduus*: 15) *profundus*, *altus*: 16) *continuus* et *perpetuus*, v. c. *montes*: 17) *cupidus*, *avidus*, *studiosus*: 18) *insignis*, *singularis*, *bono et malo sensu*: it. *praestant*, *eximius* cet. *bono sensu*: 19) *malus*, *pravus*, *improbus* de homine: 20) *rectus*, *honestus*, it. *iustus* de re: 21) *probus* (homo), *sandus*, *integer*: 22) *plenus*, *refertus*: 23) *incurdus*, *molestus*, *ingratus*, *gravis*, it. *acerbus*: 24) *tenuis*, *exilis*, *parvus* de re; it. *fragilis*, *caducus*: 25) *magnus*, *gravis* de re mala, et *augendi causa vehemens*, *acer*: 26) *imperitus*, *rudis*, *inicius*, it. *stultus* cet. 27) *sedulus*,

dulus, adfiduus: 28) diligens, adcuratus: 29) perniciosus, periculosus, capitalis, it. inutilis (litotes), ut nos: ein unnützer Mensch: 30) salvus, incolumis, integer: 31) felix, beatus, fortunatus: 32) inanis, vacuus. 33) notus, cognitus, et augendi causa clarus, celebris de homine ac re: it. manifestus, apertus, perspicuus, de re: 34) occultus, tectus, absconditus: 35) inauditum, novum: 36) proprium, praecipuum i. e. was man vor andern voraus hat: 37) aptus, idoneus, adcommo-
datus ad rem, it. dignus, anständig, sich schickend: 38) probus, ächt, verus, speciatu: 39) adtentus, diligens in audiendo: 40) constans, gravis, fortis: 41) inconstans, levis: et innumera alia. Hic notandum:

- a) pro omni antec. sine usitatus dicitur ullus: v. c. sine ulla dubitatione pro sine omni cet.
- b) superlativus saepe mutatur in comparativum, v. c. pro: omnium doctissimus est, dicitur: nemo est eo doctior: sic nihil humanius est hoc homine: pro hic est omnium humanissimus: sic locutus sum cum homine, quo nemo doctior est pro qui est omni. doctissimus.
- c) quot mutari potest in quantum seq. genit. et tot in tantum, v. c. quantum librorum, tantum librorum: ac si vernaculum wieviel, so viel, non tam copiam, quam magnitudinem indicat, debet poni quantum, tantum, non quot, tot: v. c. so viel Verstand, tantum cet. wieviel Gelehrsamkeit cet. It. quot mutari solet in quotus quisque, si cum querela exclamatur, ac paucitas indicatur, v. c. wie viele glauben dies, h. e. pauci; quotus quisque hoc credit?

II) Adiectivum pro substantivo, v. c. senex, adolescens, vivus pro in senectute, adolescentia, vita: v. c. Cato literas graecas senex didicit cet. Sic salvis legibus, salvo iure i. e. sine laesione legum, iuris: sic civis Lipsiensis pro civis e. Lipsia: sic Epaminondas Thebanus i. e. aus Theben. It. multa vernacula substantiva debent latine per adiectiva verti, quia substantiva defunct,

sunt, v. c. *certitudo*, *perniciositas*, *aptitudo*, *ridiculus*; hic dicendum v. c. *quis non videt*, *hoc esse certum*, *perniciosum* cet. *Wer sieht nicht die Gewißheit, Schädlichkeit, Schicklichkeit, Lächerlichkeit ein?* sic *verum* pro *veritas* dici debet, nisi virtus ipsa in abstracto intelligitur; v. c. *si verum scire vis*, *wenn du die Wahrheit* cet.

III) *Adiectivum* interdum pro *adverbio*: v. c. *nulus* *dubito* pro *non*: *primus* pro *primum*; *solus*, *unus* pro *solum* cet. v. c. *Cicero hoc primus dixit: mater sola adest: mihi soli, primo dixit*, i. e. *allein, zuerst*.

SECT. III.

De commutatione numeralium.

I) *Numeralia* permutantur inter se, v. c. pro *octo*, *decim*, *decem et octo* dici rectius creditur *duodeviginti*: omninoque dubitatur, an *octodecim* dici possit. *Decem et octo* ap. Liv. legitur: non ergo damnandum est. Sic *duodevicesimus* rectius: sic et *undeviginti* pro *novemdecim*: sic *undevicesimus*: sic *undetriginta*, *undetricesimus*, *duodetriginta*, *duodetricesimus*, et sic porro dicendum. Not. *millia* non pro *mille* h. e. de *uno mille* dicitur, sed de pluribus millibus, v. c. *duo millia* cet.

II) *Numeralia* interdum pro *adiectivis* copiam vel paucitatem indicantibus ponuntur, v. c. *sexcenti*, *centum*, *mille* pro *permultis*: sic *sexcenties*, *centies*, *millies* pro *saepissime*: attamen propria vis semper adtendenda, ut supra Cap. II. Sect. 14. diximus. Sic *tria verba* pro *paucis*: it. ut *unum verbum addam*, *uno verbo dicam*: sic nostri *tausendmal*, *hundertmal* pro *sehr oft*: *nur auf zwey Worte*, *mit zwey Worten sagen*, *mit einem Worte* cet.

SECT. IV.

De variatione pronominum.

I) *Pronomina* commutantur inter se, v. c.

- 1) *nos* pro *ego*: sic saepe Cicero in Orationibus, Epistolis cet. Quaeritur, an hoc modestiae causa fiat? sic Buchner. commut. rat. dic. p. 88. Servii ad Virg. Aen. II, 89. auctoritatem secutus. At hoc non ubique quadrat. Imo videtur hoc ex orationibus, in quibus oratores cum auditoribus nonnulla communicare solent, (et hic modestia vocari possit) in ceteros libros fluxisse. Sic recentiores saepe: *vide nos supra*: it. *vide, quae supra diximus* pro *dixi*. Quis hoc pro modestiae signo habeat?
- 2) *id quod* saepe pro *quod*, si ad totam praecedentem sententiam refertur, v. c. *Amas virtutem: id quod laudo*.
- 3) *nescio quis* pro *quidam* praesertim de homine obscuro vel contempto, quem haud novimus, aut haud nosse simulamus.
- 4) *ipse* pro *ille* dici debet de persona primaria, cum de eius rebus vel comitibus ante dictum est, v. c. *Caesar legatum praemisit cum tribus cohortibus: ipse secutus est* cet. *er aber folgte* cet. ubi *ille vero* falsum foret.
- 5) *qui quae quod* saepissime pro *is*, *ego*, *tu*, *nos*, *vos* ab initio sententiae ponitur, abiectis particulis *enim*, *vero*, *et*, *igitur*: v. c. *Tu non venisti. Qui si adfuisses* cet. pro *si vero tu* etc. Sic: *misi mihi librum. Quem ubi legero* cet. pro *et ubi eum* cet. cf. supra Cap. VII, Sect. III. Sic et *qui* pro *ut ego*, *ut tu*, *ut is* cet. v. c. *dignus es, quem laudem: digna est, quae laudetur*, cf. infra Cap. X. de brevitate.

Not. *Hoc* et *haec* non debent a tironibus confundi: *hoc* de una re, *haec* de pluribus dicitur; v. c. *amas virtutem: hoc mihi placet*, non: *haec placent*.

II) *Pronomen* pro *adiectivo*, v. c.

- i) *ipse* pro *totus*, in adcurate definiendo numero, v. c. *tres ipsos dies abfui*.

2) *is*

- 2) *is* pro *talis* saepissime, seq. vel *ut* vel *qualis*, v. c. *tu es ea doctrina, ut* cet. *Non ego is sum, qui mentiar* i. e. *talis*.
- 3) *hic* pro *praesens* saepissime, v. c. *haec tempora, hi mores* i. e. *die gegenwärtigen, itzigen* cet. Sic *hic Cato, der gegenwärtige, hier sitzende, it. itzt lebende* cet.
- 4) *hic* pro *proxime elapsus*, v. c. *his diebus adcidit*.
- 5) *ille* pro *prior*, et *hic* pro *posterior* libenter dicitur, v. c. et *Cicero et Livius legendus, ille (der erstere) ob* cet. *hic (der letztere) propter* cet.
- 6) *quicumque* et *quisquis* libenter pro *omnis qui* dicitur, v. c. *quoscunque laudas, eos laudo: quaecunque volueris, tibi dabo, pro omnes eos, omnia ea*. Sic *quidquid pro omne quod, omnia quae*, v. c. *quidquid volueris, id tibi dabo*.

III) Pronomen pro adverbio, v. c.

- 1) *quid* pro *cur?* millies: it. *quid est, quod* cet.
- 2) *ipse* a) pro *adeo*, v. c. *ipsi inimici te laudant*: b) pro *sponde*, v. c. *ipse fecit*: sic *nostri, selbst, von selbst*.
- 3) *idem* saepe pro *etiam, item, ebenfalls, auch*, s. *porro*: v. c. *Cicero scripsit orationes: idem alios libros edidit, pro edidit etiam* s. *item*: sic: *tu non solus Homerum legisti, ego eundem legi* i. e. *eum etiam*.

IV) Pronomen pro praepositione, v. c. *quae tua est humanitas, qui tuus est amor* cet. i. e. *pro tua humanitate* cet.

V) Pronomen pro coniunctione. Pertinet huc e n. III. *idem* pro *etiam*: it. *isque* s. *et is*, pro *et quidem*, v. c. *habeo multos libros, et eos pulchros*. In primis huc pertinet *qui*, quod ponitur a) pro *ut ego, tu, is* cet. v. c. *dignus es, qui lauderis, quem laudem, sic virtus est digna, quae laudetur, quam laudemus* cet. Sic *misit hominem, qui nuntiaret* i. e. *ut is* cet. b) pro *quod, daß, cum, da*, v. c. *videris esse sapiens, qui absis, abieris* i. e. *daß du* cet. *Caesar, qui sciret, cet.* i. e. *cum is sciret*: sic: *quid me laudas, quem ne noris quidem?* i. e.

cum

cum me ne cet. c) pro enim, vero, et, igitur: v. c. *Pater mortuus est. Quem cum* cet. pro *Et cum eum* cet. vid. supra C. VII. S. III. et infra C. X. Not. in qui ubique latet pronomen, v. c. *is, ego* cet. neque ergo pro *ut, cum* cet. simpliciter ponitur:

S E C T. V.

De variatione Verborum proprie ita dictorum.

I) Verba commutantur *inter se*; ubi tamen contextus propriæque significationis ratio habenda: non enim ubique commutari inter se possunt: v. c.

1) *pati, ferre, sinere*, it. *permittere, überlassen, die Gewalt geben*: it. *potestatem facere*, v. c. discedendi: it. *veniam dare*.

2) *tolerare, perpeti, perferre, sustinere, subire, erdulden*.

3) *suadeo, consilium do, auctor sum*, it. *censeo* v. c. *facias* cet: Male huc refertur *consulo tibi*, hoc est *prospicio*.

4) *habeo, mihi est, sum praeditus, instructus, ornatus*: it. *utor, non careo, non sum expers rei*. At differunt: v. c. *habeo* fere tantum de *rebus*, quae extra me sunt: *utor* de *rebus*, quas usurpamus: *Ornatus sum* de *rebus*, quae nobis ornamento sunt. It. usurpatur *esse* seq. genitivo vel ablativo, v. c. *mulier est egregia forma*, *egregiae formae*.

5) *careo, non habeo, expers sum, mihi non est, mihi deest* cet. it. *desidero* i. e. *vermissen, sich sehnen*: it. *desitui* h. e. *deseri*.

6) Pro *esse* potest dici *reperiri, inveniri*, v. c. *reperiuntur, qui dicant*. At non ubique, v. c. *doctum esse* et *doctum inveniri, befunden werden* differunt. It. *versari, sich befinden*.

7) *dicere, sagen, loqui, reden*: it. *ostendere* s. *demonstrare* seq. accus. cum infinitivo. It. *docere*; de iis, quae *is, qui audit, nondum norat*: v. c. *docere causam*. It. *cedo* pro *dic*: it. *dare* interdum; v. c. Ter. Heavt:

proh

- prol. 10. It. *verba facere*, si de pluribus v. c. *conceptis* et *solemnibus verbis sermo* est, v. c. de oratione proprie dicta: cf. Cap. II. Sect. 7.
- 8) *narrare*, *memorare* et *commemorare*, *erzählen*, *docere*, it. *tradere* propr. *überliefern*, *memoriae prode- re*, *referre*: it. *certiorem facere aliquem* i. e. *narrare rem certam*: it. *ostendere*, *demonstrare* cet.
- 9) *promittere*, *polliceri*, it. *ostendere*, *demonstrare*, seq. accus. cum infinitivo. it. *spondeo*, *recipio*, *praesto* seq. accus. cum infinitivo, de re certissima.
- 10) *docere*, *erudire*, *instituere aliquem*, it. *imbuerz li- teris*: it. *tradere alicui*, *vortragen*, ut gr. *παράδιδόναι*.
- 11) *discere*, *doceri*, *institui*, *erudiri*, it. *adcipere* v. c. a magistro pro *discere*; nam, ut qui docet, proprie aliquid *tradit* s. *dat*, sic discens proprie aliquid *adci- pit*: sic *παράλαμβάνω*.
- 12) *audire*, *adcipere*, *cognoscere*, it. *discere*, v. c. *didici a multis*, *rem ita esse*: it. *nuntium adcipere*, *Nachricht erhalten*; *certiorem fieri*, de re certa; sic et *comperire*, *erfahren*, it. *auribus percipere*. At aliud est *experiri*, quod huc non pertinet.
- 13) *curo*, *rei curam ago* s. *gero*, *prospicio*, *consulo rei, rationem habeo rei*, *curae mihi est* cet. it. *caveo tibi*.
- 14) *spectare aliquid*, *auf etwas sehen*, *zur Absicht haben*, *id agere*, *hoc sequi*, *hoc consilium sequi*, seq. ut: it. *rationem habeo*.
- 15) *homines ita solent agere*, *est mos*, *est moris*, *mos obtinet*; *mos* s. *consuetudo ita fert*, *est hoc in more po- situm*.
- 16) pro *esse* seq. *inter* ponitur quoque *intercedere*, v. c. *intercedit discrimen*, *familiaritas inter* cet.
- 17) *vereor*, *timeo*, *metuo*: it. *vide*, ne pro *timeo*, ne; at proprie est *cura*; *considera*, *cave*, *ne*: et usurpa- tur tantum, si quem adloquimur. At semper pro- priam vim obtinet, cf. Ernesti Clav. Cic. ubi et *vi- dendum est*, ne huc refertur: at id melius proprie ex- plicatur, ut et *vide ne* saepe.
- 18) *declarare*, *profiteri*, *prae se ferre*, *indicare*: it. *significare*, *zu verstehen geben*, v. c. *verbis*, *oculis* cet. it. *efficere*, *ut aliquis intelligat*: it. *aperire* v. c. *men- tem suam*: it. *volo intelligi* i. e. *indico*. it. *enuntiare*, *auschwätzen* et *prodere* de rebus occultis: et *prodere* libenter de malis.

- 19) *adfirmo, pono rem*: it. dico, *rem ita esse*, it. aio, *confirmo*.
- 20) *nego est* 1) *läugnen*: pro eo dicitur et tollere, seq. accusat. v. c. *rem*. 2) *abschlagen*, pro eo et dicitur *recusare, sich weigern*, it. *respondere tristius* ap. Cic.
- 21) *praedicere*, it. dico fore: it. *divinare* h. e. *praedicere ita, ut causam nescias, propheceyen, weisagen*.
- 22) *credo, puto, arbitror, reor, existimo, statuo* seq. accus. cum infinitivo: it. *videtur mihi res cet. videor tibi cet. videris mihi cet.* it. *opinor* i. e. *vermuthen*, quod minus est: maius est *persuadeo mihi, gewiß glauben* et *iudicare, mit Grunde glauben*.
- 23) *oro, rogo, precor, peto, quaeso*: it. *contendo*, si acrius fit: sic et *posco*, propr. *verlangen*.
- 24) *posco et postulo, fordern, verlangen*, it. *flagito* i. e. *vehementer postulo*: it. *desidero* i. e. *sich sehnen*.
- 25) *debeo, ich muß* i. e. *bins schuldig zu thun, est officium meum, f. est meum*: sic: *patris est* cet. it. *patii sunt alendi liberi*. *Oportet* indicat, rem fieri debere ob utilitatem aliave de causa, v. c. *ich muß doch das Buch lesen: Necesse est* indicat, rem non aliter fieri posse, *es ist schlechterdings nöthig, es ist natürlich*, v. c. *mori, edere* cet. Cum hoc convenit fere non possum non seq. infin. seu non fieri potest, quin cet. proprie: *via alia non iniri potest, ut non hoc fiat, ich kann nicht umhin*. Pro his omnibus poni potest gerundium necessitatis vel participium fut. passivi, v. c. *mihi est scribendum* cet. Prisci tamen et saepe ponunt *debeo* pro *necesse est*, it. *oportet, necesse est* pro *debeo*.
- 26) pro non opus est, f. non oportet, si est i. q. non est causa dicitur seq. verbo alio libenter non est, quod, v. c. *quod fleas, rideas* pro non habes causam flendi cet. Sic est, quod gaudeas, fleas cet.
- 27) *utile est, prodest, in rem meam* f. *e re mea est*: it. *adfert utilitatem, est utilitati, commodo*: it. *fructus ex re in me redundat*.
- 28) *volo, cupio*, it. *desidero*: at differunt.
- 29) non *adicipere, nicht annehmen, recusare, negligere, praetermittere*.
- 30) *nolo* it. non curo, *ich mache mir nichts draus*, seq. infin. v. c. *Persium non curo legere, mag ich nicht lesen*.

- 31) *vincere* est 1) *siegen*, pro eo dicitur etiam *superare*, *fundere*, *fugare*, *profligare*, *prosternere*: at differunt proprie. 2) *übertreffen*: pro eo dicitur etiam *superare*, *excellere*, *antecellere*, *antecedere*, *anteire*, *praeſtare*, *superiorem eſſe*, *poſt ſe relinquere*.
- 32) *confugere*, *ſe recipere* ad cet.
- 33) *ire*, *proſciſci*, *contendere in locum*, *petere locum* vel *urbem*, et *iter facere*: it. *migrare*, h. e. *ita proſciſci ut non redeas*; *ziehen*: it. *incedere*, *einhergehen*, ſi modum eundi ſpectas.
- 34) *hinc ſequitur*, ſ. *conſequitur*, ſ. *conſequens eſt*, *hinc intelligitur*, *hinc fit*, *hinc colligitur*, *hinc planum fit*, *adparet* cet.
- 35) *punire*, *animadvertere in aliquem*: it. *poena adſicere* addito adieſtivo vel pronomine, v. c. *poena tali*, *hac* cet. it. *ulciſci* pro *punire* occurrit.
- 36) *exemplum adferre*, *proferre*, *memorare*, it. *uti exemplo*: it. *laudare*, ſi contextus admittit: it. *ſumere*.
- 37) *dico ſeq. non brevitatis cauſa* mutatur in *nego ſeq. inf.* v. c. *pater negavit*, *ſe faciſſimum*.
- 38) *fateor*, *profiteor*, *confiteor*. *Fateor* et *confiteor*, *ich bekenne*, ſive fiat libere ac libenter ſive non: *profiteor* eſt *ſua ſponte et libere fatzor*, *prae me fero*, *ich mache kein Geheimniß draus*, *declarare öffentlich*, v. c. *Socrates profeſſus eſt*, *ſe nihil ſcire*.
- 39) *contemno*, *contemptui habeo*, *deſpicio*, *parvi aeſtimo* ſ. *facio*: it. *negligo rem*, *abiicio*: it. *ſuſque deque habeo*.
- 40) *contentus ſum*, *ſatis habeo ſeq. inf.* It. *non poenitet me* v. c. *fortunae meae*: it. *placet*, *probatur* cet.
- 41) *fieri* et *facere*, ſi adieſtivum praedicati loco additur, mutari poteſt in *reddi*, *reddere*, v. c. *redditus eſt ſapiens*, *reddere aliquem ſapientem*. Rarius eſt *evadere* pro *fieri*.
- 42) *ſtudeo*, *operam do*, it. *operam navo*, quod maius eſt; it. *incumbō ad ſ. in* v. c. *litteras*: quod grave verbum eſt, et notat omnes vires intendere propter aliquid, *ſich anſtrengen zu ſ. wegen etwas*.
- 43) *video*, *cerno*, it. *conſpicio*, *erblicken*. It. *intueri*, *anſehen*, *anſchauen*; *inſpicere*, *beſehen*, *beſichtigen*.
- 44) *ſentio*, *empfinden*, *merken*, *intelligo*; *cognoſco*, *kennen*, *lernen* ſ. *noſco*, *video*: it. *animadverto* i. e. *benierken*, *beobachten*.

wahrnehmen. Agnosco est rem olim cognitam pro eadem cognoscere et habere, anerkennen.

- 45) *posse, valere, vermögen:* it. scire, si de scientia sermo est, v. c. scit bene latine scribere, er kann cet. It. *sustinere, sich unterfangen:* v. c. quis negare sustinet? wer kann das läugnen? h. e. quis audet?
- 46) *pro vivere dicitur et vitam vivere, degere, agere, ducere, trahere,* si adiectivum aut pronomen additur, v. c. *vivere vitam molestam* cet. Not. *ducere* de laetiori: *trahere* fere de misera.
- 47) *mori, decedere, vita excedere, mortem cum vita commutare, diem obire, diem suum vel supremum obire, desinere esse in vivis, animam efflare: mortem oppetere* forsan de violenta: it. *vitam ponere.*
- 48) *iuvaré, adiuvaré, auxiliari, adesse alicui, praesto esse, opem ferre, adiumento esse:* it. *suppetias ferre*, quod rarum est: it. *subsidio venire: prodesse, utile esse, utilitatem adferre.* NB. cave dicas *promovere, befördern*, v. c. *felicitatem alicuius.*
- 49) *mederi, sanare, occurrere* v. c. *malo:* it. *tollere, pellere* cet.
- 50) *impedire, impedimento esse, obflare, officere, prohibere:* It. *per me stetit, quo minus* cet. *an mir hats gelegen* cet.
- 51) *vituperare, reprehendere,* it. *invehi in* cet. *losziehen auf* cet. it. *notare* i. e. *befschimpfen.*
- 52) *ignoscere, veniam dare,* it. *parcere:* it. *in bonam partem adipere*, si sermo est de re, quae et in malam partem adipi potest: sic et non *vitio vertere.*
- 53) *aegre ferre, moleste ferre, übel nehmen, nicht gern sehen, sich ärgern* cet. it. *in malam partem adipere*, si de re sermo est, quae in bonam partem adipi potest: it. *vitio vertere* propr. *als einen Fehler auslegen.*
- 54) *imperare, befehlen; Ordre geben, praecipere, Regeln vorschreiben, iubere, heißen* (quocunque modo fiat, v. c. imperio, precibus, hortando cet.), et *mandare, auftragen, Commission geben.* It. *volo fieri aliquid*, v. c. Cic. Rosc. Am. 25. *insui voluerunt* sc. *paricidas*, h. e. *insserunt insui* cet.
- 55) *defendere, tueri, causam alicuius agere, patrocinari:* it. *cavere alicui* scil. *damno avertendo:* it. *prospicere,*

*cere, consulere alicui, rationem habere, si in univ-
sum loqui lubet.*

- 56) *felix sum, felicitate fruor, bene s. non male mecum
agitur, utor fortuna secunda: in primis, si ut sequi-
tur, contingit usurpandum est, v. c. non omnibus con-
tingit, ut cet. Nicht alle haben das Glück, daß cet.*
- 57) *recordor, memini, reminiscor, in memoriam revo-
co, it. memoria teneo, it. non oblitus sum: it. venit
mihi in mentem v. c. dies, s. diei.*
- 58) *oblivisci, oblivioni tradere, non meminisse: it. res
effluxit ex animo.*
- 59) *constituo s. statuo, sich vornehmen, decerno, in ani-
mo habeo: it. consilium capio, cogito seq. infin.*
- 60) *celo, dissimulo, tego, non aperio, non dico, non
enuntio, sileo, taceo.*
- 61) *paro, anschaffen, verschaffen, comparo, adquireo,
pario, concilio, it. efficio. Not. pario fere, si cum
labore fit: concilio plerumque de re laeta.*
- 62) *adcipere, bekommen, adipisci, nancisci, quocunque
modo fiat: at consequi, adsequi, labore: impetro, in
primis precibus.*
- 63) *dubito, dubium mihi est, in dubium voco, sum du-
bius, haereo, non liquet, haesito, quid faciam.*
- 64) *certus sum, certum mihi est, persuasum est mihi, non
dubito: sic certum est s. nemo dubitat, inter omnes
constat s. convenit.*
- 65) *spero, spes mihi est, in spe sum, spe teneor, spes
me tenet, spes mihi iniecta est, in spem veni, spem con-
cepi; sed in spem venio s. spem concipio est incipio spe-
rare. Contra despero, spem abieci, deposui. Sic non
despero cet. pro spero.*
- 66) *suscipere rem, recipere, über sich nehmen, it. ad-
gredi: it. subire, si res est molesta, ac per metonym.
sustinere; it. descendere ad cet.*
- 67) *vertere, übersetzen, interpretari, it. transferre.*
- 68) *habitare locum et in loco, colere locum, incolere lo-
cum et in loco: it. civem esse alicuius urbis.*
- 69) *ridere aliquem, deridere, irridere, habere deridicu-
lo, it. risu excipere: Not. et iocosa locutio: propinare
aliquem deridendum.*
- 70) *respondere et alicuius verba excipere i. e. propr. lo-
qui post aliquem.*

- 71) *convenire, übereinkommen, et respondere: v. c. spei exitus non respondit.*
- 72) *gaudere, laetari, laetitia adfci, laetitia efferrī in maiori re: it. exsultare laetitia, vor Freuden springen: delectari re, voluptatem capere ex re.*
- 73) *angi et pavere.*
- 74) *dolere, tristem esse, tristitia adfci, aegre ferre, molestē ferre: it. non laetum esse.*
- 75) *incipere, instituere, ordiri, initium capere s. sumere s. facere: it. coepit: it. adgressus est v. c. dicere.*
- 76) *occidere, interficere, vita privare, vitam eripere, vim inferre, de medio tollere s. tollere simpliciter: it. caedere et obtruncare i. e. niederhauen.*
- 77) *minari et denuntiare i. e. ankündigen v. c. mortem.*
- 78) *erro, fallor; res, spes me fallit vel fefellit: it. decipior v. c. specie recti: in errorem inducor.*
- 79) *fugio, vito: at evito ut et vito est effugio.*
- 80) *persuadere alicui aliquid, probare alicui aliquid: it. efficere, ut aliquis rem credat; rem probabilem reddere. At convincere, de rebus malis, v. c. furem, errorem cet.*
- 81) *monere s. admonere, erinnern: it. in memoriam revocare: at hortari est ermahnen: instare, zusetzen.*
- 82) *amare, amore adficere s. complecti: at diligere est magni facere, interdum tamen quoque est lieben.*

II) *Partes Verbi* commutantur inter se:

A) *Modus pro modo, v. c.*

- 1) *Indicat. fut. pro imperativo; v. c. non scribes pro ne scribe: est humanius dictum.*
- 2) *Coniunct. pro imperativo, v. c. dicas, ne facias pro dic, ne fac: est humanius dictum.*
- 3) *Coniunct. intercedente cum pro infinitivo in hac formula: audi vi ab eo, cum diceret pro eum dicere.*
- 4) *Infinitiv. pro indicativo in narrationibus, v. c. Caesar proficisci, dicere pro proficiscebatur cet. Vocatur vulgo infinitivus historicus et a Servio ad Virgil. stilus historicus: melius infinitivus narratorius, ne tirones putent, eum esse historicorum proprium, ut Servius ait ad Virg., quia omnibus narrantibus communis est; centies occurrit ap. Ciceronem in orationibus, v. c. Verr.*

Verr. II, 76. *haerere homo, versari* cet. c. 77. *clamare omnes* cet. Sic et poetae: v. c. Virg. Aen. II, 685. VIII, 493. Reperitur etiam post *cum* Sall. Iug. 98. *cum — barbari nihil remittere atque — instare*. Quaeritur, unde iste infinitivus mirabilis regatur? Vulgo dicunt ab omisso *coepit, coeperunt*. Non male, praesertim cum saepe *coepit* cum infinitivo verbi pro verbo ipso occurrat, v. c. *dicere coepit* i. e. *dixit*. At propterea nondum certum est, *coepit* ubique intelligendum esse: imo loca sunt, ubi intelligi nequeat; v. c. Sall. Iug. 92. extr. *militēs neque pro opere consistere propter iniquitatem loci, neque — sine periculo administrare*: ubi *poterant* potius intelligi possit.

5) *Infinit.* cum *accus.* pro *Verbo finito* cum *quod* vel *ut*: v. c. *gaudeo, te vivere*, pro: *quod vivis: volo te venire* cet.

B) *Numerus* pro *numero*: v. c. *cogita, quid dignitas et officium postulet* vel *postulent*: sic *dicemus* pro *dicam*: sic ap. historicos: *pars vulnerati, capti* cet.

C) *Tempus* pro *tempore*:

1) *praesens* coniuncti. pro *imperfecto*, v. c. *dicat aliquis; si quis dicat; tu si hic sis, aliter sentias* ap. Terent. cf. supra C. II. S. XVII. n. XX. p. 112.

2) *praesens* pro *perfecto* in narrationibus, v. c. *Caesar edicit* cet. Sic nostri: *die Feinde rücken an* cet. cf. supra C. II. S. XVII. n. XX. p. 112.

3) *praesens* pro *futuro* a) de re futura illa quidem sed certo eventura: v. c. *cras sum apud te*: sic nostri: *Morgen komme ich zu dir*: b) quando futurum deest: v. c. *spero, ista brevi disci*: sic prisci: at rectius tamen: *spero fore, ut* cet. It. quando futurum adest, v. c. Cic. Verr. V, 25: *supplicium sumi* putatur pro *sumtum iri*, nisi pertinet ad proxime praecedens a). c) in primis prisci *praesens* coniunctivi usurpant, ubi vernacula futurum habet: v. c. *quis hoc neget? quis non intelligat? Wer wird das läugnen? Quisque videat, verum esse, Jeder wird sehen* cet.

- 4) *imperfectum* pro *perfecto*, a) *memini me dicere* pro *dixisse*: b) in narrationibus, v. c. *dicebat* pro *dixit*, ut nos: c) in epistolis, ubi res narrantur, quae ante, quam illae redditae fuerint, praeterire vel mutari possunt, v. c. *aegrotabam* pro *aegroto*. cf. supra Cap. II. S. XVII. n. XX. p. 111.
- 5) *perfectum coniuncti*. saepe pro *praesente coni.* in his formulis: *ne dixeris* i. e. *dicas*: *si quis dixerit* cet. cf. supra C. II. S. XVII. n. XX. p. 112.
- 6) *futur. indicat.* pro *praes. coni.* vel *imperativi*, v. c. *non scribes* pro *ne scribas*: cf. paulo ante A, 1. p. 182.

Not. hic tantum de usitatioe variatione temporum loquimur.

D) *Personales terminationes*, quas vulgo *personas verbi* vocant, commutantur in exprimenda enuntiatione. generali, ubi vernacula utitur *man*: v. c. *dicunt* et *dicitur*, *man sagt*: *stultum est*, *ea*, quae *nescias* f. *nesciamus*, (*was man nicht weis*) *alios velle docere*. Sed a) in terminatione personali incepta pergere decet: b) non omnis terminatio personalis promiscue usurpanda: cf. de hac re supra C. II. S. XVII. n. XX. p. 109.

E) *Genus pro genere*:

- 1) *passiva* et *activa* saepe permutantur, v. c. *amo te* et *amaris a me*: in primis haec permutatio necessaria est ad ambiguitatem evitandam, v. c. *patrem te amare*. *dicunt* potest duplicem vim habere, et *patrem amare te* et *te amare patrem*: ut illud: *Aio, te, Aeacida, romanos* cet. at si dicis: *patrem a te amari* vel *te a patre* cet. nulla est ambiguitas. It. usurpantur nonnulla activa passive, v. c. *vertere* pro *verti* f. *vertere se*, v. c. Liv. V, 59. *iam verterat fortuna* scil. *se*, vel pro *versa* erat.
- 2) Deponentia aiunt pro passivis poni: at hoc tantum ferre in participio perf. nonnullorum Verborum locum habet, v. c. *expertus*, *passus* cet. quae saepe passive occurrunt.

III) *Verbum pro nomine substantivo*:

- 1) *infinitivus*, quando subiecti vim habet, v. c. *errare humanum est*. Haec mutatio necessaria est, ubi nomen non

non exstat, v. c. *virtutem magni facere reddit nos felices*, die Hochschätzung der cet. Sic *didicisse fideliter artes emollit* cet.

- 2) *Participia*, v. c. *crede mihi adfirmanti*, auf mein Wort pro ob *adfirmationem meam*: sic *deseruit me aegrotantem* i. e. in morbo meo: sic: *diffusus sibi iuit* cet. aus Mistrauen zu cet. Sic *defatigatus*, *timens* *nolebat* cet. pro: ob *defatigationem*, *timorem*: sic *moriens*, bey seinem Tode cet.

IV) *Verbum* pro *adiectivo*, v. c. *vix dici* s. *credi potest* pro: *incredibile est*. *Omnes sciunt* pro *notum est omnibus*. Haec mutatio est necessaria, ubi *adiectivum* deest vel non libenter usurpatur, v. c. *fieri potest* pro *possibile est*: *fieri non potest* pro *impossibile est*: sic *deus cerni nequit* pro *est invisibilis* cet.

V) *Verba* pro *adverbiis*, v. c. *quid quaeris?* i. e. kurz: it. *necesse est hominem mori* pro: *homo necessario moritur*: *manifestum est, te errare* pro *manifesto erras*: *parum abest, quin* cet. pro *paene*. Haec mutatio est necessaria, ubi latina non habet *adverbia respondentia vernaculis*, v. c. *hoffentlich, vermuthlich, billig, unmöglich* cet. v. c. *hoffentlich wird er kommen, spero, eum venturum: vermuthlich hast du es gesehen, opinor, te* cet.

VI) *Verba*, et quidem *participia* pro *praepositionibus*:

- 1) pro *sine*: v. c. *homo carens libris* cet. it. *non instructus* cet.
- 2) pro *cum*: v. c. *instructus, ornatus, praeditus*: v. c. *femina praedita divitiis*, mit Reichthum.
- 3) pro ob *millies ductus, adductus, impulsus, permotus, motus, incitatus, inflammatus, impeditus, prohibitus, exclusus, perterritus, coactus* cet. v. c. *fecit cupiditate ductus* s. *incitatus* pro ob *cupiditatem*, sic *timore perterritus* i. e. *propter timorem*: *egestate coactus* cet. Sic *occupationibus prohibitus, impeditus* cet. *venire non potuit*; sic et alia *participia*, v. c. *timens fugiebat* i. e. *ob timorem*: sic: *non potui hoc*

discere carens magistro, wegen Mangel eines Lehrers : sic diffidens i. e. ob diffidentiam cet.

4) pro *post*: v. c. *coenatus, pransus i. e. post coenam cet. Sic patre mortuo i. e. post mortem patris.*

5) pro *in*: v. c. *scribens moriebatur i. e. in scribendo : sic coenans dicebat cet.*

6) pro *ex*: v. c. *scio experientia edoctus, aus Erfahrung.*

7) pro *praeter*, v. c. *exceptis paucis, i. e. praeter paucos.*

8) pro *apud*: v. c. *libris adsidens moriebatur, bey den Büchern.*

VII) *Verbum pro coniunctione; v. c. dum, cum, postquam, quia, et mutantur in participium, ut notum est.*

SECT. VI.

De commutatione adverbiorum.

I) *Adverbia commutantur inter se: v. c. 1) ita, sic, tam: 2) adeo, usque eo, usque adeo: 3) rursus, denno, iterum i. e. zum zweytenmale: male altera vice: 4) praeclare, eximie, egregie, excellenter: 5) stolidè, stulte, it. temere: 6) alias, de tempore praeterito, ante, olim: 7) quamdiu, quousque, quem in finem? 8) tantum, tantummodo, solum, modo, duntaxat: it. nonnisi: v. c. nonnisi tres: 9) saltem, duntaxat, wenigstens, it. certe, si τὸ wenigstens est i. q. gewiß: it. at certe vel at post nisi s. si non: v. c. nisi omnes, at certe tres: 10) fere, paene, propemodum, tantum non: 11) cum primum, ut primum, simul seq. at vel atque, it. simul simpliciter, so bald als: at quamprimum est primo quoque tempore, ehestens, nec huc pertinet. 12) saepe, saepenumero, crebro, non raro: it. centies, sexcenties, millies pro saepissime. 13) aequè seq. ac vel atque: non minus quam, eben so wohl als: Not. non magis est eben so wenig, et dici debet pro aequè parum: 14) utrum s. ne,*

f. *ne*, seq. *an*: vel omisso *utrum* f. *ne*: v. c. *utrum scribis an legis? scribisne an cet. scribis an legis?* sic: *nescio, utrum scribas* f. *scribasne* f. *scribas an legas.* 15) pro *primo*, *secundo* cet. quae, licet male, pro adverbii habentur, usitatius dici *primum*, *deinde*, *tum*, *praeterea*, *postremo* cet. supra p. 166. dictum est.

II) *Adverbium* pro *Substant.* cum *praepos.* aut *adiect.*

- 1) *prudenter, sapienter, stulte rem gessit* pro *cum prudentia* cet. sed illud usitatius: sic *cupide legere* i. e. *cum cupiditate*: sic *studiose, mit Eifer*: *aliter* i. e. *alio modo*: *misere perire* i. e. *misero modo*: sic *liquido iurare* cet.
- 2) *hic, istic, illic* pro *in hoc, isto, illo loco*: *huc, istuc, illuc* pro *in locum hunc, istum, illum*; sic *hinc, istinc, illinc* pro *e loco hoc* cet. Hae particulae in epistolis Cic. ita usurpantur, ut *hic, huc, hinc* de loco, ubi epistolam scribens degit, ponatur: *istic, istuc, istinc* de loco, ubi is est, ad quem epistola mittitur, et *illic, illuc, illinc* de tertio quodam loco.
- 3) *ita* ponitur a) pro *hac conditione*, seq. *ut* vel *si*, v. c. Cic. Off. I, 9. *hoc ipsum ita iustum est, — si est voluntarium.* b) pro *hoc exitu*, v. c. Cic. ad Div. I, 2. §. 7. *ita sum cum illo collocutus, ut* cet. c) pro *hac restrictione*, ut loquuntur, seu *hactenus, mit der Einschränkung, in so fern.*

III) *Adverbium* pro *adiectivo*: v. c. a) *breviter*, i. e. *paucis*, v. c. *breviter rem dicere*: b) *ita, sic* pro *talis*, v. c. *sic sum: sic vita est hominum* Cic. Rosc. A. 30. c) *heri semper lenitas* ap. Terent. est durum, nec imitandum.

IV) *Adverbium* pro *pronomine*: v. c.

- 1) *cum* pro *quo, quibus*, de tempore: v. c. *illo tempore cum* cet. *zur Zeit, da* cet. sic *multi anni sunt, cum ille in meo aere est* pro *ex quibus*, ap. Cic.
- 2) *unde* pro *a quo, qua, quibus*, vel *ex quo, qua, quibus*; sic *millies*. v. c. *homo, unde veni* cet. *domus, unde veni* cet. sic *unde petitur* dicebatur reus in causa privata,

privata, pro *a* quo petitur sc. *res possessa*. Sic unde pro *qua ex re*, v. c. *Vnde sequitur* cet.

- 3) *hic pro hac in re* saepissime: v. c. *hic videre licet*, *hierbey* s. *hierin*, it. *bey dieser Gelegenheit*.
- 4) *hinc pro hac ex parte*, auf dieser Seite; cui oppon. *illinc* i. e. *ex illa parte*. Occurrit et duplex *hinc* pro *hinc* et *illinc*, v. c. Liv. I, 13. *hinc patres, hinc viros orantes* cet.
- 5) *hinc pro ex hac re*, s. *ex hoc*, millies: sic et *inde*, v. c. *hinc vel inde sequitur, intelligitur*. Sic et *unde*, vid. paulo ante.
- 6) *ut, wie* pro *quo, je* in usitata formula: *ut quisque est doctissimus, ita solet esse modestissimus* pro *quo quis est doctior, eo modestior* cet.

V) *Adverbium pro verbo*, v. c. *en, ecce* pro *vide, videte, adspice, adspicite*; v. c. *ecce me, ecce patrem, ecce causam* cet. i. e. *vide, videte* cet. vel etiam: *hic ego sum, hic est pater* cet. sic *ecce librum istum* i. e. *hic est iste liber*, ut *francicum voici*.

VI) *Adverbium pro coniunctione*: de hac re supra: v. c. 1) *ita* seq. *ut* pro *quidem, zwar*, v. c. *amo priscos ita, ut recentiores non spernam* pro *amo quidem priscos: attamen recent. non sperno*. Solet et perspicuitatis causa tamen addi; *ita, ut tamen* cet. 2) *ut* adv. seq. *ita* pro *et et, tum tum, non solum sed etiam*, v. c. *te, ut mei, ita omnes amant*.

SECT. VII.

De commutatione praepositionum.

I) *Praepositiones commutantur inter se*; v. c.

- 1) pro *apud* saepe ponitur *iuxta, ad, propter*, si significat *bey* i. e. *neben*: v. c. *ad urbem esse: propter viam* cet. *Penes, bey*, vel possessionem rei vel potestatem saepius indicat, v. c. *penes me est* i. e. *in potestate mea: vel possideo rem*. Not. pro *apud* quoque *cum* usurpatur, si rei praesentia propior indicatur, v. c. *habitat mecum, bey mir*: sic: *habeo pecuniam mecum*.

2) pro

- 2) pro ante quoque ponitur a) ob, v. c. ob oculos ponere, versari: b) prae, v. c. prae se ferre, agere cet. vor sich her tragen, treiben: c) pro, v. c. pro rostris, pro aede Castoris sedens, Cic. Phil. III, 11.
- 3) pro circiter in numeris incertis ponitur saepe ad, v. c. ad duo millia, bey f. an zwey tausend: it. sine casu ap. historicos, v. c. occisis ad hominum millibus quatuor Caes. B. G. II, 33.
- 4) pro contra ponitur saepe a) adversus b) in, v. c. odium in te: c) praeter, v. c. praeter consuetudinem, spem, opinionem, voluntatem, wider Gewohnheit, cet.
- 5) pro erga, v. c. amor erga te, poni in, adversus notum est.
- 6) pro ex interdum de: v. c. unus ex civibus, de plebe pro ex cet. saepissime.
- 7) pro de interdum super, v. c. super hac re scripsi.
- 8) pro inter ponitur saepe in, v. c. in doctis numerari, in diis referri: it. de et ex: v. c. e f. de graecis doctissimus.
- 9) pro post, nach, ponitur a) saepe ex, v. c. ex hoc tempore: sic ex quo, seit dem: b) a: v. c. a meridie: c) secundum, sic saepe Cicero, Livius: v. c. Cic. Verr. I. Act. in Verr. 10 secundum Calendas Ian. i. e. post.
- 10) pro pone saepe post, it. secundum.
- 11) pro secundum, nach, dici potest a) pro, v. c. pro dignitate, nach Verdienst: b) de, v. c. de mea sententia: c) ex, v. c. ex aequo: ex lege egit: d) ad, v. c. ad nutum hominis se fingere: ad voluntatem alicuius loqui.
- 12) pro ob f. propter ponitur a) per in precibus, v. c. rogo te per deum: sic dicendum. b) pro, vermöge, v. c. pro nostra amicitia illud facias; sic saepe. c) prae, v. c. prae gaudio, prae lacrymis loqui non possum: sic saepe. d) interdum ad: v. c. Liv. I, 7. ad desiderium relictarum i. e. ob cet.
- 13) pro super, über, in his formis per dici debet: per campum fugere, per agros currere, per montes iter facere: it. pro super, auf, debet per dici in hac similitudine forma: per agros discursare, vagari.
- 14) pro versus, gegen, potest ad dici: v. c. tendere, proficisci versus urbem, Romam et ad urbem f. Romam.

II) *Praepositiones* ponuntur pro *substantivis* nonnullis:

- 1) *a* saepe a) pro *à parte* s. *a partibus*, v. c. *stare ab aliquo, auf jemand's Seite seyn*: sic *a fronte, von vorn, a tergo*; pro *a parte frontis* cet. b) pro *ratione*, in *Ansehung*: v. c. *firmus a peditatu*: *ab omni re paratus*.
- 2) *ad* a) pro *in comparatione*, ut male loquuntur, v. c. *nihil ad Persium*: b) pro *ratione*, v. c. *hoc est ad fructum uberrimum*, h. e. *hoc est uberrimum ratione fructus*.
- 3) *contra*, *gegen, über*, pro *e regione*, v. c. *contra Italiam*.
- 4) *de* pro *ratione* s. *quod adtinet*: v. c. *de libro, quem a me poscis, scito, me illum non adcepisse*. Sic saepe.
- 5) *ex* pro *per occasionem*, *nach Masgebung, auf Veranlassung*; v. c. Cic. ad Div. II, 15. §. 2. *quam (epistolam) ego tum ex tuis literis misi ad Appium?*
- 6) *pro* a) pro *loco, an Statt*, quod notum. b) pro *ad defensionem*, v. c. *dicere pro aliquo*, v. c. *pro Roscio, hinc Oratio pro Roscio, Milone* cet.
- 7) *prae* pro *vulgari in comparatione*: v. c. *felix es prae me* i. e. *gegen mich*. Sic dicendum.

III) *Praepositio* pro *Verbo*; et quidem fere *participio*: v. c. *clam patre* i. e. *patre ignorante* s. *in scio*: *coram rege* i. e. *rege praesente* s. *dum rex aderat*: *profectus sum cum multis amicis* i. e. *comitantibus amicis*: *praeter libros pro libris exceptis*: *sum felix prae te* i. e. *comparatus tecum*, s. *si me comparo tecum*. Cicero etiam dixit *cum* pro *indutus*, v. c. Verr. IV, 24. *cum tunica pulla sedere solebat* cet. ac saepius. Add. *per id bellum, per istas inducias pro*: *dum id bellum gerebatur, dum istae induciae erant*.

IV) *Praepositio* pro *coniunctione*; v. c. *cum* pro *et*: v. c. *pater cum matre profectus est, pro et mater*:

SECT. VIII.

De commutatione coniunctionum.

1) *Coniunctiones* commutantur inter se, v. c.

- 1) *et, ac, que, atque.*
- 2) *at, verum, vero, autem.* At in primis usurpatur de re graviore: hinc in obiectionibus. Not. *neque vero, non facile neque autem.*
- 3) *aut et vel,* usurpantur de rebus diversis: *seu et sive* de iisdem.
- 4) *ut ne pro ut non,* v. c. Cic. Rosc. A. 20.
- 5) pro *et,* enuntiationi consecutionem effectumve praecedentium indicanti praefixa, libenter ponitur *ut,* praecedente *tam, ita, sic:* v. c. pro: *deus est valde benignus, et dat nobis beneficia* cet. rectius dicitur: *deus est tam benignus, ut* cet. sic, vernacula: *wie könnte ich so unhöflich seyn, und dir es abschlagen: du bist so gütig gewesen, und hast mir* cet. *sey so gütig und hilf mir* cet. vertenda sunt, v. c. *Quomodo tam inhumanus esse possim, ut tibi denegem* cet.
- 6) pro *nam* interdum ponitur *ut,* praecedente *tantus, ita* cet. v. c. pro: *in magna verborum perturbatione. Nam nescio, quo confugiam,* dici potest: *in tanta perturbatione verborum, ut, quo confugiam, nesciam.*
- 7) pro *itaque* s. *ergo* poni interdum potest *ut;* v. c. *tam parum me amas, ut non mirari debeas, te* cet. pro: *parum me amas, itaque non debes* cet. It. sine *tam, ita;* v. c. *egregie rem egisti, ut facile adpareat, quantum sapientia efficere possit,* pro: *itaque facile adparet* cet. cf. infra III, c. p. 192.
- 8) pro *quidem, zwar,* millies dicitur *etsi, quamquam, licet* cet. v. c. pro: *non possumus quidem omnia efficere: attamen omnes mentis nervos intendere debemus,* poni potest: *quamquam non omnia efficere possumus, tamen omnes* cet. Sic millies Cicero.
- 9) pro *etsi, licet* cet. interdum dici potest *cum, da,* sed sequente *tamen,* v. c. *cum librum adceperit, tamen negat se adcepisse:* hic sive veritas *da* seu *ob er gleich,*

res eodem redit. Not. *etiamsi* non est i. q. *quamquam*, sed est pro *si etiam*: sic ut non est *obgleich*, sed *gesetzt daß*: attamen ut et *etiamsi* interdum pro *etsi* poni possunt.

- 10) *Quod si* pro *si* poni potest: at tantum a) post interpunctionem maximam, b) si cum praecedentibus quodammodo cohaeret. Ergo ab initio epistolae cet. ponere stultum foret. cf. infra C. IX. Sect. IV. n. II. p. 220.

II) *Coniunctio* pro *Verbo*; 1) *nisi*, praecedente vocabulo negativo: v. c. *nihil habes, nisi domum* pro *excepta domo*: *Nemo hoc efficere potest, nisi pater* pro: *excepto patre, si patrem excipis* cet. 2) *ut* pro *fac, pone, finge, faciamus, ponamus, fingamus* i. e. *gesetzt, s. wir wollen einmal setzen*; v. c. *ut istud se ita habeat, tamen pauci erunt, qui credant*: sic: *ut habeas omnes divitias, tamen per eas ingenium tibi comparare non potes*.

III) *Coniunctio* pro *adverbio*; v. c. a) *Neque* pro *Non*, ab initio totius sententiae, v. c. *Neque vero, Neque enim, Neque tamen*: de quo vid. supra C. VII. S. III. n. II. p. 164. b) *et* duplicatum pro *tum-tum*; s. *non solum sed etiam*: de quo vid. supra Cap. VII. S. I et II. c) *ut* pro *hinc, unde, inde* s. *ergo*: v. c. pro: *frater tuus felici est ingenio: hinc non mirum, eum alios doctrina superasse*, dicitur: *frater tuus est felici ingenio, ut non mirum sit* cet. vel addito *tam*: *est tam felici ingenio, ut* cet. Sic saepissime prisci, vel praecedente *tam, ita; it. talis, tantus*, vel sine his vocabulis:

SECT. IX.

De commutatione interiectionum.

Interiectiones, ut vulgo vocantur, interdum pro aliis vocabulis poni possunt; v. c. *o me miserum!* pro: *quam*

quam miser ego sum! s. nonne sum miser? sic: wie gütig ist Gott! O deum benignum! sic: o hominem in ultimas terras deportandum! pro nonne hic homo dignus est, qui cet. Add. heus pro audi.

SECT. X.

De fontibus quibusdam commutationis vocabulorum.

Addamus aliquot genera vel fontes istius commutationis:

1) Saepe poni potest *duplex negatio* pro *vocabulo affirmante*, v. c. *non indoctus* pro *doctus*: *non inferior* pro *par*: *non par* pro *inferior*: *non obscurus* pro *clarus*: *non nescio* s. *non ignoro* pro *scio*: *non nemo* pro *aliquis* vel *aliquot*, *mancher*: *nemo non* pro *omnes*: *nonnulli* pro *aliquot*: *nonnunquam* pro *interdum*: *nunquam non* pro *semper*: *non nihil* pro *aliquid*: *nihil non* pro *omne*: *non semel* pro *saepe*: *nusquam non* pro *ubique*: *haud scio* s. *nescio an* pro *puto*: *non dubito quin* pro *certo credo* s. *mihi persuadeo*: *non pauci* pro *multi*: *non multi* pro *pauci*: *non difficile est* pro *facile est*: *non displicet* pro *placet*: *non sine* pro *cum*, v. c. *non sine laude rem gessit*: et innumera. Sed notandum hic:

a) negative dicta interdum plus valent affirmative dictis, quod e solo contextu diiudicandum; v. c. *non inferior* potest etiam esse *superior*, et *non indoctus* pro *valde docto* poni, quae litotes vocatur. Sic: *scriptor non spernendus*, *nuntius non iucundissimus* pro *tristi*, ap. Sulp. ad Cic. IV, 12: in. *homo non beatissimus* Nep. Ages. 8. pro *paupere*. At semper ista vertenda sunt ad verba: *nicht die erfreulichste Nachricht*, *nicht der wohlhabendste* cet: ut litotes sentiatur: alioquin multum suavitatis et gravitatis periret. Cui bono est litotes, si eam non servamus et vernacule exprimimus?

b) interdum verecundiae causa de nobis negative potius quam affirmative loquimur, v. c. *non equidem sum*
N
stul.

stultissimus pro *sapiens*: at quisque videt, illud minus dicere ac minus intelligi velle, quam hoc. Sic Corydon Virg. Ecl. II, 25. ait: *non sum adeo informis*: quis hic dicat, dictum esse pro *sum formosus*: nonne illud modestius et venustius (galanter)?

- c) interdum negative loqui cogimur, quia affirmative loqui non possumus, v. c. *non sine* saepe pro *cum* dici debet, v. c. *non sine causa hoc dico*, *non sine prudentia* pro *cum causa* cet. Sic *non facile* pro *difficulter* dicere malim, quia illud usitatus.

II) Saepe poni potest *antecedens* pro *consequente*; v. c. *subire*, *sich unterziehen*, pro *suscipere*, *sustinere*, *perferre*, v. c. *onus*: sic et nos *sich unterziehen*: *clavum tenere* pro *regere* v. c. *navem*, *rem publicam*: *pendere* et *metiri* pro *iudicare rem*, ut nos *erwägen*, *ermessen*: *petasarus* pro *paratus ad iter*: *vixit* pro *mortuus est*: *iubere aliquem valere* pro *discedere*, ut nos *sich empfehlen*, *Abschied nehmen* pro *fortgehen von jemand*: *occurrere* pro *mederi* vel *sponte adiuvere*: *patere* pro *parata esse ad usum*: *mittere* pro *certiorem facere*, *nuntiare*: *iudicium regis* pro *honoribus alicui tributis*: sic *conferre signa* ap. priuscos pro *proelium committere*, propr. *die Fahnen zusammen stoßen lassen*: *signa inferre* pro *invadere hostes*: *signa convellere* pro *castra movere*: *signa convertere* pro *in aliam partem tendere*.

III) *Consequens* saepe ponitur pro *antecedente*, v. c. *audivi* pro *narratum mihi est*: *habeo tibi gratiam* pro *beneficium abs te adcepi*: *carco facultate* aliis bene facienti pro *sum pauper*; et innumerabilia talia.

IV) *Causa* pro *effectu*, v. c. *aurum* pro *aureis numis*, *vasis*: *ingenium* pro *cogitationibus acutis*, *witzige Einfälle*: *mens* pro *cogitationibus*, v. c. *mentem meam* tibi *declarabo*: *anima* pro *vita*: *scriptor* pro *eius scriptis*: *mobilis*, *levis* pro *inconstans*: *meminisse* pro *gratum esse*, et *gratificari*.

V) *Ef-*

V) *Effectus* pro *causa* saepe ponitur, v. c. *cadere* pro *interfici*, in praelio: sic *necessitas*, *die Unvermeidlichkeit* pro *natura* interdum, quia est huius effectus: sic *necesse est*, *es ist natürlich*.

VI) Pertinent huc aliae locutiones metonymicae, v. c. a) *contineus* pro *contento*, v. c. *urbs* pro *homines*: *domus* pro *familia*: *literae* pro *doctrina*, quia olim e libris hauriebatur, et pro *epistola*; et *omni scripto*. b) *signum* pro *signato*, v. c. *sceptrum* pro *regno*: ap. Romanos *toga* pro *pace*, *fascies* pro *imperio*, *lauria* pro *victoria* cet.

VII) Pertinent huc Synecdochicae locutiones, v. c. ut modo dicamus *offendere hominem*, inodo *hominis animum*.

VIII) Pertinent huc metaphoricae locutiones, v. c. *ignis* pro *amore magno*: *fons* pro *causa*: *malum serpit*, it. *manat*: *proiicere* pro *vili pretio res vendere*, ut nostri: *es ist ordentlich weggeworfen*: *abstergere metum*, *molestiam* pro *demere plane*.

IX) *Genus* pro *specie* millies ponitur, ut in omnibus linguis, v. c. 1) *commodare* pro *leihen*: *propr. est gratificari, willfahren*; quocunque modo fiat. 2) *vivere cum aliquo* pro *uti aliquo, umgehen mit* cet. 3) *appellare* pro *poscere debitum*, *mahnen*: *propr. anreden*. 4) *dicere* pro *orationem habere*: 5) *adipere* pro *discere*, quia in discendo adipimus aliquid: sic *tradere* pro *docere*: 6) *adesse alicui*, pro *adiuvare, dienen*, ut *deesse, nicht dienen*: 7) *curare* pro *sanare*: 8) *decedere* pro *mori*: 9) *satisfacere* *propr. facere tantum, quantum alter iure postulare potest, befriedigen*, pro *solvere debitum*, (ut nos *befriedigen*) et pro *se defendere*. 10) *quiescere* pro *dormire*: 11) *honorem habere alicui* pro *praemio adipere*: sic *commoda* pro *praemiis*: 12) *otium*,

otium, Ruhe, pro pace: hinc otiosi i. e. qui neutrarum sunt partium, ap. Cic. quia hi in otio vivunt: 13) tempus pro occasione: 14) honores pro munere honorifico, Ehrenamt: 15) fabula pro comoedia vel tragoedia: 16) mortales pro hominibus: et innumerabilia alia.

X) Pertinet huc conversio relationis: v. c. 1) *tu es meus filius et ego sum tuus pater: 2) nolo tali servo uti, et talis hominis herus esse: 3) donasti me libro et adcepi a te librum: 4) mihi non scripsisti et nihil literarum abs te adcepi: 5) servire et dominum habere: 6) Caius mihi vendidit domum, et emi domum a Caio: 7) fui eius discipulus et ille fuit meus magister: 8) tu es me superior et ego sum te inferior* cet.

XI) Est et genus commutationis, quando *modus, forma* simul indicatur, v. c. *puteum deprimere pro facere.*

XII) Est et variatio per *deminutiva*, v. c. *litterulis nostris* Cic. ad Div. V, 21, §. 5. pro *litteris* per *modestiam*: sic *ingeniolum meum.*

XIII) Est et variatio per *proverbia*, v. c. *oleum et operam perdere: homo non semissis: Andabatarum more pugnare* cet. Sed quaeritur, quatenus *priscorum proverbia* hodie *usurpare* liceat. Proverbia sunt certarum plerumque tantum gentium: singulae habent sua. Hinc raro vel nunquam *proverbiis Romanorum* hodie utendum.

XIV) Est et variatio per *pleonasmum*, v. c. *interea temporis* pro *interea*: et per *ellipsis*, v. c. *paucis* pro *paucis verbis*: vid. de illo in Cap. de Copia dicendi, et de *ellipsis* in Cap. de brevitate.

XV) Est et variatio per *circumscriptionem*; v. c. *qui audiunt* pro *auditores*: *qui nos genuere* pro *nostri parentes*: de ea in Cap. de Copia dic. loquemur.

SECT.

SECT. XI.

De variatione constructionis grammaticae.

Est et variatio constructionis grammaticae, v. c.

1) *sum doctior patre et quam pater*: utrumque recte.
 2) *dignus, qui laudetur, laude, rarius laudis, laudari*.
 3) *egeo et indigeo cum ablat. et genitivo*. 4) *opus est mihi liber et libro*. 5) *referre in deos, inter deos, in diis*. 6) *poenitet me facti et fecisse*. 7) *donare alicui librum et aliquem libro*. 8) *praeire verba et verbis, vorteten, ut alter repetat, illud frequentius*. 9) *ea res et id rei, cet. sic multum temporis et tempus*: at temporis usitatus. 10) *adire patrem et ad patrem*. 11) *antecedere alicui et aliquem*. 12) *sequitur, ut hoc fiat, et hoc fieri*. 13) *gaudeo, quod vivis et te vivere*. 14) *venit, ut te videret, te visurus, tui s. te videndi causa, ad te videntum*. 15) *habere aliquem pro docto et doctum*. 16) *inter graecos, in graecis, graecorum doctissimus*. 17) *spero patrem venturum et fore, ut pater veniat*: sic *fore ut* ubique licet ponere, etiamsi verbum habeat futur. infinitivi. Et sic sexcenta alia. At referunt tirones huc nonnulla, quae huc non pertinent, v. c. 1) *Pridie Calendas, Nonas, Idus et Calendarum, Nonarum cet.* At prius magis probant eruditi: deinde rectius dici creditur v. c. *Pridie Calendas Maias, Apriles cet. quam Maii, Aprilis cet.* 2) *potiri cum abl. et genitivo*. At semper ablativus praefendus; praeterquam in forma: *potiri rerum*, si res notant *summam potestatem, Oberherrschaft*: at si res vulgari notione usurpantur, ut sint *Dinge*, usitatus dices *rebus*.

CAP. IX.

DE COPIA DICENDI S. VERBORVM.

Copia dicendi s. *verborum* nititur fere omnis eloquentia Ciceronis. Nos hic de ea uniuersa tantum dicemus.

SECT. I.

• *Quid sit copia ista verborum s. dicendi?*

Copia verborum s. *dicendi*, ut vocatur Cic. Or. II, 25. it. *ubertas in dicendo*, ut dicitur Ibid. I, 12. (nos possumus vocare *die Ausführlichkeit*, interdum *Weitläufigkeit*, it. *Reichthum in der Ausführung und im Ausdruck*) cernitur in eo, ut 1) *pro uno vocabulo duo vel plura*, 2) *pro una enuntiatione* (Satz) *duae vel plures ponantur*. Not. ad enuntiationes pertinent quoque *argumenta*, *testimonia*, *exempla* cet.

Et haec copia dicendi non ubique est adhibenda, sed tantum 1) quando notio talis est, ut in ea paulo diutius versari debeat. Ergo, quot verba adduntur, totidem ideae aptae addi debent. 2) ob *numeros* s. *aequalitatem membrorum*, de qua re supra. Sed et hic nil ponendum, quod aptis ideis careat. *Quid enim*, ait Cic. Or. I, 12. *tam furiosum, quam verborum — sonitus inanes nulla subiecta sententia?* Ergo omnis copia, omnis dilatatio est stulta, nisi per eam ideae augmentur, atque contextus verborum dilucidior, suavior, gravior fortiorque redditur. Sed recte adhibita, est praeclara. Auditor enim lectorve ideam gravem, uno verbo expressam, saepe negligit et praeterlabi sinit: at verba plura de una re s. idea recitata efficiunt, ut auditor adtentus fiat eamque pro magna gravique habere incipiat: deinde,

inde, si auditor eandem ideam aliis verbis saepius repeti audit, recognoscere illam saepius cogitur, atque ita eius gravitatem tandem sentit.

SECT. II.

De copia dicendi in verbis singulis.

Cernitur in coniungendis *vocabulis pluribus*, ubi unum per se sufficebat, vel sufficere videbatur: Fit illa variis modis:

I) Vni vocabulo, v. c. nomini, Verbo, adverbio cet. quod per se sufficere poterat, additur interveniente *et*, ac cet. aliud eiusdem generis, v. c. nomen nomini cet. (it. plura). At singula inter se differre debent, saltem quodam modo. Neque ergo vocabula eiusdem plane notionis, v. c. *edere* et *vesci* cet. iungi possunt. Videndum vero est omnino, ut posterius sit priori gravius aut clarius. Hoc ordo rerum postulat. Coniungi itaque possunt sequentia:

A) *Causa* et *effectus*, ubi alterutrum sufficebat, v. c.

1) *liberalitas*, edle *Gefinnung*, *Wohlgezogenheit*, et *beneficentia*: it. *liberalitas* et *benignitas*: nam *beneficentia* et *benignitas* est effectus *liberalitatis*: v. c. pro: *magna patris est beneficentia* dici potest: *magna patris est liberalitas et beneficentia*: sic *liberalitas* et *clementia*, *Sanftmuth* iungi possunt: ubi *clementia* sufficebat.

2) *humanitas*, *Menschenliebe*, et *facilitas*, *Gefälligkeit*, quae est illius effectus: sic *humanitas* et *clementia*: *humanitas* et *beneficentia* s. *benignitas*: sic *humanus* et *benignus*: *humanus* et *beneficus*: *humanus* et *facilis*, *comis*: sic *humanitas* et *misericordia* cet.

3) *lex* et *conditio*, quae est illius effectus: Cic. Agr. II, 3.

4) *ordo rerum* et *necessitudo*, *Verbindung der Dinge*, Cic. Har. 9. Ordo enim est illius effectus.

- 5) *ingeniosissimus* et *eloquentissimus*, Cic. Font. 13. sic *ingeniosus* et *suavis*; quia *ingenium* est causa eloquentiae et suavitatis.
- 6) *sapientia*, *Weisheit* h. e. cognitio veri pretii rerum, v. c. divitiarum, honoris cet. et *constantia* s. *fortitudo*; quia *sapientia* hanc parit. Sic *sapiens* et *fortis* s. *constans*: hinc *sapienter* et *fortiter* *ferre fortunam*: sic *sapientia* et *magnitudo animi*, quae est illius effectus; Cic. ad Div. I, 9, §. 8. sic *gravitas*, propr. *die Schwere*, et *constantia* cet.
- 7) *in lucem adspēctumque proferre* Cic. Arch. 6.
- 8) *permiscere* et *perturbare*, v. c. Cic. Verr. I, 15.

B) *Antecedens* et *consequens* notio iungitur, ubi alterutra sufficere poterat; v. c. 1) Cic. Rosc. Am. 24. *Videtisne*, — *ut eos agitent furiae, neque consistere usquam patientur*: 2) *factum* et *consilium*, *Entschluß*: sic Cic. Agr. II, 3. *ut in omnibus meis factis atque consiliis vestrum de me factum consiliumque laudetur*: ubi bis coniunxit. 3) Cic. Agr. II, 3. *qui aditum huius loci conspēctumque vestrum magnopere fugerunt*: 4) Cic. Fin. I, 7. *Ad maiora — nos natura genuit et conformavit*: 5) Ibid. 10. *Blanditijs — voluptatum deliniti atque corrupti*.

C) *Totum cum parte vel partibus*: it. *genus cum specie vel speciebus*: v. c. Cic. Har. 11. *te, nomen, imperium, vocem, adspēctum, impetum tuum — senatus — et omnes boni sequebantur*: ubi *te* est totum: *nomen, imp., vox, adsp.* et *impetus* sunt quasi partes Lentuli. Sic saepe iunguntur *gentes* et *nationes*; sic *virtus* et *integritas*, species virtutis Cic. Font. 13.

D) Duo vocabula, quorum posterius est fortius priori; v. c. *credo* et *mihī persuadeo*: *spero* et *confido*: *polliceor* s. *promitto* et *spondeo*, s. *recipio*, s. *praesto*. Sic saepe Cicero. Sic *aversari* et *exsecrari* Liv. VIII, 12. in. sic: *agitari* et *perterreri* *taedis ardentibus* Cic. Rosc. Am. 24: *ibid. furor atque amentia*: sic: *excitare*

citare et inflammare Cic. Man. 2. Ibid. *macula, quae insedit atque inveteravit.* Ibid. *necandos trucidandosque: sic opem et salutem ferre* Cic. Arch. 1: *sic magna et gravia bella,* Cic. Man. 6: *sic turpia et flagitiosa* Cic. Font. 13.

E) Duo vocabula e diversis tropis ducta: it. ea, quorum alterum est tropicum, alterum proprium.

- 1) ubi duplex tropus; Cic. ad Div. III, 10, §. 11. *pugna et enitere, ne cet.* Sic *frangere* et *debilitare* iungi possunt. Sic Cic. Arch. 1. *Omnes artes habent commune vinculum et cognatione quadam inter se continentur.*
- 2) alterutrum tropicum: v. c. Caes. B. G. VI, 13. *quod aliquo sunt numero atque honore: sic via et ratio, ein Mittel: ut nos Mittel und Wege.*

F) Duo vocabula, quorum alterum ideam exprimit *negative*, alterum *affirmative*; v. c. *res praeclara, nec ubivis obvia: homo magnus nec obscurae famae: liber egregius nec cum multis comparandus.* Fit vero etiam coniunctio alio modo; v. c. a) per *non-sed* vel etiam sine *sed*, v. c. Cic. Arch. 4. *qui se non opinari, sed scire, non audivisse, sed vidisse, non interfuisse, sed egisse dicit, pro: qui se scire, vidisse et egisse dicit: at illud gravius.* Mur. 9. *vixit ad aliorum arbitrium, non ad suum: b) per non modo non, sed etiam; Cic. Arch. 2. non modo non segregandum, — verum etiam — adfiscendum fuisse: c) per non tam, quam; Cic. Rosc. Am. 25. ne non tam prohibere quam admonere videretur, pro ne admonere videretur.*

G) It. alia vocabula, si quidem eorum notiones inter se quodam modo differunt; v. c. 1) *culpa et peccatum*, v. c. Cic. ad Div. V, 21, §. 14. 2) *auctor et dux*: it. *auctor* et *princeps*: it. *dux* et *princeps*: 3) *defensor* et *patronus*, v. c. Cic. Har. 9. 4) *laus et gloria*, Cic. Arch. 11. et inverso ordine Font. 11. extr. Sic *gloria et fama* Arch. 10. 5) *scelera et flagitia* Cic.

Rosc. Am. 9.: it. *flagitia et facinora*, Sall. Cat. 23. in. 6) *sceleratus et impius*, Cic. Deiot. 1. sic *impurus et sceleratus*, Attic. IX, 15. extr. sic *impie scelrateque*, Rosc. A. 24. sic *turpissimus atque impurissimus praetor*, Verr. IV, 35. 7) *acerrime fortissimeque pugnare*: 8) *moderatissimus et continentissimus*, Cic. Arch. 7. 9) *feritas et immanitas belluae*, Cic. Off. III, 6. Et sic innumerabilia. Iunguntur a priscis etiam interdum, quae parum vel nihil differunt; v. c. *videre atque intelligere*, Cic. ad Div. VI, 5, §. 3. *exitus eventusque bellorum*, Ibid. ep. 6. §. 22. sic: *sua sponte et per se esse incunda*, Cic. Fin. I, 7: *renovata atque instaurata*, Cic. Har. 10. it. *spoliatus et expilatus*, Cic. Verr. IV, 27. extr. In primis not Cic. Cat. I, 6. *excidit casu aliquo et elapsa est*, ut fere Virg. Aen. VI, 310. *Lapsa cadunt folia*: it. *patri et perferre*, Ter. And. I, 1, 35: *dissimulare et occultare*, Caes. B. C. II, 31. cet.

II) *Ex uno substantivo fiunt duo*: h. e. substantivum mutatur in genitivum, et aliud additur conveniens illi h. e. indicans vel *partem* illius vel *adtributum* vel *causam*:

1) *partem*: v. c. *vulnerare hominis corpus* pro *hominem*: illud rectius, quia non totus homo vulneratur, sed eius pars h. e. corpus: sic *offendit patris animum* pro *patrem*. Sic pro *adolescens* debet *mature adsuescieri praeceptis sapientiae*, rectius dicitur *adolescentis animus* cet. sic *sapientis animus* non *timet* cet. pro *sapiens* cet.

2) *adtributum*, latissime sumtum; v. c. pro *pater* meredidit *sapientem* dicitur *patris institutio, patris consilia*, vel *praecepta* vel *exemplum* cet. Sic *patris liberalitas mihi donavit* cet. pro *pater*: sic *fratris sapientia*, *temeritas* cet. pro *frater*: sic *mea fortitudo contemnit mortis acerbicatem* pro: *ego contemno mortem*. At haec omnia debent proprie explicari posse. Sic *fefellit curam* s. *diligentiam custodum* pro *custodes*: *reliquit huius vitae molestiam* pro *vitam*: *commisit se meae*
curae

curae pro mihi: confisus est Caii fidei pro Caio. Sed haec proprie ita explicanda: *sefellit custodes, licet curam s. diligentiam adhiberent: reliquit vitam, quae ipsi molesta erat: commisit se mihi, ut curam eius gererem: confisus est Caio, quia fidelis videbatur.* Hinc patet, istas additiones non tam copiam, quam brevitatem dicendi efficere.

- 3) *causam*; v. c. *laudo fratris sapientiam pro fratrem*: at dictum est proprie *pro laudo fratrem, quod sapiens est*: sic *pepercit illius pueritiae pro illi*: at dictum est *pro pepercit illi, quia puer erat s. ob pueritiam*: ut adeo ista forma dicendi magis nomen brevitatis quam copiae dicendi mereatur. Sic *gratularer felicitati tuae* Cic. ad Div. IX, 14. §. 14. non dictum est *pro tibi*, sed *pro tibi, quod tam felix esses.*

III) *Substantivis* adduntur libenter adiectiva, sed apta, v. c. *ver. laetum, hyems tristis* cet. Sed videndum, ut convenient; v. c. *deus benignissimus felicitati nostrae prospicere non desit*: sic recte: non: *deus iustus*: contra: *deus iustus punit flagitia* cet. Sic Liv. VIII, 7. de Manlio, iubente filium suum securi feriri: *exanimati omnes tam atroci imperio* (i. e. iussu): poterat *tam atroci* omittere: at gravitatem augebat epitheton tale. Not. Loquor hic de adiectivis non per se necessariis, sed propter maiorem perspicuitatem et gravitatem addendis.

IV) Additur saepe ablativo *participium*, ad *causam* indicandam, ubi in vernacula non semper additur. Talia sunt *ductus, adductus, motus, impulsus, incitatus, commotus, incensus, inflammatus, doctus, instructus, munitus, captus, delinitus, corruptus, actus, deceptus, victus, fretus, confisus, coactus, prohibitus, impeditus, exclusus, laceffit, perterritus, adtonitus, ictus* cet. Sed hic semper propria vis adtendi debet; v. c. *pro hoc feci cupiditate rei vel amore tui* dicitur *feci cupiditate rei vel amore tui ductus, adductus, motus, impulsus, incitatus*, ac si cupiditas vel
amor

amor gravior est, incensus, inflammatus, it. ablatus f. abreptus, hingerissen, it. coactus. Pro fugit hostium metu dicitur fug. host. metu ductus, adductus, motus, commotus, impulsus, perterritus, conterritus, it. abreptus, ablatus, adtonitus. Negative loquenti addere licet eadem fere participia, ac praeterea impeditus, prohibitus, exclusus, absterritus, deterritus: v. c. non poteram id facere temporis angustia impeditus, exclusus f. prohibitus. Sic inopia rei familiaris coactus abiit: sic experientia edoctus scio: sic aetate confectus. Sic captus pulchritudine: sic Liv. I, 16. romana pubes — orbitatis metu ista — silentium obtinuit; et paulo post: perfrusus horrore: et statim: adtonitus miraculo: it. religione tactus, Liv. I, 45: Ibid. I, 7. Evander concursu pauperum excitus cet. cf. supra commutatio participiorum cum praepositionibus p. 186. nam haec participia possunt per propter explicari.

V) Saepe Verbum proprie dictum, mutatur in participium et additur aliud Verbum: quod tamen non frustra adesse, sed aliquid maius exprimere debet, imprimisque eventum rei: v. c. pro urbs incensa est dicitur urbs incensa flagrat: at hoc indicat, urbem adhuc ardere: sic miles confossus gladio cecidit pro confossus est, it. ictus sagitta periit pro ictus est: at cecidit et periit proprie intelligendum. Sic pater aegrotans iacet pro aegrotat: at illud plus indicat: sic rana rupto iacuit corpore ap. Phaedr. pro rupta est: sic irretitum tenere, cet.

VI) Verbum finitum millies ap. priscos mutatur in infinitum, addito alio, at apto Verbo, v. c. puto, arbitror, iudico, scio, constat, certum est, notum est, adivinus f. adcepimus, dicunt, video, intelligo, mihi videtur, lactor, doleo, scito, recordor cet. v. c. pro nihil est pulchrius virtute dicitur: nihil esse pulchrius virtute scimus, omnes sciunt, constat cet. Sic patrem tuum
scio

scio esse doctum, pro pater tuus est doctus: in primis cum qui, v. c. amisi patrem, quum doctissimum fuisse omnes dicunt, fatentur cet. Sic Cicero millies, v. c. ad Div. VI, 4, §. 18. Ego, quae te velle, quaeque ad te — pertinere arbitrabor, omnia studiose — curabo pro Ego, quae tu voles et quae ad te — pertinebunt, omnia cet. Ib. IV, 14. extr. Tu velim, et quid agas et quid acturum te putes, facias me certiorum pro et quid acturus sis. Act. I. in Verr. 14. Quo me tandem animo fore putetis, si quid in hoc ipso iudicio intellexero — esse violatum cet. pro Quo animo ero, si quid — violatum erit. ad Div. II, 18, §. 4. nolo habere inimicos, quos video deinceps tribunos plebis — fore pro qui — tribuni plebis erunt. Sic scito millies in Epist. Ciceronis, it. certum est; in primis videri, v. c. Manil. 23. Quare etiam si quem habetis, qui — exercitus regios superare posse videatur pro possit. At not. addita ista verba propriam vim tenere debent.

VII) Saepe *Infinitivus* mutatur in *gerundium*, vel, si substantivum adest, in particip. fut. passivi et cum *esse* et *sine esse*: addito *puto*, s. *arbitror*, *existimo*, *credo*, *cenſeo*, *iudito*, *statuo*, *duco*, *videri*, it. *video*; v. c. *scribendum putavi pro scripsi: literas has ad te mittendas censui pro misi*: at ubique verborum additorum ratio proprie habenda: nec v. c. dici potest *moriendum putavit pro mortuus est*: hoc enim non pendet a voluntate hominis: proprie *scribendum putavi est putavi, scribendum mihi esse, habe geglaubt schreiben zu müssen*, ergo *scripsi*: est anteced. pro consequente. Millies ita Cicero; v. c. Manil. 1. *omne meum tempus amicorum negotiis transmittendum putavi*: ibid. *Atque illud in primis mihi laetandum iure esse video pro laetor*.

VIII) Adduntur et vocabula. notionem *causae*, *modi*, *temporis*, *loci* aliasque *determinationes* continentia: qua

qua re perspicuitas adiuvatur. Ea sunt in primis *adverbia*, it. *pro*, *propter*, cum suis casibus cet. v. c. *pro deus non desinit nos beneficiis adficere* dicitur *deus*, *pro sua benignitate, non desinit quotidie nos* cet. Sic *pro quis tam multas res a Caesare gestas narrare possit* dicitur *quis* — *gestas satis* s. *pro dignitate narrare possit*? sic *pro deus nos innumeris beneficiis cumulavit* dicitur *deus* *nos inde ab ineunte aetate innumeris* cet. Sic *pro Homerus Achillis res gestas cecinit* dicitur: — *praeclare cecinit*: sic Cicero millies, v. c. Rosc. A. 22. *ut, propter quos hanc suavissimam lucem adspexerit, eos indignissime luce privavit*: ubi *indignissime* additum est.

IX) Repetitur ob gravitatem *idem vocabulum*, v. c. *rogo te, ut frater fratri ignoscas*, *pro: ut mihi ignoscas*: sic *quomodo tu socius socium, amicus amicum decipere potuisti*? Hoc copiae genus videtur potius esse brevitas quaedam, quia causa simul inclusa latet. Sic et repetitur vocabulum relationis oppositae, v. c. *quomodo tu pater filium odisse potes*? sic *quomodo tu filius patrem* cet. Huc pertinet *multas multorum causas suscepit: omnibus omnium commodis prospicit deus*.

X) Vnum vocabulum circumscribitur per plura: fit hoc a) per *definitionem* latissime sumtam, b) per *partitionem*, μερισμόν. c) per *comparationem*. In his omnibus spectatur a) *perspicuitas*, quia pluribus verbis ideam licet magis declarare quam uno, b) *suavitas*, quia ita vel laus vel vituperatio recte includi potest. c) *gravitas*, quia argumentum sic includi recte potest. d) *periodica* et *numerosa* structura.

A) *Circumscriptio* unius vocabuli per definitionem vel descriptionem et explicationem quamcunque; v. c. *stultum est eum vituperare, cuius sapientiam ne satis quidem perspicimus h. e. deum: debemus eos amare, qui nobis*

nobiscum vinculo cognationis coniuncti sunt h. e. cognatos. Millies ita Cicero. Duplicem faciam descriptionem, breviorē et uberiorē.

1) *breviores descriptiones per qui: v. c. qui audiunt pro auditores: qui iudicant i. e. iudices: qui iudicia dat i. e. praetor: quod natum est, ap. Terent. i. e. infans: sic per quid, v. c. Cic. ad Div. V, 21. nisi ex me quaesieris, quid te velim facere pro nisi — quaesieris consilium meum: sic si quid est in me ingenii cet. Arch. in. h. e. omne meum ingenium cet.*

2) *paulo longiores descriptiones, v. c.*

Immeritum, per quod abest a culpa: Cic. ad Div. VI, 2. extr. fortuna, quae abest a culpa h. e. immerita.

Honestum per non alienum a dignitate; Ibid. IX, 14. §. 5. Prodesse: per ad commodum alicuius pertinere.

Plane haud nosse aliquem per nescire, utrum sit albus an niger: e proverbio: sic Cic. Phil. II, 16. Phaedr. III, 15.

Vlcisci dominum: sic Cicero egregie Mil. 10. extr. fecerunt id servi Milonis, — quod suos quisque servos in tali re facere voluisset pro servi Milonis uli sunt dominum suum: quibus in verbis latet simul caedes Clodii.

Parentes per quibus vitam debemus, qui nos genuerunt, per quos hanc lucem adspeximus cet.

Parricidam esse, s. patrem vel parentes occidere. Hanc notionem aliquoties Cicero circumscripsit pro Rosc. Am. maxime c. 22. Verba sunt: *portentum atque monstrum est certissimum, esse aliquem humana specie et figura, qui tantum immanitate bestias vicerit, ut, propter quos hanc suavissimam lucem adspexerit, eos indignissime luce privarit:* haec dicta sunt pro: *portentum — est certissimum, esse hominem, qui parentes suos occidere s. parricida esse possit.* Insunt plures circumscriptiones, 1) *esse aliquem humana specie et figura pro hominem:* sed illud gravius. 2) *propter quos hanc luc. adspexerit, eos pro parentes:* at illud gravius: 3) *lucē privarit pro occiderit:* at illud gravius et aptius ob praecedens *propter quos lucem adspexerit.* Alia circumscriptio *parricidae* est Ibid. c. 23. *Nemo enim putabat quemquam esse, qui, cum omnia divina atque humana iura scelere nefario polluisset, somnum statim*

statim capere potuisset pro Nemo — putabat, quemquam parricidam somnum cet. f. quemquam, qui patrem occidisset, cet. Ibid. 25. ut, qui eum necasset, unde ipse natus esset, careret iis rebus omnibus, ex quibus omnia nata esse dicuntur. Arguta Comparatio.

Sullani per qui vicerunt: sic caute Cicero Rosc. Am. 47. ut ii vincerent, qui vicerunt.

Vitia per quae in aliquo requirimus f. desideramus, was wir an Iemand vermissen: modeste dictum de eo, quem vituperamus. Sic Cicero de Catone Mur. 29. In Catone haec bona — ipsius scitote esse propria: quae nonnunquam requirimus, ea sunt omnia non a natura, sed a magistro.

Aetas puerilis per aetas, cui etiam in captis urbibus par- citur, Liv. V, 27: ubi Camillus ludi magistro, pueros in castra romana ducenti: Arma habemus, non adver- sus eam aetatem, cui etiam in captis urbibus parci- tur, sed cet.

Herus per qui centum habet oculos, ap. Phaedr. II, 8, 18.

Liberalis per qui libenter aliis beneficia tribuit: qui ea est natura, ut omnes felices reddere studeat cet.

Fortissime per ita, f. sic, seq. ut circumscribi potest: v. c. Cic. ad Div. V, 2, §. 20. sic cum eo disputavi, ut sentiret, sibi cum viro forti et constanti esse pugnandum.

Optime per ita, f. sic, seq. ut: v. c. Cic. Agr. II, 3. mihi autem — omnia potius perpetienda esse duco, quam non ita gerendum consulatum, ut in omnibus meis factis at- que consiliis vestrum de me factum consiliumque laudetur: pro quam non optime gerendum consulatum. Omnino idea magnitudinis, multitudinis, paucitatis cet. et in uni- versum superlativus libenter circumscribitur per ita, sic, tantum seq. ut, it. tantum quantum cet. v. c. Cic. ad Div. IX, 14, §. 10. tantum adcessit ad amorem, ut mira- rer locum fuisse augendi in eo, quod mihi iam pridem cumu- latum videbatur pro immensum quantum adcessit ad amo- rem: Ibid. §. 11. tantum adcessit (ad amorem), ut mihi nunc denique amare videar, antea dilexisse. Sic pro est doctissimus dici potest est tam doctus, ut nihil sit, quod non intelli- gat cet.

Omnes, Omnia, mutari potest in Nemo est, quin: Nihil est, quod non: v. c. pro: Omnes sciunt dicitur: Nemo est, quin sciat, qui nesciat cet. Sic: Nihil est omnino, quod deus efficere non possit pro deus potest omnia effi- cere:

tere: sic nihil est, quod ille nesciat; nihil est tam abditum, quod illum fugiat pro omnia scit: sic nullus dolor est, quem longinquitas temporis non minuat. Sic nullo modo mutatur in fieri non potest, ut cet. Haec circumscriptio saepe necessaria est, ubi lingua latina unam ideam uno vocabulo exprimere nequit; v. c. *unwiderstehlich*, *faßlich*, *vernehmlich*: v. c. loquebatur ita, ut ei non resisti posset pro irresistibiliter: sic *faßlich erklären*, *vernehmlich reden*, ita explicare, ut singula comprehendere possint; ita loqui, ut omnes intelligant cet.

Not. In his circumscriptionibus omnibus principatum tenent eae, in quibus argumentum latet: v. c. supra parricidae cet. Sic Cic. Man. i. dicturus: ego auctoritatem et eloquentiam meam in primis apud vos ostendere debeo, haec ita eloquitur: Si quid auctoritatis in me est, ea apud eos utar; qui eam mihi dederunt (h. e. apud vos); et si quid etiam dicendo consequi possum; iis (h. e. vobis) ostendam potissimum, qui ei quoque rei (eloquentiae) fructum suo iudicio (creando me consule) tribuendum esse censuerunt.

B) Circumscriptio unius vocabuli per partitionem; v. c. pro omni tempore mihi se consilio adfuturum promisit, dicitur: promisit, se mihi, sive mane sive vespere ad ipsum venissem, consilio cet. sic legit neque potam; neque oratorem, neque cet. pro legit nullum scriptorem: sic lugent eum filii, cognati, amici cet. pro lugent eum omnes. Prisci ita millies, v. c.

Officia circumscripsit Cic. ad Div. V, 5, §. 2. Omnia a me in te profecta sunt, quae ad tuum commodum; quae ad honorem; quae ad dignitatem pertinerent h. e. officia omnia.

Negotia publica. Cic. ad Div. IX, 20, §. 4. Nam omnem nostram de republica curam, cogitationem de dicenda in senatu sententia, commentationem causarum abieciimus.

Eloquentia circumscribitur per ingenium et industriam; Cic. Man. i. nihil nisi perfectum ingenio, elaboratum industria. Addere poterat doctrinam, quam addidit Arch. i. si quid est — ingenii — si quid exercitatio dicendi — si huiusce rei (h. e. dicendi) ratio aliqua ab-

optimarum artium studiis ac disciplina profecta (h. e. doctrina) *pro si eloquentia instructus sum.*

Nusquam circumscribitur Cic. Cat. II, 1. *non in campo, non in foro, non in curia, non denique intra domesticos parietes pertimescemus.*

Omnia hominis vel totus homo. Cic. Pis. 40. *omnes memoriam consulatus tui, mores, faciem denique ac nomen detestantur: pro te.*

Nemo. Caes. B. G. VII, 28. *non aetate confectis, non mulieribus, non infantibus pepercerunt.*

Nihil. Cic. Sext. 47. *quem nulla unquam vis, nullae minae, nulla invidia labefecit.*

C) Circumscriptio unius vocabuli per comparisonem, v. c.

Valde: v. c. pro *valde* s. *magnopere te amo* dicitur: *amo te ita, ut pater filium, vel filius patrem, frater fratrem non magis amare possit: vel tantopere, quantopere fas est hominem amare; vel iocose: quantopere vix avarus pecuniam, sponsus sponsam amare potest* cet.

Magnus: v. c. pro *meus erga te amor est magnus, maximus* cet. dici potest: *non minori te complector amore, quam pater filium, filius patrem complecti solet: Et sic centies variare licet: sic pro literarum studia magnam vel singularem utilitatem adferunt* dicitur v. c. *tantam, quantam vix ulla ex re percipi potest* cet.

Saepissime per *saepius quam; tam saepe*, s. *toties ut, toties quoties:* v. c. pro *rem saepissime vidi* dicitur: *tam saepe, ut non amplius eius videndae cupidus sim* cet.

Diutissime, it. *semper per tamdiu* seq. *quamdiu, vel ut, dum:* v. c. *didicit tamdiu, ut constaret, diutius didicisse neminem: laudabitur, dum memoria rerum romanarum manebit* i. e. *perpetuo vel diutissime.*

Permuli per *tot quot, tot ut, plures quam:* v. c. *Roma habuit tot viros fortes, quot fere nulla gens numerare potuit.*

Parum, non multum. Cic. ad Div. IV, 7, §. 15. *gratia tantum possumus, quantum victi.*

S E C T. III.

De copia dicendi in enuntiationibus.

Copia dicendi in enuntiationibus cernitur in eo, ut duae vel plures pro una ponantur, perspicuitatis et gravitatis adiuvandae causa. Efficitur hoc variis modis:

I) Vnum vocabulum, indicans vel *Genus* vel *Totum* aliquod; per *partitionem*; aliquot enuntiationibus constantem, circumscribitur; v. c.

Mali s. *improbi* circumscribuntur Cic. Sext. 46. *Etenim in tanto civium numero magna multitudo est eorum, qui aut, propter metum poenae, — novos motus — reipublicae quaerant, aut qui propter insitum — animi furorem discordiis civium ac seditione pascantur, aut qui propter cet. pro malorum.*

Omnes. Cic. Mil. 5. *liget senatus; moeret equester ordo, tota civitas confecta senio est, squalent municipia, affliguntur coloniae, agri denique ipsi tam beneficium — civem desiderant: pro Omnes lugent Clodium.*

Nihil: v. c. Cic. Arch. 6. *qui ita vivo, ut ab nullius unquam me tempore aut commodum aut otium meum abstraxerit, aut voluptas avocarit, aut denique somnus retardarit.*

Omni tempore s. *semper* et *omni loco* s. *ubique*: v. c. Cic. Arch. 7. *Haec studia adolescentiam alunt (Edd. agunt), senectutem oblectant, secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur; rusticantur pro omni tempore et loco profunt.*

II) *Enuntiatio* dilatatur per *ita*, adeo, tantum cet. seq. ut: idque vel causa praeposenda vel effectu postponendo:

1) *praeposita causa*: atque ita fit nova enuntiatio; v. c. pro hic hominum felicitati libenter consulit dicitur: hic eo est animo, s. ea benignitate, ut hominum felic. lib. consulat. Pro hic dies noctesque literis dat operam dicitur: hic tanto literarum studio flagrat, ut dies cet. Pro deus omnia efficere potest, dicitur: deus est tam potens, ut cet. Sic: nemo est tam stultus, tam rerum ignarus; ut hoc non intelligat pro Omnes hoc intelligunt. Sic fuit ea crudelitate; ut innumeros trucidaret pro trucidavit innumeros: Sic hic homo tam

*amans est veritatis, ut eius verbis facile credi possit pro huius verbis facile credi potest. Et sic innumera-
bilia, sicque centies Cicero.*

- 2) postponitur enuntiationi *effectus*, atque ita nova fit enuntiation; v. c. pro *deus est valde benignus* dicitur: *deus est tam benignus, ut omnibus adesse soleat, s. ut omnium felicitati prospiciat* cet. Pro *deus est valde potens* dicitur: *est tam potens, ut omnia, quae velit, efficere possit* cet. Sic pro hic magno literarum studio flagrat dicitur: *tanto literarum studio flagrat, ut iis noctes diesque det operam*: pro *amo te valde* dici potest: *ita te amo, ut in omnibus rebus meam operam expectare possis*: et sic innumera et modis innumerabilibus variare licet.

III) *Enuntiation* per *comparationem* dilatatur ope particularum ita s. *tantum ut, tantum quantum* cet. vel gradus comparativi, v. c. pro *amo te valde* dicitur: *amo te ita, ut pauci sint, quos simili amore complectar, s. ut vix pater filium* cet. *similiter amare queat*. Pro *Cicero fuit summus orator* dicitur: *fuit tantus orator, quanti omnitempore pauci reperiuntur* cet. Pro *tua domus est valde parva* dicitur: *est tam parva, ut casae agricularum maiores esse videantur*. Et sic innumera.

IV) Egregius modus augendi enuntiationes est, quando in enumeratione rerum aut personarum per unum *Verbum* proprie dictum connexarum, his singulis singula verba adduntur, atque ita, quot vocabula erant, totidem enuntiationes fiunt; v. c. pro *amant te cives et peregrini* dicitur: *amant te cives, diligunt peregrini*: Pro *deus nos vita, sanitate, pace aliisque bonis donavit* dicitur: *deus nos vita donavit, sanitate beavit, pace ornavit, aliisque bonis frui iussit*. Sic Cic. Arch. 7. pro *Haec studia profunt in adolescentia, in senectute, in secundis et adversis rebus, domi, foris, noctu, peregre, rure* maluit dicere: *Haec studia adolescentiam alunt (Edd. agunt), senectutem oblectant, secundas res ornant, adversis perfugium ac solatium praebent,*

bent, delectant domi, non impediunt foris, pernoctant nobiscum, peregrinantur, rusticantur. Ibid. 8. dicere volebat: *Homerum suum civem dicunt esse Colophonii, Chii, Salaminii, Smyrnaei:* at copiosius dixit: *Homerum Colophonii civem esse dicunt suum, Chii suum vindicant, Salaminii repetunt, Smyrnaei vero suum esse confirmant:* add. ibid. 6. *qui ita vivo, ut cet. Rosc. A. 22. magna est vis humanitatis cet. it. Virg. Aen. VI, 803. Fixerit cet.*

V) Pro una enuntiatione, quae per se sufficiebat, coniunguntur duae, quarum una rem negative altera positive exprimit: sic gravitas rei adiuvatur; v. c. pro *semper memor ero beneficiorum tuorum* dicitur: *nunquam tua beneficia obliviscar, semper animo meo infixam haerebit eorum memoria, vel: tantum abest, ut beneficia tua oblivisci possim, ut potius cet. Cic. Cat. II, 4. Non est iam lenitati locus, severitatem res ipsa postulat.* add. Cic. Mil. 1. *Et si vereor cet. ib. 26 satis declarat, se non cet. Cic. Arch. 7. Quod si non hic cet.*

VI) Pro una enuntiatione coniunguntur duae (it. plures) eandem rem designantes, sed posterior debet esse gravior vel dilucidior priori, atque ita hanc magis confirmare vel explicare et illustrare. Saepe ita Cicero, v. c. Rosc. A. 24. *sua quemque fraus et suus terror maxime vexat: suum quemque scelus agitat amentiaque adficit: suae malae cogitationes conscientiaeque animi terrent.* Cic. Div. in Caecil. 14. *Nunquam ille me opprimit consilio, nunquam ullo artificio pervertet, nunquam ingenio me labefactare atque infirmare conabitur.* Cic. Mil. 1. *Non enim corona confessus vestier cinctus est, ut solebat; non usitata frequentia stipati sumus:* haec duo non valde differunt.

VII) Saepe enuntiationi praeponitur alia enuntiatione illius modum quendam indicans, licet per se intelligi atque abesse possit. Tales praeponendae enuntia-

tiones sunt: non fieri potest, accidit, factum est, fit, effectum est, faciendum putavi, contingit, evenit, datum est cet. v. c. pro deus non mentitur dicitur: non fieri potest, ut deus mentiatur: sic datum tibi est hoc, ut posses efficere pro tu potuisti efficere: Accidit, ut moreretur pro mortuus est: factum est, ut consul crearetur pro creatus est consul. Not. *accidere*, *contingere* semper casum indicare, sic et *factum est*, *evenit*. Millies ita prisci: vid. exempla in lib. mai. Possunt et alia praeponi, v. c. *ita vivo*, ut cet. Cic. Arch. 6. In primis hoc s. id agere: i. e. *spectare*; v. c. *semper id egi*, ut multa dicerem pro *semper studui multa discere*. Sic et saepe prisci.

VIII) Enuntiationi saepe additur alia enuntiation illius *explicationem* et *illustrationem* continens; v. c. Cic. Man. 11. provocans ad testes virtutis Pompeianae *Italiam, Siciliam, Africam, Galliam* cet poterat dicere: *testis est Italia, Sicilia* cet. vel *testis est Italia, testis est Sicilia* cet. at dixit: *testis est Italia, quam ille ipse victor L. Sulla huius virtute — confessus est liberatam: testis est Sicilia, quam multis — cinctam periculis — explicavit: testis est Gallia, per quam* cet. Marc. 3. At vero cum aliquid clementer, mansuete, iuste, moderate, sapienter factum in iracundia praesertim, quae est inimica consilio, et in victoria, quae natura insolens et superba est, aut audimus aut legimus, quo studio incendimur cet. Additamenta: quae est inimica consilio et quae natura insolens — est, sunt explicationes iracundiae et victoriae, poterantque per se abesse.

IX) Additur enuntiation *comparationem* continens, a) vel *simplicem*; v. c. pro Sempronius valde errabat, cum putabat se ab omnibus laudatum iri, dicere liceat: *Sempronio idem fere accidit, quod Ciceroni e Sicilia redeunti, ut, cum credidisset, se ab omnibus laudatum*
iri,

iri, valde ipsum opinio falleret. Possunt haec quoque latius efferri: b) vel eam, quae serviat argumentationi a minori ad maius vel contra; — legatur hic Cic. Manil. 5. ubi docet, maiores de minori re saepe bella gessisse, ergo debere Romanos eo magis nunc bellum gerere cum Mithridate: dicit: *maiores vestri saepius* cet. add. Ligar. 4. *Quorum igitur impunitas, Caesar, tuae clementiae laus est, eorum ipsorum ad crudelitatem te acuet oratio?*

X) Augentur enuntiationes etiam *exemplorum* et *testimoniorum* commemoratione. Sic Cic. Mil. 4. ad evincendum, vim illatam vi posse repelli, laudat hoc exemplum: *Pudicitiam cum eriperet militi tribunus militaris in exercitu C. Marii, propinquus eius imperatoris, interfectus ab eo est, cui vim adferebat.*

XI) Additur in primis enuntiatio *causam* vel *consilium* (Absicht) continens per particulas *nam, enim, quia, cum, ut, ne* cet. v. c. pro *quis deum non amet?* dicere licet: *quis deum, qui tam beneficus est, non amet?* Regnat in hoc genere copiae in primis Cicero: v. c. Rosc. A. 25. laudans maiores, quod in parricidas poenam constituerint atque ita sapientius quam Solon, qui id omiserat, egerint, ait: *quanto maiores nostri sapientius? qui cum intelligerent, nihil esse tam sanctum, quod non aliquando violaret audacia, supplicium in parricidas singulare excogitaverunt: ut, quos natura ipsa retinere in officio non potuisset, ii magnitudine poenae maleficio summoventur.* Poterat breviter dicere: *quanto maiores nostri sapientius! qui supplicium in parricidas singulare excogitaverunt.* At addit a) causam: *qui cum intell.* cet. b) aliam causam s. consilium: *ut, quos natura* cet. Ibid. 26. tractans supplicii genus, quo parricidae adiciebantur, non contentus est dixisse: *noluerunt feris corpus obicere, noluerunt*

nudos in flumen deiicere: sed dicit: noluerunt feris corpus obicere, ne bestiis quoque, quae tantum scelus adtigissent, inmanioribus uteremur: non sic nudos in flumen deiicere, ne, cum delati essent in mare, ipsum polluerent. Mil. 4. Pudicitiam cum exiperet militi tribunus militaris in exercitu C. Marii, — interfectus ab eo est, cui vim adferebat. Hic desinere poterat: sed addit: facere enim probus adolescens periculose quam perpeti turpiter maluit. Et sic milles.

XII) Saepe etiam effectus aliquis vel aliquid, quod e praecedentibus consequi solet vel colligi potest aut posse videtur, licet per se intelligi possit, ad perspicuitatem vel gravitatem magis adiuvandam additur per particulas hinc, quare, igitur cet. in primisque per ut pro ut s. itaque: sic nova fit enuntiatio, interdum plures. Saepe ita Cicero, v. c. Agr. II, 2. reperietis — me esse unum ex omnibus novis hominibus, — qui consulatum petierim, cum primum licitum sit, consul factus sim, cum primum petierim: hic desinere poterat: sed addit: ut vester honos — non ad alienae petitionis occasionem interceptus, nec diuturnis precibus efflagitatus, sed dignitate impetratus esse videatur. Cic. Marc. 6. Cicero laudans Caesaris clementiam in victos Pompeianos ait: quos amisimus cives, eos Martis vis perculit, non ira victoriae: hic desinere poterat: sed addit: ut dubitare debeat nemo, quin multos, si fieri possit, C. Caesar ab inferis excitaret, quoniam ex acie conservat, quos potest.

XIII) Additur et interdum contrarium, sicque fit nova enuntiatio: v. c. labor umbra firmat, cum contra desidia frangat. Cic. Deiot. 14. Dabis profecto misericordiae, quod iracundiae negasti pro: dabis profecto hoc misericordiae.

XIV) Addi saepe potest ac debet enuntiatio conditionem continens, per particulas si, nisi, siquidem, quatenus,

tenus, it, qui; v. c. pro deus hominibus peccata libenter remittit, dicitur: deus hominibus peccata, si eorum ipsos vere poenitet, libenter remittit. Sic rectius dicas: quaecunque a me postulaveris, ea, si potero, tibi dabo, quam si omiseris si potero. Sic Cicero millies. Sic rectius dicas: rogasti me, ut, si quid consilii scirem, tibi darem, quam ut tibi consilium darem.

XV) Addatur saepe oportet enuntiatio, *tempus vel locum designans; v. c. pro quomodo potes Caium pro inimico habere, qui te tot beneficiis ornaverit* dici possit: *quom. pot. Cai. pro inimico habere, qui, quocunque tempore potuerit, te benef. ornaverit: Sic pro Cicero videns, quae in Sicilia egisset, non omnibus nota esse cet. dicere queam: Cicero, cum e Sicilia reversus vidisset, quae illic egisset, cet.*

XVI) Additur et enuntiatio concessiva per *etsi, etiam si, it. si cet. licet per se intelligi possit; v. c. Cic. Arch. 8. ut Roscii morte non commoveretur? qui cum (i. e. licet) esset senex mortuus, tamen propter excellentem artem — videbatur omnino mori non debuisse: verba: cum — mortuus, tamen abesse poterant. Manil. 5. quod eiusmodi in provinciam homines cum imperio mittimus, ut, etiamsi ab hoste defendant, tamen ipsorum adventus in urbes sociorum non multum ab hostili expugnatione differant. Verba: etiamsi — defendant, tamen abesse poterant.*

XVII) *Res, per quam aliquid efficitur, das Mittel, saepe addi debet: sic nova fit enuntiatio: v. c. pro frater tuus magna sua modestia multos sibi amicos conciliabit dicitur frater tuus, cum magna sit modestia, multos cet. sic pro bellum officit literarum studiis dici potest: bellum, cum otium turbet, officit cet.*

SECT. IV.

De pleonasmō s. redundantia.

Redundantia vocabulorum s. *pleonasmus* est duplex: *rheterica*, per motionem animi significans, v. c. *his oculis vidi*: quae huc non pertinet: et *grammatica*, h. e. ubi vocabulum salvo sensu abesse poterat, nec contextui pondus addit. Sed cum interdum credatur vocabulum redundare, quod non redundet, duplicem faciam redundantiam 1) *veram* 2) *fictam*.

1) *Redundantia vera*: hic not. quae saepius occurrit, eam imitari licet, quae raro, ea abstinendum est:

- 1) *Ita, sic, hoc, id. illud* saepe ap. priscos redundat, seq. accusativo cum infinitivo: v. c. *ita*: Cic. ad Div. XIII, 10, §. 10. *sed cum ita sibi persuassisset ipse, meas — litteras — pondus habituras* cet. sic de *sic, hoc, id, illud* v. exempla in lib. mai. Recte ergo dicimus: *promisit mihi ita, sic, hoc, id, illud, se omnia facturum* cet. *It. ante ut*, v. c. *hoc a me petiit, ut mox redirem*.
- 2) *quoad eius fieri potest, quoad eius facere possum* cet. v. c. Cic. ad Div. III, 2, §. 4. ubi *quoad eius* h. e. *hac in re* redundat; nisi forte in hac forma pro *quoad* legendum quod i. e. *quantum*, ut monui in *der latein. Sprachlehre*.
- 3) *Ut ne* saepe occurrit pro *ne, ut non*.
- 4) *Nisi si* pro *nisi* saepe occurrit; at tantum in sententia media, quando explicari potest per *praeterquam, si außer wenn; es müßte denn*: v. c. Cic. Or. II, 58. extr. *miseros illudi nolunt, nisi si se iactant*. Ergo non ubique ponere licet.
- 5) *Interea temporis* occurrit pro *interea*: sic saepe numero pro saepe, ut nostrum *oftmals* pro *oft*. Hic est redundantia. At ubi *locorum? quo locorum? minime gentium* gravius dicta sunt quam *ubi? quo? minime*. Ergo hic *locorum* et *gentium* non prorsus redundat.
- 6) *Mihi, tibi, nobis* cet. interdum redundat, sed tantum in familiari sermone, v. c. epistolis cet. et cum relatione ad personam, quae in dativo est: v. c. *tum demum ille mihi venit, da kam er mir erst*. Exemplam dedimus in *der Sprachlehre* p. 486.

- 7) *Imo vero* pro *imo* saepe occurrit, ubi *imo* sufficebat: videtur tamen *tò vero* paulum augere. Nempe *vero* i. q. *vere*.
- 8) *Id quod* saepe pro *quod*, quando non ad unum certum substantivum, sed ad totam sententiam praecedentem refertur; v. c. *tū amas deum; id quod laudandum est*; ubi tamen *quod* aequè rectum est.
- 9) *Item* in oppositionibus saepe usurpatur, ubi nostra lingua tacet, v. c. *ich liebe den Caius, nicht dich, amo Caium, non item te*, vel usurpat *aber* aut *und*, v. c. *Ich liebe den Caius, nicht aber dich, s. und nicht dich*.
- 10) *Ille quidem* saepe ita occurrit, ut *ille* redundet, v. c. *liber, quem mihi misisti, est ille quidem bonus, sed carus*. Sic saepe Cicero, a) sequente *sed*, v. c. ad Div. XII, 9, §. 2. b) sequente *tamen*, v. c. Amic. 19. *Novitates — non sunt illae quidem repudiandae, vetustas tamen* cet. c) seq. *vero*: ad Div. XII, 30, §. 8.
- 11) *Magis* et *potius* post comparativos, et post *malle*, *praeoptare*, *praestat* interdum occurrit, ubi manifesto redundat; v. c. Cic. Or. II, 74. *cum ei fuerit optabilius oblivisci posse potius — quam meminisse*. Ligar. 2. *An ille — Uticae potius quam Romae — esse — maluisset?* ac saepius. Sic et Graeci: sed hoc non imitandum est.
- 12) *Est, erat, futurum est* cet. sequente *ut* cum coniunctivo saepe redundat, v. c. Cic. Or. 59. *est, ut id maxime deceat* i. e. *id maxime decet*. Cic. Or. II, 36. *est, ut philosophi tradant* pro *philosophi tradunt*. Terent. Hec. IV, 1, 43. *si est, ut dicat* pro *si dicit*: ac saepius.
- 13) Plures sunt redundantiae, v. c. *sed autem, etiam quoque, itaque ergo, tum deinde, tandem denique, deinde postea*, (ut nostri: *hernach dann*) cet. v. Vech. Hellen. p. 155. et Hor. Turf. Sed hoc non imitandum est. Not. Nec tamen huc pertinet *At vero* pro *at*: hic *vero* est i. q. *vere*.

II) De *redundantia ficta* h. e. cum imperitis vocabulum redundare videtur, quod non redundat; v. c.

- 1) *Quodsi* saepissime ab initio sententiae totius, postquam aliquid, quocum illa cohaeret, praecessit, occurrit pro *si*; sic *quod nisi* pro *nisi*, et interdum *quod ubi* pro *ubi*, *quod utinam* pro *utinam*. Hic *quod* non redundat, sed servit connexioni duarum sententiarum. Sed quid significet, latet: plerumque tamen per *igitur* explicari et vernacule *nun* s. *also* verti potest. Videtur

detur esse accusativus, intellecta aliqua praepositione, ut *quod* pro *quo* h. e. *qua re* vel etiam *qua in re* positum videatur.

- 2) *Doctissimus quisque, optimi quique, optima quaeque* cet. non ponuntur pro *doctissimus, optimi* cet. nec *tò quisque* redundat: sed efficit enuntiationem universalem: *optimus quisque* est *quisque optimus* i. e. *omnes optimi* cet.
- 3) *Scribendum putavi* pro *scripsi*: at illud est gravius et indicat, me *consilio* scripsisse.
- 4) *Fac eas, fac scribas* pro *i, scribe*: at *tò fac* auget: est excitantis, hortantis et rogantis, ut nostris: *mach und gehe, mache daß du schreibest*: hinc tantum in sermone familiari locum habet.
- 5) *Vero* in principio epistolarum Ciceronis interdum occurrit, ubi per *aber* verti nequit; v. c. ad Div. VI, 6. *Ego vero* cet. VII, 30. IX, 5. cet. It. occurrit in media sententia, v. c. Cic. ad Q. Fr. II, 9. *Quod me admones — in illo libro; ego vero memini* cet. Dicunt nonnulli *tò vero* servire responsioni. Recte: at quid significat? Videtur *vero*, ut *certo*, esse ablativus a *verum*, et plane esse i. q. *vere, wirklich, in Wahrheit*, interdum *recte*, cet. sicque ubique, puto, verti poterit: v. c. Cic. Divin. I, 46. Caecilia virgini requiescere cupienti dixit: *Vero, mea puella, tibi concedo meas sedes* h. e. *Recte*: sic et Mur. 31. med. Leg. I, 24. extr.
- 6) *Non is ego sum, qui negem*, pro *non nego*, ac similia; at illud est gravius.
- 7) *Isque s. et is, idemque* non adiicitur per redundantiam, sed explicat adcuratius et auget, v. c. *habeo multos libros, et eos pulchros*, est nostrum *und zwar*.
- 8) *Si quis* saepe pro *qui* ponitur et poni potest, sed tantum, si de re tanquam incerta loquimur: v. c. *libros, si quos habes, mihi mitte* pro *libros, quos* cet. sic rogo, ut, *si quid negotii habes, id mihi committas* pro *ut negotium, quod habes*. At stultum est dicere: *deus, si quas res creavit, eas conservat* pro *deus res, quas* cet. Saepe Cicero *si quis* pro *qui* ponit, v. c. Verr. I, 4. in. *si populus romanus — non sic statuerit, non istum maius in sese scelus concepisse, — quam eos, si qui estum — sententia sua liberarint* h. e. *absolverint*. Per eos.

eos, si qui istum — liberarint intelligit iudices: debebat dicere quam eos, qui istum cet. at dubitanter loqui maluit.

- 9) *Quid est quod pro cur? quid?* saepe ponitur; at ob gravitatem: gravius est v. c. *quid est, quod fleamus? warum sollten wir wohl weinen? quam quid flemus?*
- 10) *Amabo, quaeso, obsecro et malum* non frustra adduntur, sed *amabo* est nostrum: *ich bin dir auch gut, will dir auch recht gut seyn*, est ergo blandientis et valde rogantis: est ergo i. q. *rogo*, it. *höre einmal*. *Quaeso* et *obsecro* sunt i. q. *rogo*: deinde respondet nostro: *höre einmal* cet. et *malum* est indignantis, *der Henker! der Geyer!* v. c. *quae; malum, haec impudentia est?* proprie est: o *Unglück!*

CAP. X.

DE BREVITATE DICENDI.

Brevitas dicendi est virtus orationis s. styli; paucioribus vocabulis et enuntiationibus, salvo tamen sensu, imo interdum cum maiori suavitate et gravitate exprimens ea, quae pluribus enuntiari poterant et vulgo enuntiantur. Sunt interdum notiones tam vulgares, ut, quo brevius et celerius exprimas, eo melius loquare. In gravibus rebus etiam saepe breviter dicendum est, ut celerius sentiantur et ut lector auditorve opprimatur. Hic de brevitate in universum dicemus: ea pertinet vel ad verba singula vel ad enuntiationes.

SECT. I.

De brevitate dicendi in verbis singulis.

Hic notanda haec:

- I) *Vno vocabulo* saepe possunt duo, interdum plura comprehendi:

A) In

A) In Particulis :

- 1) *Nisi* pro *si non*: sic millies prisci.
- 2) *Nec* s. *neque* pro *et non*, *etiam non*: sic saepissime dicendum: v. c. *miror nec credo* i. e. *et non*: *nec tu vidisti* pro *etiam tu non vidisti*. Sic *necdum* pro *et nondum*, *etiam nondum*.
- 3) *Quin* saepissime a) pro *ut non*, v. c. *non fieri potest*, *quin* h. e. *ut non*, quod aeque rectum: b) pro *quod non* s. *tanquam non*, seq. coniunct. v. c. *suadeo tibi hoc, non, quin sciam* cet. i. e. *quod* s. *tanquam non sciam*, quod aeque rectum: *nicht, als wenn ich nicht wüßte*: it. pro *quod non* h. e. *cur non*, post *nihil causae est*; v. c. Cic. Quint. 9. *Cum — nihil causae esset, quin* cet. c) pro *qui non*, seq. coniunct. in his formis: *nemo est, quin sciat*; *quis est, quin credat?* cet. d) pro *cur non* seq. indicativo, in excitando, ubi plerumque verti potest: *ih so* v. c. *lauf, laßt uns laufen* cet. v. c. Liv. I, 47. *Quin adtingeris?* Cic. Att. IV, 17. *Quin tu hac advolas* cet.
- 4) *Libentissime* pro *cum summa voluptate*: sic *libentius*, *iucundius* pro *cum volupt.* *maiori*: sic *studiosissime* pro *summo studio*. Et sic plura adverbia.
- 5) *Hic* saepe a) pro *hac in re*: v. c. *hic peccavit*: sic *hinc*, pro *ex hac re*, v. c. *hinc sequitur*: b) pro *hac in urbe*, hoc *in loco*: sic *huc* pro *hunc in locum* vel *urbem*: *hinc* pro *ex nostro loco* vel *urbe*: sic *istic* pro *in isto loco*; *istuc*, *istinc*; *illic*, *illuc*, *illinc*: de quibus supra.
- 6) *Adverbia loci* saepe de personis ac rebus dicuntur; v. c. a) *unde* pro *a quo*, *a qua*, *a quibus*, vel *e quo* cet. v. c. *homo, unde didici*; *homines, unde adcepi*: *domus, unde veni*: sic *unde* petitur vocabatur reus in causa privata; sic *unde* pro *qua ex re*, sic et *inde* pro *hac ex re*, v. c. *unde, inde patet*. b) *ubi* pro *apud quem*, quos cet. v. c. *homo, ubi fuisti*: it. pro *in quo*, *qua* cet. v. c. *urbs, ubi natus sum*: c) *quo* pro *ad quem*, quos cet. v. c. Cic. Verr. V, 65. *ubi neque noti esse iis, quo venerunt — possunt*. d) *alio* pro *in alium locum*, vel *ad alium hominem*, *ad alios*: v. c. Cic. ad Div. I, 4. *qui a te causam regiam alio transferebant*: sic *aliunde* v. c. *pendere* h. e. *ab aliis rebus*: *aliunde stare* pro *ab alio* s. *alius partibus*. e) *alibi* pro *alio in loco*, *alia in re*: f) *alicunde* pro *ab aliquo loco*: it. *ab aliquo homine*, *ab aliquibus hominibus*.

7) Ita et sic saepe a) pro hoc exitu, effectu: v. c. Cic. Man. 3. ita cum illo rege contenderunt imperatores, ut — non victoriam reportarent. b) pro hac conditione, seq. si vel ut: Cic. ad Div. XV, 20. §. 2. c) pro haecenus s. hac restrictione, ut vulgo loquuntur; v. c. Cic. ad Div. XIII, 56, §. 2.

8) Ac sic plures particulae usurpari possunt; v. c. saepe pro multis temporibus: semper pro omni tempore: simul pro eodem tempore; una pro eodem loco cet.

B) In Verbis proprie dictis; v. c. contemno pro non timeo: careo pro non habeo: negligo pro non curo: nego pro dico non: admonero te pro facio, ut recorderis cet.

C) Participia saepe pro praepositione cum casu, v. c. rediens dicebat pro in reditu: moriens dicebat pro paulo ante mortem, tempore mortis, in morte; perditis rebus pro post iacturam rerum cet. sic et nomina, v. c. senex didicit pro in senectute; sic puer, adolescens, consul, vivus cet. pro in pueritia cet.

D) In Substantivis:

1) Ablativus a) pro per cum suo casu, v. c. virtute pro per virtutem, quod aequè rectum: b) post comparativum pro quam, v. c. doctior patre pro quam pater, quod aequè rectum.

2) Substantivum, praepositioni ob s. propter iunctum, saepe, hac praepositione abiecta, transit in eum casum, quem Verbum proprie dictum regebat, ac tunc alterum substantivum, vel pronomen, quod hoc casu erat, abit in genitivum; v. c. pro invidere alicui ob divitias dicitur invidere alicuius divitiis: sic agnoscere alicuius pueritiae pro alicui ob pueritiam: sic millies Cicero; v. c. ad Div. IX, 14, §. 14. gratularer felicitati tuae pro tibi ob felicit.

3) Substantivum cum ob, s. propter, it. per coniunctum abiectis his praepositionibus abit in nominativum, ac personam subiecti induit: quae res prosopopoeiae suavi locum dat; v. c. a) propter, ob; pro mihi ob pudorem meum aditus ad te interclusus fuit, dicitur mihi pudor

pudor meus aditum ad te interclusit. Millies ita Cic. v. c. ad Div. IV, 13, §. 18. b) *per:* v. c. pro *per doctrinam tuam clarus es factus* dicitur: *doctrina tua te clarum reddidit:* sic *modestia homini laudem parit* pro *per modestiam homo sibi laudem parit.* Millies ita Cicero.

E) In Pronominibus:

- 1) *quicumque* f. *quisquis* pro *omnis qui: quodcunque, quidquid, quaecunque* pro *omne quod, omnia quae;* v. c. pro *omnes eos amo, quos tu amas,* dicitur: *quoscunque tu amas, eos amo:* sic *quaecunque dices, ea mihi placebunt,* f. *quidquid dices, id cet.* pro *omnia, quae dices, mihi placebunt.*
- 2) *hic et iste:* *Hic* a) pro *qui hic est, qui hic sedet:* sic saepe Cicero in Orationibus: b) pro *qui nunc* f. *nostra aetate vivit:* sic Cic. Off. III, 16. *huius nostri Catonis pater.* *Iste* in epist. Cic. saepe pro *qui istuc est* h. e. *in ea regione, ubi degit is, ad quem scribitur;* v. c. ad Div. IX, 17. in. *de istis municipiis* cet.
- 3) *qui, quae, quod,* saepe ponitur a) pro *ut ego, ut tu, ut is* cet. v. c. *dignus sumi, qui amer, quem ames, cui faveas, cuius felicitati prospicias* cet. pro *ut ego, ut me, ut mihi, ut meae* cet. sic *dignus es, qui ameris, quem amem, cui faveam, cuius libros legam:* pro *ut tu, ut te* cet. Sic *digni sumus, qui amemur, quos ametis, quibus faveatis, quorum felicitati prospiciatis* cet. sic *digni estis, qui amemini, quos amemus* cet. Sic semper dicendum; nisi iam qui praeceffit: tum *ut* fervandum; v. c. *multos vidi, qui digni erant, ut amarentur,* f. *qui ut amarentur, digni erant.* Sic *misit homines, qui illum adducerent* pro *ut si* cet. sic *misit mihi librum, quem legerem* pro *ut eum legerem:* sic dici potest *nemini concedo, qui te magis amet* pro *ut te* cet.: *nemo est tam afflictus, qui non possit* cet. pro *ut non* cet. sed hic *ut* aequae rectum. In primis not. *qui* pro *ut is,* praecedente *is* i. e. *talis;* v. c. *tu es ea doctrina, qua si ego essem, felicem me praedicarem* pro *tu es tali doctrina, ut, si ego tali essem, felicem me* cet. sic saepe Cicero. Eodem modo quantus, qualis cet. usurpatur: v. c. Cic. ad Div. IX, 14, §. 6. *gratulor tibi, cum tantum vales apud Dolabelam; quantum si ego — valerem, iam salvi esse posse-*
mas

mus pro cum tantum vales ap. Dolabellam, ut, si ego tantum val. cet. sic: tu es talis, qualis si ego essem, felix mihi viderer. b) pro cum ego, cum tu, cum is per omnes casus: v. c. Pater, qui id nesciret, mirabatur, pro cum is id cet. Ego, qui id crederem, eo iui: Quis Ciceronem non legat, cuius libri tam praeclari sint? Quis virtutem oderit, qua nihil pulchrius esse constet? Nolite nobis aegre facere, quorum miseriam iam maximam esse sciatis pro cum nostram miseriam cet. millies ita Cicero, Livius, Caesar. c) pro et is, et ego, et tu cet. pro is vero, ego vero, tu vero, it. nam ego, tu, is cet. in principio totius sententiae, praecedente alia, ad quam rō qui referatur: v. c. Pater mortuus est. Quem cum cet. Sic Diu te quaesivi. Quem si inuenissem cet. saepe ita Cicero: cf. supra C. VII. S. III.

II) Saepe omittitur vocabulum, quia facile h. e. ob usum dicendi et contextus rationem intelligitur. Hic defectus vulgo ellipsis adpellatur. Exempla pauca laudabo, et nonnisi ea, quae imitari licet. Omittuntur ergo

A) Nomina:

- 1) Homo, homines; v. c. omnes dicunt: sic aiunt, ferunt; man sagt; sic sunt, reperiuntur, qui dicant; fuerunt, qui dicerent: ubi homines vel aliqui deest; sic est, qui tecum loqui velit; int. homo vel aliquis. Saepissime ita prisci.
- 2) Aedes s. templum; v. c. ad D. Nicolai; sic prisci; v. c. ad Castoris int. aedem, Cic. Quint. 4.
- 3) Locus; v. c. non habeo, quo confugiam. Sic dicendum.
- 4) Tempus, v. c. erat, cum ita cogitabam. Sic dicendum.
- 5) Negotium vel aliquid; v. c. non habeo, quod agam, ich habe nichts zu thun; sic non habeo, quod edam, bibam cet. sic est, quod narrem, ich habe etwas zu erzählen: sic est, quod fleas, rideas cet. pro habes causam flendi cet. sic non est quod fleas cet. sic semper dicendum. Pertinet huc patris est, meum est alere liberos, ubi intell. vel negotium vel officium: sic huius re est equorum int. negotium.

- 6) *Verba*; v. c. *ut paucis dicam: quid multa?*
 7) *Pars* omittitur, vel potius, quia nullus genitivus sequitur, tacite includitur in nonnullis adiectivis, v. c. *extremus, medius, primus, ultimus, intimus, summus*; v. c. *in extrema urbe* pro *in parte extrema urbis*; sic *extremo capite, libro*: sic *in medio mari, libro*; sic saepissime prisci: sic *in prima, ultima, intima provincia* i. e. *in provinciae parte prima* cet. sic *in summo monte* cet.
 8) *Manus*; v. c. *dextra* scil. *manus*, Cic. Div. I, 28: sic *sinistra* vel *laeva* scil. *manus*.

B) *Pronomina* interdum omittuntur; v. c.

- 1) *Ego, tu, nos, vos* (nominat.) semper omitti possunt ante Verbum; v. c. *amo te*: at addi debent, ubi gravitas et oppositio postulat: v. c. *tu negas, ego aio*.
 2) *Is* saepe omittitur, si intelligi potest; v. c. *dux victus est: fugientem occiderunt hostes* pro *fugientem eum*: sic *pater rogabat me, nec roganti resistere poteram*, int. *ei*. In primis *is* omittitur, si qui in eodem casu ad illud refertur, v. c. *laudatur, qui ita agit: errant, qui putant: laudo, quem laudas* cet.
 3) *Meus, tuus, suus, noster, vester* omitti debent, quotiescunque intelligi possunt; v. c. *cum patre profectus sum, mit meinem Vater*: sic *locutus es cum sorore* omisso *tua*, si non de alius sorore intelligi potest. Sic Cicero in *Oratore* dixit, non *suo*.

C) *Verba* proprie dicta omittuntur; v. c.

- 1) *scito* s. *confirmo tibi*, vel simile quid, saepissime in membro consequente, praecedente vel *si* vel *quod* h. e. *quod adinet ad id, quod*; it. *ne* cet. v. c. *quod librum tibi mitti cupis, ipse eum nondum legi pro scito, me ipsum nondum eum legisse: si, ubi pater sit, scire vis, Lipsiam profectus est*. Sic millies Cicero.
 2) *dicere* saepe omittitur in narrationibus, si e praecedentibus intelligi potest; v. c. Liv. I, 9. in. *Tum — Romulus legatos circa vicinas gentes misit, qui societatem connubiumque novo populo peterent; urbes quoque, ut cetera, ex infimo nasci*; ubi post *peterent* intell. et *dicerent*, unde pendeat *urbes — nasci*. Ibid. 27. *Equitem — redire in proelium iubet; nihil trepidatione opus esse*, int. et *dicere*.

3) *In-*

- 3) *Infinitivus* omittitur; ubi facile intelligitur; v. c. *non tantum efficere possum, quantum tu potes int. efficere.*
- 4) *Facere* omittitur saepe in hac forma: *nihil aliud quam;* v. c. *nihil aliud quam flevit, risit* pro *nihil aliud fecit, quam ut fletet cet.* Sic Livius et Suetonius saepe. In quibus formulis *nihil aliud quam* est i. q. *tantummodo; nonnisi;* nec fere de ellipsi Verbi *facere* cogitare; saltem non ubique, licet.

D) *Adverbia* nonnulla omitti solent; v. c.

- 1) *Scilicet* (si quidem adverbium est); *nempe*, ad explanationem praecedentis rei, per se intelligendae; non adhiberi debet, ut in vernacula *nämlich;* v. c. *Ich weiß, was du willst; nämlich, daß ich dich lieben soll, Scio, quid velis, ut te amem,* sic semper prisci. Peccant ergo, qui addunt, nisi forte in libris dogmaticis interdum concedi possit.
- 2) *Non* omitti potest a) post *non modo, non solum,* si ne quidem sequitur; v. c. *hic homo non modo scribere, sed ne legere quidem didicit;* pro *non modo non:* sic frequenter prisci. Occurrit tamen etiam apud Cicero- nem *non modo non, non modo nullus, non solum non* sequente *ne quidem;* b) post *haud scio, an* s. *nescio, an;* v. c. *Cicero fuit orator magnus et haud scio an maximus* pro *annon maximus, ob nicht der größte, i. e. und meines Bedünkens der Gröste:* est litotes: sed ad verba explicanda: inest enim dubitatio modesta: neque ergo haec formula simpliciter adfirmat, ut alii putant: quis v. c. dicat: *nescio, an deus sit maior omnibus regibus* pro *certo scio cet.* — Occurrit et *dubito an,* pro *annon,* Nep. Thras. 1. in. *dubito, an hunc primum ponam.* Ceterum prisci quoque *haud scio an* s. *nescio an* proprie usurpant i. e. ut particula *non* minime intelligatur, v. c. Nep. Timol. 1. *Namque huic contigit, quod nescio an ulli cet. wovon ich nicht weiß, obs jemanden geglückt sey, s. was meines Wissens niemand geglückt ist.* Cicero etiam pro *haud scio an ulli* dixit *haud scio an nemini;* v. c. ad Div. IX, 14. §. 13. *Contigit enim tibi, quod haud scio an nemini cet.* Vnde patet *haud scio an* fuisse formulam respondentem nostro *meines Wissens:* et *haud scio an;* pro *annon* proprie vitiosum esse, sed per usum dicen- di excusari.

3) *Utrum* s. *ne* enclit. omittitur saepe, sequente *an*, v. c. *nescio, scribam an legam*, pro *utrum scribam* s. *scribamne*: sic et in interrogatione: *Vis legere an scribere?* sic saepe prisci.

4) *Ut, wie*, saepe abiicitur, ita, ut vel nihil in constructione mutetur, vel accusativus cum infin. sequatur; v. c. *pater, puto, doctus est*, et *patrem doctum esse* *puto* pro *pater, ut puto, doctus est*; sic nostri: *der Vater, glaub ich, ist gelehrt*: sic te illud fecisse probe scio pro tu illud fecisti, ut probe scio. Hoc imitandum est valde, in primis si qui quae quod in accusativo sic ponitur sequente infinitivo; v. c. *Cicero interfectus est, quem magnum oratorem fuisse constat* pro *qui, ut constat, fuit* cet. Sic *gaudeo patrem tuum adhuc vivere, quem valde tibi profuturum esse certo scio*, *credo* cet. Possant et haec exempla explicari per *de quo eum*, hinc et haec tria verba in *quem* mutari; v. c. *pater, quem audiveram mortuum esse, vivit adhuc* pro *de quo audiveram eum* cet. sic *libri, quos credebam mihi surreptos esse, reperti sunt* pro *de quibus credebam eos* cet. Sic semper prisci.

5) *Quam* post comparativos, et sequente Ablativo, quod notum, et non sequente, v. c. post *plus, minus, amplius*, it. *maior, minor, longius* cet. v. c. *plus annum, über ein Jahr*, Cic.: *plus quinque millia caesi*, Liv.: *amplius sunt sex menses*, Cic.: v. *die größere Sprachlehre* de Ablat. post Adiect. p. 591 seq. Edit. tertiae.

E) *Praepositiones* nonnullae saepe omitti possunt, v. c. 1) *ad*: v. c. *summum, höchstens, aufs höchste* pro *ad summum*; *minimum, aufs wenigste*. Sic *adire patrem* cet. 2) *propter*; v. c. *quid est, quod fleas: non est, quod rideas, fleas* cet. sic semper dicendum. 3) *per*, v. c. *tres menses ibi fui* pro *per tres* cet. quod aequae rectum: 4) *ex*, v. c. *urbe exire, eiicere*: 5) *in*, v. c. *erudire artibus*: sic *tertio capite, libro*: sic *hesterna nocte, his diebus* cet. omninoque in nominibus tempus designantibus, v. c. *mensis* cet. si adiectivum vel pronomen additur, semper *in* abiici debet: 6) *a*, v. c. *liberare malo* pro *a malo*, quod aequae rectum: sic *abstinere rebus* et *a rebus*: 7) *de*, v. c. *meo consilio, auf*
mein

mein Anrathen, mea sententia: 8) cum, v. c. summo studio, summa cupiditate cet. praetereo nimis notas ellipses, v. c. Romam ire, Athenis cet.

F) *Coniunctiones* nonnullae saepe omittuntur; v. c.

1) *ut* a) post verba rogandi: in primis post *velim*; v. c. *velim credas, dicas*: sic semper fere prisci. b) post *necessesse est, oportet*; v. c. *oportet discas: homo moriatur necessesse est*; hic *ut* semper omitti potest.

2) *ne* post *cave*; v. c. *cave dicas*: sic saepissime prisci.

3) In oppositionibus, ubi vernacula *und* vel *aber* addere solet, semper fere *et* vel *vero* s. *autem* omitti debet; v. c. *du bist reich, ich aber arm, s. und ich arm, tu es dives, ego pauper, non: ego vero, et ego*: sic *Tu adfirmas, ego nego, ich aber sage nein*. Sic semper fere prisci: rarius hi addunt *vero, autem*.

4) *et, s. que, ac, atque* omittitur saepe inter duo, saepius inter tria vel plura vocabula et inter duas pluresve enuntiationes, ob celeritatem dicendi, plerumque tamen ob gravitatem; v. c. *virtutem, doctrinam amo: vitium, inscitiam odi*: Vocant Rhetores *asyndeta* h. e. *membra non vincula s. carentia copula*.

Haftenus de ellipsi usitata. Sunt vero etiam rariores ellipses, quibus abstinendum est; v. c. Cic. Man. 12. *Sardiniam venit*: Sic interdum *magis, potius* sequente *quam* deest ad rationem graecam. Sic *cum*, licet comitatum indicet, omittitur ap. Livium, Caesarem, Nepotem; idque crebro; v. c. Caes. B. G. II, 19. *in. subsistebatur omnibus copiis*. Attamen nonnisi fere de *exercitu* priscos ita loqui meminimus.

SECT. II.

De brevitate dicendi in enuntiationibus.

Brevitas dicendi in enuntiationibus cernitur in eo, ut vel uno vocabulo aut duobus, tota enuntiatio exprimatur, vel una enuntiatio omittatur, quia e contextu facile intelligitur, aut alia enuntiatione inclusa tecte est.

1) Saepe uno vocabulo, vel summum duobus, tota enuntiatio exprimitur, atque ita una enuntiatio pro duabus ponitur; v. c.

1) *At* in obiectionibus saepe usurpatur, pro: possit aliquis dicere, obiicere; v. c. *At difficile est* pro *dici vero potest*, *obiici vero potest*, *id esse difficile*: sic Cic. saepe, v. c. Phil. II, 9. *at ego suasi*; it. *At enim* pro *At*, Cic. Rosc. A. 16. in.

2) *Quod* pro *quod adinet ad id*, *quod dici potest*: v. c. *quod mihi scripsisti*, *te mox venturum*, *fateor* cet. *Quod nonnulli de ea re dubitant* cet. sic Cicero millies, v. c. ad Div. III, 4. §. 7. *Quod scribis* cet. Sic et nostri *Daß* usurpant.

3) *Ita* cum coniunctivo saepe est formula iurandi, sequente *ut* cum coniunctivo, si est optantis, vel cum indicativo, si est tantum confirmantis; v. c. *Ita me deus adiuvet, ut tu diu vivas*, *so wahr mir Gott helfen möge*, cet. pro *quam verum est me optare, ut deus me adiuvet*, tam *verum etiam est me optare, ut diu vivas*; sic in adfirmatione: *Ita me deus adiuvet, ut nihil praeclarius est virtute* pro *Quam verum est, me optare, ut deus me adiuvet, tam verum est, virtute nihil esse praestantius*. Sic saepe prisci: it. *sine ut*, v. c. Cic. Att. I, 16. *ita me dii iuvent!* Terent. Eun. III, 2, 21. *Ita me dii ament, honestus est*.

4) *Quicumque*, *quodcumque*, *quaecumque*, et *quisquis*, *quidquid* usurpari debent pro vernaculo: *wer es auch sey, was es auch sey, es sey wer es wolle, was es wolle*: v. c. *Hic nunquam illud credet, quisquis dicat, es mag es sagen wer es auch wolle*: sic *quidquid dicas* s. *quaecumque dicas, du magst sagen, was du willst*: sic *quoscumque libros legeris* cet. Sic semper prisci. Sic et *quantuscumque*, *qualiscumque*, *quotcumque*; v. c. *quantuscumque est homo, tamen est minor deo, der Mensch mag so groß seyn wie er wolle* cet. *Qualiscumque res est, die Sache mag beschaffen seyn wie sie will* cet.

5) *Participia* valde serviunt brevitati, et propter hanc solam causam usurpanda sunt: quo pertinent nonnulla substantiva et adiectiva, temporis notionem habentia; v. c. *moriens dicebat, morientem vidi* i. e. *cum moriebatur: mortuus* i. e. *postquam mortuus est* s. *post mor-*

tem cet. Cicero hoc fecit consul i. e. cum consul erat: sic Consule Cicerone hoc factum est.

- 6) *Utinam pro quantopere optandum est, ut; v. c. utinam deus omnibus cupiditatem virtutis iniiciat! Wie sehr ist zu wünschen, daß Gott cet. sic fere semper prisca: sic tamen et O! si usurpari potest.*
- 7) *Saepe enuntiationem uno vocabulo exprimere licet; v. c. ignovi tuae adolescentiae pro tibi, quod adolescens adhuc eras: laudant omnes patris sapientiam pro patrem quia sapiens est: gratulor tuae eruditioni cet.*
- 8) *Pro: es tali vultu, quali pater tuus erat dici potest: tu es similis patri; sic: es similis patris pro es eodem animo, quo pater.*
- 9) *Pro non tantum dicere possum, quantum vos audire cupitis dici potest: mea oratio vestrae cupiditati non respondet s. non satisfacere potest; sic: non semper spei nostrae eventus respondet pro non semper id evenit, quod speramus; sic Cic. Phil. II, 23. etsi nullo modo poterit oratio mea satisfacere vestrae scientiae.*
- 10) *Pro ut pauper moritur, ita etiam diviti moriendum est, dici potest: ut pauperi ita diviti moriendum est: mors et pauperem et divitem opprimit cet.*
- 11) *Pro hic putat, omnes esse ipso inferiores s. se omnibus esse superiorem dici potest: hic omnes prae se contemnit, se omnibus praefert, sibi omnes postponit cet.*
- 12) *Pro hic homo primus fuit, qui hoc dixit, fecit cet. vel diceret, faceret prisca libenter dicunt: hic homo primus hoc dixit, fecit: sic primus vidi, fugi cet. pro primus eram, qui cet. sic Ultimus, solus, unus abiit; sic mihi: uni s. soli non dixisti pro ego unus sum, cui non dixisti: sic te solo utor: huc pertinent ordinalia: v. c. tertiam ad te epistolam nunc scribo pro haec est tertia cet. Sic Tertium iam diem te expecto cet.*
- 13) *Pro alius hoc alius illud dicit, facit cet. dici potest: alius aliud dicit cet. sic alius alium sequitur pro alius, hunc, alius illum cet. Sic alius alio modo discit pro alius hoc, alius alio modo: sic aliud, alii dedit pro alii hoc, alii illud: sic Cic. Inv. II, I. extr. sic alia in alio loco intuebantur pro alia in hoc, alia in illo loco: sic alius ex alia parte pro alius ex hac, alius ex illa: sic alius alio s. aliorum ibat pro alius huc, alius illuc: sic Cic. Div. I, 34. simia — aliud alio dissipavit. Sic alius alibi stabat: alius aliunde veniebat: sic alius*

aliter agit pro alius hoc, alius illo modo: sic et alii aliter: nam non differt, utrum pluralem sumas an singularem.

- 14) *Obtemperare alicui pro facere ea, quae aliquis fieri iussit, voluit: sic obtemperare dolori suo, Cic. Man. 19. in.*

- 15) *Falso, recte, male, non s. nec iniuria cet. saepe pro enuntiatione ponuntur; v. c. Falso pro hoc falsum erat: Male pro male in ea re egit, actum est: Recte it. Non iniuria pro recte factum est: v. c. Frater invito patre abiit. Male. Cic. Off. III, 18. aliud utile — aliud honestum videri solet. Falso: nam cet. Nep. Alc. 9. in. sperans — suam fortunam oculi posse. Falso: nam cet. h. e. In eo fallebatur. Cic. ad Qu. F. III, 8. hoc horret Milo: nec iniuria, und hierin thut er nicht Unrecht.*

- 16) *Omnis metaphora est brevis quaedam, similitudinem rei, quae tota enuntiatione exprimi poterat, uno vocabulo exprimens: qua re una enuntiatio existit pro duabus: v. c. pulvis et umbra sumus s. vita nostra pulvis et umbra est pro vita nostra tam cito evanescit, quam pulvis et umbra evanescere solet, s. quemadmodum pulvis et umbra cet. ita et vita nostra cet. s. vita nostra est instar pulveris et umbrae, quae cito evanescit: sic sapientia est fons felicitatis prout e fonte aqua perennis provenit, sic e sapientia oritur felicitas: sic sapientiae radix amara, fructus dulcis cet. cf. supra C. II. S. XII. de metaphora.*

II) *Saepe una enuntiatio plane omitti potest ac debet:*

- 1) *Non omnes tres syllogismi enuntiationes recitari, sed unam h. e. eam, quae intelligi possit, omitti debere notum est: v. c. quisquis magnas res gessit, nomen suum immortale reddit: quis igitur miratur, Caesarem nominis immortalitatem consecutum? cet.*
- 2) *Metonymia orationem reddit brevem, ponens consequentem enuntiationem pro antecedente: tum enim antecedens recte inclusa est, intelligique debet. Nam plane illam cum hac commutari, ita, ut utraque sit eadem, credi non debet: v. c. vir, fortissime pugnans, tandem cecidit pro occisus est et cecidit sc. hu-*
mi:

mi: sed occisum esse intelligitur e τῷ cecidit. Sic homo sepultus nocere nemini potest, ubi notio mortis simul inest.

- 3) In narrationibus omittuntur enuntiationes, quae facile intelligi possunt; v. c. *Domum ego reversus volebam amicum videre, credens eum se melius habere. At domum eius ingressus audio, funus eius mox elatum iri.* Hic deest v. c. *loquor cum eius servis vel ancillis; audio eum mortuum esse.* Sed quis hoc non intelligit? Sic Cic. Verr. IV, 40. in. *vix erat hoc plane imperatum, cum illum spoliatum stipatumque lictoribus videres;* hic deest: *deiciebatur de porticu;* nam eum de porticu deiici iusserat Verres. Ib. V, 45. *sex lictores eum circumstant —: caedunt acerrime virgis;* hic deest: *adcedunt, expediunt virgas;* Sall. Jug. 12. extr. *cum Hiempsal interim reperitur, occultans sese — quo — perfugerat.* Numidae caput eius, ut iussi erant, *ad Iugurtham referunt;* hic deest *occidunt eum, caput abscidunt et hoc, ut iussi* cet. sic poetae, v. c. Virg. Aen. I, 689. (693.) *Paret Amor* cet. Ib. IV, 133. *Reginam* cet. in primis ibid. 582. *Litora deseruere: latet sub classibus aequor: Adnixi torquent spumas* cet. it. II, 426. *Diis aliter visum.*
- 4) Saepe ante enim vel etiam nam enuntiatio ad hanc particulam respiciens omittitur: hoc fieri solet maxime ab iis, qui commoto animo loquuntur; v. c. Cic. ad Div. I, 8. §. 10. *neque a me ulla res — negligetur. Neque enim verebor, ne sim ei* (i. e. Pompeio) *molestus, cui* cet. Ante *Neque enim* deest: *Colloquar itaque cum Pompeio de te.* Sic ibid. V, 12, §. 21. *Neque enim Alexander* cet. in primis IX, 14. §. 14. *sed contigit magnitudine tum animi tum ingenii atque consilii. Legi enim concionem tuam. Nihil illa sapientius:* ubi ante *Legi* intell. *quod e concione tua elucet.* Cic. Manil. 13. extr. ubi Pompeius laudatur, quod provincialibus pepercit: *Non modo, ut sumtum faciat in milites, nemini* (provincialium) *vis infertur, sed ne cupienti quidem cuiquam permittitur. Hyemis enim, non avaritiae perfugium maiores nostri in sociorum — testis esse voluerunt:* ubi deest: *Et hac in re recte s. e. legum praescripto egit.* cf. Terent. And. III, 2, 22. *Certe enim scio:* Hor. Sat. II, 5, 79. *Venit enim* cet. Sic et in Graecis est, ubi saepe ante γὰρ enuntiatio deest.

est. An vero in Graecis, ut praeceunte Clarkio multi hodie putant, et in latinis scriptoribus ubique talis enuntiatio intelligenda sit, non ausim definire, praefertim cum saepe incertum sit, qualem intelligere debeamus, v. c. Liv. IV, 3. *Quid enim de T. Tatio Sabino dicam* cet. Sic *At enim* in obiectionibus: v. c. Cic. Rosc. Am. 16. in. *Quid hic intelligitur?* Optimum forsan est, dicere, saepe *enim* et *nam* vel redundare vel per *vero* explicandum esse.

Ceterum cavendum est, ne studio brevitatis in ambiguitatis et obscuritatis vitium incidamus. Debet et brevis modum servare. Peccavit hic e priscis in primis Plinius in Hist. nat. v. c. VII, 51. ubi inter signa morborum letalia refertur *praefandi humoris e corpore effluvium*. Modeste quidem *praefandus humor* dicitur hic pro *excrementis*: at quam breviter pro *humor*, cui *praefari solemus honorem* h. e. cui *solemus, si eum nominare cogimur, hanc formulam praemittere: sit venia verbo*.

FINIS PARTIS PRIORIS.

PARS POSTERIOR

DE

TRIBVS ELOQVENTIAE ET STYLI
VIRTVTIBVS PRIMARIIS
PERSPICVITATE, GRAVITATE

AC

SVAVITATE.

Tres sunt, ut eloquentiae, ita styli bene latini virtutes primariae, *perspicuitas*, *gravitas* et *suavitas dicendi*: illa rem dilucidam reddit; ista efficit, ut res magna sentiatnr atque ita lector auditorque ad eam amandam, averfandam, admirandam cet. incitetur; haec delectat lectorisque et auditoris adtentionem conciliat. *Copia dicendi*, *brevitas*, *ornatus*, et si quae aliae numerantur virtutes eloquentiae, sunt illis tribus subiectae, ipsisqueerviunt.

CAP. I.

DE PERSPICVITATE DICENDI

SECT. I.

Perspicuitas est summe necessaria.

Perspicuitas dicendi est haud dubie princeps virtus eloquentiae et tum scribenti tum dicenti tam necessaria, ut sine ea garriat tantum, omnisque suavitas et gravitas necessario pereat. Eius necessitas patet *primum* per se. Nam cur loquimur et scribimus? nonne ut intelligamur? Et quomodo potes *persuadere* lectori
et

et auditori, quomodo ei *placere*, quomodo eius animum *movere*, nisi *intelligare*? Demde eam postulat *humanitas*, cuius est hominibus aditum ad nos quam facillimum reddere. Qui nos legit auditve, est similis ei, qui ad nos venit colloquendi causa. Nonne tam humani esse debemus, ut, quae legat audiatve, etiam mox intelligat?

SECT. II.

Quid sit perspicuitas dicendi, accurate explicatur.

Perspicuitas dicendi ac scribendi cernitur in eo, si quis ita loquitur ac scribit, ut res, quam tractat, facile intelligatur ab iis, quorum gratia dicit vel scribit. Quatuor itaque requiruntur: 1) *res debet intelligi* h. e. auditor lectorve debet in audiendis legendisve alicuius verbis idem cogitare, quod hic, dum loquebatur vel scribebat, cogitabat. 2) *res debet plane intelligi* h. e. auditor lectorve videre debet non modo, rem veram esse, sed etiam, cur vera sit credique debeat; id quod argumentis, exemplis cet. fieri solet. Neque enim perspicuitas ad sola *verba*, sed et ad *res* pertinet. 3) *res debet facile intelligi* h. e. ut non opus sit sensum verborum operose investigare vel coniectura adsequi: 4) *res non ab omnibus promiscue intelligatur opus est, sed ab iis solis, quorum gratia scribimus vel loquimur.* Auditorum et lectorum semper habenda est ratio. Qui v. c. nova inventa Mathematica, criticas animadversiones cet. scribit, is si a solis *Mathematicis*, *Criticis* cet. facile intelligitur, perspicue scripsisse censendus est: his enim solis scripserat: neque, quia imperiti eum non intelligunt, obscuritatis crimen subire debet: his enim non scripsit. At qui omnibus promiscue scribit, is, si ab indoctis atque adeo plebe non intelligitur, non scripsit

scripsit perspicue. Hanc in classem refero eos, qui 1) fabulas ad corrigendos homines scribunt; 2) capita doctrinae morum populari modo tractant, vel vitia hominum univerforum perstringunt, vel de disciplina domestica, de puerorum institutione cet. scribunt; 3) orationes sacras edunt; 4) capita disciplinae artisve alicuius indoctis explicant. Hinc *Tiffotus* et *Unzerus*, cum professi sint, se non medicis, sed artis medendi imperitis scripsisse, peccasse videntur, quia paucula tantum in istis libris ab imperitis, pleraque nonnisi a medico intelliguntur. Omnino omnis perspicuitas est res difficilis: at maioris artis est ita scribere, ut ab indoctis intelligare, quam ita, ut a doctis.

SECT. III.

De fontibus perspicuitatis remotioribus s. generalibus.

Fontes perspicuitatis remotiores sunt hi:

1) *Ingenium bonum* h. e. *totus complexus egregiarum virtutum s. facultatum mentis, der gute Kopf, das gute Genie*. Constat illud duabus virtutibus primariis: 1) *phantasia praeclara et feraci*, qua tum ideae priscae facile reperiuntur, tum novae facile inveniuntur, vel sponte ac temere vel in primis similitudine aut coniunctione notionum ansam praebente: b) *praeclaro subactoque iudicio* h. e. facultate facile animadvertendi, quae ideae sibi met convenient ac coniungi debeant, quae non: quae facultas oritur maxime ope adtentio-
nis bene cultae et exercitatae. Vtraque facultas, phantasia et iudicium, coniuncta debet in eo esse, cui ingenium bonum tribuere volumus. Phantasia, sine qua iudicium esse nequit, colligit et suppeditat, more con-
di promi variarum idearum multitudinem, quas de-
inde iudicium apte digerit et coniungit. Quomodo
iudicium

iudicium eas digerere possit, nisi ipsae iam in mente adsint? Errant ergo, qui aliquem aiunt posse ingenio carere et tamen praeclaro iudicio instructum esse. Phantasia est basis iudicii h. e. suppeditat menti facultatem materiamque iudicandi. Sed quod non omnes, phantasia praeclara praediti, iudicio subtili instructi sunt, huius rei culpa non est in eorum mente, sed vel in parentibus et magistris, qui illorum mentem non mature ad causas attendere iusserunt atque ita acuere neglexerunt, vel in ipsis, v. c. in negligentia et in animi commotionum fervore. Nam animi commotiones, v. c. nimia cupiditas pecuniae, ultionis cet. impedit hominem, quo minus rerum seriem perspiciat atque ipsas recte iudicet. Qui vero alicui, phantasia praeclara carenti, iudicium praeclarum tribuunt, forsan viderunt aliquando aliquem, praeclara phantasia carentem, *iudicia aliquot recta ac praeclara proferre*: at propterea *iudicavit*? Imò aliorum iudicia repetiit.

II) *Doctrina solida et subtilis*, quae cernitur in eo, ut singularum rerum, quas noris, causas iustas, imò, si fieri potest, harum causarum causas scias. Theologus v. c. instructus est doctrina solida, si novit non modo, quibus locis librorum sacrorum capita Theologiae nitantur, sed etiam, quomodo ex istis locis recte demonstrari possint. Sic Philologus, Iureconsultus cet. Nam quod in rebus sensuum imperio obnoxiiis sunt signa externa, idem sunt in rebus sensus non ferientibus argumenta s. causae: hae enim sunt signa veritatis. Logici docent, ideam distinctam dici eam, quando signa obiecti noris, et magis distinctam s. adaequatam (ut vulgo vocant) fieri, si signorum signa memorare queas. Iam qui rerum, de quibus dicere ac scribere parat, causas, imò causarum causas novit, ut tali modo mens eius nonnisi notionibus distinctis et adae-

quatis;

quatis, ut Logici adpellant, utatur atque ita in clarissima luce versetur, nonne is, quae distincte cogitat, ea etiam distincte et perspicue dicere et scribere possit? Nihil facilius est: debet enim, quae cogitat, duntaxat eloqui vel calamo excipere. Nec tamen nego, interdum accidere, ut homo rem recte callens eam obscuris verbis tradat. Sed hoc saepe e superbia nascitur, qua inflatus artificium scribendi ostentare cupit et in obscuritate verborum laudem ponit. Hinc

III) *Modestiam* addo, quae nos monere potest, ut laudem non ponamus in iis, quae aliis displicent. Nemini placet obscuritas in dicendo ac scribendo.

IV) *Cognitio hominum* h. e. quando novimus, quid homines intelligant, quid non: ut ad hanc intelligentiam nos possimus adcommodare. Addiscitur a) ex usu hominum, si crebro cum iis more Socratis disputes, te inscium simules cet. b) ex te ipso, si crebro te interroges, quomodo hanc illamve rem explicare velis, si forte hoc facere iubeare cet. c) ex institutione adolescentum diligenti.

V) *Linguae*, qua in scribendo et dicendo uteris, *cognitio adcurata*. In quaque lingua sunt varii modi notiones exprimendi, sed est tamen alius alio aptior: insunt vocabula rara, ambigua, perspicua, propria, constructiones et connexiones ambiguae, faciles, perspicuae cet. Has res omnes qui nescit, delectum habere nequit.

VI) *Prudentia*. Ea ab inepta placendi cupiditate et adfectionis studio, matre obscuritatis, absterret, docens, omnem verborum ornatum sine sententia pulchra esse puerilem: sapientem magis curare res quam verba: stultum esse in durioribus translationibus, traiectionibus cet. laudem quaerere.

VII) Sunt et alii fontes, v. c. *ingenium hilare* proclivius est ad facilitatem locutionis et perspicuitatem, quam triste: ac saepe illud pendet a liberaliori educatione, a fortunis cet. Aliud est ingenium in egestate, aliud in divitiis educati. Magni quoque refert, quo *magistro* usus sis: si tristem obscuritatisque studiosum aut hilarem et perspicuitatis amantem nactus es, facile te ad eius similitudinem conformabis. It. non parum refert, quales libros primum legeris, utrum obscure an perspicue scriptos.

SECT. IV.

De fontibus propioribus perspicuitatis in universum.

Fontes propiores pertinent vel ad *res* s. *notiones* vel ad *verba*. Frustra de verborum perspicuitate laboras, nisi ante notiones perspicue h. e. omnibus ex partibus et adtributis, atque, ut loquuntur, circumstantiis cogitas. Has partes, haec adtributa, has circumstantias verbis recte exprimere est perspicue loqui ac scribere.

SECT. V.

A) *De fontibus perspicuitatis propioribus in explicandis rebus s. notionibus.*

Hi cernuntur in additionibus novarum notionum, per quas illae res s. notiones certiores magisque definitae reddantur. Addere igitur debemus *causas* s. *argumenta, exempla, testimonia, conditionem, modum, instrumentum*, quo res fit; it. *tempus et locum*: utendum est saepe *periphrasi, repetitione idearum, brevitate* cet.

SECT.

S E C T. VI.

1) De adiectione causarum.

Primus ac praecipuus fons est *adiectionis causarum* s. *argumentorum*. *Causa* s. *argumentum* est enuntiatio, cuius veritate nititur veritas alius enuntiationis, s. brevius: est *signum veritatis*. Possint inter eas quoque referri *exempla* et *testimonia*: sed de his separatim agatur. *Causae* igitur addantur

1) In primis *thesis* s. *enuntiationi generali*, quam proprie tractas. Hic quatuor sunt tenenda:

1) Causae debent esse satis *firmae* et *graves* h. e. tales, ut propter eas thesis ipsa vera esse atque res amanda, averfanda cet. videatur. Sed hic auditorum et lectorum ratio habenda, prout eorum est intelligentia et gustus. Orator vel scriptor debet antea, quam causas in publicum effert, videre, an ipse illis moveatur h. e. ob eas rem pro vera habeat. Orator frigidus licet valde clamet, tamen nihil efficit. Non clamor, sed pondus argumentorum efficit, ut prudentes rem credant.

2) Causae debent esse satis *multae*, si fieri potest: at a) saepe non omnes recensere opus est: b) omnes adlatae causae debent esse certae, firmae et graves. Leves et incertae sunt omittendae. Nec credendum est rhetoribus, qui leves causas immisceri patiuntur, easque, ut milites timidos, fortibus causis praeponi vel inter has interferi iubent. Ita egerunt prisci in orationibus habitis coram plebe, quae argumenta numerare, non ponderare solebat, ad illam opprimendam, inflammandam cet. At nos hodie vix decet id imitari. Qui de re vera scribit et loquitur, ei non desunt argumenta certa: ac praestat unum, idque firmum adferre, quam centum levia.

3) Causae debent *recte tractari* h. e. ita tradi, ut manifesto adpareat, quomodo propter eas thesis ipsa certa sit. Tria hic requiruntur: 1) causa debet, si opus est, explicari: sed haec explicatio brevis sit necesse est, ne confusio oriatur; 2) debet ostendi, causam istam esse firmam et certam, adicienda alia causa non minus

Q

firma;

firma: haec addita causa itidem, si opus est, explicari, illustrari aliaque nova causa confirmari debet: inter quas additas causas pertinent quoque exempla et testimonia: v. c. Thema: *mors non nimis est pertimescenda*: hic sunt duae causae, a) *quia est via ad felicitatem aeternam*; huic causae addo hanc: *quia hoc litterae sacrae docent*: tum laudo aliquot loca: b) *quia omnibus instat*: hoc docet me tum *structura corporis* tum *experientia*: en duplicem causam. 3) causa debet cum thesi coniungi h. e. debet doceri, quomodo ex ista causa sequatur, thesin esse certam: id quod fit per conclusionem, v. c. Thema: *Mors non nimis est pertimescenda*. Cur? 1) prior causa: *nam omnibus instat*: cur? iterum confirmatur duabus causis; *quia et experientia hoc docet, et structura corporis monet*: Hinc concludo: *si omnibus mors instat, cur eam nimis pertimesco?* Cur? s. quomodo hoc sequitur? *quis enim sapiens id nimis opere fugiat et timeat, quod effugere non potest?* 2) posterior causa: *nam est via ad vitam aeternam*: Estne hoc verum? est, *nam libri divini hoc docent*. An hi vere loquuntur? recte. Iam concludo: *si mors est via* cet. *quis eam timeat?* Cur? s. quomodo hoc sequitur? *Quis enim timeat viam, quae eum ad meliorem locum ducit?* cet. Potest et tanquam tertia causa adferri exemplum v. c. Socratis: Tum concludo: *Si alii potuerunt mortem continere, cur nos timeamus?* En causam: *Nam quod alii potuerunt, etiam nos posse debemus, modo velimus*.

- 4) Causae debent omni occasione, maxime in fine repeti, ne lector auditorve eas obliviscatur. Haec repetitio debet aliis verbis institui, ne sentiat ab audiente ac legente. In quo artificio regnat Cicero: v. c. in Manil. vult ostendere, vestigalia Asiae in periculo et Pompeium ob virtutes singulares solum esse dignum, qui bello Mithridatico praeficiatur: hinc omni occasione de his vestigalibus et de Pompeii virtutibus loquitur.

II) Aliis quoque enuntiationibus, nisi apertissimae sunt, causae ubique addi debent. Cicero, si quem laudat, vituperat, hortatur, orat, si suadet, si quid pro magno, parvo habet, si quid optat, sperat cet. ubique
fere

fere causas addit. Versatur hac in re dupliciter, et diserte et teste:

A) *Diserte*, per *cum*, *quia*, *quo*, *quin* (pro quod non), *ut*, *ne*, *nam*, *enim*, *propter*, *it.* *participia*, v. c. *adductus*, *motus*, *impeditus* cet. v. c. Man. 1. dicit, *se nondum pro rostris dixisse*: addit causam: *non mea me voluntas sed vitae meae rationes — prohibuerunt*: huic causae aliam subiicit: *nam omne meum tempus amicorum periculis transmissi*: quam confirmat hac causa: *nam per aetatem et ob eloquentiae defectum non ausus sum pro rostris dicere*. En ipsa verba Ciceronis: *Quamquam mihi semper — transmittendum putavi*. Ibid. 3. in. hortatur Romanos, *ut maculam, Mithridatico bello superiore conceptam, deleant*: additque causas: 1) *quia Romani laudis sint adpetentes*; 2) *quia Mithridates nondum pulsus sit*: cuius rei hanc causam addit, *quia imperatores illum nondum, satis vincere potuere*: En ipsa verba: *Et quoniam semper — reportarent*. Ad Div. I, 1. *Ego omni officio ac potius pietate erga te — mihi ipse nunquam satisfacio*: causam addit: *Tanta enim magnitudo est tuorum erga me meritorum, ut, quoniam tu — non conquiesci, ego, quia non idem — efficio, vitam mihi acerbam esse putem*: in qua duae novae causae insunt. Ibid. V, 5. in. *Etsi statueram nullas ad te literas mittere nisi commendaticias, non quo eas intelligerem satis apud te valere, sed ne — ostenderem*. Et millies. De participiis v. P. I. c. 9. S. IV.

B) *Teste*: idque variis modis:

- i) Omittit saepe particulam causalem; si per se intelligitur; v. c. Man. 9. *Mithridates — auxiliis multorum regum et nationum tuabatur*. Hoc iam fere sic fieri solere adcepimus, ut regum afflictae fortunae facile multorum opes adiciant ad misericordiam, maximeque eorum, qui aut reges sunt cet. pro: *Hoc enim iam fere* cet.

- 2) per *qui*, *quae*, *quod* pro *nam*, *quia*, *cum*, v. c. Manil. 2. *Genus est belli eiusmodi, quod — vestros animos excitare — debeat: in quo agitur populi romani gloria — aguntur — vestigia —, quibus amissis et pacis ornamenta et subsidia belli requiretis; aguntur bona — civium, quibus est a vobis — consulendum.* Hic ter causam indicat: *in quo agitur* cet. *quibus amissis* cet. *ac quibus est a vobis* cet. cf. supra dicta de hoc pronome P. I. c. 10. E. 3.
- 3) per *si* pro *cum*, *quia*: v. c. Manil. 6. in. *Quare si propter socios nulla ipsi iniuria lacesciti maiores nostri — bella gesserunt: quanto vos studio convenit* cet. et paulo post: *si ad belli utilitatem* cet. *ac saepius: sic poetae*, v. c. Virg. Aen. I, 607. *Dii tibi, si qua pios respiciant numina* cet.
- 4) per *adpositionem*, ut grammatici vocant; v. c. ad Div. IV, 2. *Quid enim est, quod audeam suadere tibi, homini summa auctoritate summaque prudentia? pro cum sis homo* cet. Catil. III, 12. *veneramini illum Iovem, custodem huius urbis* cet. *ac sic* millies.
- 5) per *participium*, v. c. *amemus deum nobis quotidie beneficientem.* Sic millies. Not. participia *ductus*, *incitatus* cet. non huc pertinent, sed ad A.
- 6) Saepe et *periphrasi* includitur causa; v. c. Liv. V, 27. *Arma habemus, non adversus eam aetatem, cui etiam in captis urbibus parcitur h. e. pueritiam: at inest causa: sensus enim est: arma habemus, non adversus pueritiam: nam huic aetati etiam in captis urbibus parci solet.*
- 7) Enuntiationi, quae simpliciter efferri poterat, praepositur enuntiatio causam eius recte complectens; v. c. pro *quis hoc non perspicit?* dicitur: *quis est tam rerum imperitus, ut hoc non perspiciat?* cf. de hac re P. I. c. 9. S. III. n. II.

SECT. VII.

2) De adiectione exemplorum.

Alter fons perspicuitatis propior in explicandis rebus est *adiectio exemplorum*. Haec plus valent argumentis:

mentis: haec docent, rem fieri posse, illa, rem factam esse: haec, rem esse veri similem, illa, rem esse veram. *Exemplum est enuntiatio factum aliquod continens, per quod docetur, rem, quam tractas, vere in rerum natura fuisse; s. brevius: est factum aliquod explicandae thesi adcommodatam.* Hic not. tria:

- 1) *exempla debent rei adcurate convenire*; v. c. si de mortis contemptu sermo est, exemplo esse potest Socrates, non Cicero: hic mortem verbis, non re contempsit. Sic si de contemptu divitiarum sermo est, exemplo esse possunt Curius, Fabricius: h. e. qui divitias consequi poterant: non ii, qui non potuerunt, nec ii, qui, quia divites iam sunt, divitias se non amare dicunt.
- 2) *exempla debent esse vera*: ficta parum profunt.
- 3) *exempla debent recte tractari* h. e. debet effici, ut eorum vis adpareat: ergo debent a) interdum explicari, v. c. debet doceri, quo consilio homo rem egerit: b) saepe argumento confirmari: v. c. si de contemptu divitiarum Socratis exemplum adlatum est, additur, v. c. *sciebat enim, veras divitias in sapientia cerni* cet. c) coniungi cum thesi et adiuvari argumentatione a minori ad maius cet. v. c. *Si Socrates, gentilis, mortem potuit contemnere, quanto magis nos Christianos decet* cet.

SECT. VIII.

3). De adiectione testimoniorum.

Tertius fons perspicuitatis propior in explicandis rebus est *testimoniorum adiectio*. *Testimonia* 1) in rebus historicis sunt summe necessaria et plus valent argumentis, si quidem proficiscuntur ab hominibus fide dignis h. e. qui recte narrare possunt et volunt. 2) in aliis etiam rebus, v. c. in iudicanda rei praesentia, utilitate cet. profunt, si a magnis viris petita sunt: quia vulgo homines eiusmodi testimoniis multum tribuunt. At cum homines magni et clarissimi semper maneant

homines, eorum testimoniis non nimis confidere, nec iis ante uti debemus, quam res ipsa iam argumentis satis confirmata est. Excipienda tamen sunt testimonia librorum sacrorum, quae semper certa sunt vinque argumentorum habent.

SECT. IX.

4) De adiectione conditionis.

Quartus fons perspicuitatis propior in explicandis rebus est *adiectio conditionis*, quae semper addenda est, ubi de re sermo est, quae sub certa conditione fieri solet, aut certa, utilis est cet. Sic Cicero: qui non fere aliquid confirmat, pollicetur, rogat cet. nisi adiecta conditione, utens particulis *si, nisi, quoad s. quod i. e. quoad, quantum* cet. v. c. ad Div. XIII, 28. in. *Et si libenter a te petere soleo, si quid opus est meorum cupiam, tamen* cet. Tollas verba: *si quid opus* cet., ac senties Ciceronem locutum esse more plebis. Ibid. 23. §. 4. *pergratum mihi feceris, si eum in amicitiam tuam receperis et cum, quod sine molestia tua fiat, si qua in re opus ei fuerit, iuveris*: Praeclare et humane: duplex adest conditio, 1) *quod sine molestia* cet. 2) *si qua in re opus* cet.

SECT. X.

5) De adiectione modi.

Quintus fons perspicuitatis propior in explicandis rebus est *adiectio modi*, quo res facta, vel credibilis, certa sit cet. Pertinet ad subtilitatem. Hic tria monemus:

- 1) Si res fit *casu* aut *necessario*, recte additur *adcidit, contingit, necesse est, it. forte, necessario*: v. c. *In itinere cum essem, adcidit, ut reperirem hominem* cet. vel *reperi forte hom.* pro *in itinere reperi hom.* Sic pro

pro qui luxuriae deditas est, fit pauper dicitur: — fiat pauper necesse est, fit necessario pauper.

2) si quid bene, male cet. adsum est, additur bene, male, stulte; v. c. pro Pompeius, qui rebus multis gestis cognomen Magni adceperat, tandem in Aegypto periit, dicitur: Pomp. qui rebus multis bene gestis cogn. Magni adcep. tandem in Aeg. misere periit, vel alio modo.

3) si quid dicimus aut narramus, hoc vel certo scimus vel opinamur, coniecimus, audivimus, credimus cet. Hinc notiones hunc modum definientes addendae sunt. Sic Cicero ubique fere addit certum, manifestum, indubitatum est cet. si de re certa sermo: it. constat, perspicio, intelligo, video, scio, non nescio, vel scimus cet. de minus certa arbitror, puto, videtur mihi cet. de incertissima opinor, coniecio, aiunt, audivimus, rumor est cet. v. c. Manil. 7. nam tum, cum in Asia res magnas amisimus, scimus Romae solutione impedita fidem concidisse. Ad Div. IV, 14, §. 8. Si enim status erit aliquis civitatis, quicumque erit, te omnium periculorum video expertem fore. Nam alteros (Caesarianos) tibi iam placatos esse intelligo, alteros nunquam iratos fuisse: recte addit video et intelligo. Ib. II, 18, §. 4. Nocere tibi iratum, neminem posse perspicio. Manil. 9. Hoc iam fere sic fieri solere adcepinus cet. pro solet. Ad Div. VI, 4, §. 18. Ego quae te velle, quaeque ad te et ad tuos pertinere arbitror, omnia studiose — curabo. Sic videri millies addit: v. c. Ib. V, 21, §. 15. Ego, si videbitur recte fieri posse, ad te veniam brevi. Sic recte dicimus: deum esse manifestum est pro deus est: ego hoc homine, quia probus videtur, utar pro quia probus est: cf. P. I. Sect. II. n. VI.

SECT. XI.

6) De adiectione instrumenti.

Sextus fons perspicuitatis propior in explicandis rebus est adiectio instrumenti, h. e. rerum, per quas aliquid fit; v. c. pro Pompeius effecit, ut nomen Magni

consequeretur, adcuratius dicis: Pompeius multis rebus praeclare gestis cet. sic Ciceroni eloquentiae magnitudine contigit, ut ad summos honores perveniret pro Ciceroni contigit, ut cet. Sic Cicero ubique: v. c. Mur. 11. in. de eloquentia: Gravis — est et plena dignitatis dicendi facultas, — posse consilio atque oratione et senatus et populi et eorum, qui res iudicant, mentes permovere: recte addit consilio atque oratione.

SECT. XII.

7) De adiicienda notione temporis.

Septimus perspicuitatis fons propior in explicandis rebus est *adiectio temporis*. Pertinet ad subtilitatem. Adcuratius est dicere: *heri frater tuus apud me fuit et tres tantum horas mecum mansit*, quam: *frater tuus apud me fuit et non diu mecum mansit*: sic: *beneficium tuum nunquam obliviscar pro non*. Sic Cicero fere ubique, v. c. Manil. 3. in. *delenda vobis est macula Mithridatico bello superiore suscepta*: ibid. *qui uno die — cives rom, necandos — denotavit*. Ad Div. I, 1. in. *Ego omni officio — mihi ipse nunquam satisfacio pro non*. cf. Sulp. ad Cic. in Epp. Cic. ad Div. IV, 12. §. 4. *postridie eius diei — circiter hora decima cet*.

SECT. XIII.

8) De addenda idea loci.

Octavus fons perspicuitatis propior in explicandis rebus est *adiectio loci*. Sic Cicero fere ubique: vel locum ipsum memorat, vel addit ubique, *nusquam cet*. Rosc. Am. 24. in. *ut eos agitent furiae, neque consistere nusquam patiantur*. Man. 3. *qui uno die, tota Asia, tot in civitatibus uno nuntio — cives romanos necandos denotavit*. — Add. Sulp. ad Cic. IV, 12. §. 4. *duo vulne-*

ra adcepiſſe, unum in ſtomacho, alterum in capite ſecundum aurem.

S E C T. XIV.

9) De adiectione effectus ſ. conſequentiae.

Nonus fons perſpicuitatis propior in explicandis rebus eſt *adiectione effectus* rei et eorum, quae inde ſequuntur vel tantum concludi poſſunt. Cicero nec hanc negligit; v. c. ad Div. V, 12. §. 16. de Epaminonda: *qui tum denique ſibi evelli iubet ſpiculum, poſtquam ei percontanti dictum eſt, clypeum eſſe ſalvum*: hic poterat deſinere, ſed addit: *ut etiam in vulneris dolore aequo animo cum laude moreretur*. Man. 1. extr. huius autem orationis difficilius eſt exitum quam principium invenire. Ita mihi non tam copia, quam modus in dicendo quaerendus eſt. Ib. 6. Nam cum hoſtium copiae non longe abſunt, etiamſi irruptio facta nulla ſit, tamen pecora relinquuntur, agricultura deſeritur, mercatorum navigatio conquieſcit: hic deſinere poterat, ſed addit: *Ita neque ex portu, neque ex decumis, neque ex ſcriptura veſtigal conſervari poteſt*. Sic ib. 9. Itaque tantum victus cet. ib. 13. med. Itaque propter hanc avar. cet. Poſteſt et effectus recte adiei, v. c. pro deus eſt potentiffimus dicitur: *eſt tam potens, ut nihil ſit, quod efficere non poſſit*: vid. ſupra in Copia dicendi P. I. c. 9. Poſteſt et effectus et conſecutionis notio uno vocabulo exprimi, v. c. *victor diſceſſit pro fuit: omnia proſtrata iacent: canes rupti periere* Phaed. I, 20, 6. Ovid. Met. I, 119. 120. *aer fervoribus uſtus canduit et ventis glacies adſtricta pependit*.

S E C T. XV.

10) De periphrasi.

Decimus fons perſpicuitatis propior in explicandis rebus eſt *periphrasis* ſ. *circumſcriptio* rei. Ea eſt du-

plex: a) *una*, quando notio ad suum genus reducitur: haec servit tegendae notioni; qualis est illa Cic. Mil. 10. *fecerunt id servi Milonis, quod cet. pro uli sunt dominum occidendo Clodio*: haec non huc pertinet: b) *altera* est, quando notio s. res dissolvitur in suas partes et adtributa: quo pertinent omnes definitiones ac descriptiones; v. c. pro *quis deum non amet?* dicitur *quis eum non amet, a quo creatus est, et quotidie innumeris beneficiis adfruitur?* sic pro *mirum est, Christianos non legere libros sacros* dicitur: *quis non miretur, libros sacros non legi ab iis, qui illorum auctoritate niti dicunt suam religionem?* Sic pro *parentes* dicitur *ii, per quos lucem suavissimam adspeximus*, Cic. Rose. A. 22. sic Cic. Man. 17. in. Pompeium ita circumscripsit: *cur non — eidem, cui cetera summa cum salute reipublicae commissa sunt, hoc quoque bellum regium committimus?* vid. supra P. I. c. 9. sect. II. n. X.

SECT. XVI.

11) De dissolutione Totius in partes, Generis in species et individua.

Vndecimus fons perspicuitatis propior in explicandis rebus est *dissolutio Totius in suas partes, Generis in suas Species* atque adeo *Individua*. *Totum* et *Genus* uno vocabulo expressum cito praetervolat lectoris oculos et auditoris aures: at in partes et species dissolutum diutius versatur ante aures et oculos, atque ita melius perspicitur. Dupliciter instituitur ista dissolutio: 1) praedicatum, quod ante dissolutionem Toti et Generi addebatur, partibus deinde ac speciebus vel individuis tribuitur; v. c. pro *Mors instat omnibus hominibus* dici potest: *Mors pauperi et diviti, nobili et humili, docto et indocto instat*: 2) possunt et singulis istis partibus vel speciebus singula praedicata tribui, v. c. *mors instat*

instat pauperi et diviti; minatur nobili et humili; invadit domos doctorum et indoctorum, vel auctis praedicatis ita: Mors instat pauperi, minatur diviti; adest humili, non parcat nobili; intrat domos indoctorum, nec timet domicilia doctorum. Potest et Totum vel Genus praeponi vel postponi, v. c. Quis est mortalium, qui a mortis periculo liber esse possit? Instat illa pauperi; minatur diviti; adest humili cet. Millies ita Cicero: prioris generis exemplum est Sext. 46. Etenim in tanto civium numero magna multitudo est eorum, qui aut propter metum poenae — novos motus — reipublicae quaerunt, aut cet. h. e. malorum civium: it. Arch. 7. extr. Haec studia cet. posterioris generis exemplum est Mil. 8. Luget senatus, moeret equester ordo, tota civitas cet. h. e. omnes lugent Clodium. cf. supra P. I. Cap. 9. S. II. n. X. sub B. et S. III. n. I.

SECT. XVII.

12) De comparatione ac similitudine addenda.

Duodecimus fons perspicuitatis propior in explicandis rebus est *adiectio comparationis* s. *similitudinis*. Nihil magis rem reddit perspicuam quam illa. Est enim mensura definiens rei magnitudinem, utilitatem omnemque qualitatem. De acervo magno frumenti non iudicare possumus, nisi comparamus cum modio cet.: sic de aliis rebus ac personis non possumus iudicare, nisi eas comparamus cum rebus vel hominibus notis, v. c. cum *Helena, Homero, Eugenio*, cum *vento, nive* cet. v. c. *magnus amor* comparatur cum *amore parentum, liberorum, fratrum* cet. — Comparatio est vel *latior*, vel *brevior*, vel *brevissima*: *latior*, si rem, quacum aliam comparo, ante explico, illustro et argumentis confirmo: *brevior*, si res illa non ante explicatur, sed pro nota habetur, v. c. *magnus amor*

est

est parentum erga liberos: at meus erga te non est inferior: brevissima, si constat uno vel paucis vocabulis, v. c. amo te ut patrem: tu es mihi pater.

Omnis vero *Comparatio* debet esse *apta*, hinc 1) res, quacum rei comparas, debet esse *vera*: omittenda igitur sunt *Elysium*, *Phoenix*, cet. 2) similitudo debet esse *vera*: 3) in comparandis hominibus habenda est ratio dignitatis et ordinis eorum; v. c. *rex* cum *rege* comparandus est, nec cum milite quovis: nec miles cum rege cet. Videndum quoque est, ne secundariae notiones in animo lectoris vel auditoris oriantur, quae toti rei officiant; v. c. non decet institutionem magistri comparare cum fimo agri fertilitatem adiuvente cet.

Comparatio potest quadrupliciter institui:

- 1) *Par res* vel *homo* confertur cum *pari*: ubi sic concludimus: quod huic convenit, id convenit etiam illi: sic Cic. Arch. 6. comparat suum studium artium bonarum cum aliorum studio voluptatum: Ibid. 8. Archiam cum Homero: *Ergo illi alienum (Homerum), quia poeta fuit, post mortem etiam expetunt: nos hunc vivum, qui et voluntate et legibus noster est, repudiamus?* Ibid. 9. extr. Archiam cum Ennio.
- 2) *minor res* vel *homo maiori* comparatur; ubi sic concludimus: si maior res vel homo parum effecit cet., quanto minus res vel homo minor cet.
- 3) in primis notanda est comparatio hominis vel rei *maioris* cum *minori*, quae sic instituitur, ut primum doceatur hanc rem *minorem* esse magnam prae aliis, deinde, eam tamen esse *minorem* ea, quam cum illa comparamus; v. c. *doctrina est haud dubie res praeclara: nam mentem illustrat* cet. *At multo praeclarius est virtus: nam* cet. Sic Cic. Marc. 2. docturus clementiam Caesaris erga Marcellum esse rem summam, comparat eam cum rebus Caesaris bellicis: has valde laudat his verbis: *Nullius tantum est flumen ingenii* cet. et cum aliorum rebus gestis comparat ita, ut hae inferiores sint: deinde illas sensim extenuat, ut clementia

tia maior videatur. Sunt et breviores comparationes, v. c. Arch. 8. comparatur Archias cum Roscio histrione, ubi docet Cicero, si Roscius propter artem corporis tantopere amatus sit, magis amari debere Archiam ob poesin: it. cum poeta malo cap. 10. cf. Manil. 5. in. *Maiores vestri* cet. Arch. 12. *An, cum statuas* cet.

- 4) Etiam *contrarium* cum *contrario* comparatur, ut illius vera ratio melius adpareat. Sic Cicero comparat *vitam urbanam* cum *rustica* Rosc. A. 27; *frugalitatem* cum *luxuria* Tusc. V, 33 seq.; *Verrem* cum *Pisone Frugi* Verr. IV, 25. et cum Marcello Ibid. 54; *Dionysium tyrannum* cum *Archimede* Tusc. V, 20-23.

SECT. XVIII.

13) De repetitione idearum.

Tertius decimus fons propior perspicuitatis in explicandis rebus s. notionibus est *crebra repetitio rerum* s. *notionum*; non omnium, sed earum, quas tenere interest lectoris et auditoris; tales sunt *thesis*, *argumenta*, *horumque argumenta* cet. Nam semel dicta facile oblivioni traduntur. Repetitio haec fit quatuor modis:

- 1) *Continuo* una res s. notio bis, ter ac saepius repeti potest, sed aliis verbis, v. c. *liberalitas et beneficentia*, *factum et consilium*, *pugnare et eniti*, *frangere et debilitare*, *peccatum et error* cet. Haec de singulis notionibus, de quibus vid. supra P. I. c. 9. de *Copia dicendi*, ubi monui posse, ad unam notionem exprimendam, iungi duo ac plura verba, quorum 1) unum *causam*, alterum *effectum*, 2) unum *notionem antecedentem*, alterum *consequentem*, 3) unum *rem totam* vel *genus*, alterum *partes* vel *species* exprimat, 4) unum sit *tropicum*, alterum *proprium*, 5) alterum altero sit *fortius*, vel 6) alterum sit *positive*, alterum *negative* positum, vel 7) alterum ab altero paulum *differat*. Sic et in notionibus iunctis s. enuntiationibus agendum; v. c. Si thema sit: *mors non est extimescenda*, et causa: *quia omnibus instat*, possum hanc causam varie exprimere et repetere, v. c. *Mors enim instat omnibus*

omnibus hominibus: nemo ab eius periculo liber esse potest: quisque, sive sit dives, seu pauper cet., mortalem se esse fateatur necesse est cet.

- 2) Maxime vero post interiecta plura verba repeti debent notiones notabiles. Hic eadem variatione, de qua modo dixi, utendum, ut repetitio non facile ab auditore et lectore sentiat. Cicero sic millies; v. c. Agr. II, 1 seq. hanc notionem: *ego homo novus factus sum consul anno meo saepe* repetit: dicit primum: *me primum hominem novum consulem fecistis*: deinde: *eum locum, quem nobilitas praesidiis firmatum atque omni ratione obvallatum tenebat, me duce rescidistis* cet. porro: *neque me tantummodo consulem — sed ita fecistis, quomodo pauci nobiles consules facti sunt, novus ante me nemo*; deinde: *reperietis me esse unum ex omnibus novis hominibus, qui consulatum petierim, cum primum licitum sit; consul factus sim, cum primum petierim* cet. ac saepius. Ibid. c. 3 et 4. quater confirmat, *se popularem futurum*. Sic in Maniliana saepe repetit, *vedigalia esse in periculo*; Pompeium esse virum magnum et dignissimum, qui adversus Mithridatem mittatur.

- 3) Huc pertinent illae figurae: *anaphora*, *epiphora*, *symploce* et *epizeuxis*: repetunt enim eandem ideam: *Anaphora* in principio enuntiationum connexarum, v. c. *Deus nobis vitam dedit, Deus nos sanitate donavit, Deus* cet. *Epiphora* repetit eandem notionem in fine enuntiationum; v. c. *doletis, tres exercitus — esse interfectos? interfecit Antonius. Desideratis clarissimos cives? eos quoque vobis eripuit Antonius. Symploce* est coniunctio anaphorae et epiphorae, v. c. Cic. Agr. II, 9. *Quis legem tulit? Rullus. Quis partem populi suffragiis privavit? Rullus. Quis comitiis prohibuit? Rullus. Epizeuxis* repetit eandem notionem continuo iisdem verbis, v. c. *Deus, Deus hoc fecit*: sic Cicero Cat. I, 1. *nos, nos dico aperte, consules desumus*: Cic. Font. 7. in. *Fuit, fuit* cet.

- 4) in fine orationis solere argumenta cum thesi repeti, sed brevissime, notum est.

S E C T. XIX.

14) De pictura rei addenda.

Quartus decimus fons propior perspicuitatis in explicandis illustrandisque rebus est *pictura rei* s. *descriptio vivida*, quam vulgo *diatyposin* et *hypotyposin* appellant. Cernitur illa in eo, cum res aliqua ita narratur, vel potius depingitur, ut ei interesse et oculis auribusque eam percipere videamur. Id quod fit, si quaedam eius partes s. circumstantiae sensibus subiectae, in primis, quae oculis et auribus percipiuntur, recensentur. Sic Livius saepe praelia ita depingit, ut iis interesse et pugnantes videre videamur: sic Cicero Phil. II, 41: *personabant omnia vocibus ebriorum: natabant pavimenta vino: madabant parietes* cet. At cavendum, ne rei partes s. circumstantias tedium creantes memoremus. Peccavit hic Cicero Phil. II, 25. *magister equitum, cui rustlare turpe esset, is vomens, frustis esculentis, vinum redolentibus, gremium suum et totum tribunal implevit.*

S E C T. XX:

15) Additamentum ad fontes perspicuitatis rerum.

Plures haud dubie fontes detegi poterunt. Possunt eo quoque referri 1) *brevitas*, quia haec saepe perspicuitati prodest: vid. de ea P. I. c. 9. 2) *ordo idearum*, quae iungi debent, prout earum natura postulat: qua de re supra P. I. c. 3. s. II. late dictum. 3) *modestia in acumine adhibendo*: 4) *Subtilitas in omni re adtendenda*, v. c. a) ut videamus, utrum praedicatum toti subiecto, an eius parti conveniat, v. c. *offendere alicuius animi pro aliquem; vulnerare hominis corpus pro*

pro hominem: *puppim advertere ripae pro navem*: b) ut praedicata convenient subiectis, ac v. c. dicamus *gradus altus*, non *magnus* cet. Referuntur talia vulgo ad vocabula; hinc et ibi de ista re dicemus.

SECT. XXI.

B) De fontibus perspicuitatis propioribus in usu vocabulorum.

Sequitur alterum genus fontium perspicuitatis propiorum pertinens ad verba. Perspicuitas dicendi, quod ad verba adtinet, quatuor consistit rebus, 1) vocabulorum delectu, 2) coniunctione, 3) ordine, 4) connectione. De his pauca dicemus, sed ita, ut cum his lectores ea, quae P. I. c. 2, 3, 4 seq. dicta sunt, coniungere velimus.

SECT. XXII.

1) De delectu vocabulorum singulorum.

Primus fons propior perspicuitatis in vocabulorum usu est *rectus vocabulorum singulorum delectus*. Hic notes haec;

I) Debent eligi *vocabula vera* s. *vere latina*: Ergo omittenda 1) *graeca*, si latine exprimi possunt, v. c. ὁ πᾶν *Casaubonus* cet. Excipiuntur graeca latina veste a priscis donata, v. c. *museum*, *tropaeum* cet. 2) recens inventa, v. c. *aequipollentia*, *conciwis* cet. At toleranda *Archidux*, *Abbas*, *Vasallus*, *infusum* ap. Medicos cet. 3) vocabula dubiae auctoritatis, v. c. *adcerfo*, *collimare* pro *collineare*, *vendico* cet. Hinc utendum est editionibus Criticorum.

II) eligi debent *vocabula nota* h. e. quae credere possumus ab omnibus, qui linguam quodammodo cal-

lent,

lent, intellectum iri. Ergo omitti debent, quantum fieri potest,

- 1) *vocabula*, non in scriptoribus aureae aetatis occurrentia; hi enim maxime leguntur, atque ita eorum vocabula notiora habenda sunt, quam cetera. Recensebo magnum numerum vocabulorum in libris aureae aetatis (quantum quidem nunc sciamus) non occurrentium: *Abbas*, *Abbatissa*, *abbreviatura*, *abbreviare*, *abominabilis*, *abominatio*, *adquisitio*, *additicius*, *adoptatio*, *aequanimis*, *iter*, *aequipollentia*, *adfectuosus*, *adfirmativus*, *e*, *agonizare*, *albedo*, *aliqua*liter, *aliquanti* i. e. aliquot, *aliquatenus*, *amanuensis*, *amicabiliter*, *anathema*, *angustiare*, *animalculum*, *animus*, *adnihilare*, *adnullare*, *adnuatim*, *apostata*, *adpropriare*, *aptitudo*, *Archidux* cet., *archivum*, *armistitium*, *adscientia*, *adsuefactio*, *augmentare*, *balbuties*, *baptismus*, *baptizare*, *benefactor*, *beneplacitum*, *bestialis*, *blasphemia*, *bibliothecarius*, *bibo* subst., *boatus*, *bovinus*, *breviarium*, *caespitare* s. *cepsitare*, *cambium*, *calculare*, *canonizare*, *captivare*, *carentia*, *carminice*, *carnalis*, *iter*, *casualis*, *iter*, *certitudo*, *coacte*, *coadiutor*, *coaequalis*, *coaetaneus*, *coaevus*, *coelitus*, *coincido*, *combinare*, *Comitissa*, *commendatorius*, *commensalis*, *compater*, *compatior*, *complacentia*, *complex*, *computus*, *concernit* (i. e. *ad-tinet ad*), *concivis*, *concordantia*, *concupiscentia*, *condescendere*, *condolentia*, *confiscare*, *confoederare*, *tio*, *confortare*, *confrater*, *congruus*, *connumerare*, *consistorium*, *consortium*, *consuetudo*, *contrariari*, *contradictorius*, *e*, *contribulis*, *controvertitur*, *conversari*, *coordinare*, *cordialis*, *iter*, *cordiculus*, *corporalis*, *iter*, *correcte*, *correspondere*, *crapulari*, *creatura*, *crucifigere*, *cuprum*, *cursorius*, *e*, *dapifer*, *decollare* i. e. *köpfen*, *decrementum*, *deitas*, *depraedari*, *derisio*, *desertum*, *desolatio*, *deteriorare*, *deviare*, *diescit*, *dietim*, *dignanter*, *districtus* subst., *diversicolor*, *diversimode*, *divisim*, *dolorificus*, *dolorosus*, *dubietas*, *Ducissa*, *econtra*, *edecumatus*, *efficaciter*, *effigiare*, *efformare*, *eleemosyna*, *elucescit*, *es* erhellt, *epitomare*, *ator*, *eremita*, *ethnicus*, *excommunicare*, *exhibitor*, *exinanitio*, *exorbitare* cum de-

rivatis, extemporaneus, extraordinarie, extrinsec,
 facilitare, famigeratus, favorabiliter, ficticius, fide-
 inssor, figmentum, filialis, iter, finalis, iter, flave-
 do, forpex, fortificare, frontispicium, fructificare,
 frustraneus, fundamentalis, iter, gehenna, glorifica-
 re, gratanter, gratitudo, habitaculum, hebdomada-
 dim, hereditare, historiographus, homagium, hor-
 tulanus, humiditas, humiliare, hypocrita, idolola-
 tria, ieiunare, ignominiose, ignoranter, illatio, illa-
 tivus, illegitimus, immediatus, e, immoriger, im-
 morigerus, impertinens, impenitens, entia, impor-
 tantia, impossibilis, itas, impraegnare, inadverten-
 tia, incapax, incertitudo, incessabilis, iter, incessan-
 ter, incidenter, incolatus, incongruus, inconsideran-
 ter, inconsideratio, incoram, incorporalis, iter, in-
 corrigibilis, iter, incredulitas, incunctanter, incur-
 bilis, iter, indefinenter, indisciplinatus, inelegans,
 infernalis, infinities, influxus, ingratitude, inobe-
 diens, insimul, insipidus, insolite, insufficiens, entia,
 enter, intelligibilis, intimare, intimior, intrinsece,
 invariabilis, invasor, inverecunde, dia, irrationalis,
 iter, irrationabilis, iter, irreconciliabilis, irregula-
 ris, iter, irremissibilis, irreverenter, tia, invisibilis,
 itas, iter, itinerarium, iuramentum, iustificare, la-
 bilis, licite, liga, longanimus, itas, lubricitas, lu-
 eta, maledictus, manuductio, martyr, martyrium,
 matricula, medie, mediate, ator, meliorare, mensu-
 rare, meridionalis, minorare, miraculosus, moder-
 nus, molestare, momentaneus, momentaliter, mona-
 chus, monialis, monoculus, mortificare, multoties,
 necessitare, negativus, e, neotericus, neutralis, ni-
 gredo, nimietas, notorius, e, nullatenus, obtene-
 brare, obviare, occidentalis, oboddecim, ocularis, iter,
 orthodoxus, e, ordinarie, oscitantia, pacifice, paen-
 ultimus, parochia, partialis, passio, peccamen, pec-
 caminosus, peccator, trix, perlator, perpendiculari-
 ter, pientissimus, pinnaculum, plausibiliter, pom-
 pose, populosus, possibilis, itas, praenominatus, prae-
 primis, praesentaneus, praesentare, praeservare, prae-
 supponere, primicerius, primordialis, primogenitus,
 prioritas, profunditas, proficius, prolongare, proma-
 nare, promitudo, propalare, prophetare, proportio-
 naliter, protectio, protector, protoplasti, purificare,
 puritas,

puritas, pusillanimis, itas, qualisqualis, quantocius, ratificare, realis, iter, recenter, recommendare, recompensare, rectitudo, redargutio, redhostimentum, refrigerium, reiteratio, repedare, respective, restaurare, resurrectio, reverenter, reverendissimus, revisio, rigorosus, salvator, salvificare, sanctificare, atio, sapidus, scandalum, osus, scholaris, scibile, scortatio, scrutinium, septimana, signanter, situari, situatio, solummodo, somnolentus, tia, sordities, specialis, iter, spondaicus, spontaneus, stannum, sternutatio, subalternus, subalternare, atio, subaudire, subintelligere, subiungere, subsistentia, substantia, substantivum, successivus, e, sufficienter, tia, summitas, superciliosus, superfluus, superioritas, supernaturalis, suppedaneum, supremitas, sustentaculum, tortura, totalis, iter, transmutatio, transsubstantiatio, triumphator, vacantia, vane, variabilis, vassallus, vaticinium, vegetativus, verificare, vice versa, viror, visibilis, iter, itas, ullibi, ultime, ultimo, ultimato, unanimiter, uniformis, unigenitus, voluptuosus, e, voracitas, uxoratus et sexcenta alia. Multis horum carere possumus iisque alia substituere, v. c. adoptatio mutari potest in adaptio, aequanimiter in aequo animo, adfirmativus in adfirmans s. aiens, armistitium in induciae, archivum in tabularium, adfistentia in auxilium, adsuescitio in consuetudo, boatus in mugitus, coaequalis, coaetaneus, coaevus in aequalis, cordicitus in ex animo, correde in emendate cet. Multa autem non commutari possunt, v. c. Abbas, Abbatisa, Archidux, angelus, diabolus, bibliothecarius, Comitissa, Monachus, Pastor, Diaconus, Vassallus, paenultimus, substantivum cet. in primis nomina honoris, v. c. Minister regis, reverendissimus cet.

- 2) *raro occurrentia* in scriptoribus aureae aetatis, quia non omnibus nota sunt; v. c. *absque, causari, infideliter, nullibi, servitudo* cet.
- 3) *poetica*; quia sunt communi dicendi usui plerumque ignotiora, v. c. *imputare, aequor de mari, altisonus, velivolus* cet.

- 4) *graeca*, ut n. 1. dictum.
- 5) *recentiora*, si iis carere possumus.
- 6) e mythologia vel antiquitatibus ducta, saltem pleraque.

III) Vocabula debent sumi *significatione nota* h. e. quam pro nota omnibus habere possumus. Habent enim vocabula

- 1) interdum *significationes raras*, nec omnibus notas, v. c. *notatio* pro *etymologia*: *gaudeo* pro *habeo*: *utor* pro *opus habeo*, ut nostris *brauchen*: *supplicium* pro *supplicatione*: *quasi* pro *circiter* cet.
- 2) interdum *significationes dubias*, v. c. *periculum* Nep. Epam. 8. nonnulli explicant per *tabulas publicas*, das *Protocoll*: et provocant ad Cic. Verr. III, ubi *scribis tabulae publicae periculaque magistratum committi* dicuntur. At loci sunt diversi. Sic *humare* explicant nonnulli per *cremare* ap. Nep. Eum. 13. extr. et provocant male ad Cic. Legg. II, 2. qui dicit, *sepultos* (i. e. crematos) dici *humatos*: at propterea *humare* non est *cremare*: est ergo haec vis vel dubia vel ficta. Sic *ad scenam ire* ap. Nepot. cet.
- 3) interdum *fictas* vel aureae aetati ignotas *significationes*; v. c. *advocare* pro *causas agere*: *ambitio* pro *superbia*; *ambitiosus* pro *superbia inflatus*; *adserere* pro *adfirmare*; *adparere* pro *videri*; *avarus* pro *nimis parco*; *bona opera* pro *beneficiis erga pauperes* cet. *brachium saeculare* de *magistratibus*; *calumnia*, *Verläumdung*; *calamitas* pro *omni malo*; *clemens* pro *benefico*; *communiter* pro *vulgo*, *plerumque*; *competens* pro *legitimus*, v. c. *iudex*; *confundi* pro *pudore adfici*: *consulere alicui* pro *suadere*: *convincere* pro *perjuadere*; *copia* pro *exemplo*, *Copie*; *cordatus* pro *animosus*; *crux* pro *malis*; *damnati* pro *iis, qui in orco sunt*; ap. Theologos; *deputare* pro *destinare*; *devotio* pro *ardenti pietate erga deum*; *diligens*, *fleißig*, i. e. *gechäftig*; *discretus* pro *humanus*; *festivitas* de *die solenni*; *fides in Christum*, sic *fideles*, *die Gläubigen*, ap. Theol.; *fornicatio* de *scortando*; *impingere* neutr. pro *offendere*; *infernus*, *die Hölle*; *infideles*, *infidelitas*,

fidelitas, Ungläubigen, Unglaube; *infucatus* pro non *fucatus*; *inquam*, si est revocantis se in verbis perperam dictis; *intercedere* pro *rogare alicuius causa*; *iuxta* pro *secundum*, v. c. *iuxta Platonem hoc verum est*; *levis* pro *facilis*; *linea* pro *versu*; *medium* pro *re*, qua aliquid efficitur, das *Mittel*; *mundus* pro *hominibus malis*; *omnino* in adfirmante responsione; *paganus*, ein *Heide*; *praecise* pro *adcurate*; pro *tempore* pro *nunc*; *promovere* pro *adiuvare*; *proximus* de quovis *homine*; *publicus* pro *manifestus*; *quoad* cum accus. pro *quod adtinet ad* cet.; *resurgere* pro *ab inferis redire*; *remedium* i. e. *Mittel zu etnas*; *scientia* pro *disciplina* in libris tradita; *saecularis*, *weltlich*; *subditus* pro *cive*; *Unterthan*; *unio* pro *coniunctione*; *votum* pro *suffragio* cet.

- 4) *significationes poetis fere proprias*; v. c. *salutor* et *audio* pro *adpellor*, est seq. *Infinis*. pro *licet*.

IV) Vocabula debent esse *apta* h. e. notionem adcurate exprimere. Tripliciter hic peccare possumus:

1) quando cum vocabulo aliam ideam coniungimus, quam prisca iunxere, v. c. *consulere alicui* pro *suadere*: 2) vel *maiozem*, quam prisca, v. c. *opinio* pro *sententia certa*: 3) vel etiam *minorem*, v. c. *inflammatus ira* pro *iratus*; *honoratus* pro *dignus honore* cet. Qua in re ne peccemus, debemus rem, quam exprimere studemus, et vocabula, quibus illam exprimere volumus, adcurate nosse. Tum videbimus a) multa prisca vocabula nostris rebus non respondere, v. c. *legio*, *cohors*, *tribunus*, *hastati*, *sestertius*, *denarius*, *municipium* cet. ac nec satis *servus*, *toga*, *tunica* cet. b) laepe recentiora magis convenire, v. c. *Archidux*, *angelus*, *episcopus*, *feudum*, *pillulae*, *infusum*, *decoctum* cet. Sunt enim omnibus nota.

V) Vocabula debent *ambiguitate carere*: hinc vel eligenda ea, quae sunt unius certaeve significationis,

v. c. *sum*, homo cet. vel si homonymum fumitur, debet aut contextus docere, quae vis cum illo coniungenda sit, aut res eo expressa debet ipsa nota esse: v. c. *consilium patris* non intelligo: at si quis dicit: *pater mihi suavit*, ut ita rem instituerem: quomodo placet tibi hoc consilium? aperte video *consilium* esse der Rath, non *Entschluß*, *Klugheit* cet. Sic *imperium* varias habet notiones: at si dicis *imperium Sullae*, *Marii* cet. intelligo esse das *Commando*.

SECT. XXIII.

2) De perspicuitate in coniungendis vocabulis.

Alter fons propior perspicuitatis in vocabulorum usu est eorum coniunctio recta. Hic tenenda sunt haec:

I) *Substantivis addi debent Verba, proprie dicta, quae illis convenient*; v. c. *viae*, pro *ratione*, *Mittel*, non convenit *eripere*; male loquaris: *viae omnes mihi sunt ereptae*; imo *occlusae*, *obseptae*, *interseptae*: nec facile dixerim: *habeo viam*: pro *patet via*. Sic non dici potest *honoris gradum adipere*, sed *adscendere* cet. non *poenas adipere*, sed *dare*, *pendere* cet. non *navfragium pati*, sed *facere*: sic et *damnum adipere*, non *pati*. Sic si de romanis rebus, dicendum: *creare* (it. *facere*) *consulem* cet. *cooptare pontificem*: *legem ferre* de magistratu, *sciscere*, *iubere* de populo: sic *Vestalem legere* vel *capere*, *Interregem prodere* cet.

II) *Verbis proprie dictis addi debent adverbia illis convenientia*; v. c. *enixe rogare*, non *obnixè*: *facile pati*. sich gern gefallen lassen, non *libenter*: hoc alium sensum efficeret. Sic non dicendum *cibus sapit pulchre*, *Non olet pulchre*, sed *bene*.

III) Sub-

III) *Substantivis* addi debent *adiectiva* tum *convenientia* tum *sufficientia*:

1) *convenientia*: v. c. *consilium bonum*, si cum prudentia datur, *fidele*, si cum fide; nec *consilium prudens, sapiens* reiiciendum, licet proprie homo non *consilium* sit *prudens* cet. Sic *ager bonus*, si de fertilitate sermo, non *pulcher*. *Homo senex* recte de annis; *homo antiquus* de moribus; *vir magnus* de virtutibus, non de statura. Sic recte *manu mea*, mit meiner eignen Hand, non *propria* h. e. *eigenthümlichen*. Sic *gradus honoris altus* s. *excelsus*, non *pulcher* cet. Sic *vestigia perspicua, expressa*, non *pulchra, magna*. Sic *finis* (*Absicht*) *certus*, non *pulcher, prudens, callidus* cet. sic *lingua vernacula*, non *materna*: non enim mater sola illa utitur. Sic non dixerim forsan *conscientia bona, mala*, licet Cicero dixerit *conscientia praeclara, recta*, sed *conscientia recte factorum, malefactorum*, s. *bonorum, malorum consiliorum*. Sic non dici potest *verus doctus, magnus doctus*, sed *vere, valde doctus* cet.

2) *sufficientia*. Hic videndum, quot adtributa res quaeque postulet: v. c. in *consilio* requirimus duo, primum, ut sit *bonum*, deinde *fidele*: ergo recte dicimus *consilium bonum et fidele*: sic *beneficia multa et magna*: sic *laus tenuis atque obscura* Cic. Verr. I, 1. med. *multis et firmis praesidiis* Cic. Font. 16. in. *certissima et maxima vestigalia* Cic. Manil. 2. — Quaeritur hic, an etiam duo adiectiva sine copula *et, ac* cet. possint uno substantivo iungi: possunt utique, si unum adiectivum una cum substantivo potest cogitari ut una notio, v. c. *bellum acerbissimum civile* Cic. Phil. V, 15. ubi *bellum civile* tanquam una notio cogitatur: sic *Codex Lipsiensis primus* cet. In primis substantivo coniuncto cum adiectivo aliud praeterea adiectivum (it. plura) addi potest, si hoc est pronomen, vel gentile, vel indicat numerum, multitudinem, paucitatem; v. c. *hi magni viri: multi magni morbi: tria bella Punica* cet. accurate de hac re egi in *der ausführlichen latein. Sprachlehre*, P. II. c. 1. §. 7. p. 318 ff.

IV) *Adiectiva*, si in iis inest notio primaria, mutantur saepe in *substantiva*: et tum substantiva, vel pro-

nomina, quibuscum iuncta illa erant, abeunt in genitivum; v. c. Cic. Rosc. Am. 17. *si in calamitatem venit propter praediorum bonitatem et multitudinem pro praedia bona et multa.* Ad Div. V, 2, §. 22. *Huius temeritati si — non restitisssem:* Caes. B. G. IV, 17. *et si summa difficultas faciundi pontis proponebatur propter latitudinem, rapiditatem altitudinemque fluminis* cet.

V) Substantivo vel pronomini aliud substantivum additur, per quod illud magis definiatur sicque perspicuitas magis adiuvetur: atque ita prius substant. abit in genitivum. Substantivum, quod additur, notat vel partem vel adtributum vel causam substantivi, cui additur; v. c. *offendere patris animum* pro *patrem*: *commisit se patris fidei* pro *patri*: *ignovi Caii adolescentiae* pro *Caio*; cf. de hac re supra P. I. C. 9. Sect. II. n. II. Sic millies prisca: Cic. ad Div. V, 2, §. 14. *Si vero meam salutem contra illius — impetum defenderim* cet. pro *si vero me contra illum defend.* cet. Ibid. §. 15. *Quem ego cum comperisssem omnem sui tribunatus conatum in meam perniciem parare* cet. Ibid. §. 22. *Huius ego temeritati si non — restitisssem* cet. Ibid. §. 20. *ego dolori tuo non solum ignosco* pro *tibi*: et statim: *meus enim me sensus, quanta vis fraterni sit amoris, admonet.* Ib. ep. 12. §. 7. *si uno in argumento unaque in persona mens tua tota versabitur:* Ib. §. 8. *potest enim mihi denegare occupatio tua,* pro *tu*. Phaedr. I, 4. de cane: *lympharum in speculo vidit simulacrum suum,* pro *in lymphis vidit se*; sic Fab. 12. *cervus — in liquore vidit imaginem suam:* ac deinde: *crurumque nimiam tenuitatem vituperat, venantum subito vocibus conterritus* pro *crura*, per *venantes*: Fab. 14, 10. *tum confessus est, non artis ulla medicae se prudentia, verum stupore vulgi factum nobilem* pro *non per artem medicam, sed vulgum.* Omnia praeclare et adcurate dicta.

VI) Non

VI) Non peccari debet in casu, numero, genere substantivorum, in tempore, modo Verborum cet.: haec peccata perspicuitati officere possunt:

- 1) in casu; v. c. non dici debet *condolere alicui, communicare alicui, iubeo tibi, erubescio alicuius, incumbere literis* pro *ad literas*: nam *literis* alium gignit sensum. At rectum est *ponere in terra* vel *in terram*: latet *mihi* et *me* cet.
- 2) in numero; v. c. non dicendum: *pater et mater vivit adhuc: multum audiivi* pro *multa*: *paucum didici* cet. Non vernaculum *dieses, welches*, si de una re sermo, vertendum *haec, quae*. Nam *hoc, id, quod de una: haec, ea, quae* de pluribus dicuntur. Sic omnia rectius quam *omne*, quanquam et hoc non raro occurrit.
- 3) in genere; v. c. a) ne usurpemus genus rarius; v. c. *finis* interdum in genere feminino occurrit, v. c. Cic. ad Div. XII, 1. in. *finem nullam facio*: quod non imitandum cenfeo: b) ne vocabula, quae, ut significatione, ita genere differunt, confundamus; v. c. *malus* in horto et in navi: *calx* pro *postrema pedis parte* et pro *materia lapidis costi*: *Adria* masc. est mare, et *Adria* fem. est oppidum: sic *Cupido* cet.
- 4) in tempore Verbi; v. c. qui vernacula haec: *ich weis nicht, wenn der Vater kommen wird*, vertit: *nescio, quando pater venerit* pro *venturus sit*, is non perspicue loquitur: et quisque lector vel auditor pro perfecto habeat et vertat: *gekommen ist*. Sic qui futurum simplex pro exacto ponit, deceptus vernacula, is aliud dicit, aliud cogitat: sic aliud est *fratris culpa factum est, ut miser sit*, et *miser esset*. cf. de vero usu temporum P. I. c. 9. S. XVII. n. XX. B.
- 5) in modo Verbi; v. c. qui vernaculum: *wenn ich kann* vertit *cum possim*, perperam loquitur. Sic aliud est *si possum* et *si possim*: *si vides* et *si videas*: *etsi sis doctus*, et *etsi es doctus*: qua de re supra dictum.
- 6) in terminatione personali (quam vulgo *personam* vocant) Verbi; v. c. in enuntiatione universalis, quae incipit vernacule per *man*. Recte quidem dicimus: *pulchrum est ea, quae didicerimus*, s. *didiceris, alios docere*: at non recte: *non credenda sunt omnia, quae dicimus*, vel *quae dicis*, *was man spricht*. cf. supra P. I. c. 9. S. XVII. n. XX. A.

VII) Non debet peccari in *usu participiorum*: Hic not. 1) participia debent ita poni, ut statim adpareat, an per *qui, postquam, quando* cet. explicari debeant. Hinc *si videam patrem, dicam ei, wenn ich den Vater sehen sollte* cet. non debet mutari sic: *videns* cet. 2) participia non debent nimis coacervari, ne qua obscuritas in mente legentis et maxime audientis suboriat. In primis cavenda sunt participia, si propter similem casum substantivi ambiguitas existere potest: v. c. *tu uteris hominibus fruentibus voluptatibus*, vel *hominibus voluptatibus fruentibus*.

VIII) *Subiecti idea ab idea praedicati* debet facile discerni posse. Peccari hic potest 1) in duobus nominativis, v. c. obscure dictum est: *saepe tristitia laetitia est: malum est bonum*: cet. sic Cic. ad Div. III, 10. §. 9. *dubitare non possum, quin tibi amplitudo ista sollicitudo futura sit*, ubi *sollicitudo* est subiectum. Add. Terent. Hec. II, 1, 4. *omnes socrus oderunt nyrus*: sed contextus ibi ambiguitati occurrit. 2) in duobus dativis, v. c. non dixerim: *mihi est parcendum homini*. 3) in duobus accusativis, v. c. non dixerim: *miror homines alios videntes virtutes colentes nolle ipsos eas amare*. In primis huc pertinent duo accusativi infinitivo iuncti, v. c. *Audio patrem filium non amare*. Vter amat? it. *Aio te, Aeacida, Romanos vincere posse*: it. Plaut. Merc. II, 4. in. *Pentheum diripuisse aiunt Bacchas*; Terent. Hec. V, 1, 6. *Credo — te mirari, quid sit, quapropter te huc puerum evocare iussi*; ubi *puerum* est subiectum. Add. Cicero ad Div. V, 20, §. 8. *respondeo, me — tamen te expectaturum fuisse* cet. Potest saepe ista ambiguitas evitari mutando activo in passivum, v. c. *Pentheum direptum esse a Bacchis* cet.

IX) *Nominativus princeps, Verbo legitime praecedens*, non facile omitti debet, nisi paulo ante praecessit,

fit, vel facile intelligi potest; v. c. non dixerim: *Nuper fratrem tuum apud patrem meum vidi: quaesivit ex eo* cet. Vter quaesivit? Rectius additur *ille*, si ad fratrem, et *hic*, si ad patrem refertur. Prisci plerumque, ad perspicuitatem adiuvandam, addunt *Is, id, qui* cet. atque adeo, ubi per se intelligi poterat; v. c. Cic. ad Div. I, 3. in. *Aulo Trebonio — utor valde familiariter. Is cum antea* cet. Manil. 4. in. *Mithridates — omne reliquum tempus — contulit. Qui posteaquam maximas aedificasset* cet.

X) Praepositio *a*, quando initium temporis indicat, ante se libenter habet *inde*: sic omnis ambiguitas tollitur; *inde a primis annis: inde ab adolescentia factum* cet.

XI) *Parentheses* longae ac crebrae in eadem sententia vitandae sunt. Res per se loquitur.

XII) Post parenthesin longiorem Cicero, ut contextum interruptum restituat, atque ita perspicuitatis causa, repetit unum vel aliquot vocabula, addito vel *inquam*, ut nostri, *sage ich*, vel *igitur, ergo*, interdum *sed, verumtamen, sed tamen*. a) *inquam*: Or. III, 31. in. Att. I, 16. med. b) *igitur*: ad Div. I, 9, §. 67. *scripsi igitur* cet. Att. XVI, 3. in. Tusc. IV, 15. in. Fin. IV, 20. in. V, 32. c) *ergo*: ad Div. XV, 10. in. Tusc. I, 7. *id ergo est* cet. d) *sed*: Qu. Fr. II, 3. non procul ab initio: *sed ut peroravit* cet. Offic. I, 30. *sed si quis* cet. Or. III, 12. in. e) *sed tamen*: ad Div. IX, 16, §. 2. Or. II, 90. non proc. ab in. f) *verumtamen*: ad Div. V, 21, §. 9. Att. I, 10. in.

XIII) Si quod vocabulum, quo uti cogimur, paulo obscurius esse credimus, id explicare debemus v. c. per *hoc est, sive, seu* aliove modo. Potest et explicatio tecte insitui, 1) quando statim synonymum adiicis, v. c. *auctoritas et consilium*: sic Cic. Verr. III, 7. *do tibi hoc et concedo*: de qua re supra dictum P. I. c. 9. S. II.

p. 199. 2) quando eandem rem et affirmative et negative effers: v. Ibid. p. 199. 3) repetitione eiusdem rei per aliud vocabulum vel per circumscriptionem. Vid. supra P. I. c. 9. S. II. n. X.

XIV) Repetitio eiusdem ideae, ad quam adtendere lectorem et auditorem volumus, valde necessaria est perspicue loqui cupienti, ut supra Sect. XVIII. dictum. Fit tribus modis:

- 1) *Idem vocabulum repetitur*; v. c. Cic. Rosc. A. 26. *Tanti maleficii crimen, cui maleficio* cet. Cic. Verr. III, 6. *quarum ager — illis est redditus. Is ager* cet. Man. 12. *Ita tantum bellum —, quo bello* cet. Cic. Cluent. 57. *Cluentius — causam dicit ea lege, qua lege senatores* cet. Mil. 20. in. *Ante fundum Clodii: quo in fundo* cet. Pertinent huc a) *Anaphora*, v. c. Cic. Verr. III, 9. *Hunc in omnibus stupris, hunc in* cet. b) *Epizeuxis*, v. c. *dolebam, dolebam* cet. Cic. Phil. II, 15. c) *epiphora*, d) *symploce*: de quibus vid. supra Sect. XVIII, n. 3.
- 2) *Vocabulo, cuius ideam repetere volumus, substituitur pronomem aliquod*, v. c. *is, ille, hic, qui*: cf. dicta n. IX.
- 3) *Vocabulo illi substituitur aliud eiusdem generis* (v. c. *nomen nomini* cet.), interdum plura; v. c. Cic. Verr. I, 1. *Neminem vestrum ignorare arbitror, hunc — sermonem vulgi — fuisse* cet. *Quae fama — emanarat* cet. ubi *fama* est i. q. *sermo vulgi*. Cic. Verr. III, 6. *decumas lege Hieronica vendundas* cet. et deinde: *Hoc iure — Siculi semper usi sunt*. Cic. Verr. I, 5. in. *Meditetur de ducibus* cet.: *Videat, quid de illis respondeat, quos* cet.; *quaerat non solum* cet. ubi *meditetur, videat, quaerat* idem notant: sic Cic. Cluent. 2. *Dominetur in concionibus, iaceat in iudiciis; valeat in opinionibus ac sermonibus imperitorum, ab ingeniis prudentium repudietur*: egregie: *dominetur, valeat: et iaceat, repudietur*.

XV) *Rarae constructiones vocabulorum fugiendae sunt*; v. c. *fruor* cum genitivo cet. Sic non *dixerim: priscis, ita dicitur, pro a priscis*; non: *in potesta-*

poteſtatem eſſe, licet ſic legatur Cic. Divin. in Cæcil. 20: non *in aciem ſtare*, ut legitur Liv. XXIV, 8; non *tempus eſt dicere*, ut ap. Cic. ita legitur: it. *tempus conari* ap. Liv. *tempus extrahere* ap. Nep. non *tui unius ſtudio*, ut Cic. dixiſſe dicitur ad Div. II, 6. extr. non *illum*, ut *vivat*, optant cum Terentio cet. v. Periz. ad Sanct. p. 188.

XVI) Particulæ, vocabula et membra iungentes, v. c. *et*, *aut*, *ſi*, *cum* cet. recte ſunt adhibendæ; v. c.

- 1) *et* non facile omittendum, præterquam in ſermone gravi.
- 2) Priſcos libenter duplex *et*, *aut*, *vel*, nec ſ. *neque* ponere, ubi vernacula uno contenta eſt, ſupra P. I. c. 7. Sect. I. et II. dictum eſt. Fit hoc ob perſpicuitatem: ſic enim melius adparet, vocabula et enuntiationes arte cohaerere.
- 3) *et* pro *etiam* non poni debet, ſi per *et* videatur explicari poſſe: v. c. non dixerim: *Cum vidiffem te brevi perlegiſſe et Virgilium et Homerum, et Horatium tibi mittendum cenſui*.
- 4) *ſi* non eſt confundendum cum particula *cum*, *wenn*: illa eſt conditionis, hæc temporis. Aliud eſt *faciam*, *cum poſſum*, aliud *faciam*, *ſi poſſum*.
- 5) *cum* ſ. *quum* non debet commutari cum *dum*: hoc enim ſemper indicat tempus adhuc durans: recte ergo dico: *Dum ſcribebam, pater venit*; male: *Dum ſcripſeram, pater venit*.
- 6) *etiampi* et *ut* i. e. *geſetzt daß* non confundenda ſunt cum *quamquam*. Differunt enim: vid. ſupra P. I. c. 2. S. XVII, n. XVII, B. et c. 8. Sect. VIII, n. 9.

XVII) In vocabulis, quæ externa litterarum forma inter ſe conveniunt, ſignificatione differunt, videndum, ne lector auditorve ea confundat, et unum pro altero habeat, vel nimis diu quaerere cogatur, utrum intelligendum ſit. Talia verba ſunt multa v. c.

- 1) *uti* pro *ut* et *uti* ab *utor*.
- 2) *quodque*, quæque cet. a *quiſque*, vel pro *quod* et *que* cet.

3) *quin*

- 3) *quin* pro *imo*, et *quin* coniunctio: v. c. non dixerim: *non dubito, quin certissime mihi persuasum est.*
- 4) *est* a *sum* et *est* ab *edo*.
- 5) *ut* adv. et *ut* coni. v. c. *video, ut venerit* pro *quomodo* paulo obscurius dictum est: sic tamen saepe prisci, v. c. Cic. Rosc. Am. 24. in. *Viâetisne — ut eos agitent* cet.
- 6) *sis* a *sum* et *sis* pro *si vis*, quod est Cic. Rosc. A. 16. extr. *Age refer animum sis ad veritatem.*
- 7) *regis* a *rex* et a *rego*; sic *legis, sedes, videris, legeris*; sic *exsilit* ab *exsto* et *exsisto* cet.
- 8) *eo* adv. et *eo* ab *is*.
- 9) *etsi, obgleich*, atque *et si* pro *ac si*: hic melius dicitur *ac si*: quamquam et Cicero saepe *et si* pro *ac si* dicit.
- 10) Eaedem terminationes casuum interdum obscuritatem adferre possunt: v. c. *tu suavior es omnibus*, ubi *omnibus* et dativus et ablativ. esse potest; sic *fratres peregrinantes viderunt*, et alia. Hinc *talis* ap. Hor. I. od. 4, 18. in verbis: *regna vini talis* ambiguum est: quaeritur, utrum sit ablat. a *talus*; an genitivus i. e. *rois*, ut Gesn. credit. Sic ambiguum est *malis* in verbis Cic. ad Div. IX, 20. in. *Me autem a te, ut scurrâ velitem, malis oneratum esse non moleste fero*. Hinc sensus obscurus. Sic *avis* ambiguum est Virg. Aen. VII, 411: *locus Ardea quondam dictus avis: nunc magnum manet Ardea nomen*: intelligo maiores.
- 11) Eaedem terminationes vocabulorum in *Genere* possunt ambiguitatem efficere; v. c. non dixerim: *causa multorum* pro *rerum multarum*; non *huius, cuius causa* cet. pro *huius, cuius rei*; non *hoc factum est* pro *hac re*: sic non *ex hoc* cet. Ambigue locutus est, saltem tironibus, Livius II, 9: *Nisi, quanta vi civitates eam (libertatem) expetant, tanta regna reges defendant* cet. ubi *tanta* non ad *regna* pertinet. Obscurior est locus Liv. IX, 13. *Quae regio si fida Samnitibus fuisset, aut pervenire Arpos exercitus ro. canus nequisset, aut interiecta inter Romam et Arpos penuria rerum omnium exclusos a com meatibus absumisset*. Quaeritur, quo *interiecta* sit referendum. Locus haud dubie eget critica manu. Ceterum hinc puto, *Supina Verborum*, quia cum participiis confundi possunt, rarius occurrere, et *dic, duc, fac, fer* pro *dice* cet. usurpata esse, ne cum similibus confunderentur a lectore vel auditore.

XVIII) Caveamus, ne nimis longis, iisque crebrioribus, ut omnino complexionibus verborum, ita maxime periodis utamur. Peccavit hic Caesar, v. c. B. G. II, 25. Caesar ab decimae — gladiis uti possint: quae sententia absoluta sedecim versibus constat. It. Cicero, v. c. Quir. p. red. 1. in. Quod precatus — maxime laetor, Quirites: quae sententia absoluta duodeviginti versibus constat, et Dom. 57. in. quae septem et viginti versibus continetur.

XIX) Abstinendum est ellipsis durioribus, quales tamen apud priscos occurrunt; v. c. Cic. ad Div. XII, 30. §. 16. *Honore enim cum ignominia dignis non erant comparandi*, (ubi tamen Ernesti post *enim* inseruit *digni*). Ovid. Met. I, 20. (Pugnabant) *Mollia cum duris, sine pondere habentia pondus*; sic dura est ellipsis particulae *potius*, *magis ante quam*; v. c. Nep. Dat. 3. in. *tamen statuit congregari, quam cum tantis copiis refugere*: vid. Vechn. Hellen. p. 138. et Sanct. in Minerva, ibique Periz. p. 692. et 699. Durior quoque et obscurior saepe est ellipsis, quando homines colloquentes inducimus et vocabula: *inquit, dixit, respondet*, vel *tum ille* cet. omittimus. Sic Horatius saepe obscurior fit, v. c. Sat. II, 5. cet.

XX) Vocabulis relativis *hic-ille*, et *alter-alter* recte utendum est:

- 1) *Hic et ille* recte usurpantur, si *hic* ad propius, *ille* ad remotius refertur; v. c. *Si virtus tibi placet, cur hanc s. eam non colis?* Recte. At: *si virtus, donum illud Dei egregium, tibi tantopere placet, quomodo fit, ut tamen illam non colas?* recte, non hanc. In primis si de duobus hominibus vel rebus sermo est; v. c. *Caesar et Pompeius diu inter se contenderunt, ille, quia neminem superiorem, hic, quia neminem parem ferre poterat*. At peccarunt hic interdum prisci, et *ille* ad propius, *hic* ad remotius retulerunt; v. c. Liv. XXX, 30. *Melior tutiorque est certa pax, quam sperata victoria*. Hanc

in tua, illa in deorum manu est. Ibid. XXIV, 29. *Et mittentibus et missis cet.* Cic. Rosc. Com. 2. *quia haec sunt menstrua cet.*

- 2) *Alter et alter* recte usurpantur, si prius ad remotius, posterius ad propius refertur; v. c. *Et doctrina et virtus praeclara est.* *Alteram* (i. e. doctrinam) *cupimus, alteram vulgo negligimus.* At et hic peccant nonnunquam prisca; v. c. Cic. Nat. D. II, 47. *Dedit autem eadem natura beluis et sensum et appetitum, ut altero conatum haberent ad naturales passus capeffendos, altero secernerent pestifera a salutaribus.* Off. I, 12. *Vt enim cum cive aliter contendimus, si est inimicus, aliter, si competitor: cum altero certamen honoris et dignitatis est, cum altero capitis et famae cet.* Off. II, 15. Quint. 1. ac saepius. Pro posteriori *alter* occurrit et *iste, hic*, v. c. Cic. Rosc. Am. 6. *Nam duo — sunt Roscii, quorum alteri Capitori cognomen est, iste, qui adest, Magnus vocatur: et statim: alter — gladiator habetur, hic autem cet. it. ille* Flor. IV, 7. *alterum corporis aegritudo, illum metus cet.*

XXI) Duo pluresve genitivi non facile iungi debent. Et tamen ita prisca, v. c. Cic. ad Div. II, 13. §. 5. *Genus institutorum et rationum mearum dissimilitudinem nonnullam habet cum illius (Appii) administratione provinciae.* Ib. IX, 8. §. 6. *sed superiorum temporum fortuna reipublicae causam sustineat, ubi reip. non a causam pendet.* Ib. X, 3. §. 7. *maxima orbitate reipublicae virorum talium.* Off. I, 13. *L. Sullae et C. Caesaris translatio pecuniarum cet.* Occurrunt adeo tres genitivi, Caes. B. G. II, 17. in. *eorum dierum consuetudine itineris nostri exercitus perspecta:* Ib. III, 8. in. *Huius civitatis est longe amplissima auctoritas omnis orae maritimae regionum earum.* Hic duo genitivi, alter subiecti, alter obiecti, concedi possunt, si ordine iuventur, h. e. ille praeponatur, hic postponatur, et substantivum, unde ambo pendent, in medio collocetur, v. c. *hominum studium*

dium virtutis cet. At si ordo perturbatur, crescit obscuritas, v. c. Liv. XXVIII, 30. *Iam in ipsa pugna haec (quinquereimis) cum infesto rostro peteret hostium navem, obliqua ipsa idum alterius rostri adiciebat: ubi alterius intell. navis.* Ib. prope fin. *Cum inter triremes — anceps proelium misceretur, quinquereimis romana — duas triremes suppressit, unius praelata impetualteris alterius remos deterfit pro deterfit remos lateris alterius unius sc. triremis Punicae, praelata impetu.* Obscuritatem loci augent vocabula difficiliora *detergere, praeferrri.* cf. de pluribus genitivis Gron. ad Liv. XXXIV, 26. Sanct. Min. cum Periz. p. 177.

XXII) *Cavendus est concursus plurium Infinitivorum;* v. c. obscurum est dicere: *solent prisca docere, quemque credere oportere, pro patria mori dulce et decorum esse, vel quemque dulce et decorum esse pro patria mori credere oportere.*

XXIII) *Superlativus vernaculus,* v. c. *der größte* (scil. *unter allen*), magis perspicue exprimitur per comparativum, v. c. *nihil est praestantius virtute pro virtus est praestantissima:* Potest et dici: *Nihil est tam praestans, quam cet. aliove modo.*

XXIV) *Brevitas dicendi* saepe commendanda est: quia saepe prodest perspicuitati. Efficitur variis modis; v. c.

1) quando ope unius Verbi duas enuntiationes in unam redigimus, v. c. Cic. Agr. II, 1. *Est hoc in more positum, — ut ii, qui beneficio vestro imagines familiae suae consecuti sunt, eam primam habeant concionem, qua gratiam beneficii vestri cum suorum laude coniungant pro qua primum gratias agant pro beneficio vestro, ac deinde laudent suos maiores.*

2) per participia; v. c. haec verba *postquam literas tuas, quas heri, cum domum rediissem, adceperam, quia magnum ex iis solatium percepturum me esse sperabam, cupide perlegeram* cet. possunt ita fieri

breviora et clariora: *Literis tuis — cupide perlectis* cet. vel alio modo.

- 3) per *propter* s. *ob* pro enuntiatione per *quia* cet. v. c. pro *Cum ego propterea, quod hodie mihi, quia pater mortuus est, domum proficiscendum est, tecum, ut constitutum erat, non cras colloqui possim* dici potest: *Cum ego propterea, quod mihi ob patris obitum* cet.
- 4) per *post*, cui *ex* s. *ab* interdum substituitur; v. c. pro *Cum audierim, te hereditatem, quae, posteaquam avunculus tuus mortuus est, ad te, quia te heredem ex asse voluit esse, rediit, nolle adicipere* cet. potest brevius dici *Cum audierim, te hereditatem, quae post avunculi mortem* (s. *avunculo mortuo*) *ad te* cet. sic Caesar in illa longissima complexione verborum B. G. II, 25. *Caesar ab decimae legionis cohortatione profectus ad* cet. pro *postquam decimam leg. cohortatus erat*.

De tota hac re supra in Cap. de brevitate P. I. c. 10. Sect. II. diximus.

SECT. XXIV.

3) De ordine verborum, ut fonte perspicuitatis.

Tertius fons perspicuitatis propior in usu vocabulorum est *ordo eorum ac collocatio apta*.

Ordo verborum pendet

- 1) *ab idearum natura*: h. e. quae prius cogitantur, prius ponuntur, v. c. *causa, conditio rei, tempus* cet. De hac re supra in Cap. de Ord. Verb. P. I. c. 3. S. II. dictum est. En pauca exempla iusti ordinis: Cic. Verr. V, 34. *Ecce autem repente, ebrio Cleomene, esurientibus ceteris, nuntiatur piratarum naves esse in portu* cet. c. 52. *Tu in provincia tam splendida, apud socios fidelissimos, cives romanos honestissimos; in metu periculoque provinciae, dies continuos plures in litore conviviisque iacuisti.* c. 63. *Huccine tandem omnia reciderunt, ut civis romanus in provincia populi romani, in oppido foederatorum, ab eo, qui beneficio populi*

populi romani fasces et secures haberet, deligatus in foro virgis caederetur. Suet. Dom. 19. Nonnunquam in pueri procul stantis, praebentisque pro scopo alypan- sam dextrae manus palmam, sagittas tanta arte di- rexit, ut omnes per intervalla digitorum innocue eva- derent. At peccarunt interdum prisca, maxime poe- tae, ut P. I. c. 3. S. 2. n. XV. monuimus, et ordine verborum turbando obscuriores facti sunt: v. c. Hor. Sat. I, 5, 72. *Sedulus hospes Paene macros arsit cum turdos versat ad ignem*: Ovid. Met. I, 222. *Mox, ait, experiar, deus hic, discrimine aperto, an sit morta- lis*: Liv. XXVIII, 30. extr. *Cum inter triremes — anceps proelium misceretur, quinquere mis romana — duas triremes suppressit, unius praelata impetu lateris alterius remos deterfit: pro deterfit remos alterius la- teris unius triremis* cet. Ter. And. II, 2, 2. *Si id suc- censeat nunc, quia non dat tibi uxorem Chremes, ipse sibi esse iniurius videtur: neque id iniuria: priusquam tuum ut sese habeat animum ad nuptias perspexerit*. Dura est traiectio verborum tuum ut sese cet.: durior est traiectio totius enuntiationis priusquam — *perspe- xerit*, quae post succenseat collocanda erat.

2) a contextu: idque tripliciter:

a) Quando contextus gravis est h. e. graves ideas con- tinet. Tum vocabula has exprimentia priorem lo- cum occupant, ut citius a lectore et audiente sen- tiantur; v. c. *grave mihi vulnus inflixit mors fra- tris mei*: hic recte grave praepositur. Cic. Verr. V, 29. *Civem romanum securi esse percussum, An- nius eques romanus dicit*: c. 33. *stetit soleatus prae- tor populi romani cum pallio purpureo, tunicaque talari, mulierculq nixus in litore*. Agr. II, 17. *Grave est enim nomen imperii* cet. Ad Div. II, 11. §. 2. *mirum me desiderium tenet urbis* cet. ep. 16. in. *Magno dolore me adfecissent tuae literae* cet. X, ep. 28. §. 7. *magnum damnum factum est in Servio*. Interdum et gravius vocabulum postponitur, si ora- tio per gradus quasi incedit, v. c. *abiit, excessit, evasit, erupit*. Not. tota res pertinet in primis ad gravitatem dicendi: cf. igitur Cap. de Gravit.

b) Quando contextus ambiguus fit vel fieri posse vi- detur; tum vocabula saepe alium locum obtinent;

ac natura ipsorum postulabat; v. c. *hominem egregium ob factum laudant* est ambigue dictum: dicas ergo vel *egregium hominem* vel *ob egregium factum*: sic omnes sapientes laudant pro quisque sapientes laudat est ambigue dictum. Haec de vocabulis singulis. Ita et in enuntiationibus; v. c. *is, qui virtutem amat, quia officium sequitur, laudandus est*, ambigue dictum; nam quaeritur, quo verba *quia offic. sequitur* pertineant. Peccarunt hic prisca; v. c. Cic. Verr. IV, 25. *Is cum esset in Hispania praetor, qua in provincia occisus est, nescio quo pacto, dum armis exercetur, annulus aureus, quem habebat, fractus est* cet. Verba enim nescio quo pacto tum ad *occisus est* tum ad *annulus aureus fractus est* referri possunt.

- 6) Propter clausulam absolutarum sententiarum, quas longiori vocabulo, in primis eo, cuius syllaba paenultima sit longa, terminari solere supra P. I. c. 6. *de numero* dictum est; ubi monui, hoc non fieri ob suavitatem, ut Cicero credit, sed ob perspicuitatem, totamque rem ad dicendum pertinere, quia, quo propius vox dicentis ad finem sententiae venit, eo remissior sit, ac plerumque syllaba ultima perit: hinc opus est syllabam praecedentem longam esse ac pluribus syllabis constare, ut, pereunte una syllaba, vocabulum ipsum animadvertatur. Hinc clauditur sententia saepissime ditrochaeo. At et omnino longiora vocabula, licet careant paenultima longa, in fine sententiae praeferuntur brevioribus. Hinc superlativi cet. saepe enuntiationes et sententias absolutas claudunt. Quamquam hic saepe incertum est, annon haec traiectio fiat ob gravitatem; saepe enim gravius vocabulum etiam postponitur ad expectationem lectoris et auditoris excitandam. En exempla: Cic. Man. 2. *eundem hunc unum ab hostibus metui, praeterea neminem*: Ib. cap. 6. *non solum adventus mali, sed etiam metus ipse adfert calamitatem*: c. 9. *Haec dum nostri colligunt omnia diligentius, rex ipse e manibus effugit*. Nat. D. I, 20. *Hunc deum rite beatum dixerimus, vestrum vero laboriosissimum*: ibid. in fine: *quamquam non tam dicendi ratio mihi habenda fuit quam audiendi*. Ad Div.

V, 12. §. 18. *Expletur animus incundissima lectionis voluptate. In neminem, calamitatem, effugit, laboriosissimum, audiendi, voluptate inest gravitas: et haec causa videtur esse, cur ultimum locum occupent, non longitudo: saepe enim Cicero sententiam claudit et vocabulo breviori, cum haberet longius, quia illud gravius; v. c. ad Div. V, 12. §. 2. nomen ut nostrum scriptis illustretur et celebretur tuis: et statim: tamen ignoscas velim huic festinationi meae: ac saepius.*

SECT. XXV.

4) De connexione vocabulorum.

Quartus fons perspicuitatis propior in verborum usu est *connexio eorum apta*, quo pertinet *connexio enuntiationum*. Hac saepe ambiguitati occurritur. Fit ea variis modis, v. c. per duplex *et, aut, neque* cet. per *qui, quae, quod* cet. De qua re dictum est supra P. I. c. 7. S. 1-3. Interdum tamen connexio debet interrumpi, ad declarandam animi perturbationem magnam, v. c. *dolorem* cet. Pertinet hoc ad perspicuitatem; quia tali modo perspicit lector vel auditor animum dicentis et scribentis esse commotum. Pertinet huc ob eandem causam *apophoresis*. De quibus rebus in cap. de gravitate dicemus, quia ad eam referri solet.

Haec de perspicuitate dicendi, quae claudemus hac admonitione, ut, si quid scribamus, saepius perlegamus et consideremus. Nam quod initio nobis videbatur planum, id post aliquod tempus videtur saepe nobis ambiguum et obscurum. Et cogitemus, quo magis perspicue scribamus, eo melius nos scribere.

CAP. II. DE GRAVITATE DICENDI.

SECT. I.

Quid sit gravitas dicendi.

Graviter dicere, *nachdrücklich reden*, est ita dicere, ut auditoris animus moveatur atque ita ad laetitiam, amorem, admirationem, spem, tristitiam, odium, timorem cet. incitetur. Gravitas igitur orationis quam necessaria sit, patet, quia sine ea nemo ad agendum vel fugiendum impelli potest. Sic et in scribendo. Iam nulla re moventur homines, nisi est gravis, seu in utramque partem magna, v. c. valde turpis, valde pulchra cet. Gravitas igitur dicendi versatur non nisi in rebus gravibus, ut possis eam sic definire, ut sit *virtus orationis ea, quae res graves ita tractat, ut graves esse vere adpareat*, s. brevius, ut sit *perspicuitas rerum gravium*: ut adeo gravitas tantum *obiecto* differat a perspicuitate, vel etiam haecenus, ut sit altior gradus eius, vel etiam sic, ut perspicuitas ad *mentem*, gravitas ad *mentem* et *animum* pertineat: illa doceat, rem esse certam, haec, rem esse gravem. Hinc gravitatem forsitan in Cap. de perspicuitate tradere poteramus. Possis et gravitatem sic definire, ut sit virtus eloquentiae, qua efficitur, ut non modo mens auditoris et lectoris cum persuasione videat, rem esse certam, sed animus eius etiam simul moveatur.

Hinc sequitur, 1) omnem gravitatem inesse *rebus*, non *verbis*, et *res* s. *ideas* esse graves, non *verba*: hinc ne satis quidem recte dicitur *graviter dicere*, *gravitas dicendi*, it. *sublimitas orationis*: quemadmodum
eum,

eum, qui verbis declarat, rem esse turpem cet. non dicimus *dicere turpiter* cet. At usus loquendi tolerandus. 2) de rebus tenuibus h. e. non gravibus graviter (mit Affect) loqui, esse frigide loqui. Peccant ergo, qui ubique movere cupiunt.

SECT. II.

De fontibus gravitatis remotioribus;

Fontes remotiores sunt hi:

I) *Animus generosus et ad honestatem, pudorem omnesque virtutes valde conformatus*, ut res magnas gravesque sentiat: atque aliis sentiendas deinde curare queat. a) Animus generosus s. excelsus est is, qui supra captum et sensum hominum cogitat et sentit h. e. ea contemnere scit, quae homines vulgo magni faciunt, v. c. divitias, honorem, laudem plebis, mortem cet. Sic Cicero, quia divitias contempsit, poterat contra Verrem gravissime dicere. Verba enim sunt. echo cogitationum et animi. Post libertatem amissam, periit Romae animus generosus. Ita et hodie est; quia homines nimis amant divitias cet. nimis timent contemptum, mortem cet. hinc hodie valde deest gravitas dicendi: hinc aliorum graves sententiae vulgo tantum ediscuntur cet. b) Virtutum acre studium pendet ab animo generoso. Hoc studium debet esse voluntarium. Tali studio praeditus semper graviter dicet: alius frigide loquetur.

II) *Ingenium praeclarum*, in primis *phantasia praeclara*, quae in re gravi cogitanda eius causas, effectus aliasque ideas cum illa coniunctas facile in mentem revocat. Res enim per se non gravis est, sed ob ideas cum illa coniunctas; v. c. *mors patris* non per se movet, sed ob cogitationes coniunctas, v. c. *me nunc so-*

lum esse, me amisisse amicum optimum, defensorem cet. incertam nunc esse fortunam meam cet. Sic mors ob patriam, egestas alicuius nos non per se movet, sed ob coniunctas ideas.

III) *Doctrina lata et solida*, ut rem ex omnibus partibus intelligamus, atque ita sciamus eius causas, effectus, et quomodo, quo consilio cet. acta sit. Quae si nescimus, phantasia repetere nequit.

IV) *Cognitio humanorum animorum*, ut sciamus, qua parte eos adgrediamur. Sed hic ratio est habenda, cum quibus nobis res sit. Plebs plerumque difficilius movetur quam eruditus: quia huius phantasia ideas coniunctas in mentem facile revocat, illius non item. Qui voce sonantiori moveri solent, non huc pertinent.

V) *Cognitio opinionum* inter homines regnantium. Ab iis fere omnia pendent. Quia v. c. omnes hodie admirantur divitias, hinc si quem vident illas contemnere, stupent. Frustra Lacedaemone contemptum earum, ut rem magnam, proposuisses; non moti essent eorum animi; quia res vulgaris ibi erat. Ergo res alibi gravis, alibi non gravis est. Hinc adparet, cur contemptus mortis, honoris, laudis cet. apud nos res magna sit.

VI) *Linguae lata et adcurata cognitio*, ut scias vocabula cogitationibus magnarum rerum respondentia.

VII) *Auctoritas hominis*; a qua vulgo solemus pendere.

S E C T. III.

De fontibus gravitatis dicendi propioribus.

Huc pertinent sequentia:

1) In primis demonstrandum est, *rem*, qua alios movere volumus, *esse magnam et gravem*. Magnitudo *rei* adparet

- 1) e *fontibus* s. *causis* eius *magnis*. Quò maiores sunt causae rei, eo maior ipsa est; v. c. *virtus* est res magna, quia cupiditatibus, quas homo tantopere amat, valde resistendum: sic *doctrina*, *venia inimico data* cet.; sic *contemptus divitiarum*, *honoris* cet., quia sapientia requiritur h. e. scientia pretii rerum vere aestimandi.
- 2) ex *effectis* eius *magnis*. His in primis metimur rei magnitudinem. Quò ampliora, maiora et diuturniora sunt, eo maior est res; v. c. 1) de tota civitate vel terra mereri est maius quam de uno homine: hinc *pax* est maior *visoria*: sic Ciceronis oppressio Catilinariorum fuit res magna. 2) de *mente* hominis mereri maius est quam de *corpore* cet. Sic et in malis: *toti civitati, terrae*, nocere maius est quam *uni homini, corpori* cet.
- 3) e *modo*, quo res agitur. Maior est v. c. res cum magna difficultate et tamen feliciter peracta, it. si nullo cum damno aliorum, v. c. caede cet. peragitur. Beneficium censetur maius, si clam, libenter, cum specie honoris tribuitur cet. Sic et in malis rebus: v. c. *per vim detrahare* est maius, quam *clam*.
- 4) e *consilio magno*. Qui benefacit, non praemiorum spe sed virtutis studio cet. adductus, eius factum est maius factis aliorum.
- 5) ex *instrumento* h. e. rebus, quarum ope res fit; v. c. maior est victoria eius, qui cum exigua manu magnas hostium copias fudit: Sic *magna doctrina* hominis in egestate educati et subsidiis multis destituti est maior res quam doctrina alius.
- 6) e *temporis celeritate et opportunitate*: a) *celeritate*: v. c. beneficia cito tributa pluris aestimantur, quam sero data: sic Cicero Caesaris res gestas laudat ob celeritatem

ritatem Marc. 2. *nec celeritate* cet. sic de Pompeio Man. 12. *Ita tantum bellum— Pompeius extrema hyeme adparavit, ineunte vere suscepit, media aestate confecit.* b) *opportunitate*; sic beneficium in tempore datum, est maius quam aliud: sic victoria in tempore reportata cet.

7) *e loci ratione*; v. c. auxilium e longinquo oblatum, est res maior quam e propinquo. Periculum contra, quo propius, eo gravius: sic proelium in loco non opportuno et tamen feliciter gestum est maius alio cet.

8) *e personarum conditione, dignitate, relatione* erga nos cet.; v. c. donum a rege, vel a sapiente profectum, it. laus regis vel hominis prudentis ac clarissimi, it. inimici cet. pluris aestimatur quam laus vel beneficium alius hominis. Sic liberalitas pauperis est maior res, quam divitis. Odium regis, parentum cet. erga nos est res gravior, quam aliorum. Sic peccata senis vel hominis amplissimo munere fungentis, v. c. ebrietas cet. graviores res sunt, quam eadem peccata adolescentum. Hinc gravissime peccavit Verres, praetor Siciliae, quod *fletit soleatus muliercula nixus in litore*, Cic. Verr. V, 33. et *tunica pulla indutus in officina sedere solitus est*, Ib. IV, 24.

9) *e comparatione rei cum re magna*. De hac re supra C. I. S. XVII. dictum. Comparatio rei magnitudinem vel gravitatem, atque ita magnam vel pulchritudinem vel turpitudinem vel utilitatem cet. praebet demum auditori lectorive vere conspiciendam. Comparamus ergo a) *pares res* inter se; ubi sic concludimus: debere eas esse in eadem laude, honore, contemptu cet. b) *maiores res cum minoribus*; ubi sic concludimus: si minor res tanti fiat, maiorem pluris fieri debere. Cicero comparat *victoriam sui* s. clementiam cum victoria ab hostibus reportata Marc. 2. Sic et in rebus malis, v. c. si homicidium est res gravis, quanto gravior res parricidium sit necesse est? c) *rem cum re contraria*, v. c. *avaritiam* cum liberalitate, *ignaviam* cum industria, *pacem* cum bello cet.

Eodem modo comparantur et inter se personae, quamquam in iis res proprie, v. c. *vitia, virtutes,*
facta

facta comparantur: v. c. a) *personae pares*: ubi ita concludimus, ut supra in rebus. Sic Cicero comparat Archiam cum Homero et Ennio Arch. 6 et 9. It. se cum Romulo Cat. III, 1. haecenus, quod hic Romam condidit, ipse servavit, quamquam se illi teste praefert. b) *personae maiores cum minoribus*, gravius laudandi vel vituperandi causa. In laudando ita concludimus: Si is, qui minorem rem egit, laudatur, s. pro magno habetur, sequitur, ut, qui maiorem rem egerit, pro maiori habendus sit. Sic in vituperando: Si is, qui levius peccatum commisit, pro turpi poenae digno habendus, quanto magis is, qui maius? Sic Cic. Rosc. Am. 39. In minimis cet. ubi docet, si negligens mandatum privati poena dignus sit, eum, qui publicum negligat, maiori dignum esse. Maior fit gravitas, si homo cum omnibus hominibus comparatur ita, ut vel melior vel peior videatur; sic Cicero Pompeium praefert ceteris imperatoribus, Manil. 10. Nunc vero cum sit unus Pompeius cet. In malam partem de Verre, v. c. Verr. I, 8. Quis est, qui hoc non ex priorae actione abstulerit, omnium ante damnatorum scelera, furtiva, flagitia, si in unum locum conferantur, vix cum huius parva parte aequari conferrique posse? c) *personae contrariae*: sic Cicero ad Verrem deprimendum et acrius vituperandum comparat eum cum Africano Verr. IV, 35. cum Pisone, diligentissimo homine, Verr. IV, 25. cum Marcello Verr. IV, 54, 55. Gravius est, quando homo cum bestiis comparatur; v. c. Cic. Rosc. Am. 22. dicitur parricida bestias immanitate vincere: Portentum atque monstrum certissimum est cet.

Sunt praeterea alia adiumenta, quae ad gravitatem magnitudinemque rei vel declarandam vel magis sentiendam valent. Huc pertinent

II) *Circumscriptio magnae ideae per definitionem vel descriptionem.* De hac re diximus supra Cap. I. Sect. 15. it. P. I. c. 9. Sect. 2. n. IX. In primis gravitati rei serviunt circumscriptiones eae, in quibus argumentum inclusum latet; v. c. Cic. Rosc. Am. 22. ubi pro verbis: *monstrum est, homines posse suos parentes occidere* dicitur: *portentum atque monstrum certissimum est, esse aliquem humana specie, qui tantum immanitate bestias vicerit, ut, propter quos hanc suavissimam lucem adspexerit, eos indignissime luce privarit.* Inest argumentum, cur tale quid non fieri debeat. Agr. II, 12. *Videte nunc, eos, qui a vobis nihil potestatis adceperint, quanto maioribus ornamentis adficiat, quam omnes nos adfecti sumus, quibus vos amplissimas potestates dedistis.* En argumentum in verbis: *eos, qui — adceperint i. e. decemviros.* Cic. Font. 14. *Videte igitur, utrum sit aequius, hominem honestissimum, virum fortissimum, civem optimum, dedi inimicissimis atque immanissimis nationibus quam reddi amicis.* Per hominem honestissimum cet. intelligit Fonteium: sed inest argumentum, cur non deceat condemnari ob istos homines. Cic. Phil. III, 14. *Quod si iam — fatum extremum reipublicae venit, quod gladiatores nobiles faciunt, ut honeste decumbant, faciamus nos, principes orbis terrarum gentiumque omnium, ut cum dignitate potius cadamus, quam cum ignominia serviamus.* Gravissime dictum! *Principes orbis cet. pro senatores et cives romani.* Sic avarus optat, quod habet pro divitias.

III) *Partitio s. dissolutio Totius in suas partes, Generis in species.* Nihil magis, ut perspicuitati, ita gravitati prodest; v. c. *amisi parentes, domum, honores, dignitatem pro omnia: sic laudant eum docti et indocti, laudant cives et externae nationes, laudant principes et inferiores pro omnes.* Sic Cic. Marc. 2. *Nihil sibi ex ista laude centurio, nihil prae-*

praefectus, nihil cohors, nihil turma decerpit pro exercitus. Cic. Arch. 7. dicere cupiens, studia humanitatis prodesse ubique et semper, ita loquitur: *Haec studia adolescentiam alunt (Edd. agunt), senectutem oblectant, secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur, rusticantur.* Add. supra c. 1. sect. XVI. et P. I. c. 9. de copia Sect. 2. n. X. B. et Sect. 3. n. I.

IV) *Pictura rei* s. *descriptio rei vivida*, quae efficit, ut rei interesse videamur. Efficitur adferendis eius partibus in sensus cadentibus. Rhetores eam, si brevior est, *hypotyposin*, si longior, *diatyposin* vocant: quae divisio est nullius utilitatis. Debent non nimis longae esse, nec ubique adhiberi, sed tantum in re gravi. Pleni earum sunt historici, it. Cicero in Verri- nis, pro Mil., in Philippicis cet. v. c. Liv. I, 13. *Tum Sabinæ mulieres — crinibus passis, scissaque veste — ausae se inter tela volantia inferre ex transverso impetu facto dirimere infestas acies* cet. c. 25. *Foedere ictu trigemini — arma capiunt — Confederant utrinque pro castris duo exercitus periculi magis quam curae expertes — datur signum; infestisque armis, velut acies, concurrunt. Ut primo statim concursu increpuere arma, micantesque fulsere gladii, horror ingens spectantes perstringit et neutro inclinata spe torpebat vox spiritusque* cet. Sic brevis narratio de Fufetio dilacerato c. 28. Cic. Verr. I, 30. *Constituitur in foro Laodiceae spectaculum aterbum — grandis natu parens adductus ad supplicium, ex altera parte filius* cet. Cic. Verr. V, 33. *stetit soleatus praetor populi romani cum pallio purpureo tunicaque talarum muliercula nixus in litore.* Ibid. 38. *in portu Syracusano — respergerent.* Cic. Phil. II, 41. *personabant omnia vocibus ebriorum: natabant pavimenta vino: madebant parietes* cet. Sed videndum, ut pudori confu-
lamus:

lainus: peccavit hic Cicero Ibid. 25: *In coetu populi romani — magister equitum, cui ructare turpe esset, is vomens frustis esculentis, vinum redolentibus, gremium suum et totum tribunal complevit.*

V) *Testimonium* magnorum sapientumque virorum: vid. supra in Cap. de *perspic.*; ubi monui non ante testimoniis utendum, quam res argumentis confirmata sit. Nam testimonia hominum sunt nonnisi *iudicia*: in quibus quis non labi potest? Excipiuntur tamen 1) testimonia librorum divinorum, 2) testimonia hominum in rebus historicis. In primis gravitatem rei adiuvat *testimonium adversarii* in rebus bonis, s. *laus*.

VI) *Sententia acuta et gravis*. Sententia est enuntiatio generalis e vita sumta. Est *acuta*, si inest sensus reconditus; *gravis*, si inest argumentum. Sed argumenta tecta magnam vim habent. V. c. quando de Socrate dixi, *eum non fuisse adpetentem divitiarum*, et addo: *sapientia (temperantia) enim paucis contenta est: vel sapiens (temperans) paucis contentus est*. Inclusum latet argumentum: *fuit enim temperans*. Saepe ita Cicero sententiis utitur; v. c. ad Div. IX, 14. §. 8. *Nam cum te semper tantum dilexerim — his tuis factis sic incensus sum, ut nihil unquam in amore fuerit ardentius. Nihil est enim, mihi crede, virtute formosius, nihil pulchrius, nihil amabilius*. Divin. in Caecil. 9. ubi Cicero vult, ut Caecilius suam integritatem et innocentiam ostendat, addit: *Nihil est enim, quod minus ferendum sit, quam rationem ab altero vitae reposcere eum, qui non possit suae reddere: pro tu non es ferendus, si tu cet.* Cic. Rosc. Am. 22. postquam dixerat *parricidium esse rem incredibilem*, addit: *Magna enim est vis humanitatis, multum valet communitio sanguinis, reclamitat istiusmodi suspicionibus ipsa natura*. In his locis omnibus enuntiationes omissae intelliguntur. De sententiis notanda haec: Debent esse 1) *verae*: vel saltem verisimiles ac plerumque *verae*.

rae, v. c. *Obsequium amicos* cet. quo proverbia pertinent: it. hyperbolicae, v. c. *nihil miserius stultitia*; quo et proverbia pertinent. 2) *non nimis longae*, 3) *non nimis crebrae*, ne magistri personam videamur velle agere: omnis enim sententia est praeceptum quoddam. Ad hanc iniucunditatem vitandam possumus sententias saepe aliorum nomine proferre, v. c. *Socrates non fuit adpetens divitiarum, quia sciebat, naturam paucis contentam*: vel cum aliis communicare; v. c. *nemo nescit, nosis*, cet. 4) *honestae*.

VII) *Loqui adseveranter et cum certa animi persuasione*. Hanc in rem oratores solent

- 1) *de re praesente vel facta loqui ut certa et manifesta*: hinc addere *certum est, quis non videt, quis est, quin sciat, omnes norunt, nemo dubitat* ac similia. Ita loquuntur non modo de re certa, sed et de verisimili tantum: v. c.: *nihil homini magis nocet, quam otium, vel quis nescit, homini nihil tam nocere quam otium?*
- 2) *de rei effectu vel eventu tanquam certissimo*; v. c. *qui ad literas omni studio incumbit, sapiens fiet: haec res tam praeclara est, ut in perpetuo honore mansura sit* cet. ubi et formulae *certum est, quis dubitat* cet. addi possunt: sic Cicero millies: Verr. I, 5. *evoleat ex vestra severitate: mihi credite, arctioribus apud populum romanum laqueis tenebitur: credet iis equitibus* cet. Agr. II, 18. *Intellexistis, quot res et quantas decemviri legis permissu vendituri sint: debebat dicere vendere possint*. Cicero adeo dicit, quid aliquis facturus fuisset, v. c. Phil. II, 27. de Antonii luxuria: *Quamobrem desinite mirari, haec tam celeriter esse consumpta. Nam modo unius patrimonium, quamvis amplum, ut illud fuit, sed urbes et regna celeriter tanta nequitia devorare potuisset*. Hyperbolice dictum.
- 3) *de re futura ut iam praesente*: v. c. *Si ita pergis vivere, peris*. Sic in libris sacris prophetae: *Videō iam: urbs laetatur, luget* cet. Sic et nos: *er stirbt gewiß*. Sic Cicero millies; v. c. Agr. II, 21. *sicque agros pergrande vestigal imponitur, pro imponetur*. Man. 17. aut

aut cur non — eidem, cui cetera summa — commissa sunt, hoc quoque bellum regium committimus? pro commitemus: sic et nostri.

- 4) Orator interdum e suo ingenio addit causam rei verisimilem, vel consilium, quod aliquis in re suscipienda secutus sit, cum tamen alia causa, aliud consilium fuerit, vel res temere acta sit: v. c. de homine docto, qui ad summos honores pervenit: *quomodo tantos honores consequi potuisset, nisi summa eruditione instructus fuisset*: sic de erudito dicere licet: *Contulit se ad literarum studia, non, quia parentes voluerant, sed ut mentem sapientiore redderet* cet. Sic Cicero saepe causas pro libidine eque re sua addit; v. c. Arch. 7. de Africano, Laelio, Furio, Catone: *qui profecto, si nihil ad percipiendam colendamque virtutem literis adjuvarentur, nunquam se ad earum studium contulissent*. Verr. V, 66. ubi sermo est de Gavio, cive romano, quem Verres in crucem sustulerat ea parte Siciliae, quae ad fretum spectat: *Italiae conspectus ad eam rem ab isto delectus est, ut ille in dolore cruciatuque moriens perangusto freto divisa servitutis ac libertatis iura cognosceret, Italia autem alumnum suum servitutis extremo summoque supplicio adfixum videret*.
- 5) Orator et addit, quid homo in facto cogitaverit, crediderit, speraverit, timuerit cet. v. c. de intemperante: *iste homo nullum certiore felicitatis fontem esse credidit, quam usum ciborum nimium, vel gulae servire, vel alio modo*. Sic Cicero millies, v. c. de Verre, Verr. II, 6. *Qui, simul atque ei provincia Sicilia obvenit, statim Romae — quaerere ipse secum et agitare cum suis coepit, quibusnam rebus in ea provincia maximam uno anno pecuniam facere posset* cet. Ibid. 30. *Iste, quasi metueret* cet. Ibid. IV, 27. *Itaque (Antiochus) isto praetore venit Syracusas. Hic Verres hereditatem sibi venisse arbitratus est, quia in eius regnum ac manus venerat is, quem iste et audierat multa secum praeclara habere et suspicabatur: tandem: postquam inde (e convivio) discessum est, cogitare (Verres) nihil aliud, — nisi quemadmodum regem ex provincia spoliatum expilatumque dimitteret*. Gravissime loquitur Verr. I, 2. *tametsi de absolute*

latione istius (Verris) neque ipse iam sperat, nec populus romanus metuit.

VIII) *Dilemma*: v. c. Cic. Quint. 26. *Vtrumlibet elige: alterum incredibile est, alterum nefarium; — Si enim illud diceret, improbe mentiri viderere, cum hoc confiteris, id te admisisse contendis, quod ne mendacio quidem tegere possis.* Divin. in Caec. 18. *Si summam iniuriam ab illo adcepisti, tamen, quoniam quaestor eius fuisti, non potes eum sine ulla vituperatione adcusare: si vero nulla tibi facta est iniuria, sine scelere eum adcusare non potes.* Phil. II, 22. *O miserum te, si intelligis! miseriorem, si non intelligis;* it. c. 23. in. ubi simul interrogatio est. Add. Curt. VI, 8. §. 26. *Si deus es, tribuere mortalibus beneficia debes, non eripere; si autem homo es, id, quod es, semper te esse cogita.*

IX) *Interrogatio*: quia indicat nos inoto animo et cum persuasione animi loqui. Cic. Man. 10. *Quis igitur hoc homine scientior unquam aut fuit aut esse debuit?* Gravior sit ea, si causa recte includitur; v. c. *quis est tam obtusae mentis, qui non videat cet.* Augetur gravitas, si interrogatio repetitur; v. c. Cic. Div. in Caecil. 6. *tamen his invitissimis te offeres? tamen in aliena causa loquere? tamen eos defendes?* cet. Verr. II, 78. in. *Videtis Verrutium? Videtis primas literas integras? videtis extremam partem nominis, caudam Verris* cet. Interdum responsio additur, v. c. Cic. Verr. III, 53. in. cap. 67. med. cet.

X) *Exclamatio*: quia docet, nos esse commoto animo, nobisque de re esse persuasum; v. c. Cic. Phil. II, 22. *O miserum te, si intelligis! miseriorem, si non intelligis* cet. At cum cautione ea utendum est.

XI) *Sermocinatio, Prosopopoeia, Apostrophe*. *Sermocinatio* est, quando hominem inducimus loquentem

cum aliis vel secum. Sic Cicero inducit Milonem Mil. 34. *Valeant, inquit, cives mei, valeant, sint incolumes cet.* Erucium adcuratorem Rosc. A. 21. *Cum hoc modo adcuras, Eruci, nonne hoc palam dicis: ego, quid adceperim, scio, quid dicam, nescio.* cf. Auct. ad Her. IV, 43. *Sapiens saepe ita secum loquitur: non mihi soli, sed etiam — natus sum patriae cet.* Gravior est, si mortuos loquentes inducimus. *Prosopopoeia*, quando res, tanquam personae, loquentes inducuntur, v. c. Cic. Cat. I, 7. patria adloquitur Catilinam et rogat, ut discedat. *Apostrophe*, quando absentes homines, imo res inanimatas, v. c. parietes adloquimur, etiam mortuos. Sed hic iudicio opus est, ne ridiculi fiamus.

XII) *Repetitio idearum gravium crebra*, ut in animos penetrent. De ea dictum est in Cap. I. de *perspicuitate*, sect. 18. et sect. 23. n. XIV. Fit ea 1) vel per alia vocabula, v. c. Cic. Phil. II, 27. extr. *O audaciam nimiam! tu ingredi illam domum (Pompeii) ausus es? tu illud sanctissimum limen intrare? tu etiam illarum aedium diis penatibus os importunissimum ostendere:* ubi idea eadem ter repetitur. 2) vel per eadem vocabula a) *coniunctim*; quod *epizeuxin* vocant: v. c. Cic. Phil. II, 15. *Dolebam, dolebam, Patres conscripti, rempublicam cet. c. 22. Tu, tu inquam cet.* b) ab initio membrorum; v. c. Cic. Arch. 6. *Sed pleni omnes sunt libri, plenae sapientium voces, plena exemplorum vetustas.* Cic. ad Div. IX, 14. §. 9. *Nihil est enim — virtute formosius, nihil pulchrius, nihil amabilius.* Cic. Verr. I, 15. *Necesse est semper aliquid eiusmodi moliatur: necesse est in simili audacia — versetur.* Haec repetitio dicitur *anaphora*: fitque gravior cum interrogatione, v. c. Cic. Div. in Caecil. 6. *tamen his invitissimis te offeres? tamen in aliena causa loquere?* cet. c) in fine membrorum; quae repetitio vocatur *epiphora*; v. c. Cic. Verr. IV, 42. *Quid? is ubi est? praesto est, testis est.*

est. Cic. Phil. II, 22. *doletis tres exercitus — interfector? interficit Antonius. Desideratis clarissimos cives? eos quoque vobis eripuit Antonius* cet. d) ab initio et in fine simul, v. c. Cic. Agr. II. 9. *Quis legem tulit? Rullus. Quis maiorem partem populi suffragiis privavit? Rullus* cet. Vocatur *Symploce*: sed ea cum cautione utendum. Add. dicta in Cap. de Perspic.

XIII) *Correctio idae gravis per graviolem*: v. c. Cic. Verr. I, 3. *Non enim furem, sed eripitorem, non adulterum, sed expugnatorem pudicitiae, non sacrilegum, sed hostem sacrorum religionumque, non sicarium, sed crudelissimum carnificem civium sociorumque in vestrum iudicium adduximus.* Ibid. IV, 27. *Venio nunc non iam ad furtum, non ad avaritiam, non ad cupiditatem, sed eiusmodi facinus, in quo omnia nefaria contineri — videntur.* Ibid. V, 37. *ut ante Syracusani in moenibus suis, in urbe, in foro hostem armatum ac victorem — viderent: cf. 66. facinus est* cet. Cic. Phil. II, 26. *Tantus — te stupor oppressit, vel ut verius dicam, furor, ut* cet. c. 27. *Quae Charybdis tam vorax? Charybdis dico? — Oceanus — vix videtur tot res — absorbere potuisse.* Cic. Phil. III, 1. *quippe cum bellum nefarium — non comparari, sed geri viderem.* Referri huc potest *Incrementum* sic dictum, (sed non differt a *Correctione*) v. c. Cic. Cat. I, 1. *hic tamen vivit. Vivit? imo etiam in senatum venit.*

XIV) *Confirmatio, adversarium rem concedere, nil contra dicere posse, vel nonnisi levius proferre*: v. c. Cic. Rosc. 16. ait accusatori: *Age nunc, refer animum, sis, ad veritatem, — iam profecto te intelliges inopia criminum summam laudem Sex. Roscio vitio et culpae tribuisse: c. 18. nam illa, opinor, tu quoque concedi levius esse atque inepta.* Ac sic ibi saepius.

XV) *Retorsio argumenti ab adversario prolata ita instituta, ut eo pro nobis utamur*: v. c. Cic. Div. in

Caecil. 19. *At vide, quid differat inter meam opinionem ac tuam. Tu cum omnibus rebus inferior sis, hac una in re mihi antefervi putas oportere, quod quaestor illius fueris: ego, si superior ceteris rebus esses, hanc unam ob causam te adCUSATOREM repudiari putarem oportere.* Totus locus est legendus.

XVI) *Concessio*: v. c. *largior, hoc ita esse cet.* Inest gravitas, quia sic indicamus, nos non omnia cupide ad nos trahere. Sic Cic. saepe, v. c. Ligar. 6. *Fuerint cupidi, fuerint irati, fuerint pertinaces: sceleris vero crimine, furoris, parricidii, liceat Pompeio mortuo, liceat multis aliis carere.* Rosc. Am. 38. *Nisi intellexeritis, iudices, nullum esse officium, nullum ius tam sanctum atque integrum, quod non eius scelus — violarit, — virum optimum esse indicatote.*

XVII) *Praeteritio*: haec enim indicat nos magnâ copia instructos esse. Est duplex:

1) *Vera*, quando res praetereundas non recensemus; v. c. *Multa praeterea dicere possum: sed quid opus est, cum res iam manifesta sit?* Cic. Rosc. Am. 33. *Per multa sunt, quae dici possint, quare intelligatur, summam tibi facultatem fuisse maleficii suscipiendi: quae non modo idcirco praetereo; quod te ipsum non libenter adCUSO cet.* Cic. Verr. I, 17. *Praetermittam minora omnia, quorum simile forsitan alius quoque aliquid aliquando fecerit: nihil dicam, nisi singulare cet.* Cic. Verr. IV, 26. *Nulla modo possum omnia istius facta aut memoria consequi aut oratione complecti.* Cic. Man. 9. extr. *Multa praetereo consulto: Cic. Phil. II, 25: etsi nullo modo poterit oratio mea satisfacere vestrae scientiae.*

2) *simulata*: ubi res summatim recensemus: et de hac in libris rhetoricis tradi solet: Cic. Verr. I, 12. *Itaque primum illum actum istius vitae turpissimum et flagitiosissimum praetermittam: nihil a me de pueritiae suae flagitiis — audiet: nihil ex illa impura adolescentia: — Omnia praeteribo, quae mihi turpia dictu videbuntur. Vos — concedite pudori meo, ut aliquam*

aliquam partem de istius impudentia reticere possim — Sileatur de nocturnis eius bacchationibus ac vigiliis. Lenonum, aleatorum, perductorum nulla mentio fiat. Damna, dedecora, quae res patris eius, aetas ipsius, pertulit, praetereantur. Lucretur cet. Cic. Manil. 16. de Pompeii felicitate: Itaque non sum praedicaturus, quantas ille res domi militiaeque, terra marique, quantaque felicitate gesserit, ut eius semper voluntati non modo cives adsenferint, socii obtemperarint, hostes obedierint, sed etiam venti tempestatesque obsecundarint. Cic. Agr. I, 7. Non quoror diminutionem vectigalium — Praetermitto illa —, nos caput patrimonii publici, pulcherrimam populi romani possessionem, subsidium annonae, horreum belli — servare non potuisse; — Non dico, solum hoc in rep. vectigal esse, quod amissis aliis, remaneat — in pace nitet, in bello non obsolescat, militem sustentet, hostem non pertimescat. Praetermitto omnem hanc orationem et concioni reservo. Cic. Phil. II, 25. Quid ego istius decreta, quid rapinas, quid hereditatum possessiones datas, quid ereptas proferam?

XVIII) *Dubitatio*, quid primum dicamus, ubi incipiamus, definamus: quod indicat, nos magnam copiam de re dicendi habere, et rem ipsam esse certam et magnam, atque ita nobis auctoritatem conciliat, maxime tamen apud plebem. Sic saepe Cic. v. c. Man. 1. huius autem orationis (de Pompeio) *difficilius est exitum, quam principium invenire.*

XIX) *Occupatio*, h. e. quando ipsi adferimus, quae contra nos dici possint, et refutamus. Longa occupatio est Cic. Man. 17. seqq. ubi refutat ea, quae Hortensius et Catulus de Pompeio contra Mithridatem dixerant: add. c. 20. *At enim nihil novi fiat cet.*

XX) *Praeparatio lectoris, vel auditoris, ad rem magnam*; v. c. his formulis: *Nunc venio ad rem singularem: Adtendite nunc ad rem cet.* Saepe ita Cicero, v. c. Verr. IV, 45. *Audite etiam singularem eius cupiditatem,*

ditatem, audaciam, amentiam cet. Haec praemittit dicturus de signo Cereris per Verrem sublato. Ib. c. 48. narraturus, signum Cereris Ennensis per eundem sublatum, incipit: *Ad ea autem, quae dicturus sum, reficite vos, quaeso, iudices, — Rei magnitudo me breviter perfringere atrocitatem criminis non sinit.* Ibid. 27. dicturus de candelabro Antiocho regi cum aliis rebus sublato ait: *Venio nunc non iam ad furtum, non ad avaritiam, non ad cupiditatem, sed eiusmodi facinus, in quo omnia nefaria contineri mihi — videantur, in quo dii — violati* cet.

XXI) *Communicatio* cum auditoribus s. provocatio ad eorum intelligentiam et iudicium; v. c. *Ipsi haud dubie sentitis; Ipsi iudicate* cet. Sic auditor credit, de re certissima nos loqui. Sic Cicero saepe, v. c. Verr. II, 4. *E quoniam existimatis unquam* cet. ac statim: *Videte, quid potuerit* cet.

XXII) *Oxymora* h. e. duae ideae, quae alibi sibi repugnant, ita iunctae, ut sibi non repugnent; v. c. de avaro; *optat quod habet*, i. e. *divitias*: Inest argumentum stultitiae; quanquam proprie falso dictum est, quia non divitias, quas habet, sed incrementum earum optat. Sic Cic. Cat. I, 8. *cum tacent, clamant.* At inest merus lusus ingenii, pro *clamore* videntur h. e. *silentio suo mihi a-sentiuntur.* Sic Virg. Aen. VII, 295. Iuno de Troianis ait: *Num capti potuere capi?* Est lusus ingenii veritatis expers. Hinc in oratione seria raro et caute oxymora adhibenda esse puto.

XXIII) *Ironia*, de qua P. I. c. 2. S. XV. dictum; v. c. de virtutis inimico: *Videte, quanti virtutem aestimant! Videte magistrum, unde virtutis exemplar et praecpta petere possitis.* Cic. Verr. II, 31. de Verre: *Retinete, retinente hominem in civitate, parcite et conservate, ut sit, qui nobiscum res iudicet* cet. Ibid. 11. Quo loco

loco mihi non praetermittenda videtur praeclara imperatoris egregia ac singularis diligentia. Cic. Catil. IV, 10. de se, postquam de magnis imperatoribus dixerat: *erit profecto inter horum laudes aliquid loci nostrae gloriae; nisi forte maius est patefacere nobis provincias, quo exire possimus, quam curare, ut etiam illi, qui absunt, habeant, quo victores revertantur.* Gravis est ironia: sed hodie raro ea utendum est, in oratione quidem seria. Oratorem decet serio loqui.

XXIV) *Adiectio causae*, ob quam res pro vera habenda: nam nisi vera est, nec magna esse potest. Dixi de adiectione causarum in Cap. I. de perspicuit. Sect. 6. ubi monui eam vel diserte fieri per *nam* cet. vel tecte.

XXV) *Brevitas dicendi* ea, qua ideae, facile intelligendae, omittuntur, atque ita ideae graviores arctius coniunguntur; v. c.

1) omittitur notio antecedens; v. c. *fortissime pugnans cecidit pro occisus est et cecidit.* Sic: *Regis epistola adfertur; adfusati statim necantur pro epistola, in qua scriptum erat, ut adfusati statim necarentur* cet. Cic. Verr. V, 54. *Haec cum maxime loqueretur, sex lictores eum circumstant, caedunt acerrime virgis* cet. ubi deest *adcedunt, expediunt virgas* cet. Virg. Aen. IV, 582. *Litora deseruere: latet sub classibus aequor.* Sic ante enim deest enuntiatio, v. c. Cic. ad Div. IX, 14. §. 14. *Hoc si tibi fortuna quadam contigisset, gratularer felicitati tuae. Sed contigit magnitudine tum animi, tum etiam ingenii atque consilii. Legi enim concionem tuam. Nihil illa sapientius: ubi ante Legi enim* cet. deest: *id quod ex concione tua elucet.* vid. plura P. I. c. 10. de brevitate, Sect. 2. n. II.

2) *Omittitur copula* inter vocabula et membra; v. c. *veni, vidi, vici.* Cic. Cat. I, 3. *Nihil agis, nihil moliris, nihil cogitas, quod ego non modo audiam* cet. Cat. II, 1. *Abiit, excessit, evasit, erupit.* Ac sic millies. Est hic mos commoto animo loquentium.

- 3) *Omittitur interdum obiectum*, v. c. *veni, vidi, vici*; sic illud Aristippi ap. Cic. ad Div. IX, 26. §. 6. *Habeo (Laida), non habeor a Laide*: sic Senec. de ira I, 16. de adfectibus: *Habent, non habentur*. Virg. Aen. IV, 581. *rapiuntque ruuntque*.

Not. *Subiectum* non facile omitti debet, quia haec res nimium animi fervorem indicat, qui oratorem vix decet.

- 4) *Omittuntur saepe in comparationibus vocabula velut, quasi, instar* cet. v. c. *Pulvis et umbra sumus: honor est fumus: tu es mihi pater: dixit Iuno de muliere imperiosa*: quae omnes sunt metaphorae: unde patet metaphoram esse nonnisi brevitatem dicendi. Perfinent huc omnia fortiora vocabula, de quibus infra dicetur, v. c. Cic. Phil. II, 14. *agrorum nundinae pro quasi nundinae*: it. oxymora, v. c. *cum tacent, clamant, cum ratione insanire* cet.: non vero *otium negotiosum*; in his enim nulla repugnantia.

XXVI) *Brevitas dicendi* ea, qua paucioribus vocabulis plures ideae, imo singulis vocabulis totae enuntiationes exprimuntur; v. c. 1) paucioribus vocabulis exprimuntur plures notiones, v. c. *es similis patri pro es tali vultu* cet. *primus feci pro primus fui, qui* cet. vid. P. I. c. 10. Sect. II. n. I, 8, 9 seq. 2) uno vocabulo duo vocabula exprimuntur s. unum vocabulum ponitur pro duobus: v. c. *quin pro cur non: ita pro hoc consilio: negligo pro non curo* cet. vid. P. I. c. 10. Sect. I. n. I. 3) uno vocabulo enuntiatio tota exprimitur; v. c. *At pro possit mihi aliquis obicere: Quod pro Quod adtinet ad id, quod* cet. Ita in iurando: *participium pro dum, cum* seq. verbo: *substantiva, adiectiva pro cum* cet. v. c. *senex didicit pro cum senex esset: utinam pro quam optandum est: falso, recte* cet. pro *falso egit, dixit* cet. Vid. P. I. c. 10. Sect. II. n. I.

XXVII) *Abruptum dicendi genus*; h. e. quando ideae non cohaerent. Est igitur genus ellipseos: v. c. *tale quid fieri potuisse? scil. credibile est?* Sic et nostri:

firi: daß so etwas hat geschehn können! *Causa est fervor animi.* Cic. Verr. V, 44. *Hic cuncti Siculi — pertimescunt. Illam clementiam mansuetudinemque nostri imperii in tantam crudelitatem inhumanitatemque conversam? condemnari tot homines uno tempore nullo crimine?* Hic nihil est, unde pendeant verba *Illam clementiam* cet. Sic Cic. Rosc. Am. 22. legitur: *Quid postea? Erat sane suspiciosum. Neutrum sensitisse? ausum autem* cet. Sed hic puto melius esse signum distinctionis post *suspiciosum* deleri, et verba cohaerere: est enim sermo de re aliena, ubi abrupto dicendi generi vix locus est. Cic. Catil. I, 9. *Quamquam quid loquor? te ut ulla res frangat? tu ut unquam te corrigas? tu ut ullam fugam meditare? tu ut ullum exilium cogites?* Deest, unde pendeat *ut*. Ibid. *aquilam — sciam esse praemissam? tu ut illa diutius carere possis, quam venerari — solebas? du solltest ihn lange missen können?* ubi *ferine potest* non intelligi potest. Aliud abrupte dicendi genus est, quando sequentia desunt. Vocatur vulgo *apostrophe* h. e. *silentium repentinum*, vel *silentium in medio contextu orationis*: Cicero vocat *reticentiam*, Celsus ap. Quintil. IX, 2. *obticentiam*. Triplex est haec reticentia: a) in familiari sermone it. in epistolis, si omnia dicere dubitamus; sic Cic. ad Div. XIV, 3. §. 9. *Si perficitis, quod agitis, me ad vos venire oportet: sin autem: sed nihil est opus, reliqua scribere:* scil. *nihil perficitis*. Hoc genus non est grave: nisi dicamus, Ciceronem prae nimio dolore ista omisisse. b) quando animus commotus linguam praecipitat; v. c. Virg. Aen. I, 135 (139) *Quos ego: sed* cet. c) quando iniucundam rem filemus; v. c. Virg. Ecl. III, 7. *Parcius ista viris tamen obicienda memento: Novimus et qui te, transversa tuentibus hircis; Et quo, sed faciles, Nymphae risere sacello.* Hic ad te deest aliquid: forsan res

turpis: et talis reticentia laudanda. Sic Cic. ad Div. XII, 6, 4. *Res, cum haec scribebam, in extremum erat deducta discrimen. Brutus enim Mutinae vix iam sustinebat. Qui si conservatus erit, vicinus: sin, quod dii omen avertant: omnis omnium cursus ad vos: Hic ad sin aliquid deest, v. c. contrarium τὸ vicinus.*

XXVIII) *Oppositio idearum sibi contrariarum*: vulgo vocantur *antitheta*.

Haec oppositio 1) nihil aliud est quam comparatio duarum rerum contrariarum: hinc 2) non tam ad suavitatem quam ad gravitatem pertinet: quia opposita iuxta se posita magis elucet. 3) non modo ideae proprie sibi contrariae huc pertinent, sed omnes, quae quadam relatione diversae sunt sibi in certo contextu opponuntur; v. c. *abire, redire; fallere, falli* cet. 4) oppositio debet, si fieri potest, concinna, s. numerosa esse, ut singulae ideae singulis, binae binis cet. opponantur; v. c. Cic. Mil. 4. *Est haec non scripta, sed nata lex: ad quam non docti, sed facti, non instituti, sed imbuti sumus.* Cic. Cat. II, 11. *Ex hac parte pudor pugnat, illinc petulantia; hinc pudicitia, illinc stuprum* cet. Cic. Verr. III, 92. *Vides — in illo laudis causam habere, in te criminis; in illo beneficii, in te iniuriae.* Ibid. 4. *plures hic solus villas ornamentis fanorum, quam ille (Mummius) fana spoliis hostium ornasse* (videatur)? Cic. Verr. V, 6. *ut, quam damnatis servis crucem fixeras, hanc indemnatis civibus romanis reservares.* vid. in Cap. de numeris orat. 5) gravitas crescit, si contrariae ideae sibi arctius iunguntur; v. c. *fugiebat conventus sapientum, stultorum usu delectabatur: cave, ne, dum alios studeas fallere, fallaris ipse: mortalem immortales inimicitias exercere non decet: res est haud dubie utilis, necessaria nullo modo.* Sic Carbonis dictum Cic. Or. 63. *patris dictum sapiens temeritas filii comprobavit: et forsan coniunctio vocabulorum sapiens et*

et temeritas potius illum populi clamorem excitavit quam ditrochaeus comprobavit, ut Cic. ibi putat. Per-
tinent huc oxymora, v. c. *cum tacent, clamant* cet.

XXIX) *Honestatis virtutumque studium per totam orationem adparens: sine hac re graviter loqui non potes. Hic opus est virtutum vere amicum esse. Pe-
ctus enim est, quod disertos facit.*

XXX) *Repetitio eorundem vocabulorum, graves ideas continentium; v. c. Si lacrymae nihil prosunt, quid lacrymis indulges? pro iis: Si Christi nomen profite-
mur, Christi vitam imitari debemus. Cic. Verr. III, 34. Utrum, cum iudices sitis de pecunia capta, conciliata, tantam pecuniam captam negligere? Recte: at concilia-
ta abesse debebat: ibid. an, cum lex sociorum causa ro-
gata sit, sociorum querimonias non audire? Cic. Arch. 2. hunc A. Licinium non modo non segregandum, cum sit civis, a numero civium cet. Ibid. 4. Est ridiculum ad
ea, quae habemus, nihil dicere: quaerere, quae habere non possumus: et de hominum memoria tacere, litera-
rum memoriam flagitare. Cic. Phil. II, 22. Omnia per-
fecit, quae senatus, salva republica ne fieri possent, per-
fecerat: cuius tamen scelus in scelere cognoscite: ubi no-
tes perfecit, perfecerat, et scelus in scelere. Cic. Mil. 11. Insidias factas esse constat, et id est, quod senatus
contra rempublicam factum indicavit: ab utro factae sint,
incertum est. Gravis est repetitio factas, factum, fa-
ctae, et de industria facta: a) factum constat. Cicero
vero intelligit per factum callide insidias, cum senatus
dixisset caedem Clodii factam esse contra rempublicam;
cf. c. 5. b) factum (i. e. e mente senatus Clodii caedes,
e mente Ciceronis insidiae,) est contra rempublicam: c)
facti vero auctor incertus est h. e. incertum est, uter in-
sidias fecerit. Vides, quam callide Cicero mentem se-
natus explicet. Liv. IV, 3. e vehementi oratione Ca-
nuleii:*

nuleii: *si populo romano liberum suffragium datur, ut, quibus velit, consulatum mandet, et non praeciditur spes plebeio quoque, si dignus summo honore (consulatu) erit, adipiscendi summi honoris, stare haec urbs non poterit?* Notes summi honoris pro eius. Ovid. Met. I, 523. *nec profunt domino, quae profunt omnibus, artes.* Sic Hom. Odyss. T, 204 ff. quinquies repetitur *τήκεσθαι* vel *κατατήκεσθαι* in suavi comparatione cutis (ac simul animi) Penelopes, audientis Ulysssem adhuc vivere, liquefcentis cum nive liquecente. Huc pertinet inversa vocabulorum eorundem repetitio, quae vulgo *ἐπ'άνοδος* et interdum *ἀντιμετάθεσις* adpellatur; v. c. Quintil. X, 7. *Qui stultis videri eruditi volunt, stulti eruditis videntur.* Vellei. II, 117. *quam (Syriam) pauper divitem ingressus, dives pauperem reliquit.* Plin. Pan. 17. *Non ideo cet.*

XXXI) *Mutatio languidiorum vocabulorum singulorum in fortiora.* Hic omnia vertuntur in linguae cognitione, memoria prompta et mente cominota. *Fortiora* s. *graviora* vocabula sunt duplicis generis:

A) *Vocabula vim maiorem per se continentia*; v. c. 1) *stertere* pro dormire: 2) *volare* pro celeriter ire, sic *advolare* cet.: 3) *prodere* pro periculo exponere, v. c. *vitam et pecuniam* Terent. Heaut. III, 1, 69: et Adelph. IV, 5, 58. *prodidisti te et illam miseram et gnatum*: it. pro *deferere*; sic saepe prisca: 4) *Nullus* pro *nullius* pretii; v. c. Cic. Amic. 26. *Nulla est igitur haec amicitia, cum* cet. Ad Div. VII, 2. §. 9. de Pompeio: *Ex eo tempore vir ille summus nullus imperator fuit*; sic et nostri. 5) Cic. Font. 16. *impetus terroresque depellit* pro *removet*. 6) Cic. Phil. II, 4. *personabant omnia vocibus ebriorum: natabant pavimenta vino* pro *audiebantur voces — mdebant pavimenta*: 7) Cic. Verr. V, 52. *tu — dies continuos complures in litore iacuisti* pro

pro fuisti: 8) Ib. 55. *carcer ille*, — quae *lautumiae* vocantur, in istius imperio *domicilium* civium Romanorum fuit. Not. *domicilium* pro *locus*; sic *habitare in lecto* nostri dicunt de somni studiosissimo: 9) Verr. I, 4. *tot tantisque sceleribus coopertus* pro *plenus*: 10) *obvallatus* pro *munitus* Cic. Agr. II, 1. *Me* — *primum hominem novum consulem fecistis: et eum locum, quem nobilitas praesidiis firmatum etque omni ratione obvallatum tenebat, me duce rescidistis virtutisque in posterum patere voluistis*. Peccavit tamen Cicero, quod dixit *locum* (i. e. consulatum) *rescidistis*: *locus* non rescinditur ipse, sed *vallum*, quo septus est: 11) *nundinae* agrorum, oppidorum cet. pro *venditio* Cic. Phil. II, 14. sic *ius nundinari* Cic. Verr. I, 46: 12) *excussus* pro *eiectus* Cic. Phil. II, 22. *consules ex Italia excussos* cet. Sic Virg. Aen. VII, 299. Iuno irata Troianos vocat *patria excussos*. 13) *dedecus naturae* Phaedr. I, 21. de asino pro *animali*, quod est *dedecori* cet. Not. In his omnibus est superlatio veritatis, et tota res cernitur in omissione particulae *fere* vel *quasi*, v. c. *nundinae* i. e. *quasi nundinae* cet. Sic et est in oxymoris; v. c. *cum tacent*, *clamant* i. e. *quasi clamant*. cf. supra n. XXII.

B) Vocabula, in quibus simul inclusa latet idea secundaria gravitatem augens. Inest igitur simul idea

- 1) *effectus* s. *consequentiae*; v. c. a) *miserum me reddidit* pro *valde mihi nocuit*: sic *perii* pro *miser sum*: *ridebis* pro *felix eris*; *flebis* pro *miser eris*, sic Gr. κλάειν. b) *adversator* dicitur *damnare reum* vel *urbe eiicere* pro *adversare* vel *efficere ut damnetur*, atque ita *urbe eiiciatur*. Sic *condemnare* Cic. Verr. V, 69. *Nam istum* — *condemnavi*. c) *redemptus* pro *captus* Cic. Man. 12. *Qui ad vos ab exteris nationibus venirent, captos querar, cum legati romani redempti sint?* Hic *redempti* pro *capti*, at gravius: inest *capti* simul. d) Virg. Aen. IV, 2. *coeco carpitur igne* pro *uritur*: e) Virg. Aen. VII, 303. *optato conduntur Thybridis alveo*,

uso, pro veniunt vel sunt: at in conduntur inest simul idea securitatis.

- 2) *causae*; v. c. Cic. Agr. II, 6. *quia persaepe seditiosis atque improbis tribunis plebis boni ac fortes consules restiterunt, et quia vis tribunicia non nunquam libidini restitit consulari.* Hic libidini pro voluntati s. consilio dictum est: at inest simul causa, cur huic voluntati restiterint, quia scil. haec voluntas fuerit mera libido, Caprice. Cic. Verr. I, 3. *ut ego hunc unum eiusmodi reum post hominum memoriam fuisse arbitrer, cui damnari expediret pro qui damnari praecipue mereretur.* Indicatur, eum nonnisi poena corrigi posse.
- 3) *firmitatis*; v. c. *stat sententia* pro *est* cet.
- 4) *certitudinis*; v. c. *repertus est sapiens* pro *fuit*.
- 5) *turpitudinis*; v. c. *polluere iura* pro *violare* Cic. Rosc. Am. 23.
- 6) *rei indignae ac molestae*; v. c. *descendere ad condiciones* pro *conditiones licet duras accipere*: it. *ad extrema*; cf. Cic. Verr. I, 38. *quo ego vellem, descensuros pollicebantur.* Sic nostri *sich herablassen*.
- 7) *dignitatis* s. *meritorum*; v. c. *iudicium* pro *honoribus*: it. *pro omni honore ac praemio.* Sic *iudicare* pro *putare*.
- 8) *rei terribilis, atrocis* Cic. Cat. II, 1. *Iacet ille nunc — et se perculsum atque abiectum esse sentit, et retorquet oculos profecto saepe ad hanc urbem, quam e suis faucibus ereptam esse luget.* Hic *retorquet oculos* pro *respicit*: ac respicitur ad bestiam, cui praeda erepta est.
- 9) *tristitiae*; sic in loco modo adlato: *retorquet oculos profecto saepe ad hanc urbem, quam e suis faucibus ereptam esse luget*; ubi *luget* pro *videt*.
- 10) *laetitiae*, v. c. *gaudeo* pro *audio, video* cet. v. c. Cic. ad Div. XV, 8. *Marcellum tuum consulem factum, teque ea laetitia affectum, quam maxime optasti, mirandum in modum gaudeo*: hic deest *audio*, sed latet in *gaudeo* mirum in modum, quod dictum est pro *magno cum gaudio audio*.
- 11) *curae*, v. c. *providi, ut rem istam acciperes* pro *feci*: sic *providere* pro *impedire, vorbeugen*; Ter. And. I, 3. *Quae si non astu providentur.*

XXXII) Adiectio vocabuli ad vocabulum h. e. ideae ad ideam, ut huius gravitas adiuvetur. De hac adiectione universa late dictum est P. I. c. 9. de copia dic. Sect. 2 et 3. Hic tantum pauca ad gravitatem spectantia adferemus:

- 1) Adiicitur idea effectus s. consequentiae; v. c. *captum tenere pro cepisse: rana rupto iacuit corpore pro rupta est: pater aegrotus iacet, morbo confectus iacet pro est: sic domus incensa flagravat, miles confossus periit.* Sic Iuno Virg. Aen. VII, 297. *mea numina tandem fessa iacent, odiis aut exsaturata quievi pro fessa sunt, exsaturata sum: Ib. IV, 376. Heu furiis incensa feror: ib. v. 15. si mihi non animo fixum immotumque federet, ne cui me vinclo vellem sociare iugali, ubi sederet additum est pro esset.*
- 2) Additur idea certitudinis: v. c. *certum est, constat inter omnes, nemo nescit cet. Cic. Man. 7. Nam tum, cum in Asia res magnas multi amiserant, scimus Romae solutione impedita fidem concidisse: ubi scimus additum est: sic sciatis ibid. 12. nobilissimas urbes captas memorem, cum vestros portus atque eos portus, quibus vitam et spiritum ducitis, in praedonum fuisse potestate sciatis.* Huc pertinent non adduci possum, non fieri potest cet. v. c. Cic. Agr. II, 1. *Neque enim ullo modo facere possum — ut non sim popularis. Ib. 5. negabant me adduci posse, ut ullam largitionem probarem.*
- 3) Additur idea opinionis h. e. sententiae incertae adversariorum. Sic Cicero saepe suspectos reddit adversarios; v. c. Agr. II, 3. *Sed mihi videntur certi homines, si qua in re non modo consilio verum etiam casu lapsum esse arbitrantur, vos universos, qui me antetuleritis nobilitati, vituperaturi, pro si qua in re — lapsus fuero.*
- 4) Additur notio argumenti s. vocabulum argumentum continens; v. c. *pro deum odisse quis potest? dicitur: deum tam benignum quis cet. sic omnes laudant Ciceronis eloquentiam pro Ciceronem: ignovi eius adolescentiae pro ei: quis est tam stultus s. tam imperitus rerum, ut non videat cet. vid. P. I. c. 9. Sect. 3. P. II. c. 1. Sect. 6. n. II, 6.*

5) Ad-

5) Additur *idea modi*; v. c. a) *necessitatis*, v. c. *necesse est*, non possum facere quin cet. b) *casus*; v. c. *adcidit*, *contigit* cet. c) *consilii*; v. c. *faciendum putavi* pro *feci*: d) *consuetudinis*; v. c. *solebat ius vendere* pro *vendidit*. Cic. Rosc. Am. 45. de Chryfogono: *Quae omnia si, quemadmodum solent liberti nequam et improbi facere, in patronum suum voluerit conferre*. Add. Cic. Aët. I. in Verr. 16: *Nulla est enim laus, ibi esse integrum, ubi nemo est, qui aut possit aut conetur corrumpere pro qui corrumpat; at illud gravius*. Et statim: *in hoc homine statuatur, possitne, senatoribus iudicantibus, homo nocentissimus pecuniosissimusque damnari pro an hominem — damnaturi sitis*.

6) Adiicitur verbum *sum, reperior, invenior*; v. c. *Quis est qui nesciat pro quis nescit! Quid est, quod fleas? pro quid fles?* Cic. ad Div. IX, 14. §. 11. *Quis erat, qui putaret, ad eum amorem, quem erga te haberem, posse aliquid adcedere?* Verr. I, 3. *Rapiunt eum ad supplicium dii patrii, quod iste inventus est, qui e conspectu parentum abreptos filios ad necem duceret* cet. Sulp. in Cic. ep. ad Div. IV, 12. §. 6. de Marcello: *et, cui inimici propter dignitatem pepercerant, inventus est amicus, qui ei mortem adferret*.

7) Adduntur et alia vocabula, quae vulgo *synonyma* vocantur, vel potius iunguntur per *et*, ac cet., vel etiam hac copula omissa. Dixi de hac re P. I. c. 9. Sect. 2. n. I. quo lectores reicio. Differre tamen inter se debent, v. c. ut alterum indicet *causam*, alterum *effectum* vel *consequentiam*: alterum *Genus* vel *Totum*, alterum *speciem* vel *partem*; alterum sit *tropice*, alterum *proprie*; alterum *adfirmative*, alterum *negative* positum; alterum denique sit altero fortius. Possunt quoque tria et plura ita iungi; v. c. Cic. Verr. I, 2. *pro cetera eius audacia atque amentia*: Cic. Agr. II, 11. *iique ab his initiis fundamentisque nascuntur*. Cic. Phil. II, 25. *Venisti — in sinum et in amplexum tuae mimulae*: c. 44. *eripiet, extorquebit tibi* cet. Cic. Marc. 1. *dolebam — et vehementer angebar*: c. 2. *aemulo atque imitatore studiorum meorum*. Add. supra loc. cit. dicta, ubi et monui, iungi et apud priscos vocabula, parum vel nihil inter se diversa; v. c. Cic.

Cæt.

Cat. I, 5. *non patiar, non feram, non sinam.* Verr. V, 37. *vicā atque superata.*

- 8) Additur interdum, fervore animi impellente, vocabulo vocabulum, quod plane redundat, et hactenus tantum prodest gravitati, quod commotum dicentis animum indicat. Vocatur *pleonasmus* h. e. *redundantia*: v. c. *his oculis vidi, his auribus audi* cet.

XXXIII) *Mutatio unius enuntiationis in plures*: diutius enim immorando iisdem ideis fiunt hae graviores. Fit hoc pluribus modis, v. c. quando, pluribus subiectis, commune praedicatum habentibus, singulis praedicatum tribuimus; v. c. Cic. Arch. 8. *Hom rum Colophonii civem esse dicunt suum, Chi suum vindicant, Salaminii repetunt* cet. pro Colophonii, Chi, Salaminii cet. *dicunt Homerum esse suum*: sic *luget senatus, moeret equester ordo* cet. pro omnes: it. praeposnenda causa, v. c. *Deus est tam potens ut omnia efficere possit*, pro *deus omnia efficere potest*: it. addendo effectū; v. c. pro *deus est valde potens* dicitur: *est tam potens, ut omnia possit efficere*: it. coniungenda et adfirmante et negante enuntiatione; v. c. *non est iam lenitatis locus: severitatem res ipsa postulat.* vid. plura supra P. I. c. 9. Sect. 3. ubi latius de ista re actum est.

XXXIV) *Crebra repetitio copulae tum inter singula verba, tum inter membra et enuntiationes.* Vocatur *Polysyndeton* a Quintiliano: alii vocant *polysyndeta* i. e. *saepe iuncta*. Videtur huius repetitionis hic usus esse, ut in recitandis multis rebus earum multitudo maior adpareat; v. c. *deus nobis et vitam et sanitatem et mentem dedit.* Cic. sic saepe, v. c. Verr. II, 5. *tot et tantae et tam graves civitates* cet. Rosc. Am. 5. *quo facilius et huius hominis — miseriam et illorum audaciam cognoscere possitis et reipublicae calamitatem.* Mil. II. *Sin hoc et ratio doctis et necessitas barbaris et mos gentibus*

tibus et feris natura ipsa praescripsit, ut omnem semper vim — a corpore, a capite, a vita sua propulsarent. In hoc loco sunt polysyndeta et asyndeta.

XXXV) *Collocatio verborum gravis* h. e. ut eo ordine ponantur, quo maiorem vim exferere possint. Dicta de hac re quaedam sunt supra Cap. I. Sect. 24. Verbum gravius interdum praepositur, interdum postponitur.

- 1) *praepositur*; v. c. *Civis romanus sum, non sum civis rom.* clamat ille Gavius Cic. Verr. V, 62. cum cruci adfigebatur: Agr. II, 17. *grave est enim nomen imperii*: ad Div. II, 4. §. 6. *Est tibi gravis adversaria — incredibilis expectatio*: ep. II. §. 2. *mirum me desiderium tenet urbis*: V, ep. 21. in. *Gratae mihi tuae literae fuerunt*. Not. Omnis gravitas pendet a contextu et adfectu dicentis; neque igitur certa regula dari potest: v. c. *magnum tuum est peccatum* et *peccatum tuum est magnum* recte et cum gravitate dici potest: interdum prius, interdum posterius est gravius.
- 2) *postponitur*; in primis ad expectationem opprimendam: hic decet per gradus adscendere; v. c. Cic. Verr. I, 3. *Agunt eum praecipitem poenae civium; quos partim securi percussit, partim in vinculis necavit, partim implorantes iura libertatis et civitatis in crucem sustulit*: grave est percutere securi — civem, gravius in vinculis necare, gravissimum in crucem tollere. Phil. II, 25. *quid hereditatum possessiones datas, quid ereptas proferam?* Ibid. obiicitur Antonio in urbe auri, argenti, maximeque vini direptio: hic vinum occupat ultimum locum, quia ille in primis vino deditus erat.

XXXVI) *Clausula gravis sententiae absolutae*: de qua dictum est P. I. c. 6. Sect. 3. Gravitas huius clausulae consistit in eo, 1) ut longius vocabulum sententiam claudat; v. c. *amandavit, fateretur*: 2) ut paenultima huius vocabuli sit longa: 3) ut huic paenultima insit vocalis sonora, qualis est *a, e, o*, in quibus eminet *a*. Sed haec tria supra monui magis ad perspicuita-

cuitatem, quam ad gravitatem: et magis ad dicendum, quam ad scribendum pertinere. Lector non tam curat, qualia vocabula in fine sententiae sint, quam auditor: qui si unam alteramve syllabam vocabuli non audit, totum vocabulum facile perit: hinc longum esse decet, et in paenultima longam vocalem eamque sonoram, si fieri licet, habere. 4) ut ultimum sententiae absolutae membrum paulo longius reddatur, quod facile sit per *copiam dicendi* supra explicatam, v. c. adiectione synonymorum, in primis verborum graviorum, ut *vic̃ta* atque *superata* pro solo *vic̃ta*; Cic. Cat. I, 13. *gravius vehementiusque affligantur*: Ibid. *omnia patefacta, illustrata, oppressa, vindicata esse videtis*, vel adiectione verbi ad verbum; v. c. *faciendum putavit* pro *fecit*: sic Cic. Man. I. *tribuendum censuerunt* pro *tribuerunt*; Cic. Verr. V, 37. *penetrare coeperunt*.

XXXVII) *Concinnitas membrorum*, quae et nomen *numerorum oratoriorum* gerit, in eoque consistit, ut membra sibi pari idearum numero respondeant. Continet utique aliquid gravitatis, ut in cantando numeros musicos observare gravius est, quam eos negligere; v. c. *non opinionis levitate, sed argumentis ductus feci* minus grave est, quam *non opinionis levitate, sed argumentorum gravitate ductus* cet. Vid. plura exempla P. I. c. 6. Sect. 3. ubi de tota re accurate diximus.

XXXVIII) *Delectus literarum et syllabarum*, ut certe vulgo credunt. 1) *literarum*; v. c. R putant convenire rei tristi, terribili; hinc talia vocabula, ut *mors, terror, horrendus* praeoptanda putant: hinc Virgilium dixisse: *Monstrum horrendum* de Fama. Quis vero hoc certo scit? Vocabula, in quibus R est, casu inventa: et sunt in iis multa, in quibus nihil horrendi est; v. c. *aratum, ergo, carmen, formosus, dormio* cet. Omnis gravitas in ideis, non in sono est: ac sic

priscos iudicasse credo. Ac si quis mihi *obitum libero-
rum meorum* nuntiat, nonne is aequae tristis est nuntius,
ac qui *mortem eorum*? licet in *morte* iussit R, in *obitu*
non sit. 2) *syllabarum*. Cicero pedes poeticos alios
aliis putat esse graviores: sed ipse incertus est, ut in
Cap. de *numeris* monui. Ac ne pertinet quidem ad nos
ista res, quia *syllabarum* quantitatem in pronuntiando
non ubique observamus. Putant nonnulli Virgilium
illo versu lento: *Illi inter sese magna vi brachia tollunt*,
Cyclopum, qui tamen tanto operi haud dubie pares
erant, operam difficilem et tarditatem quandam, et
contra versu illo celeri: *Quadrupedante putrem sonitu
quatit ungula campum*, celeritatem quandam exprime-
re studuisse. Quis hoc certo scit? Imo credo, Virgi-
lium omnem gravitatem in idearum gravitate, non in
verborum sono posuisse: ac reperiuntur multi versus in
Virgilio, ubi de re celeri vel laeta spondei, de re tristi
vel tarda dactyli usurpantur; v. c. *Saltantes Satyros*
Ecl. V, 73: et, *Sic fatur lacrymans* cet. In sono verbi
non est gravitas. Omnis gravitas, omnis laetitia, tri-
stitia cet. quae sono inesse videtur, oritur ex ideis, quae
cum ipso sono coniungi solent; v. c. idem sonus cam-
panarum est laetus, tristis cet. prout res est, quae isto
tempore cogitatur: tempore, quo liberi nostri ad se-
pulturam efferuntur, est tristis: alio tempore est lae-
tus, v. c. quando dies festus est cet. Ac si quis de li-
terarum et syllabarum delectu anxie cogitaret, interim
ideae graves ipsae omnes effugerent. Vt ferro, ita
ingenio utendum est, dum candet.

XXXIX) *Vocis gravitas* in dicendo: qualis fuit in
Cicerone ac Demosthene. Illius vicem in scribendo
quodam modo sustinent signa *interrogationis*, *excla-
mationis*, *parentheses*; it. *lineola transversa*, quae
signum *reticentiae* s. *apopsiopes* esse solet.

Haec

Haec de gravitate dicendi. Legantur hic Cicero-
nis Orationes, v. c. Verrinae, Maniliana, Agraria se-
cunda, Catilinariae, Sextiana, Miloniana, Philippica
secunda cet. it. Livianae. Ad gravitatem dicendi perti-
net sublimitas dicendi, quia ab ea nonnisi gradu differt.
Attamen de ipsa, quia mos ita fert, infra Append. III.
paucula separatim dicemus.

CAP. III.

DE SVAVITATE DICENDI.

SECT. I.

Quid sit suavitas dicendi?

Suavitas dicendi est virtus orationis, quae efficit, ut
placeamus lectoribus et auditoribus, atque ita ab
iis libenter legamur et audiamur. Intelligitur ergo hic
suavitas honesta et honesto homine digna, non ea, quae
cachinnos commoveat cet. Vocari et potest *gratia*,
it. *venustas* a *Venere*; haec enim h. e. amor efficit, ut
amans amanti placere studeat. Hinc et *venus* pro *gra-*
tia dicitur, it. *veneres*.

SECT. II.

De eius necessitate.

Suavitas orationis et dicenti et scribenti summe ne-
cessaria est. Ab ea enim pendet omnis adtentio lecto-
ris et auditoris: sine qua nec potes persuadere lectori-
bus auditoribusve, nec eorum animos movere.

S E C T. III.

De fontibus suavitatis dicendi remotioribus.

Fontes remotiores sunt hi:

I) *Ingenium praeclarum et hilare*, quod in varias formas se vertere, seque ad auditores lectoresque accommodare possit.

II) *Doctrina lata et subtilis*, ut scias multa, quibus oratio varietur, sententiae priscae alia veste donentur cet.

III) *Cognitio animorum humanorum*, ut scias, quid iis placeat, quid non. Multi putant, quidquid prisca dixerint, id per se et ubique placere debere. Male. Nam a) prisca erant homines: b) omnia praeclare dicta, si semper eodem modo dicuntur, amittunt tandem gratiam.

IV) *Lectio librorum suavitate iusta conditorum.*

S E C T. IV.

De fontibus suavitatis dicendi propioribus.

Suavitas ista dicendi adiuvatur

I) *Perspicuitate dicendi*. Haec per se suavis est, ut omnis obscuritas molesta. Nam 1) omnis homo gaudet, si quid facile intelligit: exemplo sunt pueri. 2) omnis homo discere et suam cognitionem augere cupit, paucis exceptis: ubi tamen causa forsan latet in parentibus vel magistris.

II) *Gravitate dicendi* h. e. quando res ita tractatur, ut eius magnitudo, pulchritudo, turpitudine cet. sentiantur. Placet enim nobis commotio animi nostri: lacrymae quoque nostrae nobis interdum placent.

III) *Iusta et brevitatem et copiam dicendi* h. e. quando neque nimis multa, neque nimis pauca dicimus. Sed

a) hoc

a) hoc difficile est et iudicium requirit: b) materiae et lectorum auditorumque ratio est habenda.

IV) *Modeste atque adeo demisse de nobis nostrisque virtutibus et factis loquendo.* Placet enim hoc vulgo. Quantum laudis nobis tribuimus, tantum aliis detrachere videmur. Sic Cicero; v. c. Rosc. Am. 1. *Credo ego vos mirari, quid sit, quod, cum tot summi oratores — sedeant, ego potissimum surrexerim, qui neque arte, neque ingenio — sim cum iis, qui sedeant, comparandus: cap. 2. His de causis ego huic causae patronus exstiti, non electus unus, qui maximo ingenio, sed relictus ex omnibus, qui minimo periculo possem dicere cet.* Huc pertinet, quando dubitanter de nostris viribus ac meritis loquimur; v. c. *si quid scio, possum cet.* Sic Cic. Arch. 1. in. *Si quid est in me ingenii, quod sentio quam sit exiguum cet.* Man. 1. *si quid dicendo consequi possum cet.*

V) *Modestia et humanitate erga alios declaranda:* Sic Cic. millies, v. c. ad Div. IV, 2. §. 3. Sulpicio, qui consilium petierat, scribit: *quid est, quod audeam suadere tibi homini summa auctoritate summaque prudentia? Egrege audeam pro possim aut velim: et addit causam: homini summa — prudentia: §. 10. Tu, si videbitur, ita censeo facias, ut, si habes iam statutum, quid tibi agendum putes, in quo non sit coniunctum consilium tuum cum meo, supersedeas hoc labore itineris: sin autem est, quod mecum communicare velis, ego te expectabo. Tu, quod commodo tuo fiat, quamprimum velim venias.* Omnia modestie: a) *si videbitur:* b) *censeo facias:* c) *supersedeas labore itineris:* d) *communicare velis:* e) *ego te expectabo:* f) *quod commodo tuo fiat.* Ad Div. IV, 3. §. 3. *prospexi tempestatem futuram: neque id solum mea sponte, sed multo etiam magis monente et denuntiante te.* Ib. §. 10. *Haecenus*

existimo nostram consolationem recte adhibitam esse, quoad certior ab homine amicitissimo fieres iis de rebus, quibus levare possent molestiae tuae. Reliqua sunt in te ipso cet. Egregie. Ibid. §. 13. Nihil faciam insolenter: neque te tali vel scientia vel natura praeditum hortabor cet. Ad Div. V, 8. §. 9. Is enim tu vir es, et eum me esse cupio, ut — conjunctionem amicitiamque nostram utriusque nostrum laudi sperem fore. Egregie eum me esse cupio pro is sum. In primis in petendo Cicero humanitatem servat: nihil petit, nisi ita, si fieri possit, si a dignitate amici non alienum sit cet. v. c. ad Div. XIII, 17. §. 6. si tibi sit cognitus: ep. 26. §. 6. quod commodo tuo fieri posset: ep. 37. peto a te, ut tantum ei commodos, quantum tua fides dignitasque patiatur.

VI) *Observanter loquendo de magnis hominibus omnibusque, qui vel meritorum splendore vel munerum amplitudine vel generis nobilitate excellunt. Sic Cicero; v. c. ad Div. V, 8. §. 6. De me sic existimes — velim, non me repentina aliqua voluntate aut fortuito ad tuam amplitudinem meis officiis amplectendam incidisse, sed cet. ubi amplecti alicuius amplitudinem officiis dictum pro amicum alicuius fieri: ac statim pergit: Quo quidem ex tempore memoria teneo, neque meam tibi observantiam neque mihi tuam summam benevolentiam ac liberalitatem defuisse: ubi observantiam pro amorem, benevolentiam dictum. Quaeritur ergo, annon contra observantiam peccent, qui dicant Iesulein, Engelein, Engelchen?*

VII) *Leniter loquendo de inimicis nostris. Sic Cicero; v. c. ad Div. III, 9. §. 3. intellexique in provincia multos fuisse, qui nos, quo animo inter nos sumus, esse nollent, pro qui inimicitias inter nos excitare studerent. Sic pro odisse aliquem dicitur non favere alicui, non amicum esse eius cet.*

VIII) *Le.*

VIII) *Leniter vel recte vituperandis hominibus.* Sic Cicero; v. c. Rosc. Am. 1, de patronis causarum tum clarissimis, quod ob Sullae metum defensionem Roscii suscipere noluerint; *quia, si quis istorum dixisset, in quibus summa auctoritas est atque amplitudo, si verbum de republica fecisset, id quod in hac causa fieri necesse est, multo plura dixisset, quam dixisset, putaretur.* Ad Div. I, 8. §. 9. *Amissa est (dignitas consularis culpa eorum, qui a senatu et ordinem coniunctissimum et hominem clarissimum abalienarunt, pro culpa hominum improborum.* Huc pertinet illud Socratis a petulante quodam colapho percussi: *Video mihi in posterum cum galea incedendum esse:* et illud Siculi repudiantis patronum causae stultum a Praetore sibi datum: *Quaeso, praetor, adversario meo da istum patronum, d'inde mihi neminem dederis.* Huc pertinet de vino: *non est inimicus vini:* de vorace: *sapit ei cibus egregie cet.*

IX) *Significando ubique, nos esse faciles, clementes, mansuetos, iustos omniumque virtutum amantiissimos.* Placet hoc et iis, qui vitiis dediti sunt. In primis placent virtutes beneficae. Huc pertinet a) animi grati significatio; v. c. Cic. ad Div. I, 1. in. *Ego omni officio ac potius pietate erga te ceteris satisfacio omnibus, mihi ipsi nunquam satisfacio:* b) quando officia promittimus; v. c. Cic. ad Div. V, 8. §. 11. *polliceor eximium et singulare studium in omni genere officii, quod ad honestatem et gloriam tuam spectat: in quo, etiamsi multi mecum contendunt, tamen cum reliquis omnibus tum Crassis tuis iudicibus omnes facile superabo,* et sic §. 13, 14, 15: c) quando dolemus, nos non posse alios satis iuvare; v. c. Cic. ad Div. IV, 13. §. 10. et I, ep. 1. in. cet. d) quando excusamus, quae aliis ingrata esse putamus, et addimus, facta esse casu, nec nostra culpa; v. c. Cic. ad Div. III, 2. in. Appio, cui succedebat in provincia, et qui in ea diutius manere

velle videbatur, scribit: *Cum et contra voluntatem meam et praeter opinionem adcidisset, ut mihi cum imperio in provinciam proficisci necesse esset* cet. Sic ad Div. V, 8. §. 3. causam simultatis inter se et Crassum ortae confert in alios: *quaedam pestes hominum laude aliena dolentium et te nonnunquam a me alienarunt, et me aliquando immutarunt tibi.*

X) *Vitandis plebeiis vocabulis*: quo in primis pertinent sumta a rebus abiectis vel taedium adferentibus. Hic usus consulendus: itemque ratio auditorum.

XI) *Vitandis vocabulis obscoenis*. Hinc Cicero Or. III, 41: *Nolo dici morte Africani castratam esse rempublicam. Nolo stercus curiae dici Glanciam.*

XII) *Vitandis vocabulis, quae ingratam rem proprie exprimunt, et commutandis cum suavioribus*. Huc pertinent haec:

- 1) quando de morte loquimur; v. c. *vivere desit, ad deum abiit, passus est aliquid humani: si quid ei adcidisset*; sic nostri: *Wenn Gott über ihn gebieten, ihn zu sich nehmen sollte* cet.
- 2) quando de inimicitiiis alicuius loquimur, hasve ei in memoriam revocamus. Teſte hoc faciunt venustiores. Sic Cicero ad Crassum scribens mentionem facit inimicitiae, quae inter utrumque fuit, ad Div. V, 8. §. 2. *multa varietate temporum interruptum officium cumulate reddidi*; et §. 3. *Neque mehercule unquam mihi tui aut colendi aut ornandi voluntas defuit: sed quaedam pestes hominum — te nonnunquam a me alienarunt et me aliquando immutarunt tibi.*
- 3) quando aliquid denegamus vel adipere recusamus. Hic nostri venustiores: *ich danke ergebſt* cet. *bin sehr verbunden*: vel si cum longe inferioribus loquuntur: *es iſt gut*. Sic prisci venustiores recte, benigne dicebant; v. c. Ter. Eun. II, 3, 50. *Dum haec dicit, abiit hora: rogo num quid velit (ob er noch etwas beſähle)*; recte, inquit; Horat. i, ep. 7, 16. Calaber hoſpitem,

spitem, ut edat, rogat: *Vescere sodes*: hospes respondet: *iam satis est*: Calaber pergit: *at tu quantum vis tolle*: Hospes: *Benigne* pro *Nolo*. Ibid. v. 61. Vultius Mena a Philippo ad coenam vocatur, sed respondet: *benigne*, quo verbo indicat, se nolle venire. Sic Plaut. Menaech. II, 3, 30. ait invitatus quidam: *bene vocas, magna gratia est*: ut nostri *ich danke* cet. Sic et graeci venustiores dicebant *καλῶς*; sic et *ἐπαυνεῖν τὴν κλησιν* dicitur de recusantibus Xenoph. Symp. I. §. 7. quod simile est latino *gratiam habere* cet. Pertinet huc supra adlatum: *Quaeso, praetor, adversario meo da istum patronum, deinde mihi neminem dederis pro nolo adcipere*.

4) quando in respondendo *veram causam reticemus*; v. c. Terent. Hec. III, 2, 20. matri quaerenti ex filio: *Quid tu igitur lacrymas? aut quid es tam tristis?* filius respondet: *recte, mater pro Nihil est mater*, ut nostri *es ist nichts, es ist gut*.

5) quando teſte aliquem reprehendimus: vid. n. VIII.

XIII) *Novitate elocutionis*. Efficitur facile: 1) si sumus ingenio praeclaro et animo generoso instructi: 2) si sententiam plane intelligimus: 3) si verborum vim recte tenemus: 4) si copia vocabulorum iusta instructi sumus: 5) si non credimus, sententiam aliquam non posse aliam vel meliorem vestem adcipere, quam prisci ei circumdederint. Novitas elocutionis commendanda est in primis 1) in proverbiiis, 2) in similitudinibus, 3) in exemplis, 4) in tropis, 5) in verbis.

XIV) *Variatione sententiarum et verborum*, quae novitati illi elocutionis saepe vicariam operam praeclare praestat. Omnis variatio delectat. Sententia variari potest modo adfirmative, modo negative, modo per interrogationem, modo sine ea, modo his, modo illis verbis cet. Copia verborum hic ad manus esse debet; v. c. *quamquam, qui perspicue loquitur, valde laudandus est, tamen is, qui simul suaviter loquitur, magis laudandus est*, parum suaviter est dictum; suavius

vius est: *quamquam*, qui *persp.* loquitur, *valde laudandus est*, tamen qui cum *perspicuitate suavitatem coniungit*, *maiori laude dignus est censendus*: possunt ista et aliis modis variari. — Sic pro *amoris causa* cet. dicitur *amore ductus* cet. vid. supra P. I. c. 8. de *Variatione*. Potest et in collocatione verborum variari; v. c. interdum *is* praepositur τῷ *qui*, interdum postponitur; v. c. *laudo eos*, *qui* cet. ac *qui* —, *eos laudo* cet. Not. Interdum tamen variatione vocabulorum uti non licet, 1) quando alia vocabula non habemus; v. c. *consul dixit dictatorem*; *litterae mihi sunt redditae*: hinc non culpandus Cicero, qui ad Div. XI, 16. in. dixit: *epistola reddita sit*, et post tres versus: *epistolae tibi reddendae*, et interiectis deinde duobus versibus: *non loco redditae*. 2) ob gravitatem; v. c. in oppositione: *Nec profunt domino, quae profunt omnibus artes* Ovid. Met. I, 523: qua de re dictum P. II, c. 2. de gravitate, Sect. III, n. XXX. et infra dicetur n. XXI.

XV) *Genere scribendi non adfectato* h. e. tali, quale materia postulat, ut v. c. *tenuiter* de rebus tenuibus, *magnifice* et *ornate* de rebus magnis et ornato dignis dicamus. *Adfectatus sermo* oritur 1) ex ambitione vel etiam arrogantia, 2) ex inopia iudicii, 3) ex inscitia rei, quae tractatur, 4) ex cognitione vocabulorum non adcurata, 5) in primis e perversa institutione magistrorum, qui prius de pulchre, quam de recte scribendo loquuntur et discipulos ad pulchre scribendum, non ad pulchre cogitandum impellunt. Hinc hi ornatum ubique adfectant. Matrona honesta ornat se, at modice et apte, et placet: meretrix nimium ornatum adfectat. Non hic tam placet quam *simplicitas*, (*das Ungekiunstelte*,) quae *arti* opponitur et a nonnullis vocatur *grata negligentia*: quamquam non satis adcurate; quia omnis negligentia est vitium: et negligentia scriptoris indicat, eum contemnere lectores.

XVI)

XVI) *Aequali scribendi genere.* Hoc non consistit in eo, ut per omnem orationem ac librum vel magnifice vel tenuiter scribere debeamus, sed in eo, ut characterem singulis dicendi generibus proprium serveamus. Alius est character poetarum, alius historicorum, alius oratorum cet. It. alius est poetarum epicorum, alius comicorum cet. Qui ergo adscendit velut poeta, ac poeticas descriptiones, epitheta cet. transfert, ac deinde humilia verba profert, is peccat. Haec inaequalitas oritur ex iisdem fontibus, e quibus adfectatum dicendi genus provenire diximus, in primis ex eo, quod priscos non recte intelligunt, et undique rapiunt, quae inveniunt. Debemus apes imitari, quae e florum succis conficiunt succum proprium.

XVII) *Vegeto scribendi et dicendi genere:* quod adiuvatur 1) *epithetis descriptionem rei continentibus:* sed nec otiosa esse debent; v. c. Cic. Senect. 15. de terra: *quae cum gremio mollito ac subacto semen sparsum excepit, primum id occoecatum cohibet: — deinde — elicit herbescentem ex eo viriditatem* cet.; ubi notes *mollito, subacto, sparsum, occoecatum, herbescentem*; 2) *descriptionibus rei efficientibus*, ut ipsa oculis fere subiiciatur; 3) *interrogationibus et exclamationibus*; 4) *metaphora suavi*, h. e. *in qua inest imago suavis rei*, v. c. *segetis, veris, floris* cet. v. c. *flos aetatis* cet. Placet in primis et attentionem excitat a) *metaphora a re grandi ducta*; v. c. *vallum aristarum* Cic. Senect. 15. b) *metaphora rebus inanimatis vitam vel adeo vocem et actionem tribuens*; v. c. *somno oppressus, victus, vincetus*: Sic Cic. Nat. D. II, 3 *quippe quae (terra) gravidata seminibus omnia pariat et fundat ex sese, stirpes amplexa alat et augeat* cet. Senect. 15. *seges* dicitur *niti et adolescere*: ac paulo post *vitis* dicitur *serpens*. Sic *seges* dicitur *laeta*; *flos* dicitur *mori*; *agri* dicuntur *sitire*: sic *fontes* *sitiunt* Cic. Qu. Fr. III, 1. med. et *venias ad sitientes*

fitientes aures Att. II, 14. in. Crebrius ita poetae, v. c. *cymba gemit, trēta surgunt, vino fallere curas: it. currus non audit habenas* Virg. Georg. I, 514.

XVIII) *Descriptionibus rerum suavis*, v. c. *montium, regionum, bestiarum, actionum, permotionum animi*; in primis *naturae*, v. c. Cic. Senect. 15. describit *segetem crescentem*: cf. Nat. D. II, 33. in. et c. 47 fl., quae plena sunt descriptionum suavissimarum, v. c. cap. 47. *Iam vero vites sic claviculis adminicula tanquam manibus adprehendunt* cet. Ibid. *Iam vero alia animalia gradiendo, alia serpendo ad pastum adcedunt* cet. Et plures sunt capp. seqq. de singulis animalibus: at uberior est descriptio hominis a cap. 54. ad c. 61. ubi de singulis eius partibus dicitur; v. c. de oculis cap. 56. *Nam oculi, tanquam speculatores, altissimum locum tenent* cet. Animi permotionum descriptiones innumerabiles habent Ovidius et Virgilius, v. c. *irae Iunonis et Neptuni* Aen. I.; *amoris, irae et furoris* Didonis Aen. IV. cet.

XIX) *Iocis apte adhibitis*. Ioci debent esse 1) *liberales*, s. liberali homine digni, 2) *rei convenientes*, 3) *non vulgares*, 4) *acuti*, 5) *parci*. Nam *omne nimium* cet. De *iocis* legi potest Cic. Or. II, 54—71. et Quintil. VI, cap. 4. totum.

XX) *Acute dictis*. *Acuta* proprie dicuntur, quae alte penetrant, v. c. gladius, ensis cet. Sic *mens acuta* est, quae in rem alte penetrat cogitando, causas videt et earum causas. Talis mentis cogitationes non ab omni homine facile perspiciuntur. Proprie igitur potest dici *acute cogitare*, non item *acute dicere*. At usus loquendi hoc permittit: ergo *acute dicere* pro *acute cogitata dicere* ponitur. *Acute* itaque loqui est ita loqui, ut, qui te audit, non statim mentem tuam intelligat, sed inexpectati aliquid audiat, quod tamen rei conveniens

niens et verum esse deinde videt. Ergo non omne inexpectatum pro acute dicto haberi debet: sed et verum reique conveniens simul sit necesse est. Placent vero *acute dicta*, ut aenigmata solvendi studium docet. Sed debent esse a) non nimis crebra: tum, ne videamur sapientes videri velle, tum, quia mentis aciem lectorum et auditorum fatigant, tum, quia tandem fiunt vulgaria: b) non nimis obscura.

Innumerabilia sunt genera *acute dictorum*. Quis singula novit? et indies nova cuduntur. Septem genera recensebo: nam omnem lusum verborum inanem adferre nolo.

A) *Primum genus est, quando specie repugnantia profero.* Dicuntur vulgo *oxymora*; v. c. *dives hic est pauper*, scil. quia divitiis non utitur: it. de avaro divite: *optat, quod habet*: Pertinent huc paradoxa Stoicorum: *omnem sapientem, licet sit pauper, esse divitem, et, licet sit servus, esse regem* cet. it. *cum tacent, clamant: stulta sapientia* cet. Huc pertinet Flor. II, 6. §. 27. de Fabio Cunctatore: *qui novam de Hannibale victoriam commentus est, non pugnare.* Sic *nubere uxori* Mart. VIII, 11. quod acutius est quam Ovid. Met. IX, 761. ubi puella, cui pater, quia pro mare habebat, virginem desponderat, ait: *Pronuba quid Iuno, quid ad haec, Hymenaeae, venitis Sacra, quibus, qui ducat, abest, ubi nubimus ambae.* Add. Ovid. Met. VII, 604. *mortisque timorem Morte fugant.* Heroid. XIV, 105. *eadem sequerisque fugisque, Tu tibi dux comiti, tu comes ipsa duci.* Not. in hoc: *optat, quod habet* est merus lusus: avarus non optat quod habet h. e. divitias, sed earum incrementum. Referunt et inter *oxymora otium negotiosum*; male: nam *otium* hic est non *vacatio ab omni labore* (Müßiggang), sed *vacatio a statis laboribus & muneris ratione subeundis.* Cur hoc
otium

otium non possit esse *negotiosum* h. e. cur non, laboribus istis finitis, aliquid negotii suscipere possimus?

B) *Alterum* genus est *ambiguitas sententiæ* s. *ideæ ob vocabulum homonymum*; v. c. quando Cicero de Octaviano dixit, *ornandum et tollendum esse*; ubi *tol- lere* potest esse tum *ad honores evehere*, tum *interficere*. Sic Suet. Ner. 39. *Quis negat, Aeneae magna de stirpe Neronem? Sustulit hic matrem, sustulit ille patrem.* Huc pertinet dictum Ciceronis: *Tertia deducta est.* Serviliae cuidam, quam Caesar aequè ac filiam ipsius Tertiam amabat, cura Caesaris praedium quoddam addictum erat parvo. Mirantibus hic multis, Cice- ro: *quo melius emtum sciatis, tertia deducta est*: in- est duplex sensus: 1) *tertia pars pretii deducta est.* 2) *Tertia, filia Serviliae, ad Caesarem deducta est*: et sic intellexit Cicero. Ciceronis Epistolae lib VII et IX. refertae sunt talibus argutiis, v. c. VII, 13. *Treviros vites censeo; audio capitales esse, malletm au- ro, argento, aere essent*; IX, 18. *disce iam πρὸς λεγο- μένας*. Sic Cicero Verr. I, 46. *ius Verrinum am- bigue usurpat: at frigide*. Aequè frigide dixit ali- quis de Draconis legibus: *non hominis istae sunt le- ges, sed draconis* h. e. *serpentis*; sic *aedes illustres* ap. Plaut. Rud. I, 1. quas venti perflabant. Sic Au- gustus, videns multos a Cassio adcosatos *absolvi*, di- xit, cum architectus fori nimis diu hoc opus extra- heret: *Velim, Cassius meum quoque forum aduset, ut tandem absolvatur* i. e. *perficiatur*. Quam frigide!

C) *Tertium* genus est *ambiguitas sententiæ per vocabuli immutationem*; v. c. Cato dixerat cuidam: *eamus deambulatum*, et hic: *quid opus fuit de?* Tum Cato: *Ino vero quid opus fuit te?* Sic Stilpo ap. Diog. Laert. II, 118. videns Cratetem frigore rigidum ait: ὦ Κράτης, δοκῶς μοι χρεῖαν ἔχειν ἱματίῃς καὶ νῆ: sed
vocabulary

vocabula καὶ ὃς coniunctim pronuntiabat, tanquam esset καὶ ὃς. Sed talia valent tantum in loquendo.

D) Quartum genus est, quando ad alterius verbum ambiguum respondemus alio sensu, quam quo ipse illud protulit; v. c. malus orator quidam, qui in epilogo misericordiam se movisse putabat, cum deinde adfedisset, quaesivit e Catulo, videreturne misericordiam movisse; tum hic: *Ac magnam quidem; nemini enim putato esse tam durum, cui non oratio miseranda visa sit.* Sic cum post pugnam Pharsalicam esset, qui diceret, animum non despondendum esse, quia septem aquilae restarent, Cicero respondit: *Recte hortareris; si cum graculis nobis bellum esset.*

E) Quintum genus est iniecta brevis similitudo, vulgo adlusio dicta; v. c. Furius Albinus post pugnam Mutinensem interrogatus, quid ageret Antonius? respondit: *quod canis in Aegypto, bibit et fugit.* Huc pertinet Flor. II, 6. *Capuam Hannibali Cannas fuisse.* Cic. Senect. 19. *neque sapienti usque ad Plaudite veniendum;* it. *Andabatarum more pugnare.* Sic de homine simulante id, quod facere non poterat, se noluisse facere, dicimus: *Est instar vulpis apud Phaedrum dicentis: nolo acerbam sumere cet.*

F) Sextum genus est ironia; v. c. *stultus pro sapiente; vituperare pro laudare* cet. Ovid. Heroid. XIV, 120. *Quid fiat fonti, cum rea laudis agar!*

G) Septimum genus, est deminutio ironica rei ingratae vel criminis: seu *testa reprehensio*; v. c. Africanus tribu moverat centurionem, quia Pauli pugnae non interfuerat. Quo dicente, se custodiae causa in castris remansisse et quaerente, cur ab illo notaretur, Africanus respondit: *non amo nimium diligentes i. e. timidos.* Huc pertinet illud Siculi, patronum causae

stultum, sibi a Praetore datum, recusantis his verbis: *quaeso, Praetor, adversario meo da istum patronum, deinde mihi neminem dederis.* (i. e. da, dare debes.)

Hactenus de acute dictis; cf. Cic. Or. II, 54—71. Notes de iis, non nimis magni esse aestimanda, si in sola ambiguitate vocabulorum cernantur.

XXI) *Repetitione eiusdem vocabuli eodem sensu in diversis, sed arte coniunctis, enuntiationibus.* Fit hoc tantum in sententiis ac proverbiiis, et, ubi quaedam est oppositio. V. c. hoc Laberii ap. Macrobi. *Neceesse est multos timeat, quem multi timeant*; Publ. Syri: *Cui plus licet, quam par est, plus vult, quam licet.* Sic: *plus dat, qui cito dat*, ubi τῷ dat male substituas aliud verbum. Sic: *cui multa credita sunt, ab eo multa postulantur.* Sic Quintil. X, 7. *ut, cum multa scripserimus, etiam multa dicamus.* Cic. Phil. II, 4. *quid est aliud, tollere e vita vitae societatem, quam tollere amicorum colloquia absentium.* Cic. Offic. II, 22. *Quam — habet aequitatem, ut agrum — qui nullum habuit, habeat, qui autem habuit, amittat?* Ovid. Met. I, 519. *Apollo de sua et Cupidinis sagitta: Certa quidem nostra est; nostra tamen una sagitta. Certior, in vacuo quae vulnera pectore fecit.* Ibid. 523. *Nec profunt domino, quae profunt omnibus, artes.* Hic conservare vocabulum decet: pertinet res et ad gravitatem. Sic: *tu pater es, quomodo patris animum exuere potes? non genitoris.*

XXII) *Repetitione eiusdem vocabuli, sed diverso sensu:* vocatur vulgo *antanaclasis* vel *dilogia*. Est duplex: 1) quae mera ambiguitate nititur estque merus lusus; v. c. Cic. *Quid ergo? ista culpa Brutorum? minime illorum quidem, sed aliorum brutorum, qui se cautos ac sapientes putant.* Sic Cic. Verr. Act. I, 9. *ludit*

vocabulo praerogativae: Dedit enim praerogativam suae voluntatis eiusmodi, ut isti pro praerogativa eam reddidisse videatur. 2) melior est, si priori loco nomen rei, posteriori vera rei ratio indicatur; v. c. studiosi literarum saepe non sunt earum studiosi: non omnes Christiani sunt Christiani: Romani non amplius Romani: sic et: vivamus, dum vivimus i. e. vita fruamur.

XXIII) Repetitione eiusdem fere vocabuli, sed una vel paucissimis literis inmutatis cum sensu contrario, s. Coniunctione duorum vocabulorum una vel paucissimis literis sibi dissimilium, sed cum contrario vel diverso sensu; v. c. Terent. Nam inceptio est amentium, non aulantium; sic amare interdum amarum est; sic Cicero: ex oratore arator factus est: Sicilia te non praetorem sed praedonem habuit. Vocatur haec ratio dicendi *Parad-nomasia*. Sed in ea debet esse oppositio quaedam studiose quaesita: atque ita tota res ad gravitatem pertinet. Non igitur huc trahenda sunt, quae casu facta, v. c. Cic. ad Div. V, 12. §. 22. et 23: ab Apelle — pingi, a Lysippo fingi volebat cet. qui neque pictam neque fictam imaginem suam passus est esse: Nep Att 17. Philosophorum ita percepta habuit praecepta cet. Vellei. II, 5. in. urbiumque potitus numero, aditis, quae vix audita, Gallaeci cognomen meruit: sic nec huc pertinent cur curas! iure iuras cet.

XXIV) Repetitione eorundem vocabulorum, sed inverso ordine. Vocatur *epanodos* vulgo, v. c. quod sequitur fugio, quod fugit, ipse sequor. Cic. Brut. 39. ut eloquentium iuris peritissimus Crassus, iuris peritorum eloquentissimus Scaevola putaretur: c. 40. consultorum alterum disertissimum, disertorum alterum consultissimum fuisse. Cic. Planc. 28. Gratiam — qui refert, habet, et, qui habet, refert: Vellei. II, 17: quam pauper divitem ingressus, dives pauperem reliquit.

Plin. Paneg. 17. *ut — non ideo viciſſe videaris, ut triumphares, ſed triumphare, quia viceris.* Ad haec repetitio inverſa locum maxime habet in oppoſitione, et placet, propter teſte incluſam comparationem. Quod ſi non fit, merus luſus verborum eſt, v. c. illud Lucilii: *Verum hic ludus ibi ſuſque omnia deque fuerunt. Suſque et deque fuere inquam, omnia ludus iocusque.* Interdum non tam vocabula, quam ſententia invertitur, quod aeque ſuave eſt, v. c. Quintil. X, 7. *et qui ſtultis eruditi videri volunt, ſtulti eruditis videntur.*

XXV) *Coniunctione contrariorum* ſ. *antithetorum.* Pertinet ea res tum ad perſpicuitatem et gravitatem, tum ad ſuavitatem, quia varietas rerum, in primis coniunctio diſiunctorum, v. c. colorum placet; v. c. Cic. Cat. II, 11: *Ex hac enim parte pudor pugnat, illinc petulantia; hinc pudicitia, illinc ſtuprum; hinc fides, illinc fraudatio: hinc pietas, illinc ſcelus* cet. Cic. Mil. 4. *Eſt igitur haec non ſcripta, ſed nata lex, quam non didicimus, adcepimus, legimus, verum ex natura ipſa adripuimus, hauſimus, expreſſimus, ad quam non docti, ſed facti, non inſtituti, ſed imbuti ſumus.* Ovid. Met. VII, 339. *His, ut quaeque pia eſt, hortatibus impia prima eſt, Et, ne ſit ſclerata, facit ſcelus.* Filiae occidebant patrem, ut iuventutem ei redderent ope Medae. Ibid. VII, 878. *Ipſe ſuos artus lacero divellere morſu Coepit, et infelix minuendo corpus alebat.* Sed videndum, ne pro ideis verba vendamus.

XXVI) *Periodo.* De hac ſupra P. I. c. 5. late dictum eſt. Placet nobis, ſi animus pauliſper de exitu incertus ſuſpenſusque eſt, et inexpectato exitu magis delectatur, quam diu praeviſo. Docent hoc comoediae et tragoediae. Ac nonne ſuavius eſt v. c. *quomodo deum, qui nobis inde ab incunabulis tot beneficia tribuit, odiſſe ſuſtineamus?* quam *quomodo deum odiſſe* ſuſti.

sustineamus, qui nobis — tribuit? Cic. Arch. 6. Quare quis tandem me reprehendet, aut quis mihi iure succenseat, si, quantum ceteris ad suas res obeundas, quantum ad festos dies ludorum celebrandos, quantum ad alias voluptates et ad ipsam requiem animi et corporis conceditur temporum, quantum alii tribuunt tempestivis convivis, quantum denique aleae, quantum pilae, tantum mihi egomet ad haec studia recolenda sumsero? Nonne hoc suavius est quam: Quare quis — succenseat, si tantum mihi egomet ad haec studia recolenda sumsero, quantum ceteris cet. Ibid. c. 12. An vero tam parvi animi videamur esse omnes, qui in republica atque in his vitae periculis laboribusque versamur, ut, cum usque ad extremum spatium nullum tranquillum atque otiosum spiritum duxerimus, nobiscum simul moritura omnia arbitremur? Senect. 22. Nolite arbitrari, o mihi carissimi filii, me, cum a vobis discessero, nusquam aut nullum fore cet. Vid. plura supra in cap. cit.

XXVII) *Número oratorio, vel potius numeris oratoris h. e. aequalitate membrorum, quae ad se invicem referuntur. Haec aequalitas cernitur in pari número idearum s. vocabulorum, ita, ut haec fiat eiusdem generis, v. c. vel ablativi, vel participia cet. Sic opponuntur singula singulis, v. c. non audiui, sed vidi; hinc pudicitia, illinc stuprum: cet. Bina binis; v. c. specie honestus, re improbus: sic Cic. Rosc. Am. 26. quid est tam commune, quam spiritus vivis, terra mortuis, mare fluctuantibus, litus eiectis! ubi iniucunde dictum fuisset v. c. iis, qui fluctibus agitantur. Sic terna ternis; v. c. armorum vi oppressus et clementiae beneficio recreatus: sic Cic. Or. I, 9. Quis — tibi hoc concesserit, — genus hominum — non prudentium consiliis compulsus potius, quam disertorum oratione delinitum se oppidis sepsisse? Omnis aequalitas partium s.*

proportio placet. Ad *numeros* referunt etiam vulgo, quod membrum sententiae extremum paulo longius, i. ultimum vocabulum productius esse et paenultimam syllabam longam habere debet. At hoc magis ad perspicuitatem et gravitatem pertinet. Ceterum de *numbris* ipsis, eorumque natura supra P. I. c. 6. late diximus.

XXVIII) *Vitanda inani vocabuli eiusdem, multo magis plurium, repetitio, praesertim crebra.* Repetitio vocabuli inanis est, quae fit sine maiori perspicuitate et gravitate; v. c. *homo, qui alios amare non potest, aliorum amorem expectare non potest*, ubi repetitio verbi *potest* iniucunda est. At repetitio, si gravis est, placet, v. c. Ovid. Met. I, 523. *nec profunt domino, quae profunt omnibus, artes*; est enim oppositio: de qua re supra C. 2. Sect. 3. n. XXX. Sed si omnis inanis repetitio displicet, magis displicet, si *crebro fit*. Excusatur tamen, si a) aliud vocabulum non exstat aequè aptum, v. c. *dicere dictatorem, epistolam reddere, scribere, legere, bibere* cet. b) si vocabulum post multa demum vocabula repetitur. En exempla priscorum, ubi inanis ista repetitio reperitur. Cic. Or. 13. *Me autem — una cum Socrate et cum Platone errare patiantur*; ubi *cum* repetitur: Ibid. 59. *totone in ambitu — an in primis partibus atque in extremis*. Et statim: *Est autem, ut id deceat, non id solum*. Nec longe post: *qui et multa scripserint et, quaecunque etiam sine scripto dicerent, similia scriptorum effecerint* cet. Ad Div. V, 12. §. 14, 15, 16. *ter usurpavit enim: Nihil est enim* cet. *Habet enim* cet. *Quem enim nostrum* cet. Ibid. §. 21, 22, 23, 24. *ter neque et quater enim est: Neque enim tu is es* cet. *Neque autem ego sum* cet. *Neque enim Alexander* cet. *Nec minus enim est Spartiatus* cet. *Unus enim Xenophontis* cet. Ad Div. VI, 1. quatuor priores sententias per *et si* incipit: a) *Et si ea perturbatio* cet. b) *Nam et si quocunque* cet.

cet. c) *Quare etsi multarum* cet. d) *Etsi enim cum* cet. Liv. I, 13. *Is sepultus in eo colle, qui nunc est pars Romanae urbis, cognomen colli fecit: cap. 41. Interim Servio Tullio iubere populum dicto audientem esse. Eum iura redditurum obiturumque alia regis munia esse. Caes. B. G. I, 6. Omnibus rebus ad profectiorem comparatis diem dicunt, qua die ad ripam Rhodani omnes conveniant. Is dies erat a. d. V. Cal. Apr. cet. ubi vocabulum diei crebro repetitur; sic loci ibid, 49. ultra eum locum, quo in loco Germani confederant, circiter passus quingentos ab his castris idoneum locum delegit, acieque triplici instructa ad eum locum venit. Ib. c. 3. Ad eas res conficiendas biennium sibi satis esse duxerunt, in tertium annum profectiorem lege confirmant. Ad eas res conficiendas Orgetorix deligitur cet. ubi verba quatuor ad eas res conf. repetuntur. Ibid. V, 50. Caesar consulto equites — in castra recipere iubet: simul ex omnibus partibus castra altiore vallo muniri, portasque obstrui, atque in his administrandis rebus quam maxime concurrari et cum simulatione timoris agi iubet, ubi iubet repetitur: quod post tot interiecta verba tolerari potest. Liv. XXX, 33. Hannibal — primum elephantos — instruxit: deinde auxilia Ligurum Gallorumque, Balearibus Maurisque admixtis: in secunda acie Carthaginenses Afrosque et Macedonum legionem; modico inde intervallo relicto subsidiariam aciem Italicorum militum (Bruttii plerique erant, vi ac necessitate plures quam sua voluntate decedentem ex Italia secuti) instruxit. Hic repetitur instruxit; at in tanto intervallo tolerari potest. Liv. II, 32. Ea frequentior fama est, quam, cuius Piso auctor est cet. hic repetitur est; at aliud verbum non exstabat. Cic. ad Div. XI, 16. Permagnum interest, quo tibi haec tempore epistola reddita sit: utrum, cum sollicitudinis aliquid haberes, an, cum ab omni molestia vacuus esses. Itaque si praecepi,*

quem ad te misi, ut tempus observaret epistolae tibi reddendae. Nam, quemadmodum coram, qui ad nos intempestive adeunt, molesti saepe sunt, sic epistolae offendunt non loco redditae: ubi reddita, reddendae, redditae: at a) in tanto intervallo b) nec aliud aptum verbum habuit. Ac sic saepius. Sunt, qui tales repetitiones inanes ad gratam negligentiam referant. Sic et Celeb. Ernesti in prolusione de ea scripta. Refert eo haec loca: 1) Hom. Odyss. 7, 204 ff. ubi *τήκεσθαι* et *κατατήκεσθαι* repetitur: 2) Cic. Mil. 11. *Insidias factas esse constat, et id est, quod senatus contra rem publicam factum iudicavit. Ab utro factae sint, incertum est*: 3) Liv. IV, 3. *Si populo romano cet.* Sed haec tria loca supra ad gravitatem retulimus in Cap. 2. Sect. 3. n. XXX. 4) Cic. ad Div. XI, 16. *Permagni interest cet.* 5) Caes. B. G. V, 50. *Caesar — iubet — agi iubet.* 6) Liv. XXX, 33. *Hannibal — instruxit — instruxit.* 7) Liv. II, 32. *Ea frequentior fama est, quam cuius Piso auctor cet.* De his quatuor paulo ante dictum est, ubi monuimus, excusari posse. 8) Liv. XXXII, 21. Aristaeus praetor Achaeorum suadens his, ut se iungant Romanis, post alia multa ait: *Nolite, quia ultro Romani petunt amicitiam, id quod optandum vobis ac summo-pere petendum erat, fastidire*: post adlata deinde argumenta et interiectis duodecim versibus repetit istam rem: *Nolite, si, quod omnibus petendum erat, ultro offertur, fastidire.* At a) de re gravi sermo est, quae ut repeteretur, digna erat: ergo ad gravitatem pertinet: b) repetitio fit aliis verbis c) post duodecim versus. 9) Ibid. 22. *Dymaei ac Megalopolitani et quidam Argivorum prius quam decretum fieret, consurrexerunt ac reliquerunt concilium, neque mirante ullo neque improbante.* Tum causae memorantur; tandem post septem vel octo versus pergit Livius: *Ob haec (i. e. causas n. emoratas) concilio, quod inclinaverat ad romanam socie-*

societatem iubendam, excesserunt: veniaque iis huius secessionis fuit et magnis et recentibus obligatis beneficiis. At haec repetitio fit longe aliis versibus; nec est repetitio vocabulorum, sed idearum.

XXIX) *Vitanda repetitione eiusdem syllabae, praesertim crebra* Et quo propior haec repetitio est, eo iniucundior est; v. c. *monet et hortatur*: ubi et bis est; sic: *at ad illum*. Sed haec toleranda: sed nolim dicere: *at ad Adolphum*: vel *utinam non modo polliceatur, sed et det*: vel *per perbreve tempus*, vel *cum cum patre locutus essem* cet. Et tamen ita prisca; v. c. Cic. ad Div. IV, 3. §. 3. *sed multo etiam magis monente et denuntiante te*, ubi *te* repetitur: XIII, ep. 26. §. 7. *cum cum senatore res est*: nam sive *cum* sive *quum* scribas; eadem est pronuntiatio. Quint. 26. in. *An antequam* cet. Ibid. 11. med. *qui quia* cet. quod tamen tolerandum. Magis iniucundum Cic. Divin. II, 69. extr. *visus est in somnis amicae esse amictus amiculo*: qui locus a Cel. Ernesti l. c. refertur ad gratam negligentiam.

XXX) *Vitanda eadem terminatione plurium vocabulorum*: quae quo crebrior, eo iniucundior est.

- 1) *Repetitur eadem terminatio in una syllaba*; v. c. *pulchram illam sententiam*; vel *pulchram illam magnamque sententiam nunquam quisquam protulit*, quod iniucundius est priori: sic est illud poetae ap. Auct. ad Her. IV, 12. *Quidquam quisquam cuiquam quod conveniat, roget*. Tale quid vitandum. At prisca saepe ita; v. c. Cic. Verr. V, 36. *Vnam illam solam noctem* cet. et paulo ante; *tum flagitiosa illa convivia*: Cic. Phil. II, 4. *quantam iam proferam*: Cic. Verr. II, 30. *privato illo indicio transacto aut dilato* cet. Cic. Or. I, 19. *in media philosophia retrusa atque abdita*. Cic. Arch. 12. *usque ad extremum spatium nullum tranquillum atque otiosum spiritum duxerimus*. Cic. Off. I, 20. in. *fortis animus duabus rebus cernitur*; qui locus ab Ernestio l. c. inter genera gratae negligentiae refer-

refertur. Cic. ad Div. VI, 6. §. 24. *etiam externos multos claros viros nominarem.* Ovid. Met. I, 327. *Innocuos ambos, cultores numinis ambos.* At ista excusanda: cui enim non excidunt? Iniucundior creditur repetitio duarum syllabarum, de qua statim.

- 2) *Repetitur eadem terminatio in duabus syllabis*; a) in vocabulis iunctis, v. c. *O fortunatam natam me Consule Romam*: sic *Flentes, plorantes, lacrymantes* ap. Auct. ad Her. IV, 12. Cic. Off. I, 18. prop. fin. *pleniore ore*, quem locum Ernesti ad gratam negligentiam refert. Cic. Phil. II, 28. *quod natum, conflatum* cet. b) interiectis aliquot verbis; v. c. *iniucundum non erat faciundum*: c) in fine membrorum, praecipue brevium: v. c. *Te semper amavi, magni aestimavi et ornavi*: Sic Poëta ap. Cic. Tusc. I, 35: *haec omnia vidi inflammari, Priamo vi vitam evitari, Iovis aram sanguine turpari*: sic tamen Cic. Verr. V, 37. in. *Quem posteaquam inanem locum offenderunt et praetorem commovisse ex eo loco castra senjerunt, statim sine ullo metu in portum ipsum penetrare coeperunt*: ubi ter est erunt.

XXXI) *Vitando nimio concursu eiusdem literae*; v. c. *si ii igitur*: Cic. Or. I, 22. *hodieque faciunt, ut nulla cet.* ubi *u* ter est: Cic. Verr. V, 36. extr. *statuerant, sese, si ea cet.* ubi *sese si* notandum: Horat. Art. 36. *pravo vivere naso*: ubi *v* ter est. Sed haec toleranda: idem iudicandum de tribus locis, quae Ernesti l. c. laudat et ad gratam negligentiam refert; Cic. ad Div. XII, ep. 12. §. 7. *qui, quia, quae* cet. Cic. Quint. 11. med. *qui, quia, quod* cet. Cic. Nat. D. I, 20. *Quod quia, quemadmodum* cet. Videndum tantum, ne nimis crebro fiat, quia tum videatur de industria fieri; iure ergo displicet versus illius poetae ap. Auct. ad Her. IV, 12. *O Tite, tute, Tati, tibi tanta tyranne tulisti.*

XXXII) *Vitando aspero vocabulorum concursu, et contra laevi sequendo.* De hac re loquor hic tantum, quia Cicero de ea loquitur. Laevis vocabulorum concursus dicitur, quando vel prius in vocalem exit ac posterius con-

consonante incipit, vel contra; v. c. *Nemo debet ita statuere de rebus istis*. Asper, quando binae vel consonantes vel vocales se excipiunt, v. c. *ego ivi*: vel *nul- lus sic debet*: et asperior, ubi plures consonantes concurrunt, v. c. *nam spreus* cet. At

- 1) hoc nemo observavit, nec observare potuit, si quidem sententiarum pulchritudini studuit. Nec Cicero observavit; v. c. Or. I, 22. *Graeculo otioso et loquaci et fortasse docto atque erudito* cet. Phil. II, 29. in. *bel- lo tum propter timiditatem tuam, tum propter libidi- nes defuisti* cet. et paulo post: *persecutus trucidaras. Quibus rebus tantis, talibus gestis, quid* cet. Ac fe- re sic ubique. Et quam parum Romani isti laevitati studere voluerint, patet ex ipsorum vocabulis, v. c. *ii, abii, euntium, fructuum, constructus, congrega- vit*, cet. ut *stata, stlis* cet. taceam.
- 2) Hinc Cicero, parum sui memor, laudat concursum vo- calium Or. 23. *Habet enim, inquit, ille tanquam hiatus concursu vocalium molle quiddam, et quod in- dicet non ingratam negligentiam, de re, hominis, ma- gis quam de verbis, laborantis*. Et idem tamen cap. 44. ait: *Quod quidem latina lingua sic observat, nemo ut tam rusticus sit, quin vocales nolit coniungere*. Re- cepit tamen Ernest. *qui vocales pro quin vocales*.
- 3) Ne intelligimus quidem, quid sit laeve, quid asperum in coniunctione vocabulorum. Pendet haec res ab auditu, et huius suavitas pendet a consuetudine au- diendi et pronuntiatione aliorum. Sunt, qui multa, quae aspera vocantur, tam presse et facile pronuntient, ut nihil laevius esse videatur, cum contra alii laevissi- ma quaeque vaste et aspere exprimant. Quidquid de laevitate vel asperitate in coniunctione vocabulorum dicitur, pertinet inter hypotheses, quarum nullum fundamentum unquam invenietur.
- 4) Si quis tamen concursus literarum fugiendus est, eum puto fugiendum esse, qui ambiguitati faveat, v. c. in nostra lingua *der Baum muß* sonat ut *der Bau muß, mit dem Namen*, ut *mitten Namen* cet. sic in latina *res sibi* ut *res ibi*; *dicit deinde* ut *dicite inde* cet. sed haec res pertinet ad pronuntiationem solam.
- 5) Sunt tamen nonnulla vocabula, quae non coniungere liceat pro libidine; v. c. *e republica*, non *ex repu- blica*,

blica, dixisse veteres ob istam laevitatem credit Cicero Or. 47. An ob laevitatem, dubito, quia prisci saepe *ex* ante *R* ponunt, v. c. *ex re*, *ex ratione* cet.: it. *ex rep.* est Cic. Balb. 9. Deinde tenenda sunt haec: 1) *ac* libentius ante vocalem quam consonantem ponitur apud priscos: non ergo dicendum *ac ego* cet. Causa latet. b) *neque vero* dicendum, non *neque autem*: quia prisci illud fere semper. *Neque autem* occurrit tamen Cic. ad Div. V, 12. §. 21. et *nec autem* Lucret. V, 779. Causa latet. Euphonia locum non habet. Nam omne, quod prisci saepe dicunt, nobis bene sonat: et occurrit *neque auctoritate* Cic. Rosc. Am. 1. *neque auctoritas* Cic. Cat. I, 1. *neque audit* Virg. Georg. I, 514. Ergo in syllaba *au* non culpa est.

XXXIII) *Cavendo, ne in oratione prosaica* a) *sententiam absolutam clausula poetica terminemus*; v. c. *dicere coepit*: b) *ne nobis totus versus excidat*. — At 1) hoc vitium, si vitium est, non per se iniucundum est, sed hactenus, quia videtur de industria tale quid quaesitum et adfectatum: et omne adfectatum displicet. 2) Hoc olim poterat vitium esse, quia prisci vocabula ex syllabarum quantitate pronuntiabant, atque ita facile versus poeticus in oratione prosaica animadvertebatur: quod hodie secus est. 3) difficile est talem versum ubique evitare. Priscis adeo hexametri, ut alia versuum genera taceam, exciderunt: v. c. Sall. Cat. 19. §. 4. *Cnari Pompeii veteres fidosque clientes*; Liv. praef. in. est dimidius hexameter: *Futurusne operae pretium sim*: Tac. Ann. 1. in. *Urbem Romanam a principio reges habuere*: it. Cic. Arch. 1. in. *in quo me non infitior mediocriter esse*; Cic. Orat. III, 45. in. est dimidius hexameter: *Non est res tam difficilis quam cet.* Facile igitur ignoscitur, si tale quid excidit. Quia tamen sunt, qui, quidquid prisci pro vitio habuerint, etiam hodie pro vitio habendum putent, suaserim omnibus, qui latine dicant vel scribant, ut, quantum possint, illam rem caveant.

XXXIV)

XXXIV) *Vitando omni concursu syllabarum vel literarum, qui cum vocabulo obsceno aliquid similitudinis habeat; —* Sed nec hoc ad vivum nimis refecandum: alioquin peccassent prisci, qui dixerunt *penates, Fidmates, Marianus, Caesarianus, it. nato, penes, penitus, animus* cet. Sed haec omnia puto a priscis sine obscoenitatis cogitatione audita et lecta esse, atque a nostris hominibus sine aurium et oculorum offensione legi et audiri. Ceterum refert huc Cicero Or. 45. *nobiscum*, dicitque sic ad evitandam obscoenitatem dici. At supra P. I. c. 3. de *Ord. Verb.* Sect. I. n. VI. monuimus, istam causam nullius pretii esse. — Haecenus de suavitate dicendi, in qua tamen suaves praeclaraeque sententiae principatum tenent. Sapiens ideis magis, quam verbis delectatur, nec tamen cultum verborum respuit. Virgo pulchra, negligenter vestita et ornata, tamen placet: magis placet, praeclare simul vestita et ornata.

FINIS PARTIS POSTERIORIS.

APPENDIX I.

DE SVBSIDIIS QVIBVSDAM STYLI BENE
LATINI.

Ea sunt in univcrsum duo: 1) *lectio priscorum*, 2) *exercitatio in scribendo, dicendo, cogitando*.

S E C T. I.

De lectione priscorum.

Lectio priscorum est primum ac praecipuum subsidium. Hic duo notanda:

1) *Lectio bonorum scriptorum debet esse assidua.* Nam si non multa quotidie legimus, non omnia, quae ad bene scribendum pertinent, discere ac colligere possumus. Legendi sunt in primis Cicero, Caesar, Livius, Terentius: in his enim genus scribendi est naturale et ab adfectione alienum; hi res magis quam verba spectarunt: at scriptores posteriores sub imperatoribus, adulandi necessitate invecata, magis verborum lenocinia, quam rerum veritatem curabant. Praecipue tamen Cicero est legendus, 1) quia multos varii generis libros in primis tales, quales hodie scribimus, scripsit. 2) quia fuit homo egregie doctus et ingenio praeclaro praeditus: hinc ex eo multa discere et mentem nostram lectione eius acuerè possumus. 3) quia fuit vir magnae experientiae, sapiens; consul cet. Hinc prudentiam ex illo discere licet. 4) quia fuit Romanorum disertissimus h. e. perspicue, graviter ac suaviter dicendi scribendique peritissimus: hinc ex eo artem perspicue, graviter suaviterque dicendi et scribendi

bendi haurire omnium optime possumus: 5) quia Romae plerumque mansit: hinc eius dicendi genus mansit urbanum, nec peregrinitate corruptum est. 6) quia singulis fere diebus dicendum ei erat in senatu, coram populo vel iudicibus: hinc exercitatio dicendi ei contigit, quae vix cuiquam contingere solet. Legamus igitur totum Ciceronem, h. e. Epistolas eius, Orationes, libros de Fin. bon. et mal., Quaest. acad., libros de Nat. deor., de Divin., de Offic., de Senectute cet. it. libros rhetoricos. Cuni hac lectione coniungenda est crebra lectio Caesaris, Livii, Terentii, Plauti; it. Nepotis, ac Sallustii. Adcedere debet lectio poetarum, Virgilii, Ovidii, cet., ut poetica a prosaïcis discernere atque illa fugere discamus. Nam ut *ignoti nulla cupido*, sic *ignoti nulla fuga*. Adcedere ob eandem rem debet lectio Quintiliani, Phaedri, Suetonii, Taciti cet.

II) *Lectio priscorum, maxime Ciceronis, debet esse quoque adcurata* h. e. talis, ut singula verba plane intelligas. Dupliciter ea instituenda:

A) *Praeunte magistro*. Quaerunt, utrum *stataria* an *cursoria* lectione utendum: Vtraque est coniungenda: *stataria* in locis difficilioribus; *cursoria* in facilibus utendum. Sed hic magni refert, quales sint discipuli, qualis magister. Bonus magister a) contextum totius loci ubique consuli iubebit. b) examinabit sententias, an verae sint, an pulchrae, an vulgares cet. c) non modo verba, sed et res explicabit: nam verba non intelligo sine rerum cognitione: hinc saepe vocabulum per *definitionem*, non modo *nominalem*, sed etiam *realem* explicabit. Stulti sunt, qui ubique singula verba singulis verbis explicant. d) explicabit etiam singula verba et docebit, sintne propria an tropica; e) in homonymis docebit, quanam significa-

tio contextui conveniat, et cur? f) addet, utrum vocabulum aliquod necessarium fuerit, an omitti potuerit: it. an saepius occurrat cet. g) ostendet connexionem vocabulorum, enuntiationum, sententiarum absolutarum, v. c. per duplex *et, neque* cet. h) periodos Ciceronis interdum resolvet, ut artificium hoc discatur. i) numeros oratorios notabit: k) curabit, ut singula verba in vertendo exprimantur. l) singula imitari discipulum iubebit. m) singula repetenda curabit cet. At non sufficit *bona* scriptorum nosse: debent et *vitia* in iis occurrentia, sive ipsorum sive librariorum culpa commissa sint, animadverti, ne discipuli ea pro virtutibus habeant. Sunt ea duplicia, vel in rebus s. ideis, vel in verbis. Paucula notabo:

1) Vitia in *rebus* ac *sententiis*:

- a) Cicero Rosc. Am. 25. de parricidii atrocitate et poena nimis copiose ac fere pueriliter dixit verbisque inanibus saepe usus est; v. c. postquam dixerat, maiores sanxisse, ut, qui patrem necasset, in culeum insutus in flumen deiceretur, exclamat: *O singularem sapientiam! nonne videntur hunc hominem ex rerum natura sustulisse et eripuisse, cui repente coelum, solem, aquam terramque ademerunt?* Male. Culeo insutus tamen in mundo manet. Pergit: *Noluerunt feris corpus obii-cere, ne bestiis quoque, quae tantum scelus adtigissent, immanioribus uteremur.* Male: bestiae non fient immaniores hac re. Tandem ait: *Ita vivunt, dum possunt, ut ducere animam de coelo non queant: ita moriuntur, ut eorum ossa terra non tangat* cet. Quam argute! a) si animam de coelo ducere nequeunt, quomodo vivere possunt? b) terra quidem ossa eorum non tangit, at culeum tamen tangit: sic nec apud nos corpora humatorum terra tangit. Cic. Verr. III, 98. *Totae res rusticae eiusmodi sunt, ut eas non ratio, neque labor, sed res incertissimae, venti tempestatesque moderentur.* Ergo prudentia et labor nihil prodest agricolae? Ad-dere debebat *saepe*, vel *plerumque*. Cic. Manil. 10:

POM:

Pompeium nimis hyperbolice his laudat verbis: *qui saepius cum hoste confligit, quam quisquam cum inimico concertavit, plura bella gessit, quam ceteri legerrunt, plures provincias confecit, quam alii concupiverunt, cuius adolescentia — non stipendiis sed triumphis est erudita.* Cic. Marc. 7. impie dicit: *quem deum, si cupiat, opitulari posse reipublicae credamus?* Cic. Deiot. 7. ubi dicit Attalum fuisse liberalem erga P. Africanum, pro *Attalo* nominari debebat *Antiochus*.

- b) Virgilius confundit Scyllas Ecl. VII, 74. Vocat *Nisi* filiam, quam *Phorci* nominare debebat. At poetas in mythologiam, quam ipsi maximam partem excogitarunt, peccasse non mirum est. Narratio de Palinuro, quem Somnus in mare deiecerat, et qui deinde ab Aenea in orco conspicitur, nunquam fortasse difficultate omni liberabitur. Aeneas adloquitur eum Aen. VI, 341: *Quis te — deorum — sub aequore merisit? — namque — hoc uno responso animum delusit Apollo, qui fore te ponto incolumem finesque canebat venturum Ausonios.* Ille contra: *Neque te Phoebi cortina fefellit — nec me deus aequore merisit.* Vtique fefellit Phoebus: non enim satis erat, eum venire ad Italiam: debebat etiam incolumis venire: et sic intellexit Aeneas ipse: *incolumem* refero etiam ad *venturum fines Ausonios*. Et, qui tres dies noctesque maris undis fertur, vestibus gravatus, an eum credibile est vivum manere potuisse? Porro Aen. VI, 445. ponit Eriphylen *in lugentibus campis*, in quibus tamen v. 442. dixerat eos esse, *quos durus amor crudeli tabe peredit*, cum tamen illa non *duro amore peresa*, sed *a filio occisa* fuerit. Quod tandem Aeneam per *portam eburneam* orco emittit, eruditi omnes eum damnant, quia sic indicare videtur omnia in illo libro dicta fuisse merum somnium. Excusat eum cel. Heynius, qui videndus.

- c) Ovidius saepe peccat ingenii copia; v. c. i) de Narcisso Met. III, 406 seq. Narcissus, adolescens formosus, cum se in fonte limpidio conspexisset, amore sui imprudens arsit. Hoc non incredibile est. Post autem sensit se esse ipsum, cuius amore flagraret. Et hic desinere debebat poeta: nam tunc talem amorem abici naturae humanae conveniens est. At Narcissus tamen

pergit sui amore ardere, et sic periit. Fecit hoc poeta, ut argutas sententias cudere posset, v. c. *flammas moveoque feroque: roger anne rogem? quod cupio, mecum est: inopem me copia fecit.* 2) Halcyone Met. XI, 700. marito, qui naufragio perierat, per somnum viso, ita domi secum loquitur: *Nunc absens pereor, iactor nunc fluctibus absens et, sine me, me pontus habet pro maritus me absente perit, iactatur fluctibus, me absente, et pontus maritum habet sine me.* Argute, at non vere.

2) *Vitia verborum*, vel *duras locutiones*; v. c.

- a) in Cicerone. Verr. IV, 35. *Quid hoc tota Sicilia est clarius, quam omnes Segestanos — convenisse* cet. ubi hoc redundat: sic tamen et Divin. I, 39. extr. Att. IV, 8. — Agr. II, 3. *Neque enim ullo modo facere possum, ut — non essem popularis pro sim.* Ernesti *sim* recepit. Ibid. 35. *Ex hac copia atque omnium rerum adfluentia primum illa nata sunt: adrogantia — deinde* cet. Ordo debet esse: *illa nata sunt: primum adrog.* cet. Mur. 29. *Et quoniam non est nobis haec oratio habenda aut cum imperita multitudine* pro *coram imp.* sic tamen Caes. B. G. VII, 47. *quacum (legione) erat concionatus* cet. — Flacc. 27. in. *Quis ignorat, — quin tria Graecorum genera sint vere?* ubi *quin* post *ignorat* notandum. Sic *quin* post *negare*, Liv. XL, 36. et post *suspicio* Caes. B. G. I, 4. Porro Dom. 30. *Quod si non fuit, quid te audacius, qui in eius nomen incidetis?* Viri docti vel *in* omittendum, vel *aes* post *in* excidisse putant. Vtrumvis recte. Ad Div. II, 19. §. 6. *Quamobrem, quaecunque a me ornamenta in te proficiscentur, ut omnes intelligant* cet. Hic ut non habet, unde pendeat: hinc editores inserunt *elaborabo.* Ib. VI, 6. §. 24. *peccatum est contra suavitatem: externos multos claros viros nominarem.* Ib. ep. 3. §. 6. *quemquam aut eorum, qui discefferint: alteri dimicant, alteri* cet. ubi membrum deest respondens verbis *aut eorum, qui discefferint*: hinc editores addunt: *aut eorum, qui remanserint.* Add. Sulpic. ad Cic. IV, 12. in. *visum est faciendum — vos certiores facere: —* debet esse vel *faciendum, ut — certiores facerem, vel potius visum est vos cert. facere*, omisso *tō faciendum.* It. Cicero habet rariora, v. c. *absque pro sine*, cet.

b) in

b) in *Nepote*; v. c. Praefat. *Nulla Lacedaemoni tam est nobilis vidua, quae non ad scenam eat mercede conducta.* Hic a) *ad scenam ire* durius dictum pro *comœdiam agere*, b) non credibile est, viduas nobiles hoc egisse. Forsan leg. *quae non ad lenam eat mercede conductam* scil. libidinis explendae causa. Milt. 4. *civibus animum adcessurum, cum viderent, de eorum virtute non desperari* pro *de sua virt.* et statim: *hostes fore tardiores, si animadverterent* cet. pro *animadvertissent.* Them. 4. *tam angusto mari confligit, ut multitudo — non potuerit* pro *posset*: sed sic, saepe Nepos. Epam 8. *Omniſque, quae collegae dixerunt, confessus est*: hic a) *omniaque quae* notandum, b) *dixerunt* pro *dixerant.* Ibid. *sed unum ab iis petivit, ut in periculo suo inscriberent* cet. Semper periculo erit crux Criticorum. Nonnulli explicant *Commentariis publicis*, quos *Protocollum* vulgo vocant, quia Ciceronem Verr. III, 79. putant *pericula magistratuum* ita dixisse. At hoc est locum obscurum e loco obscuro illustrare: et Cicero dixit: *tabulae publicae periculae magistratuum.* Eum. 1. extr. est *alterae* pro *alteri.* At saepius sic Cicero. Ib. 6. in. *utrum veniret* cet. ubi *utrum* sine *an* occurrit. Sic tamen saepius Cicero ipse. Ib. 13. *Hi — humaverunt, ossaque eius in Cappadociam ad matrem deportanda curarunt.* Quomodo Eumenem *humare*, ac deinde eius *ossa* in Cappadociam *deportare* potuere? Nonnulli legunt *cremaverunt* pro *humaverunt*; Recte; nisi forte velis dicere propinquos modo Eumenis cineres humasse atque ossa in Cappadociam misisse. Alii explic. *humaverunt* per *cremaverunt*; Male: *humare* semper est *humo tegere*, ut supra dictum.

c) Nec scriptor est, in quo non vitia vel durae locutiones occurrant; v. c. Caes. B. Civ. I, 65. *Quos ubi Afranius procul visos cum Petreio conspexit*; ubi *visos* abesse debebat. Sall. Cat. 30. *senati consulto pro senatus.* Hor. Epod. 17. *Hectorem vocat homicidam*, cum fuerit *virorum interfector*: et ap. Homer. dicatur *ἀνδρονόρος*, quod vertere voluit Horatius. Curtius duplex *an* usurpat, pro eo Tacitus dixit *sive, an* cet. Not. sunt et discipuli de vitiis monendi, ubi nulla sunt; v. c. quando occurrit *sine ulla dubitatione*, dixerim, sic usitatus dici quam *sine omni dub.* At ca-

vendum etiam est, ne, quae vitia non sint, pro vitiis venditemus; v. c. 1) *si aliquis* it. *si qui* cet. recte dicitur. 2) *fructu*, *luxu* cet. pro *fructui*, *luxui* cet. Sic enim prisci. 3) Sall. Iug. 38. §. 6. *locum — introeundi dedit: eaque Numidae irrupere*: hic *ea* rectum est scil. *parte*, nec legendum *eo*. 4) Varr. R. R. III, 16. §. 7. *his diis* (Muis) *Heliconem adtribuerunt homines pro deabus*: recte; quia nulla ambiguitas. 5) *cadere humi*, *ponere in terra* recte dicuntur.

B) *Deinde adcedere debet domestica lectio*. Quae ut felicior fiat, utendum est bonis scriptorum editionibus, cura Criticorum ac Philologorum factis. Bona editio est vel *critica* h. e. ubi lectiones variantes recensentur et diiudicantur, ac textus scriptoris emendatur vel defenditur: vel *philologica* h. e. ubi difficiles loci et linguae usu, historia cet. explicantur. Critica editio per se est iam bona; at si utraque, et critica et philologica, coniungitur, eo melior est. Nominabimus aliquot editiones bonas priscorum:

- 1) *Nepotem* edidit a) *Bosius*, b) *van Staveren* cum notis variorum, c) *Heusingerus*, d) *Cellarius*, e) *Clar. Harlesius*. f) *Clar. Tzschukius*.
- 2) *Cicero* varie est editus: a) *Epistolas ad Diversos*, vulgo *ad Familiares*, edidit *Graevius* cum suis et aliorum notis, adiecitque Commentarium *Pauli Manutii*: it. *Cellarius*, quam editionem repetiit *Gottl. Kortte*: it. *Strothius*. b) *Epistolae ad Atticum* editae a *Graevio*. c) *Libri de Officiis, Senect. et Amic.* editi a *Graevio*; it. a *Pearcio*; praesertim *Heusingerus* edidit libros de *Officiis* praeclare. d) *Orationes* edidit *Graevius* cum notis variorum. Selectas quasdam edidere *Cellarius*, *Heumannus*, *Otto*. e) *libros de Orat.* edidit *Pearce*. f) *Libros de Invent.* cum libris *Aust. ad Herenn.* edidit *Burmamnus secundus*. g) *Quaestiones academicae, libros de Finibus bon. et mal., Quaestiones Tusc., libr. de Nat. Deor., de Divin. et Fato* edidit *Davissius*: it. *Clar. Wolfius Tusculanas Quaest.*; it. *Clar. Hottingerus* libros de *Divinat.*: h) *Opera omnia* edidit *Iac. Gronovius*, quam editionem repetiit *Ernesti* cum varietate lectionis *Graev. et Daviss.*

una cum Indice, *Verburgius* et *Olivetius*. Recentissima editio est *Ernestii* cum notis. Addi hic meretur *Gesneri Chrestom. Cicer.*, et *Nizolii Lexic. Cic.*; it. *Corradi quæstura*.

- 3) *Iul. Caesarem* edidit a) *Davisius*, b) *Clarkius*, c) *Oudendorpius*, qui *Davisi*, *Clarkii* et *D. Vossii* notas addidit, d) *Cellarius*, e) *Clar. Morus*.
- 4) *Livium* edidit a) *I. F. Gronovius*, b) *Iac. Gronovius* cum patris notis, c) *Doujatius* in usum Delphini cum supplementis *Freinsheimii*: d) *Clericus* cum pauculis notis et supplem. *Freinsheim.*; quam editionem repetiit *Gesnerus*, sed sine supplementis; e) *Crevierius* cum supplem.; f) *Drakenborchius*, VII Tom. quaternis, cum notis *Sigonii*, *Gronoviorum*, *Perizonii*, *Dukeri* et *aliorum*, it. supplementis *Freinsheimii*. Hanc editionem, omissis notis et supplementis, sed addito Glossario repetiit *Clar. A. W. Ernesti*. g) *Clar. Strothius*, sed non totum.
- 5) *Sallustii* editiones habemus a) *Wassianam*, quam repetiit *Havercampus*, b) *Cortianam*, c) *Tellerianam*.
- 6) *Varronis libros de re rust.* edidit una cum scriptoribus rei rusticae *Gesnerus* cum aliorum notis: quam editionem repetiit *Ernesti*, deinde *Clar. Schneiderus*.
- 7) *Terentius* et *Plautus* huc quoque pertinent: *Terentium* edidit a) *Lindenbrogius*, b) *Westerhovius*, c) *Bentleius*, d) *Clar. Schmiederus*, qui et versionem nobis dedit. It. Versio *Daceriae* commendanda est. *Plautum* edidit *Taubmannus*, in primis *Gronovius*.
- 8) *Virgilium* edidit a) *de la Cerda*, b) *Emmenessius*, c) *Taubmannus*, d) *Ruaeus* in usum Delphini, e) *Cel. Heynius*.
- 9) *Ovidii* editio optima adhuc est *Burmänniana*, cum notis *Heinsii*. *Heinsianam* repetiit *Cl. Fischerus*. *Ovidium* edidit etiam *I. P. Millerus* sine notis, sed adiecto Glossario. *Libros Tristium* et *ex Ponto* separatim edidit *Clar. Harlesius*.
- 10) *Horatii* editiones sunt a) *Baxterio — Gesneriana*, b) *Bentleiana*, c) *Torrentiana* cet. Nuper et *Cl. Iani* quatuor odarum libros edidit. Commendandae sunt versiones *Satyrarum* et *Epistolarum* a *Wielandio* profectae.
- 11) *Tibullus* et *Propertius* editi sunt a *Passeratio* et *Broukhusio*. *Tibullum* separatim edidit *Cel. Heyne*:

Propertium Clar. *Barth*, Recl. Port.: *Catullus*, qui cum illis coniungi solet, separatim illustratus est ab *J. Vossio* et nuper a Clar. *Döringio*.

- 12) *Lucretium* edidit *Creechius*: it. *Lambinus*.
- 13) *Quintiliani Institut. oratorias* edidit *Gesnerus*: it. *Burmamnus* una cum *Declamationibus* *Quintiliani* nomen vulgo gerentibus.
- 14) *Phaedrum* edidit a) *Faber*, b) *Schefferus*, c) *Burmamnus* tum cum notis variorum, tum separatim cum suis folius notis.
- 15) *Suetonium* edidit *Casaubonus*, *Graevius*, *Ernesti*, *Oudendorpius* cet.
- 16) *Plinii Epistolas* et *Panegyricum* edidit a) *Gesnerus*, cuius editionem paulo auctiorem repetiit Clar. *A. W. Ernesti*. b) *Cellarius*. *Epistolas* edidit *Kortte*: *Panegyricum* *Arntzenius* et *Schwarzzius*.
- 17) *Gellium* edidit a) *Gronovius*, b) *Longolius* sine notis, at cum indice.
- 18) *Curtii* editio optima est *Snakenburgii*. Haec haecenus. Non omnes scriptores nec omnes editiones hic memorare adtinebat. Qui latiore cognitionem huius rei cupit, adeat v. c. *Fabricii Biblioth. lat.* auctam a Cel. *Ernesti*, et Cl. *Harlesii* *Introd. in ling. lat.*

Ceterum qui scriptores priscos notis doctorum instructos legit, is teneat haec:

- 1) ne statim notas has consulat: sed ipse sensum invenire studeat. Alioquin nunquam sponte cogitare discet.
- 2) alia subsidia coniungat, v. c.
 - a) bonum *Lexicon*; v. c. *Gesneri Thesaurum*, vel *Fabrum Gesneri*, *Lexicon Forcellini*. Quae cum care vendantur et tamen non accurate ubique scripta sint, ego ipse *Lexicon octonis* nuper edidi. Huc pertinent *Ernestii clavis Ciceroniana*, *Hor. Turfellini liber de particulis*, auctus per *Schwarzzius* et *Ernestium*, *Noltenii Lexicon antibarbarum*, it. minores libri, ut *Goclenii*, *Hadriani*, *Gifanii Observationes* in ling. lat. cet. in primis *Sanctii Minerva* cum notis *Perizonii* (inde ab anno 1714).
 - b) libellos eruditorum, in quibus prisci explicantur, v. c. *Gronovii Observationes*, *Cuperi Observationes*, *Bosii animadversiones in scriptores nonnullos*, *Vistorii*, *Mureti*, *Canteri*, *Rutgersii* cet. varias lectiones,

Etiones, in primis *Observationes Miscell.*, quae Burmanni et Dorvillii cura prodierunt.

- c) *cognitionem historiae et geographiae priscae.*
- d) *cognitionem antiquitatum et mythologiae.* Hic legendus est liber *Nieuportii, rituum rom. explicatio*; post *Lipsius de militia rom.*, *Sigonius de iure antiquo civium* cet. In primis *Livius*. In mythologia v. c. *Natalis Comes* aliquam operam praestat: sed melius est Ovidium aliosque poetās praesertim graecos legisse, it. *Hyginum* et *Apollodorum*.
- e) *cognitionem linguae graecae*; e qua lingua latina magnam partem facta est. Legatur *Vechneri helle-nolexia* per Heusingerum aucta.
- f) *notitiam multarum rerum et artium*, v. c. *agriculturae, rei hortensis, artis medicae, pictoriae* cet. Sine cognitione hac multa loca priscorum intelligi nequeunt.

SECT. II.

De exercitatione in scribendo, dicendo, meditando.

Haec tria coniungi debent.

I) *Exercitatio in latine scribendo.* Haec prima esse debet, quia *oculi* hic iuvant: et praeponenda est exercitationi in dicendo. Duplex est *exercitatio* in latine scribendo, 1) *scholastica*, 2) *domestica*. Vtraque debet esse recta, h. e. non mera verba spectare. Ceterum

- 1) *in scholastica exercitatione* qua methodo sit utendum magistro, huius iudicio relinquendum. Nam si linguae latinae peritus est, ei praecepta dare, adrogantis foret. Qui contra imperitus est, quomodo is alios docebit? *Duplex* solet in scholis esse genus exercitationis latine scribendi:

Vnum genus est, cum dictatur a magistro aliquid vernacule, quod discipuli latine vertant, vel statim inter dictandum, vel domi. Vtrumque bene: modo sint discipuli isti labori pares h. e. Ciceroniani styli indolem calleant. Vocantur enim illa themata, latine vertenda, *exercitia* h. e. per quae discipulus exerceatur

tur in iis, quae iam didicit. Si igitur discipuli nondum isti labori pares sunt, suaserim potius, ut magister thema vernacule dictatum coram se explicari vertique iubeat, ita tamen, ut chartae ne mandetur. Vitia corrigere utile est: sed multo utilius praestare, ne vitia committantur. *In teneris consuescere multum est.*

Alterum genus est, cum magister *thema orationis, narrationis, epistolae* cet. latinum discipulis proponit, quod hi, postquam in schola satis explicatum est, eadem lingua latius diffundant et elaborent. Sic discipuli sponte sua cogitare discunt. a) *epistola* ista debet esse *vera*. Fictae nihil prosunt: nam in iudicando, an epistola apte scripta sit, refert magni rem et personam, ad quam scribitur, nosse. Sic se res habet b) *cum narratione*. Proponitur discipulis factum, quod legerunt in Cicerone cet. Huius facti particulas domi apte coniungunt, c) in *oratione* elaboranda dictatur *thema*: cuius argumentis, testimoniis cet. sua sponte inveniendis adiuuendi sunt adiuvante magistro. Sed a) hoc non ante tentandum, quam vires permittant, b) ante ratio e vernacula in latinam linguam aliquid transferendi exercenda et postea conservanda est. Nonnulli hoc reiiciunt: male: quid si enim iubeare a rege v. c. librum vernaculum latine vertere? quomodo hoc facere possis? Et philologis, qui non nisi latine scribi iubent, addidit plerumque, ut e vernacula in latinam nihil apte transferre queant.

- 2) *Domestica exercitatio in latine scribendo* eadem esse debet, quae scholastica. Exercitatio sola nos reddit rei peritos. *Stylus est optimus et praestantissimus dicendi* (et scribendi) *effector ac magister* Cic. Or. I, 33.

II) *Exercitatio in latine loquendo*. Nec haec negligenda, a) ut in academicis disputationibus personam respondentis, opponentis aut praesidis gerere possis; b) ut, si quis te latine forte adloquatur, statim respondere queas, nec tibi idem adcidat, quod addidisse aiunt Sigonio, Salmasio, Freinshemio, Facciolato, ut latine loqui timerent. Sed quaeritur, quando et quomodo haec exercitatio instituenda? 1) *quando?* non ante,

ante, quam scribere scias, et magnam tibi linguae notitiam comparaveris: 2) *quomodo?* a) coram magistro vel cum eo loquendo, ut is corrigere possit; b) ita tamen, ut minorem temporis partem dicendo, maiorem scribendo impendas. Cicero ipse Or. I, 33. sub Crassi persona *adcurate et parate dicere* praefert *τῷ subito dicere*. Quanto magis nos debemus? Non lingua latina ex vernaculae usu iudicanda est.

III) *Exercitatio in latine cogitando et meditando.* Haec a) est omnium utilissima, b) ubique locum habet, cum exercitatio scribendi non ubique institui possit, quia v. c. chartam non ad manus habemus. Dupliciter ea fieri potest ac debet: 1) quando soli sumus, nec librum latinum legimus, debemus cogitare, quomodo hoc vel illud latine exprimi possit: 2) in primis quando librum latinum v. c. Ciceronis legimus, debemus ubique cogitare, quomodo rationem Tullianam imitemur, atque statim aliquid ad eius similitudinem effingere. Et magister hanc rationem sequi debet. V. c. quando Cic. Rosc. Am. in. lego: *Credo ego vos mirari, quid sit, quod, cum tot summi oratores nobilissimi sedeant, ego potissimum surrexerim*, possum hanc periodicam structuram ita imitari: *Valde miror, quid sit, quod, cum innumerabiles homines Ciceronis libros legant, paucissimi tamen eius dicendi genus in scribendo adsequantur*; vel alio modo. Atque ita ubique fieri debet.

Ceterum hic quodammodo adiuvarē poterunt libri supra memorati *Lexicon Fabri Gesnerianum*, *The-saurus Gesneri*, *Nizolii Lexicon Cic.* a Facciolato editum cet. it. *Erasmus de copia verborum*; *Politiani Epistolae*, *Cunaei Orationes* et *Satyra Menipp.* cet.

SECT. III.

Additamenta de imitatione ipsa.

Omnia haec dicta pertinent ad priscorum imitationem. Iam quaeritur: 1) *qualis debeat esse imitatio?* 2) *quis priscorum praecipue imitandus?*

I) *Qualis debet esse imitatio?*

- 1) *Primum debet esse talis, qualis esse debet lectio* h. e. pertinere ad totum habitum styli priscorum, non ad sola verba: haec enim foret *compilatio*, non *imitatio*, saltem *imitatio puerilis*, non *mascula* s. *virilis*.
- 2) *Deinde debet esse sana, nec nimis adparere* h. e. debemus Ciceronem ita imitari, ut nemo dicere facile possit, ubi illum imitati sumus; veluti apes e floribus succum sugunt ita, ut nemo sciat, quantum ex hoc vel illo flore hauserint. Debet itaque lectio priscorum bene ante concocta esse. Fit haec concoctio 1) recte intelligendo sententias priscorum, 2) saepius repetendo, 3) saepius exercendo. Et istam imitationem voco quoque masculam s. virilem. Viros pudet, si quem imitari videntur. Omnis imitatio nimis manifesta duplicet. Falluntur, qui magnam laudem in eo quaerunt, si dicere possint, se hoc vel illud e Cicerone, Livio cet. hausisse. Legatur Politianus in ep. ad Cortesium lib. 8. qui ait: *Mihi vero longe honestior tauri facies aut item leonis, quam simiae videtur.* — *Non exprimis, inquit aliquis, Ciceronem! Quid tum? Non enim sum Cicero, me tamen — exprimo.* Multi maiores viri facti essent, nisi se soli imitationi tradidissent. Audiunt, nihil praestantius esse posse Homero, Virgilio, Cicerone cet. sed ut hi alios vicerunt, ita ab aliis vinci possint. Multi vincerent, si vincere se posse putarent. — Quid vero iudicandum de Latinis, qui Graecos imitati dicuntur? Hic a) concedendum est poetis, si interdum similitudines ex aliis poetis sumere, quia aptiores non inveniebant. In ceteris rebus si nimis adparens imitatio videatur, hoc in vitiis referendum. b) saepe docti credunt, aliquem priscorum hoc vel illud ex alio sumxisse, quia uterque eandem

eandem rem tractat. An vero incredibile est, plures in eandem sententiam sua sponte incidisse? Regnant etiam saepe in populo sententiae et proverbia, quae unde inventa sint, nemo scit: iam si ea apud duos scriptores occurrunt: uter fumsit ab altero? Valde errant, qui putant temporis rationem habendam hic esse. Paulum Apostolum scimus aliquot graecos versus protulisse: sed inde non sequitur, eum illos e poetis hausisse. Imprudenter ergo agunt, qui statim clamant: hoc ex Euripide, Homero cet. sumtum est. Sic Cortius ad Sallustii verba Catil. in.: *pecora, quae natura prona atque ventri obedientia finxit*, ait: *Imitatur plane Aur. Vict.* cet. Idem ad haec verba cap. I. extr. *Nam et prius, quam incipias, consulto: et ubi consulueris, mature facto opus est*, ait: *Noster Demosthenem expressit* cet. An incredibile, hanc sententiam Sallustio, senatori romano, viro erudito, sponte in mentem venire potuisse?

II) *Quis priscorum praecipue imitandus?* Si in latine scribendo nonnisi vocabulorum et phrasium ratio haberi deberet, non magni interesset, utrum Cicero- nem an Caesarem, Nepotem, Livium cet. imitan- dum sumeres: nec obesset, si Curtium, Senecam cet. exprimeres. Imo ne opus quidem esset, vete- rum quemquam legi, quia e bono Lexico vocabula et phrasae quaelibet peti possent. Verum, de intelligen- tium sententia, in latine scribendo non sola verba, non solae phrasae, sed totus orationis habitus spectatur, quia recta idearum tractatione et connexione, iusta copia et brevitate, omninoque perspicuitate, gravitate et suavitate h. e. eloquentia cernitur. Iam quaeritur, an haec omnia ex omnibus scriptoribus peti possint, et an pari modo? Magnum enim discrimen inter scripto- res intercedit. Omnes scriptores, quacunque lingua scribant, inter se valde differunt 1) *tempore*, quo vi- vunt, et *statu reipublicae*, in qua scribunt: aliter scribit, qui in libera, aliter qui in non libera republi-

ca vivit. 2) *charactere* s. scribendi genere scribendi materiae, quam tractant, proprio. Aliter scribit historicus, aliter comicus, aliter orator, aliter philosophus. Sed et hic iterum discrimen. Aliter scribit historicus, rem breviter narrans, v. c. Caesar, Nepos, aliter qui rem cum causis enarrat, v. c. Livius. Aliter scribit orator, coram plebe dicturus, aliter, coram rege, senatui romano. Aliter scribit philosophus philosophis, aliter imperitis. Iam ut similes cum similibus libenter congregantur, sic quisque ex eo scribendi genere, quod adpetit, scriptorem, quem sequatur, eligit h. e. comicum, si comicus, oratorem, si orator, historicum, si historicus fieri cupit. 3) *Ordine et gradu honoris*. Aliter scribit rex eruditus, consul romanus eruditus, aliter civis eruditus. 4) *doctrina et ingenio*. — Iam ut res se habet cum scriptoribus omnium nationum, ita cum latinis. Differunt hi et *tempore ac statu reipublicae*, in quo vixerunt, et *genere scribendi materiae ab iis elaboratae proprio et honoris gradu munerisque amplitudine et doctrina atque ingenio*. Aurea aetate h. e. tempore liberae reipublicae scriptores rerum, quam verborum erant studiosiores, simpliciusque scribebant, quam in argentea, in qua lenociniis verborum plus dabatur operae, quam rerum tractationi. Libera republica cives, ut res gerebant, ita res tractabant in scribendo et dicendo: oppressa ea, rerum gerendarum cura erat apud Augustum et eius successores: cives, qui otiosi esse non possent, curam vocabulorum suscipiebant. Libera republica ingenium civium neminem timere vel adulari cogitur; hinc se, ad quodcumque vult, erigit, dicit *libere* h. e. *vere*. Et *vere dicere* est fundamentum *τὸ pulchre dicere*, omninoque *eloquentiae*. Libera sentiendi potestas ingenia acuit, et viam ad summa quaeque sternit. In libera republica praemia summa expectabant eloquentiam :

tiam: in rep. libera romana oratores atque ita scriptores erant duces civitatis, ergo reipublicae administrandae peritissimi. At quo quis genere, dignitate et honore est superior, et quo maiores res quotidie tractat, eo altiores cogitationes imbibit, eo magnificentius sentiendi facultatem habet, eoque pulchrius et scribit et loquitur, praesertim si ingenium doctrina excoluit. Adcedit, quod talis vir summorum virorum consuetudine utitur atque ita tum magnis rebus cogitandis, tum venuste loquendo in dies adsuescit. Tales erant Cicero, Caesar cet. Ac profecto, si hodie non nisi reges, vel alii nobilissimo genere nati, rei publicae administrandae adfuerint, ac simul doctissimi et eloquentissimi orationes vel libros ederent, profecto *aetas aurea* hodie aeque esset ac fuit aetate Ciceronis. Nam scriptores et oratores humili genere nati, qui magnas cogitationes e libris demum ediscere coguntur, non magni fieri possunt. Sed ista omnia mutabantur, amissa libertate. Hic imperatores rerum curam suscipiebant: eloquentia discebatur, non ad res gerendas, sed ad causas in foro agendas: et, deficiente libertate sentiendi, fiebat enervis, haerebatque in verbis, eorumque ornatu: oratores et scriptores erant genere, honore inferiores cet. et sic eloquentia magis magisque lapsa est.

Ex his patet *primum*, auream aetatem praefendam esse argenteae et ceteris: *deinde* e scriptoribus aureae aetatis praefendum esse Ciceronem, a) quia fuit omnium *doctissimus*, b) *ingeniosissimus* et *eloquentissimus*, c) *princeps*, *consul*, rebusque magnis in senatu et coram populo agendis praefuit, d) in primis, quia ex omnibus scriptoribus aureae aetatis unus est, qui talia scripserit, qualia hodie ab eruditis scribi soleant, v. c. orationes, libros disciplinam aliquam explicantes cet. Nam si quem imitari volumus, aequum est

est eum imitari, qui de eadem materia, de qua scribere nobis in animo est, vel saltem de simili scripserit. At si quis historiam simplicem scribere conetur, ei suaserim, ut Caesarem vel Nepotem, ac si instructam s. pragmaticam, ut Livium imitetur. It. si quis comoediam scribere velit, is debet Terentium imitari. At quotus quisque est, qui historiam vel comoediam latine concinnare cupiat? Ergo, ut nullus scriptor non legendus, sic Cicero praecipue, quem imitemur, dignus est. Sed ut haec imitatio non in verbis, sed in toto orationis habitu poni debet, ita, si quis verba Ciceronis verbis aliorum praefert, hoc ei non vitio vertendum. Nam si scriptorem adtente ac saepe perlegimus, quid mirum, si eius verba nobis notiora sint faciliusque in mentem veniant, quam verba aliorum?

APPENDIX II.

DE ELABORATIONIBVS.

Referimus huc, quidquid conscribitur, licet sine labore interdum fiat, v. c. epistolas ad amicos cet.

SECT. I.

De elaborationibus s. descriptionibus in genere.

Elaborare thesin s. thema est rem propositam perspicue, suaviter, ac, si opus, graviter dicere. Ad perspicuitatem pertinet etiam, ut supra dictum, ad persuadendum apte dicere; id quod fit argumentis. Hic in universum teneamus:

- 1) De nulla re scribamus, nisi a) notabilis sit, b) eam plane intelligamus, atque argumenta eius firma sciamus.
- 2) Haec argumenta saepe ante sunt examinanda et cum themate comparanda. Prodest hic illa chartae ex ordine mandare atque ita oculis subiicere.
- 3) Adtendenda est connexio argumentorum, enuntiatio- num, verborum. Prodest hic totum contextum post aliquod tempus perlegisse. Saepe displicet, quod olim placebat.
- 4) Verborum delectus et ordo adtendendus. Hinc saepe scriptum totum perlegendum, in primis tempore interiecto. Prodest et aures iudiciumque amicorum eruditorum consuluisse.
- 5) Habenda est ratio lectorum et auditorum.

SECT.

S E C T. II.

De elaborationibus s. scriptionibus in specie.

Quatuor solent esse, quae scribuntur, 1) *orationes*, 2) *narrationes*, 3) *epistolae*, 4) *libri*, *dissertationes* cet. de rebus ad doctrinam pertinentibus.

S E C T. III.

De orationibus.

Oratio proprie dicta constat tribus partibus, 1) *exordio*, 2) *themate*, 3) *conclusionē*.

1) *Exordium* proprie non opus esset, nisi consuetudo invexisset. Quale debet esse? *debet auditorem ad thema praeparare*; v. c. si thema est: *historia literaria est studioso literarum utilis*, possit in exordio agi de nonnullorum errore putantium eam inutilem esse, vel de causis, cur a multis negligatur, vel de multorum contemptu historiae literariae. In exordio debet esse 1) *thema s. propositio*, quam explicare et argumentis, licet breviter, confirmare debemus; 2) *connexio huius thematis cum themate orationis*; v. c. Thema orationis: *historia literaria est studiosis literarum utilis*. Exordii thema: *multi contemnunt historiam literariam*. Causa: *quia eius utilitatem ignorant*. Causae causa: *quia non ipsam didicerunt*. Connexio: *Quare de eius utilitate dicam*. Interdum exordium potest etiam a persona dicentis, vel ab occasione, loco, ubi dicitur, et tempore duci; v. c. quando quis primum coram auditoribus dicit, quando dies solennis est cet.

II) *Thema*

II) *Thema orationis.* Hic not. 1) *thema*, 2) *eius tractatio.*

1) *Thema ipsum est vel infinitum vel finitum.*

a) *infinitum* s. *indefinitum*, cum de re in universum dicitur nec ad certum hominem, tempus, locum respicitur; estque vel *generalius*, v. c. de *virtutibus in genere*; vel *specialius*, v. c. de *una virtute*, ut *modestia* cet. vel *specialissimum*, v. c. de *modestia erga inferiores* vel *superiores*.

b) *finitum* s. *definitum*, quando de certis hominibus, certa urbe cet. sermo est; et est vel *generalius*, v. c. de *virtutibus principis*, vel *specialius*, v. c. de *liberalitate principis*; vel *specialissimum*, v. c. de *liberalitate principis erga cives tempore egestatis publicae* cet.

Quo generalius thema est, eo plus materiae quidem datur ad dicendum, sed eo minus accurate res explicari potest. Quo specialius est thema, eo accuratius res tradi potest, eoque magis valet ad movendos animos, ad adtentionem excitandam, eoque utilius est.

2) *Thematis tractatio.* Hic spectanda sunt tria: *Thematis explicatio*, *confirmatio* et *illustratio.*

A) *Thematis explicatio.* Explicari debet, si opus est, vel subiectum, vel praedicatum, vel utrumque. Subiectum explicatur vel ex historia vel per definitionem; v. c. si thema est: *paupertas est mater virtutis*, docetur, paupertatem hic non esse eam, quae mendicare cogatur cet. Si Thema est: *venia a Caesare Marcello data admiranda est*, docetur ex historia, quid peccaverit Marcellus cet. Ratio hic est rei et auditorum habenda. Saepe nulla explicatione subiecti vel praedicati opus est: tum stultum foret explicare.

B) *Thematis confirmatio.* Thema confirmamus, quando docemus, ipsum esse *verum* h. e. praedicatum subiecto vere convenire: idque fit argumentis, exemplis, it. testimoniis in rebus historicis, ut diximus P. II. c. 1. de *perspic.* Sect. 7 et 8; ubi monuimus, a) *argumenta debere esse satis multa et satis firma*, b) *debere recte digeri*; v. c. fortius minus forti postponi, c) *debere saepe repeti*, in primis aliis verbis, d) *debere recte tractari* h. e. debere effici, ut eorum vis adpareat. Hoc fit 1) *confirmatione eorum per nova argumenta*: imo haec iterum aliis argumentis saepe, quamquam breviter, confirmanda sunt: 2) *ostendenda eorum connexione cum themate.* Hoc fit per *locum communem.* Hic locus communis nihil fere aliud est, quam *dictum illud* de *Omni et Nullo*, ut Logici loquuntur, h. e. quod *Omnibus* vel *Generi* convenit, id convenit etiam *singulis* vel *speciei*, v. c. *Thema*: historia literaria studioso literarum est utilis. *Argumentum*: per eam enim cognoscit viros eruditos, eorum libros, vitam cet. atque ita videt, quantum sibi discendum restet, incitaturque ad illos imitandos. *Connexio*: Atqui omnia, quae nos ad discendum vel cognitionem augendam incitant, sunt utilia et commendanda. Omnis igitur tractatio argumenti est syllogismus logicus inversus. Syllogismi logici conclusio est thema orationis, propositio minor est argumentum Thematis, propositio maior est connexio argumenti cum themate. En exemplum

a) rationis logicae:

*Omnia, quae studiosum literarum ad eas acrius discendas impellunt, sunt ei utilia et commendanda,
Atqui historia literaria incitat ad literas acrius disc.
Ergo est ei valde utilis et commendanda.*

b) ra-

b) rationis oratoriae:

Historia literaria est studioso utilis et commendanda.

Nam incitat eum ad acrius discendum.

Sed quis dubitet ea esse utilia et commendanda studioso literarum, quae illum ad acrius discendum impellant?

Hic est locus communis, connexioni argumenti cum themate serviens.

Differunt ergo Oratores et Logici ita: 1) Logici e duabus enuntiationibus, quas ut certas sumunt, et *praemissas* vocant, eliciunt novam enuntiationem, quae inde necessario fluit: Oratores hanc statim ab initio ponunt, et illas duas enuntiationes demum quaerunt: 2) Logici non singulas enuntiationes confirmant, illustrant cet. At oratorum est, eas explicare, confirmare, illustrare. Ceterum ita in omnibus argumentis agendum est. Conf. hic supra dicta in capp. de *perspicuitate* et *gravitate*.

C) *Thematis illustratio* per exempla et similia, ubi v. c. a minori ad maius concluditur cet. Sic et argumenta illustrantur.

III) *Epilogus* s. *conclusio*, s. *peroratio* proprie nihil aliud est, quam finis orationis. Ac profecto, themate satis explicato, finis orationis esse possit: et in libris dogmaticis, thesi explicata, desinere plerumque solemus. At

a) Romani graecique oratores, quorum orationes in movendis animis auditorum, v. c. iudicum et plebis versabantur, solebant, re explicata, confirmata et illustrata, tandem ad iudices vel populum propius se convertere, atque 1) rem cum argumentis repetere, 2) deinde omni artificio id agere, ut animos auditorum commoverent, ira, misericordia cet. implerent, atque ita ad agendum vel omittendum aliquid impellerent. Hinc finis orationis iis erat nova quasi tractatio; hincque epilogus factus est pars quaedam orationis.

b) Nostra eloquentia e romana ducta est: hinc item solemus post explicatum et confirmatum thema 1) argumenta repetere, 2) praecepta, admonitiones addere, et thema, ubi decet, ad auditores transferre, horum animos ad agendum vel omittendum incitare, hancque in rem commovere, et ira, misericordia cet. implere. Non male. At 1) multi omnia tribuunt huic perorationi; thema ipsum et argumenta non recte tractant: in quo peccant. Nihil tam homines commovet, quam argumenta. Quorum iusta tractatio nisi praecesserit, frustra est homines incitare cet. 2) nec *commovere animos* ubique decet, v. c. in re dogmatica, it. coram eruditis. Hi nonnisi argumentorum pondere moventur.

Not. interdum epilogus ad solum dicentem pertinere potest et consistere in gratiarum actione, in commendatione sui cet. v. c. si quis ex loco abiens auditores valere iubet cet.

SECT. IV.

De narrationibus.

Narratio est explicatio rei actae, estque duplex:

A) quatenus est *membrum Orationis* proprie dictae, et vel explicationi thematis servit, vel ad illustrationem argumenti pertinet et *exemplum* vocatur. Vtraque narratio a) debet esse non nimis longa, b) est vel *simplex* h. e. ubi res tantum narratur, ut gesta est, vel *ornata* h. e. cum singulae eius partes eodem modo, quo argumenta, tractantur, argumentis confirmantur, illustrantur: id quod in oratione, cuius Thema est historicum, locum habet.

B) quatenus est *peculiare scriptionis genus*, cum v. c. vitam principis, res populi cet. exponimus. Hic notanda haec duo:

I) *Vir.*

I) *Virtutes narrationis.* Omnis narratio debet esse vera, perspicua, suavis.

1) *vera* est, si is, qui narrat, rem recte narrare et potest et vult. Vtrumque coniungi debet: interdum aliquis vult recte narrare, at non potest: interdum potest aliquis recte narrare, at non vult. Recte narrare *potest* is, qui rei ipse interfuit ac simul de ea iudicare recte potest. Quia tamen nos omnes omnibus rebus interesse non possumus, etiam eum dicimus recte narrare posse, qui eam ab aliis, recta rei scientia et voluntate fideliter narrandi praeditis, didicit. Recte narrare *vult* is, qui est veritatis amantissimus. Talis non curat homines, praemia, damna, opiniones, laudes, vituperationes, sectas philosophorum, et nec patriae, nec religionis, nec amicitiae, nec inimicitiae habet rationem, et narrat ita, tanquam solus sit in hac terra sibi que soli narret. Veritatem solam spectans omnia ornamenta, v. c. figuras cet. quibus oratio suavior, gravior, probabilior fiat, omittit. An eiusmodi homines multi sint, quaeritur. Nec mirum, historicos raros esse.

2) *perspicua* est, si nihil omittitur, quod ad rem plane intelligendam pertineat, si ordo rerum ac temporum servatur, si nihil alieno loco immiscetur, si nimia brevitatis vitatur, si verba usitata remque optime exprimentia usurpantur. Add. et P. II. c. I. de *perspicuit. dicendi.*

3) *suavis* est, a) si perspicua est. Omnis perspicuitas placet. b) si iusta brevitatis servatur, c) varietate rerum: it. si inexpectata multa continet, si exitus mirabilis est: it. descriptionibus hominum et rerum venustis; it. genere scribendi vegeto cet. Cf. supra Cap. de *suavit. dic.*

II) *Divisio.* Narratio est vel *simplex* vel *pragmatica*. *Simplex* est, cum tantum res cum suis partibus ex ordine narratur, non additis iudiciis de eius ratione cet. Talis est narratio Caesaris, Nepotis. *Pragmatica*, cum praeterea res e primis initiis ducitur, et ad-

ditur, cur ita facta sit, nec aliter fieri potuerit cet. it. iudicia de natura rei et causis, de moribus populi et viri magni, per quem res magna facta est, adduntur et loci communes tractantur cet. Tali narratione fit lector prudens et discit de rebus iudicare. Tales sunt magnam partem narrationes Livii et Taciti.

SECT. V.

De conscribendis epistolis.

Epistolarum scribendarum praecepta adcurata omnium minime tradi possunt. Nam materia, quae in iis tractatur, est tam diversa et personae, a quibus et ad quas scribitur, sunt tam diversae v. c. gustu, honoris gradu et relatione inter se, ut ista omnia praeceptis comprehendi nequeant. Aliter scribimus ad amicos, aliter ad inimicos, aliter ad superiores, aliter ad inferiores, aliter ad superbos, modestos, notos, ignotos cet.

Epistola est scriptum, quo absenti idem dicimus, quod ei, si adesset, dicturi essemus. Ac si semper ad amicos scriberemus, nulla difficultas foret: quia hic eodem modo cum absentibus, quam cum praesentibus, loqui possemus. At epistolarum, ad amicos scribendarum, praecepta non dari opus, quia hic animus loquitur, sed earum, quae ad alios, praecipue ad principes et amplissimis muneribus fungentes mittuntur. Paucula monebimus:

I) In omnibus, quae scribimus, v. c. confirmamus, laudamus, vituperamus, videndum, ut ea lector intelligat, et credat; hinc multa e *cap. de perspic.* huc pertinent. V. c. non dixerim: *gratulator tibi, quod munus amplum nactus es*; et hic silere; sed potius sic:
Gra.

Gratulor tibi munus, quod tu in primis bene ornare potes cet. vel alio modo.

II) Humanitas ubique observanda; v. c. humanius est: *Quod tibi rex munus tam amplum credidit, non tam tibi, quam toti civitati gratulor, quae quantum utilitatis e tua doctrina cet. captura sit, iam animo praevideo cet. quam: gratulor tibi de munere.* Sic si quid petimus, addenda est conditio, v. c. *si digni sumus, si fieri possit cet.:* si recusamus aliquid, addere debemus, *nos invitos facere, et cur recusare cogamur.* In primis de nobis *modeste* loqui debemus: it. *nos adcommo- dare* ad eorum, ad quos scribimus, gustum et intelligentiam cet. cf. supra *Cap. de suavit.*

III) *Observantia* erga superiores nunquam negligenda est. Quare v. c. ne dicamus: *Iterum scribo ad Te, Comes Illustrissime cet. sed: ad Te scribere ausus sum, pietatis meae esse duxi cet. vel alio modo.* Hinc consuetudini cedendum, a qua saepe pendet observantia: hinc honorum nomina s. titulos, ut vocantur, non negligere vel latinius exprimere debemus. Nam in colendis hominibus non quaeritur, quam latine, sed quam observanter loquamur. Nec causam video, cur abstracta illa, v. c. *Serenitas, Excellentia Tua cet.* usurpari non possint. Non enim vivimus amplius in romana republica, ubi dicebant: *Tu, Caesar cet.* Hinc nec cum Cicerone scribendum, v. c. *Io. Fridericus N. N. S. P. D. Comiti Illustrissimo cet.* sic et observantius est dicere *Tibi me, quam me Tibi cet.*

IV) In epistola delectus et ordo verborum debet esse curatior, quam in sermone. Nam sermo mox evanescit: at epistola servatur saepe, vel aliquoties perlegitur, vel aliis ostenditur. Et omnino in epistola plus diligentiae exspectatur quam in sermone cum

praesentibus. Sed ornamenta oratoria, figurae cet. absint: nam epistola est similior sermoni vulgari quam orationi.

V) *Finis epistolae* non debet esse: *Cura, ut valeas*: non quod hoc per se vitiosum sit, sed quia haec formula nimis vulgaris est et sapit nimiam imitationem Ciceronis. Nec subscriptionem nominis cum epistola cohaerere volunt bene latine scribentes; v. c. reiciunt hoc: — *mihi tribuas, qui perpetuo manebo, Comes Illustrissime, Tuo nomini Illustr. addictissimus*, sed ita malunt poni: — *mihi tribuas.*

Comes Illustrissime, vel Vir illustris
Nomini Tuo Illustrissimo vel Illustri
addictissimus
N. N.

In his rebus multum valet mos receptus, quem sequi debemus. Nec video tamen, cur subscriptio nominis cum epistola non cohaerere bene possit, praesertim cum sic, more epistolarum francogallicarum, non parum observantiae declarari possit.

VI) In adiectivis muneris amplitudinem et generis splendorem indicantibus, quae vulgo *den Titul, die Titulatur* vocant, sequenda est magis consuetudo, quam elegantia styli Tulliani. Offendimus hominum animos, si titulum honoris, cum quo coniunctus est honoris gradus, locus et ordo, illis non tribuimus. Adponam hic eiusmodi Adiectiva s. honoris titulos, prout vulgo usurpantur:

1) ad *Regem* ab initio epistolae:

Rex Serenissime ac Potentissime,
Domine longe Indulgentissime,

Hi duo versus in fine repetuntur, et additur:

*Nomini Tuo Augustissimo
devotissimus
N. N.*

Sic et ad *Imperatorem romanum*, nisi quod post *Potentissime* adhuc *Inviictissime* addi solet.

- 2) ad *Principes Electores, Duces, Landgravios, Marchiones, Principes*:

*Princeps Elector (Dux, Marchio, Princeps) Serenissime,
Domine Indulgentissime,*

Hi duo versus in fine repetuntur et additur:

*Nomini Tuo Serenissimo
devotus
N. N.*

NB. Nonnulli ad Principem Electorem scribentes addunt *Potentissime* post *Serenissime*.

- 3) Ad *Comitem Imperii* vel etiam alios *Comites*:

*Comes Illustrissime,
Domine (Maecenas) Gratosissime, it. vidi Clementissime,*

Hi versus repetuntur in fine et additur:

*Nomini Tuo Illustrissimo
devotus vel addictissimus
N. N.*

- 4) ad *Nobiles: Perillustres* cet. Si summis muneribus funguntur, quales sunt ii, qui *Status Ministri* adpellantur, dicitur etiam: *Illustrissime*. Et in fine:

*Nomini Illustrissimo vel Perillustri
devotus vel addictissimus
N. N.*

- 5) ad eos, qui *non sunt nobiles*, varie scribi solet. Qui munere funguntur, quo nobiles fungi solent, vel qui inter eos, qui non nobiles sunt, amplissimum munus administrant, quales sunt *Consilarii*, ad eos scribitur: *Illustres* (Wohlgeborner). Deinde sequuntur vulgo

Praenobilissime et *Nobilissime*, quae creduntur respondere vernaculis *Horchedelgeborner* et *Hochedler*, it. *Hochwohledler* vel *Wohledler*. Hic quisque videre debet, quid cuique conveniat. Regnat enim in hoc genere magna confusio. Alterum versum quisque pro relatione, quae inter ipsum et eum, ad quem scribit, est, adponere debet; v. c. *Patrone* vel *Fautor magni aestimande*, cet. In fine pro relatione varie subscribitur, v. c. *Nomini Tuo Illustri additissimus* vel *addictus*; it. si ad inferiorem scribitur, *Tui studiosissimus* cet. — Habemus et *Excellentissime*, *Celeberrime*, quae nonnulli v. c. Professoribus tribuunt; it. *Praecellentissime*, it. *Amplissime* et *Consultissime*, quorum posterius folis Iureconsultis, prius et his et aliis tribuitur. Cuinam enim proprie conveniat *to Amplissime*, nemo certo scit. It. *Experientissime*, quod medicis tribuitur.

- 6) ad *Sacerdotes*, quo pertinent *Equites Maltenses* similesque, sic scribitur: a) ad *Papam Romanum*: *Sanctissime Pater* cet. b) ad *Cardinales*: *Eminentissime* cet. c) ad *Archiepiscopos* et *Episcopos*: *Reverendissime* cet. d) ad *Consiliarios ecclesiasticos* et *consistoriales*, *Superintendentes generales* et alios quoque *Superintendentes*, it. *Professores Theologiae academicos*: *Vir summe venerabilis et doctissime*, e) ad *Inspectores* s. *Superintendentes* in minoribus oppidis (titulus enim saepe variat pro oppidi vel parvitate vel magnitudine), *Archidiaconos* in maioribus oppidis et *Pastores*: *Vir maxime venerabilis et doctissime*, f) ad *Archidiaconos* minorum oppidorum, *Diaconos*, *Pastores rure degentes*, eisque similes: *Vir plurimum reverende et doctissime* cet.

Haec posui, ut more recepta vidi. Quae si cui non placeant, is non me, sed morem reprehendere debet.

VII) Cicero incipit epistolas interdum: *Si vales bene est, ego quoque valeo*. Qua formula qui uti vult, ei non invidendum est. Alii statim a re ipsa initium fieri

feri volunt: nec hoc iniquum est, praesertim inter amicos. Interdum per ambages ad rem perveniri solet, v. c. si quid petitur, quod difficile videtur impetratu, vel si res tractatur cautionem postulans.

VIII) *Titulus externus*, ut vocatur, s. *inscriptio*, *die Aufschrift*, non debet fieri latine, sed, more iubente, francice; v. c. à *Son Excellence* cet. aut à *Monseigneur* cet. Nam quid ei, qui epistolam reddit, opus est scire, eam latinam esse? Imo non satis recte tradet, si inscriptionem non intelligit.

IX) Cetera in epistolis latinis aequè observantur atque in vernaculis, v. c. melius est literis circumdare *involutrum*, vulgo *Couvert*. Postulat hoc humanitas et necessitas. Tectior sic est epistola; et sine illo facile in aperiendo scindi potest.

SECT. VI.

De libellis ad doctrinam pertinentibus.

Pertinent huc v. c. Dissertationes, Programmata cet. Sed de his multa dici nequeunt, quia, qui tales libros scribunt, docti sunt, nec praeceptis egent. Ad dam pauculas cautiones:

- 1) Hic non ea exornatione argumentorum opus est, quae in orationibus adhibetur. Lectores enim sunt eruditi, qui per se argumentorum pondera aestimare possunt.
- 2) Abstinendum est ab adfectibus commovendis. Ergo figurae gravitati servientes pleraequè vel vitandae vel raro adhibendae. Lector eruditus vult argumentis vinci, non verborum lenociniis abripi. Si tamen res gravis immiscetur, gravitas dicendi adsumenda est. Tum commotio animi non abesse plane potest.

3) Ver-

- 3) Verborum simplicitas in primis commendanda est. Quo enim maior est verborum ornatus, eo suspectior est res, quam tractas.

Haec de elaborationibus. Sunt et alia scriptionum genera, v. c. *dialogi* et *inscriptiones*, quales in marmoribus priscis exstant. At raro hodie occurrunt. Ac si quis sermonis peritus est, hominum animos novit, non ingenio caret, ac perspicue, graviter, suaviterque scribere didicit, is in dialogis scribendis non infelicem operam praestabit, dummodo materiam, cui par sit, tractet. In *inscriptionibus* spectatur brevitās et acumen. Materia praebetur ab ipsa re, quae inscriptione ornanda est, v. c. ab aedificio publico, vel ab homine, cuius memoria inscriptione conservari debet.

APPENDIX III.

DE VARIIS DICENDI GENERVM DIVISIONIBVS APVD PRISCOS MEMORATIS.

Memorabimus eas, more ducti, licet earum non magnam utilitatem esse credamus.

SECT. I.

P r i m a d i v i s i o .

Prima divisio est in genus dicendi (vel potius causarum, sic Cicero, h. e. materiae) demonstrativum, deliberativum et iudiciale. Primum dicunt versari in laudando vel vituperando: Alterum in suadendo vel dissuadendo: Tertium in adcusando vel defendendo. Vid. Cic. Invent. I, 5. qui tamen non loquitur de tribus generibus dicendi, sed de materia tripertita, in qua orator romanus versari solebat et debebat. Et ipsa nomina deliberativi et iudicialis docent, nonnisi de romano oratore, vel pro rostris vel coram iudicibus dicente, sermonem esse. Recte ergo ista divisio cadit in illa tempora, non in nostra. Sunt qui eam hodie non omni utilitate carere putent. Recte. At non quaeritur, an quodam modo prodest, sed an ea carere plane possimus. Quo iure possumus nomine generis demonstrativi, deliberativi et iudicialis insignire, quando nostri oratores rem laudant, vituperant, suadent, dissuadent, defendunt? Non igitur memoria adolescentium talium vocabulorum numero obruenda est.

S E C T. II.

A l t e r a d i v i s i o.

Altera divisio est in *tenuē, mediocrē* (vel potius *temperatū*) et *sublimē*. Difficile est singulorum, praesertim priorum, characterem definire, quia a) prisca non satis definiunt, b) Cicero obscure loquitur in Orat., ubi c. 23. tractat *submissū* et *humilem oratorem*, cui *tenuē* dicendi genus convenit: cap. 28. loquitur de *amplo, copioso, gravi, ornato*, cui *sublime* genus convenire videtur, et c. 26, 27. inter utrumque interijcit medium quoddam, quod sit *uberius humili* et *submissius amplissimo*, quod *temperatū* vocare possis; c) quia vocabula male lecta sunt; *tenuē et mediocrē*, de quo Cicero cum laude loquitur, alibi in contemptum dicitur: deinde non dicendi genus est *tenuē, mediocrē, sublime*, sed materia est *tenuis, mediocris, sublimis*, ut rectius dicatur oratio *de rebus tenuibus, mediocribus, sublimibus*.

1) *Tenuē*, quod Cicero et vocat *subtile, submissum, enucleatum, humile*, forsan melius dicatur *simplex* h. e. *ornatu carens*; pertinetque ad *res tenues* h. e. *ornatus non capaces*. Vsurpari debet in rebus, ubi non nisi veritatem adparere volumus, neque animos aliorum commovere cupimus, v. c. 1) in *narrando simpliciter*: v. c. si sermo est de re, quam vulgo vocant *indifferentem*, 2) in *genere dogmatico*, v. c. in explicatione loci biblici, praeceptorum logicorum cet. 3) in *dialogis*, omninoque ubi sermonem vulgarem imitamur, v. c. in *Comoediis* cet. 4) quando loquimur de *rebus parvis*. Hac simplici oratione usi sunt Caesar, Nepos, Cicero in libris rhetoricis et philosophicis; it. Livius saepe. Hac simplici tractatione nihil est suavius:
hinc

hinc patet, quam indigne vocetur *tenuis*: hocque nomen ortum esse ab iis, qui copiae dicendi adsueti essent.

II) *Mediocre*, quod sic dicitur vel de *rebus mediocribus*, quas tractat, (eae quae sint, definire non ausim) vel de tractatione ipsa, ut non sit tam expers ornatus, quam *tenuis*, nec tamen tam ornatum, quam *sublime*. Cicero mire explicat Or. 26. ubi ait: *esse ornatius humili et minus ornatum quam illud amplissimum h. e. sublime*. Videtur forsan Cicero per *mediocre* intelligere *gravitatem dicendi*. Quia vero res alia alia gravior est, hinc forsan orationem res minus graves tractantem vocavit *mediocrem*. Cicero magis perspicue vocasset *genus dicendi paulo ornatius*.

III) *Sublime dicendi genus* s. *oratio sublimis* dicitur tropice pro *oratione de rebus sublimibus*. Res enim est sublimis, non *oratio* h. e. *verba*. Iam si quaerimus, *quid sit oratio sublimis*, et *quomodo efficiatur*, debemus ante quaerere, *quid sit res sublimis*.

- 1) *Quid est res sublimis?* *Sublime* est proprie id, quod versatur in aëre atque ita supra homines. Hinc *sublimis* abiit de Romulo Liv. I, 16. Res ergo *sublimis* est talis, *quae in homines ob difficultatem non cadit*: atque ita 1) proprie de *divinis factis* dicitur: 2) de hominibus (si hic dicere licet) est *res*, quae ob difficultatem perrara est atque ita se e numero rerum humanarum eximit. Inter has res, quae semper *bonae* esse debent, refertur in primis contemptus earum rerum, quas homines nimio opere curant et instar deorum venerantur ac timeant, v. c. *divitiarum, honoris, offensionum gravium et mortis*. Quas res si quis contemnere potest, magna pars hominum stupet, admiratur, et sublimem rem ab eo gestam esse credit. — Sed hic magna est cautio, ne omnem hunc contemptum statim pro re sublimi habeamus. Debet is esse verus, voluntarius et cum difficultatibus coniunctus. Nam si quis
- 1) di-

1) divitias et honores contemnit, quia has res nunquam se consecuturum videt, vel quia eas haud novit nec usurpare scit, vel si quis senex aut morbo confectus mortem contemnit, vel si quis offensiones, quia ulcisci se non potest, contemnit, talis contemptus non est res sublimis, quia non est difficilis, nec verus, nec voluntarius: sic 2) si quis divitias, quia iam ditissimus est, vel honorem, quia eo iam abunde ornatus est, vel vitam, quia diutissime vixit aut vitam molestatam degit, vel offensiones, quia iam saepe ultus est, aut timido lentoque est ingenio, contemnit, hoc itidem non difficile atque ita non sublime est. At si quis pauperrimus divitias sibi honeste oblatas spernit et paupertatem illis sua sponte et cum iudicio praefert (v. c. Curius); si quis gravissime laesus, cum potestatem sui ulciscendi habeat, tamen se ulcisci non vult, imo inimicos beneficiis ornat (v. c. Camillus, Fabius Cunctator cet.); si quis juvenis, sanitate corporis fruens, in honore et divitiis vivens, mortem sua sponte ob bonum publicum subit (v. c. Decius uterque), hae sunt profecto res sublimes.

2) *Quando igitur oratio est sublimis?* quando per eam manifesto adparet, rem esse vere maximam, extraordinariam ac sublimem.

3) *Quomodo id efficitur?* Potest hoc saepe per simplicem orationem fieri: v. c. *Et deus dixit: fiat lux, et facta est lux.* At quia a) qui de magnis et sublimibus rebus loquitur, semper est mota mente, b) quia auditor lectorve, in primis imperitus, qui de veste ad hominem concludere solet, non semper veram magnitudinem rei paucis, iisque simplicibus, verbis expressam, sentit; hinc scriptores ad hanc magnitudinem declarandam solent 1) magnitudinis signa s. argumenta copiose exponere, illustrare cet. 2) figuras gravitati rerum servientes adhibere, 3) periodica verborum conclusionem, numerosaque structura, verbis productioribus et sonantioribus uti cet. De his supra P. II. c. 2. de *gravitate* dictum est. Et forsan *grave* nihil est nisi *sublime*. Et Cicero Or. 28. tertium genus vocat *grave*. Ceterum

- 1) nemo potest oratione sublimi uti, nisi rem sublimem tractat. Qui de rebus non sublimibus sublimiter loquitur, is *frigide* et *tumide* loquitur: *frigide*, quia auditores frigent; *tumide*, quia nihil verbis inest.
- 2) nemo potest rem sublimem recte tractare, atque ita vere sublimiter loqui, qui eam non plane cogitat et sentit. Is eam tantum vere cogitat ac sentit, qui eandem vel similem rem efficere potest. Rem bello praeclare gestam nemo recte cogitare et describere potest, nisi talem vel similem gessit aut gerere potest. Magni heros, philosophum, poetam cet. nemo recte cogitare potest, nisi magnus heros, philosophus cet. Hinc patet, quam paucis facultas sublimiter loquendi contingere possit. Cum vero plerumque descriptio rerum sublimium ad eos venire soleat, qui eas similesve patrare non possunt, nos autem res sublimes legere valde cupiamus; humanitatis est, aliquid hic remittere et istam facultatem quoque iis quodam modo concedere, qui, etiamsi non sublimes res gerere possunt, tamen 1) generosum animum, qui illarum magnitudinem quodam modo capere queat, ingenii, educationis, exemplorum et experientiae ope consecuti sunt, 2) virtutum vere amantissimi et vitiis inimicissimi sunt, 3) sublimibus rebus indagandis sedulo operam dede-
runt. — Sed longe alia res est, quando fictae res sublimes traduntur. Hic sibi scriptor talem sublimitatem finxit, qualem mens eius capere poterat; hinc facile est ei illam tractare, quia non res est in rerum natura, sed in scriptoris animo: hinc lector de eius ratione iudicare non potest.
- 3) Raro ergo in rebus humanis res sublimis, quae tractari possit, occurrit; nisi velis fictionibus uti. Sed in deo est vera ac perpetua sublimitas; eius res gestae sunt omnes sublimes.
- 4) Non facile tota oratio potest esse sublimis: quia a) non omnis materia magnae rei illustrandae serviens est sublimis, b) oratio ubique sublimis auditores defatigaret vel tandem vim amitteret. Hinc variatione utendum et interdum sine ornatu dicendum: sic praecipit Cicero Or. 28. *Qui enim nihil potest tranquille, nihil leni-*

ter — dicere, — furere apud sanos — videtur. In omni oratione occurrunt fere *tenuia, modica et magna.* Vere igitur eloquens est, qui, ut Cic. ibid. ait, *humilia subtiliter, magna graviter et mediocria temperate* potest dicere.

- 5) Traſtans res ſublimes non per ſe pluris faciendus eſt traſtante tenues. Imo ambo ſcriptores ſunt boni, ſi materiam ſuam bene traſtant: ambo mentis nervos debent intendere. Nec minoris artis eſt ornatu abſtinere, quam uti in tempore. Imo maioris artis et difficultatis eſt ornatu abſtinere, quam eum adhibere, atque ita fere facilius eſt de ſublimibus quam de tenuibus rebus dicere. Nam 1) homines natura ad ornatus ſtudium propenſi ſunt, cum contra ſimplicitatem contemnant, et de rebus et hominibus magnis, quam de parvis loqui malint. Sed ad quod quis natura ducitur, id ei eſt facilius. 2) res magnae et ſublimes praebent ſua ſponte largam materiam de ſe dicendi, cum in tenuibus ſaepe materia diu meditando conquiſcenda ſit; quod Ciceroni adcidit in Oratione pro Archia. 3) magnae res per ſe movent animum dicentis et ſcribentis. Mens vero mota per ſe loquitur. At in tenuibus rebus traſtandis mens dicentis vel ſcribentis ſit languida, niſi ſe ipſa interdum excitet. 4) peccantes interdum in traſtanda re ſublimi facilius ſolent hodie veniam conſequi, quam qui in tenui labuntur; quia vulgo creditur equo generoſo lapſus facilius eſſe ignoſcendus quam ignobiliore: quaſi facilius ſit tenuiter quam ſublimiter ſcribere ac dicere.

Ceterum iſta diviſio in *tenuē, mediocre et ſublime genus dicendi* non placet. Melius *genus dicendi* dividatur in *ſimplex* h. e. ornatu carens, et *ornatum*; ubi deinde dici poſſit, aliud alio eſſe ornatius, prout res ſit gravior alia; vel ſaltem, ſi vocabula recepta tueri placet, in *tenuē* et *grave*, ubi addi poſſit, aliud alio debere eſſe gravius pro rei vel minori vel maiori gravitate. Nec vocabulo *ſublimis* opus foret. Si tamen retinere placet, poſſit dici ſublimitas eſſe ſummus
gra-

gradus gravitatis. * Forſitan et melius fuerit, in libris rhetoricis, omiſſis generibus dicendi, nonniſi de rebus tractandis agere et docere, quae ſint tenues, quae magnae vel maximae. Cicero ipſe in *Orat.* in explicandis iſtis tribus generibus ita ſe torſit, ut facile appareat, hanc diviſionem ipſi non placuiſſe, nec tamen eum illam, utpote vulgo receptam, abiicere auſum eſſe. — Memorantur et alia genera dicendi, v. c. *ſloridum*, *moratum* cet. Sed quis tam innumerabilibus diſtinctionibus tirones torqueat?

SECT. III.

Tertia diviſio.

Tertia diviſio eſt in genus dicendi *Aſiaticum*, *Rhodium*, *Atticum*, quibus nonnulli addunt *Laonicum*, quod alii, omnem eloquentiam Tulliana metientes, omittunt et negant. Tota res nititur fere auctoritate Ciceronis, quam Quintilianus aliiſque ſecuti ſunt.

I) *Aſiaticum* dicunt fuiſſe omnium copioſiſſimum, h. e. omnibus ornamentis abundaſſe. Quale ſi fuit, vitioſum fuit. Eſt enim modus ſervandus. Cicero creditur Aſiatico more locutus eſſe pro Roſc. Am. de parricidio: ſed forſan culpa eſt in eius adoleſcentia.

Rem ſic cogitare debemus. Si verum eſt, quod Cicero Brut. 13. narrat, Aſiaticos eloquentiam ex Athenis hauſiſſe, non mirum eſt, eos, quo remotiores erant a matre ſua, Athenis, ubi doctrina vigeſcit et ubi accurate loquebantur, quo minus doctrinae operam dabant, et quo minus occaſio dabatur eloquentiae oſtentandae, eiſque praemiis fruendi (ut Athenis), eo magis praecepta Athenis hauſta ſenſim obliſos eſſe et eloquentiam in verbosam loquentiam mutaſſe. Elo-

quentia enim pendet a doctrina, praemiis et honoribus, et exercitatione. Nec tamen credibile, omnes Asiaticos sibi aequales hic fuisse, ut nec omnes Attici sibi similes erant. Pendet enim haec res ab ingenio, educatione cet.

II) *Rhodium* dicunt medium tenuisse inter Asiaticum et Atticum h. e. ornamentis neque nimis multis neque nimis paucis usum esse. Quod si est, fuit optimum. Res forsan sic cogitanda. Eloquentia Rhodia, quae forsan Asiaticae simillima fuit, correctæ est per *Atticam*. Aeschines enim Athenis pulsus Rhodi docuit eloquentiam. Deinde Rhodus erat respublica libera; in qua eloquentia praemiis adfici et propterea studiose coli solet. Et credibile, post mortem Demosthenis eloquentiam magis Rhodi floruisse quam Athenis. Et Cicero usus est Rhodi Molone magistro.

III) *Atticum* nonnulli aetate Ciceronis in sicce dicendo versari et omnibus ornamentis carere, atque ita ab illo *tenui genere*, quod supra memoravimus, non discrepare putarunt, et principes eius fecerunt Thucydidem et Lysiam. At Cicero hoc negat: et recte, si quidem Isocrates, Demosthenes cet., Attici oratores fuere: quod nemo negaverit. Videtur ergo a Rhodio non multum discrepasse et in eo conslitisse, ut de humilibus rebus humiliter s. tenuiter, de mediocribus temperate, de gravibus graviter diceretur, sed omnis redundantia vitaretur. Vid. Cic. Or. 9. Brut. 84. et Opt. gen. or. 4. cf. Quintil. XII, 10. qui ait, *Attice dicere esse optime dicere*. Sed not.

- 1) haec divisio est *parvae utilitatis*. Pertinet nonnisi ad historiam eloquentiae graecae, vel potius ad historiam opinionum romanarum de eloquentia graeca.

2) divisio

2) divisio ista totaque res *non est subtilis*. Quis enim eloquentiam vel dicendi genus ab urbe, praesertim magna, atque adeo tota terra nominet? An credibile est, Athenis, Rhodi, vel in Asia eandem eloquentiam ubique et semper viguisse? Eloquentia saepe multas ob causas variam formam et habitum induit; nec in *eadem loco, in iisdem hominibus* facile est eadem. Forma eloquentiae pendet 1) a *forma reipublicae*, in qua quisque vivit; 2) a *gustu plurium*, praesertim *magnorum virorum*. Qui si copiam dicendi vel amant vel oderunt, oratores eandem vel amant vel fugiunt; 3) a *gustu magistrum*; 4) a *magistri cuiusdam celebritate et auctoritate*. Quae si perit, forma eloquentiae ab eo hausta perit; 5) a *doctrina*; 6) ab *aetate*: aliter dicit adolescens ac senex; 7) ab *ingenio*; 8) a *materia*. Non omnis materia ornatum admittit. Qui saepe magnas res tractat, is copiosius et ornatus scribit et dicit, quam, qui nonnisi tenues tractavit. Hinc Demosthenes didicit ornate dicere, quia graves tractavit: Lyfias contra tenuiter, quia res tenues. Et Cicero, si non nisi causas Quintianae similes habuisset, non tam copiosam eloquentiam consecutus esset vel ostendere potuisset. Non igitur eodem loco ac tempore eadem eloquentiae forma reperiri potest, multo minus temporibus et locis diversis. Alia Romae eloquentia erat Crassi, alia Antonii, alia Hortensii, Ciceronis cet. et Athenis alia Demosthenis, alia Aeschini, Lyfiae cet. Non igitur eloquentiae forma s. dicendi genus ab urbe vel terra aliqua nominari debebat: ut olim genus dicendi sacrum male dividebant in *methodum Ienensem* et *Lipsiensem*. Melius prisci genus dicendi ab hominibus nominassent, v. c. *Demostheum, Aeschineum, Lyfianum* cet.

IV) *Laconicum genus dicendi* an unquam fuerit, quaeritur. Qui adfirmant, ponunt in brevitate, eaque maxima. Ac profecto Lacedaemonii dicendi copiam fugiebant; sic v. c. rescripsisse dicuntur Philippo: Διο-
ύσιος ἐν Κορίνθῳ, quibus verbis intelligi volebant, Philippo fortem Dionysii vel similem contingere posse.

Idem dicuntur ei, ad negandum id, quod voluerat, scripsisse o pro ov. Qui contra negant Lacedaemoniis fuisse genus dicendi, dicunt, eos caruisse eloquentia: sic Cicero, v. c. Brut. 13. ubi ait: *Lacedaemonium vero usque ad hoc tempus audiui fuisse neminem (oratorem)*. Possit hic opponi, utut Cicero nihil audiverit, tamen potuisse Lacedaemone Oratores esse; res eorum, quippe mercaturae expertium, erant ignotiores. — Sed tota ista lis, tota quaestio nititur in notione *eloquentiae*. Hanc si cum Cicerone ponimus in *copia dicendi*, Lacones caruerunt eloquentia. Sin eloquentiam dicimus esse facultatem de rebus perspicue, graviter et suaviter dicendi, vel etiam persuadendi, quocunque modo id fiat, non video, cur Lacedaemonii, qui haud dubie *persuadere*, atque ita *perspicue, graviter et suaviter* dicere potuere, eloquentiae laude careant. a) Lycurgus iis suas leges persuasit, b) Philippus intellexit eorum mentem in verbis: Διονύσιος ἐν Κορίνθῳ cet. c) conveniebant et deliberabant inter se de republica: hic opus erat persuasione, perspicuitate, gravitate et suavitate, ut consilia sua ceteris probarent: uno verbo *eloquentia*. Nam si quis paucis verbis idem, quod alius multis, efficit, an ille minus eloquens est quam hic? Eloquentiae magnitudo non ex ornamentis, sed ex eius effectis iudicari debet. Omnis eloquentia, etiam romana (vid. v. c. oratio Menenii Agrippae ap. Livium) primis temporibus brevis ac Laconica fuit. Brevitas haec oritur e paupertate, matre parsimoniae. Vbi luxuries est in vita, ibi luxuries quoque est in verbis. Natio paucis rebus ad vitam sustentandam contenta, paucis item verbis est contenta: est legibus obedientior, modestior et facilius atque adeo *uno verbo* flecti potest. Sic Roma, quamdiu pauper et parsimoniae amans erat, tamdiu brevitatem dicendi amavit. At luxuria, filia divitiarum, parit luxuriam verborum:

borum: a magnificentia supellectilis transimus ad magnificentiam verborum. Homines luxuriae dediti minus legibus obediunt, fiunt duriores erga praecepta, consilia cet. Ergo maiori verborum copia, pompa et fulmine opus. — Laconibus ergo tribuenda est eloquentia, at non copiosa: tribuendum est genus dicendi, at non copiosum, quale Demosthenis et Ciceronis fuit. Hoc ipsi spreverunt, nec eo eguerunt, quia cives, artibus graecis nondum corrupti, nondum ad voluptatum sensum translati erant, sed, vitae severae adfueti, paucis verbis flectebantur et ad utilia amplectenda, ad noxia fugienda impellebantur. — Haec sufficere possunt ad eloquentiam, modo hoc vocabulum recte intelligatur, et ad genus dicendi Lacedaemoniis vindicandum. Notum est proverbium: *Quod fieri potest per pauca, non debet fieri per plura.*

F I N I S.











[illegible]

Demco 293-5

TUFTS UNIVERSITY LIBRARIES



3 9090 000 751 152

PA
2311
.S3
1795

